


মেয়েলি

আড্ডার হালচাল

বাণী বসু



শুভারম্ভ



উপন্যাস কী এই নিয়ে আমাদের মধ্যে আলোচনা হচ্ছিল। এমন নয় যে আমরা সব লেখক বা অধ্যাপক বা সমালোচক, বা সাহিত্যের হালচাল এবং ভবিষ্যৎ সম্পর্কে দৃষ্টিভঙ্গিগত উদ্বিগ্ন সং-পাঠক। আসলে আমরা কয়েকজন বিভিন্ন বয়সের বন্ধু যারা মহা আড্ডাবাজ। এখন আড্ডার অধিকার সাধারণত পুরুষদেরই একচেটিয়া বলে মনে করা হয়। শুধু একচেটিয়া নয়, শুধু অধিকার নয় মনে করা হয় এবং ঠিকই মনে করা হয় এই আড্ডার একটা আলাদা তাৎপর্য একটা আলাদা স্বাদ আছে। ডমরুধর মহাশয়ের সেই সব আড্ডার কথা মনে করুন যাতে গুল, ধান্না, কেচ্ছা, ভূত-প্রেত, গোসেবকাওলি, রূপকথা সবই চলত, অথবা পরশুরামের সেই আড্ডা যেখানে চট্টোজ্জেশ্বরী জাকিয়ে বসতেন আর রায়বাহাদুর বংশলোচনের তামাক ধবংস করতেন, এদেরও লক্ষ্য ছিল ব্যক্তিগত অভিজ্ঞতার সুরসাল বিনিময়, সঙ্গে সঙ্গে 'ভুটে' নামে পাঁচা কসের মাংসের জোগানদার হয়ে উঠেছে, সুযোগ পেলে ভুটেকে টিপে-টুপে নইলে স্নেহ শ্যেন দৃষ্টি ফেলে জরিপ করে নেওয়া। এ ছাড়াও ক্রিয়েটিভ আড্ডা আছে, লেখক সাহিত্যিকদের আড্ডা, বড় বড় ইনটেলেকচুয়ালদের আড্ডা, তাদের জাতই আলাদা। এই সব আড্ডা বলাবাহুল্য নারীবিবর্জিত, 'পথে নারী বিবর্জিত' না বলে 'আড্ডায় নারী বিবর্জিত' বলে কোনও মহাজনবাধ্য থাকলে তার উদাহরণ হয়ে থাকত আড্ডার এই নারীহীনতা। মেয়েরা থাকলে আড্ডার প্রধান যে মজা—কাঁচা রগরগে ভাষা, তার চেয়েও রগরগে তামাশা এ-সব সঁতিয়ে যায়, মেয়েরা জোরজোর করে উপস্থিত থাকলেও গোলমালে পড়ে যাবেন, না পারবেন হাসতে, না পারবেন কাশতে। এ ছাড়াও অবশ্য এক ধরনের আড্ডা আছে মিস্সড্ ডাবল্‌স্-এর মতো। জোড়ায় জোড়ায় দম্পতি একটি দুটি ব্যাচেলরও থাকতে পারেন—এঁরা দিন ঠিক করে গল্প-সল্প করেন। এর মধ্যে একটা অন্তঃস্রোতা আদিরস থাকে, কথাবার্তাও একটু ফণ্টিনটির ধার ঘেঁষে যায়। এই মিস্সড্ ডাবল্‌স্-এর আড্ডা এখনও সাবালকতা অর্জন করেনি। যাই বলুন আর তাই বলুন। অল্পবয়সী ছাত্র-ছাত্রী ক্যাডারদের যারা কফি হাউজে জাকিয়ে বসে এবং যাদের রেঞ্জ অলোকরঞ্জন গদ্য থেকে ইয়ানি ইন তাজমহল, জাক দেঁরিদা থেকে চার্লস শোভরাজ, ফুলন দেবী থেকে জ্যাকলিন কেনেডি ওনাসিস পর্যন্ত, তাদের মধ্যেও কিন্তু একটা এগজিভিশনিজ্‌ম্-এর প্রেতচ্ছায়া থাকে, যত প্রাণ থাকে তত রস থাকে না। যত উচ্ছ্বাস তত শাস

থাকে না। জেনুইন আড্ডা জীবনের পরিপূরক। জেনুইন আড্ডা থেকে বেশ স্বচ্ছ হয়ে বাড়ি ফেরা যায়। কাথারসিসের মতো একটা বর্জন-প্রক্রিয়া থাকে এতে। আত্মমোচন বা আত্মমোক্ষণ। অসমোসিসের মতো একটা গ্রহণ প্রক্রিয়াও থাকে যাতে করে শেষ পর্যন্ত প্রাতিষিকতা বজায় রেখেও বেশ যুথবদ্ধ হওয়া যায়।

আমার বলার কথা, মেয়েদের মধ্যেও ঠিক এই জাতের আড্ডা আছে। চিরকালই ছিল। গাধা বা বিত্তি খেলা উপলক্ষ্য করে, বাড়ির ছেলে বা মেয়ের নিয়ে, শাদি উপলক্ষ্য করে এই ধরনের পুংবর্জিত মেয়েলি আড্ডা জমে উঠত, যেগুলোকে মেয়েদের ব্যাপার বা বড়জোর মহিলামহল—কুরুশ-কাঠি-গয়না-বড়ি-রামাবামা-সাজগোজ আর গা-টেপাটেপি কেচ্ছার আসর বলে উন্নাসিক আড্ডাবাজার (পুং) জাতে চলে রেখেছেন। এর কিছু আসলের-চেয়েও-আসল-শুনতে উদাহরণ বক্ষিমচন্দ্র তাঁর ‘বিশ্ববৃক্ষ’ ও ‘ইন্দিরায়’ বিশেষ করে দিয়েছেন। তার থেকেই আপনারা জানেন মেয়েদের আড্ডাও কী পরিমাণে ‘কাঁচা’ অর্থাৎ হাস্য-উদ্ভট-আদি (অঙ্গীল) রসের আধার হতে পারে। তবু, এই মেয়েলি আড্ডার কথা আপনারা মোটেই জানেন না। অবহেলার আড়ালে আবছায়ে’ এ আড্ডার বিবর্তনের এবং বর্তমান চেহারার কথাও আপনাদের জানা নয়। এ আড্ডা পুরুষবর্জিত এবং কোনও কারণে কোনও পুরুষের প্রবেশ ঘটলে স্বতঃস্ফূর্তভাবে আড্ডাংশীদের কথাবার্তা দেহভঙ্গি ইত্যাদির একটা আমূল পরিবর্তন ঘটে যায়, ফলে আপনারা সেই ভিন্নতাই থেকে যান যে ভিন্নতাই অদ্যাবধি ছিলেন।

আমাদের আড্ডা ভিন্নতর বা পরম্পর বা লেখক-সাহিত্যিক-সম্পাদক বা কমলকুমার-সত্যজিৎ-বংশী চন্দ্রগুপ্ত আড্ডার প্রতিস্পর্ধী এমন দাবি আমরা কেউই করি না। আমাদের আড্ডা ঠিক আমাদের আড্ডারই মতো। নিজেদের সীমাবদ্ধতা নিয়ে আমরা মাথা ঘামাই না। আমরা রসে বেশে আছি। উপরন্তু আমাদের আড্ডা ফোনেও চলে।

মালবিকাদি আমাদের, কখনও রসা কখনও খাজা কাঠাল, চিবিয়ে চিবিয়ে রস বার করতে হয় কখনও, আবার কখনও সুড়ং করে এমন গলা গলে যায় যে কখন টের পর্যন্ত পাওয়া যায় না। সুমিতা আছে ধনি লকা। কাজলরেখা মিত্তিরকে বলা হয় সাড়ে বত্রিশ ভাজা। আমাকে ওরা ওদের মুড অনুযায়ী কখনও বলে কুনো নারকেল কখনও বলে ‘চাই কি ডার’। মটর কাথটা একই বহিরে ঢাকাঢাকি, ফটালেই টাইটস্বর। আর শিল্পী যে আমাদের মধ্যে সবচেয়ে বয়সে ছোট এবং চেহারায় লম্বা তাকে আমরা সাধারণত বলে থাকি ‘যার-পর-নাই’— কেন সেটা ক্রমশ প্রকাশ্য। আরও একজন আজকাল থাকছে তার নাম শেফালি। সে আমার কন্যাই হ্যান্ড।

উপন্যাস কী এই নিয়ে আমাদের মধ্যে আলোচনা হচ্ছিল। একমাত্র আমিই এখানে একটু-আটটু লিখি এবং সেই সুবাদে কিছু প্রতিষ্ঠিত লেখিকা যেমন কণা

বসুমিশ্র, কৃষ্ণা বসু (কবি), মল্লিকা সেনগুপ্ত, অনীতা অমিহত্রী—এঁদের সঙ্গে আলাপ-সালাপ আছে। সুমিতা একটি কলেজের সাইকলজির অধ্যাপিকা। তার অবস্থা প্রচুর চেনাশোনা— গীতা ঘটক, সুমন চট্টোপাধ্যায় প্রমুখ গায়ক, মঞ্জুশ্রী চাকী সরকার, মমতাক্ষরক প্রমুখ নৃত্যশিল্পী, পার্থ-সৌরী ঘোষ, জগন্নাথ-উর্মিমালা বসু প্রমুখ শ্রুতিশিল্পী, শানু লাহিড়ি, দীপালি ভট্টাচার্য প্রমুখ চিত্রশিল্পী—এঁদের সঙ্গে নাকি ওর ওঠা বসা। এঁদেরও দিদি দাদা বলে। মালবিকার একটি নারীসমিতি আছে, সেই সুবাদে যখন তখন সে প্রদর্শনী করে, উচ্চমূলে মেয়েদের নানা বকম হাতের কাজ বিক্রি করে সে নিজের এবং তার সমিতির নারীদের জন্য প্রচুর পয়সা কামায়। বহুগুর কলকাতার কোনও কোণে এমন কোনও পয়সা-আলা নারী নেই যে মালবিকাদির ফাঁদে না পড়েছে। আড্ডার বাইরে মালবিকাদি একরকমের পৌরাণিক সাপ, তার শর্মিলি হাসি, প্রচুর বয়-ছাঁট নুন-মরিচ চুল, চোখা নাক এবং চোখাতর কলাকৌশল ঠিক মনমুগ্ধ হবিরের মতোই তার খরিদারদের কাছে টেনে আনে, তারপর মালবিকাদি তাকে টপ করে গিলে ফেলে। যে পথ দিয়ে পাঠান এসেছিল সে পথ দিয়ে ফিরল নাকো তারা। অর্থাৎ যে কাঁস্টমার গীয়ে মলমলের ছাপা নিয়ে গেছে সে শীতল আবার সিক্তের ছাপের জন্য ফিরে আসবে। বন্ধুর মেয়ের বিয়েতে পরবার জন্যে মধ্যব্যস্কার দুধ গরদের ওপর সোনালি খাড়ি ও বাদলার কাজ, গরমের দিনে অম্প্রাশনে পরবার জন্য সাউথ কটনের ওপর তাঁত প্রিন্ট, জম্বাদিনের পাটিতে যাবার জন্যে গর্জাস কালো শিফনের সালোয়ার-কুর্তা-এ সবের জন্যে এরা মালবিকা সান্যাল ছাড়া কোথাও যাবেন না। বাকি দুজন অর্থাৎ কাজলরেখা মিত্তির এবং শিল্পী বরাত বিসম্ভ গৃহস্থ। তবে অদূর ভবিষ্যতে গৃহস্থদ্বয়ের আল্যাউয়েন্স পাশ হবার অনেক আগেই এদের স্বামীরা এদের নানা বকম আল্যাউয়েন্স দিয়ে রেখেছে বা দিতে বাধ্য হয়েছে যদিও বাধ্য হওয়ার ব্যাপারটা তারা আদৌ বুঝতে পেরেছে কি না সন্দেহ।

অর্থাৎ উপন্যাস, শিল্পের সঙ্গে আমরা কেউই প্রত্যক্ষভাবে জড়িত নই। তবু যেহেতু উপন্যাস পড়ে থাকি, সেহেতু অধিকারের তোয়াক্কা না করেই এ বিষয়ে মতামত আদান-প্রদান করতে আমরা ছাড়ি না।

দিনটা ছিল শুককুবরার। বৈশাখের রাতিয়ে সুমিতা আমায় ফোন করে, ফোন ধরে হ্যালো বলতেই খরখর করে উঠল— ‘কী রে ? বাটা মাছের ঝাল দিয়ে ভাত খাচ্ছিলি ?’

‘খাচ্ছিলুম ঠিকই। কিন্তু বাটা মাছের ঝাল এবং ভাত এই কংক্রেশনে কী করে এলি ?’

‘ভাত খাওয়ার সময়ে একটা ভাদভেদে গলা বেরোয়, তোর সেটা বেরোচ্ছে। দাঁতের ফাঁকে একটা কুচো কীটা আটকেছে, যা একমাত্র বাটাতেই সম্ভব, ভাতে তুই ফোকলার মতো ফকফক করছিস। অ্যাজ সিনপল অ্যাজ দ্যাট মাই ডিয়ার ওয়াটসন।’

আমি বলি— ‘কংগ্রেস হোম্‌স্‌ ফর রং ইনফারেন্স। আজকে আমার উপোস।’

‘এই যে বললি খাচ্ছিলি? ধাপায় শীগগিরই পা রাখবি মনে হচ্ছে।’

‘আজ বেরস্পতিবার সে খেয়াল আছে? চেতলস্বীর পূজা সেরে এই মিনিট দশ উঠছি। পোসাদ খাচ্ছি।’

‘তুই আজকাল লক্ষ্মীপূজা করবার ধৈর্যহীন? মুই ভাবিছ মোর রঞ্জু দিদির সরস্বতীক পূজা করা নাগে।’

‘আরে বাবা, লক্ষ্মী সরস্বতীর পুরনো বগড়াটা অনেকটা মিটে এসেছে।’

‘তা সত্ত্বেও উপোসটা বিশ্বাস করলুম না। পোসাদ না আরও কিছু।

লক্ষ্মীপূজায় বেশ ভালই সটানোর ব্যবস্থা আছে। লুচি-ফুটি।’

আমি বলি— ‘ফুটি একদম বলবি না। আমার শাশুড়ির নাম। তিনি স্বর্গে

গিয়ে থাকতে পারেন কিন্তু তাঁর নামের কোনও অপমান আমি হতে দেব

না। তবে তুই ধৈর্যহীন ঠিকই। নৃচির ব্যবস্থা আছে। সটানোও হয়ে গেছে।

ওটাই তো পোসাদ। তবে দ্যাক এই চোত মাসের জ্বলি-জ্বলি গরমে ভাত বন্ধ

মানেই উপশাব। জানিস তো উপশাব-এর আসল মানে সংঘম। ভেতোর

কাছে ভাত না খাওয়াটাই একটা ভাত সংঘম।’

‘এটাও বাজে কথা বলি, মানে ধাপে পা। লক্ষ্মী পূজা নিজে করতে না

পারি কিন্তু পূজার সকালে যে নৈবিদ্যের চাল ভাতে-ভাত করে গাওয়া বি দিয়ে

খাওয়া হয় এ কথা আমার জানা আছে।’

‘সে তো সকালে। রান্ধিরে দাখ নুচি। নুচি হল গিয়ে জলখাবার।’

‘শোন ভাতাহারী, বাজে কথা রাখ, কাল আমার নতুন অফ ডে, তোর

বাড়িতে মেলাদ হবে, নামাজ করতে যাব।’

‘খুব বাংলাদেশি উপন্যাস পড়ছিস মনে হচ্ছে?’

‘পড়ছি-ই তো। ওদের সব হাতে-গরম পাতে-গরম। এক বার ব্যানটা উঠে

গেলেই আর তরা হালে পানি পাইছিস না।

চাকরি-চাটগি-সিলেট-আরবি-ফরসি মিলিয়ে ভাষাভা একেয়ে ভোল পাশ্টাইয়া

ফালাইসে।’

আমার শ্রান্তে অতঃপর নীরবতা। ওদিক থেকে আবার শ্রব্ণ এল— ‘কী

রে? কিছু-কিঞ্চিৎ বুঝল? গিটর্যালি হতবাক কইয়া থুঁসি তয়।’

এতক্ষণে ক্ষীণ কণ্ঠে বলি— ‘বাবাক।’

‘গুড, চটপট লেসন নিয়ে নিতে পারিস। এই গুণেই ভবসাগর তরে

যাবি।’

‘খাস বাত কুছ হায়?’ —আমি জিজ্ঞাসা করি।

‘শিল্পী কিরছে ব্যাকো থেকে। গুকে নিয়েই যাচ্ছি। তোর জন্য পেপার

ওয়েট এনেছে। ট্রান্সপেরেন্ট। ভেতরে চাকা চাকা হাসি-হাসি খোকা খুকু মুখ

ভেসে বেড়াচ্ছে। যেই লিখতে না পেরে মন-খারাপ হবে অমনি পেপার

১০

ওয়েটটা দেখবি আর মন ভাল হয়ে যাবে।’

‘আর তোর জন্যে?’

‘বলব কেন?’

‘নিশ্চয়ই আরও ভালও। আরও দামি কিছু...’

‘হিস্কপটেনা করিস না।’ —বলে সুমিতা ওর জন্যে শিল্পী কী এনেছে না বলেই কটাং করে ফোন রেখে দিল।

আমিও কাজলকে ফোন করে দিই। সুমিতাকে সামলানো আমার একার কন্ঠা নয়। গোদের গুপের বিবরণেভার মতো আবার আছে ব্যাকক-ফেরত শিল্পী।

শিল্পী আমি কাজল সুমিতা। এ কী? চারজন হয়ে গেল যে? এ তো দেখছি শিল্পীতে-আমাতে কাজল-সুমিতাতে লেভিজ ডাবলস হয়ে যাবে। সার্ভিসের সময়ে কনার টু কনার হবে ঠিকই। কিন্তু পরবর্তী খেলাটাতে শিল্পী-আমি কাজল-সুমিতা এমন আলাপা হয়ে যাব যেন দুটো সিংগলস হচ্ছে। এক দিকে মেরি পের্যস-এর সঙ্গে ইয়ানা নোভোনা, আর এক দিকে সাভাভিনির সঙ্গে সানচেজ ডিকারিও। নাকটা ঠিকঠাক গলাবার জন্যে একজন পঞ্চমী চাই। মালবিকাদিকে ফোন করলুম— নামটা করবার একটু পরেই টেলিফোনটা কোঁ কোঁ করতে লাগল। এ আবার কী চং? সম্ভ্রতি মালবিকা সান্যালের ফোনে মুরগি ছানা চুকেছে। এই মুরগিকে পবিত্র কুরবানি করবার জন্যে আমার হাত নিশপিশ করতে লাগল। কিন্তু সাড়ে নটা বাজে, এখন তো আর কমপেন্সে সেল চালু নেই!

কাজলকেই আবার ফোন করলুম, মালবিকাদির মহিলা-সমিতি কাজলদের বাড়ির খুব কাছে, ওখান থেকেই ধরে আনবে এখন। মহিলা-সমিতিতে সারা বক্স মহিলা কুটোটি নাড়ে না। খালি অভরি ধরাবার সময়ে আর বিক্রির সময়ে দেখা যায় ওর খেল। আভ্যর গন্ধ পেলেই ঠিক চলে আসবে। ‘আবার কী?’ কাজল খেঁকিয়ে উঠল, ‘এই তো এক ঘণ্টা ধরে ফোন করলি শিল্পী তোর জন্যে কম দামের, সুমিতার জন্যে বেশি দামের গিফ্ট এনেছে বলে নাকি কান্না কাঁদলি—।’ এ সব একদম বুট। এক ঘণ্টা কেন আমি দশ মিনিট ধরেও ফোন করিনি। কবব কেন? বিল তো আমারই উঠবে? আর শিল্পীর গিফ্ট আসছে বলে আনন্দ করেছি, নাকি-কান্না মোটেই কাঁদিনি। আমি যা করেছি তাকে বলে স্টেটমেন্ট অফ ফ্যাক্ট। বলেছি ‘শিল্পী আমার জন্যে পেপার-ওয়েট এনেছে। সুমিতার জন্যে কী এনেছে কিছুতেই বলল না।’

সূত্রাং ফোনযন্ত্রের মধ্যে আমিও ডবল খেঁকিয়ে উঠি— ‘কেন তোর অনুবিধে কী? ছেলে-মেয়ের পড়া অনেক দিন ধরেই ধরতে পারিস না। অধ্যাপক মশাই আপনভোলা মানুষ— সাপ খেতে দিলি কি ব্যাঙ খেতে দিলি বুঝতেও পারবেন না। তা ছাড়া ফোনটা করেছি আমি; তোর তো আর...’

‘হ্যাঁ, আপনভোলা মানুষ। ঘর করতে হলে বুঝতে পারতে তার হাঁপা কত।’

রাগিণীকে জুতার জোড়া মিলিয়ে রাখতে হয় তা জানো ? নইলে এক পায়ে মোকাসিন এক পায়ে পাম্প পরে হাঁটা দেবে। পাঞ্জাবি-খুতির সঙ্গে গেঞ্জি সাটিয়ে রাখতে হয়, নইলে গেঞ্জি ছাড়াই চলে যাবে আর পাতলা আঙ্গির পাঞ্জাবির মধ্যে দিয়ে—মাগো। হি হি !

কাজল এমন করে উঠল যেন ওর বর বর নয়। বরনারী।

‘হ্যাঁ, হ্যাঁ, অনেক কাজ তোর, জানি। গেঞ্জি রাখবি, পাঞ্জাবি রাখবি, খুতি রাখবি না হলে তোর আপনভোলা হয়তো খুতি পরতেও...’

‘ঠিক আছে, ঠিক আছে আমার বর ভুলো, বোম্ভোলা, পাগল, তার পেছনে কুকুর চোচালে তোরা খুশি হোস, আমি...’

‘আমি তোমার সঙ্গে গল্পে ফাঁদে বসিনি বাবা। আমার অনেক কাজ। মালবিকাদিকে কাল মহিলাসমিতি থেকে তুলে নিয়ে এসো। ফোনে পাচ্ছি না। এটিই বলার ছিল।’ ‘কেন ? আবার মালবিকা সান্যাল কেন ? শুধু কাজলিকাতে হবে না ? মালবিকাদি শেষে আবার ওর সমিতির জন্যে চাঁদ তুলবে। আমার ভাই টিনের বাস্কে রেস্ট কম। সব লক্ষ্মীর হাড়িতে ফেলে দিয়েছি।’

‘সেই জনোই চারদিকে এত রেজগির হাছাকার, বুঝেছি। তবে মালবিকাদির চাঁদা তোলা ছাড়াও আরও গুণ আছে।’

‘কী গুণ ? বেগুন ? না গুনিবের তুকতাক।’

‘ওই হল, স্টকে প্রচুর গল্পো।’

‘তোমার কি রাজকন্যা কম পড়িয়াছে ?’

‘আমার তো সব সময়ই কম পড়ে যাচ্ছে। যত ভিমান্ন তত স্নান্নই নেই।’

‘তো দেখি।’

কাজলা আমাকে আশ্বস্ত করে বোধ হয় বরের তত্ত্ব গোছাতে গেল।

ফোন থেকে মুখ তুলে দেখি জানলার ফ্রেমে লাল আকাশ। রাতের রং আর ঝড়ের রং মিলে উটককে লাল। রাগী বাইসনের ফুটি চোখের মতো। এই রে, কোথাও থেকে এটা টুকমূল নাকি ? বাইসন তো কখনও জ্যাঙ দেখিনি। রাগী তো দূরের কথা। রাগী বাইসন স্বচক্ষে দেখলে বোধ হয় সে-কথা কাউকে জানাবার আর উপায়ও থাকে না। এক যদি কেউ দয়া করে প্লানচেটে ডাকে। তারপরে মনে পড়ল—না, টুকিনি, আমি আসলে ‘বুল ফাইটের বুলদের কথা ভাবছি। বুল ফাইট টি.ভি স্ক্রিনে দেখছি। বুল এবং তার মাটাডর।

সারা কলকাতা এখন সওনা বাথ নিচ্ছে। কী শুকনো গরম। মনে হচ্ছে একটা দেশলাই কাঠির ওয়স্তা। কেউ বিড়ি ধরিয়ে জ্বলন্ত কাঠিটা ছুড়ে ফেলেবে আর আমরা সব বাড়ি-ঘর মাঠ-ময়দান রাস্তা-ঘাট সব সুন্দ্র নিয়ে দগ্ন করে জ্বলে উঠব। দা গ্রেট ক্যালকটী ফায়ার।

অদূরে একটা ধুলোর ঘূর্ণি উঠল, কলেজ স্ট্রিটের ট্রামের তারগুলো ঝাপসা লাগছে। মরঝাড়। মরঝাড়। মুখ গোঁজা উচিত। কিন্তু তা হলে দেখব কী করে ? হু হু করে কনকনে ঠাণ্ডার একটা পুঁটলি মরঝাড়ের বৃহত্তর ঘুরচাকির মধ্যে থেকে বেরিয়ে এল। আ-হ। তারপরেই গাঁও-ও, ছটপট দুমদাম ঝড়ের শব্দকল্লভ শব্দ হয়ে গেল।

আমি জানলা বন্ধ করি না। প্রচুর ধূলা চুকতে দিই কার্বন, লেড মেশানো ধূলা। তা হোক। ঝড়কে না হলে বুকে নেব কেমন করে ? এই ভাবেই তো ঝড়কে আলিসন করতে হয়। ঝড়ের কড়া দাড়িয়াল মুখের চুমু খাই গালে, কপালে, চামড়া-ছেঁড়া দুসহ আদর। তারপরই বুনোদের বিবাক্ত তীরের ফলার মতো ফটাফট বৃষ্টি। পূর্ব-দক্ষিণের জানলার মধ্যে দিয়ে ইট-কাঠ-লোহার বাধা হাজার হাতে সরিয়ে ঝড় আমাকে নেয়। আমি ঝড়কে নিই।

প্রথম অধিবেশন

যাক, এত ঝড়, এত বৃষ্টি ! কালকের দিনটা ঠাণ্ডা হবে। কালকের দিনটা খুব গুরুত্বপূর্ণ। আড্ডার সুযোগ তো চট করে আসে না আজকাল।

তা সেই আড্ডাতেই আমাদের উপন্যাসের কথা উঠেছিল। অপরাধের মধ্যে বলেছিলুম—‘তোরা কেউ একটা ভাল প্লট দে না রে, একটা উপন্যাসের চেষ্টা দেখি।’

‘তুই লিখবি উপন্যাস ?’ সুমিতা হেসে উঠল। ‘তুই তো অস্তির, চঞ্চল, খ্যাপা।’

‘কেন ? ছোটগল্প লিখতে পারছি, রম্যরচনা লিখতে পারছি, উপন্যাস পারব না কেন ?’

মালবিকাদি বলল, ‘দ্যাখ, রম্যরচনা তাকেই বলে যার কোনও গম্য নেই। সেটা তোকে স্টক করে। আর ছোটগল্প ? বাগদা চিৎড়িও চিৎড়ি, গলদা চিৎড়িও চিৎড়ি আবার ঘেসো ঘেনো চিৎড়িও চিৎড়ি। সমুদ্রে যে ভিমি-খাদ্য ক্রিল ভাসে তাকেও চিৎড়িই বলছে।’

‘মানে ?’

‘বিলম্ব করের বিশ পাতার ত্রিশ পাতার গল্পও ছোটগল্প আবার বনফুলের দেড় পাতার গল্পও ছোটগল্প।’ তুই এর মধ্যে যেখানে ইচ্ছে নিজেকে ফিট করে নিতে পারিস। মর ভাত বসিয়েছিস। ওখলাল, উঠে ঢাকাটা নামিয়ে দিলি। এ বার ঝট করে তোর গল্পো শেষ করতে হবে বুঝে গেলি। ফ্যান গালবার সময়ে তোর গল্পো শেষ। সেনটেল শেষ না হলেও কিছু এসে যাবে না।

এই সব অবোধ যাকে বলে নাদান বালিকাদের আর ছোটগল্পের আর্ট কী বোঝার !

শিল্পী আমাদের কোমরের বয়সী পাকা মেয়েটা কটকট করে

বলল—‘এক্সপিরিয়েন্স চাই রজনাদি, এক্সপিরিয়েন্স। পৃথিবীটা দেখতে হবে, পাঁচটা দেশের মানুষের সঙ্গে মিশতে হবে, সবটাই আবার সোজাসুজি। ভায়া মিডিয়া নয়। ছোটগল্প তুমি আশপাশ থেকে পিক আপ করতে পারো, আর রম্যরচনা তো খানিকটা এলোমেলো এলেবেলে লিখে গেলেই হল। যেমন আমরা পরীক্ষার সময়ে ‘এসে’ লিখতাম। কিন্তু উপন্যাসে ফাঁকি চলে না—একখানা ‘ডেভিড কপারফিল্ড’ই বেলো, কি একখানা ‘ওয়ার অ্যান্ড পীস’ই বেলো, কি একখানা ‘তিস্তাপারের বৃণ্ডান্ত’ই বেলো।

গভীর মুখে কাজলের দিকে চেয়ে বললুম—কী রে, কাজল? তুই কিছু জ্ঞান দিবি না? বাদ যাচ্ছিল কেন?

‘থাকলে তো দেব?’—ভূতঙ্গি করে কাজল বলল—‘আমার বর যদি সব জ্ঞানের গোসাই হয়ে বসে থাকে তা হলে আমার ভাঁড়ে মা ভবানী ছাড়া আর কী থাকবে বল?’

এই সময়ে শেফালি লম্বা ডাটির গলাসে বরফ দেওয়া জিরাপানি নিয়ে ঢুকছিল।

এখানে একটা কথা বলা দরকার। ছেলেদের আড্ডায় শুনি খবরের কাগজে মুড়ি-পেঁয়াজ মাখা ঢালা থাকে, কাঁচালংকা, বেগুনি এ সবও। আর গোদা গোদা কাপে রাম-কড়া ঘন দুধ দেওয়া চা, কিংবা হাতে হাতে মুঠো মুঠো ছোলাসেদ্ধ উঠে যায়, বোতল বোতল দেশি বিদেশি থাকে। টং হয়ে সব আড্ডা দ্যান। এগুলো মেয়েদের সাহায্য না থাকলে। কারও বাড়ির বৈঠকখানায় বা লিভিংরুমে আড্ডা হলে অবশ্য আলাদা কথা, সেখানে গৃহিণীরা ককটেল থেকে কাঁকরোল ভাড়া পর্যন্ত সবই দরকার মতো জোগান। তাকে স্ব-নির্ভর আড্ডা বলা যায় না। আমাদের আড্ডা কিন্তু স্ব-নির্ভর এবং স্বয়ংসম্পূর্ণ। খাবারদাবার বা পানীয়র কোয়ালিটি খুব ভাল থাকে। যে কোনও সময়ে আমরা চা-বেগুনি খাই না। শরবতের সময়ে শরবত, চায়ের সময়ে চা। বেগুনির সময়ে বেগুনি, বিরিয়ানির সময়ে বিরিয়ানি।

আপনাতা বলবেন আমরাও তো স্ব-নির্ভর নই, শেফালি-নির্ভর। স্বয়ংসম্পূর্ণ নই শেফালি দ্বারা পূর্ণ। কিন্তু আপনাদের জানা দরকার ওই জিরাপানির জিরা মাপ মতো আমিই গ্লাসে গ্লাসে ঢেলে এসেছি, শেফালিকে বসে চেষ্টায় শিখিয়েছি—মিষ্টি না দিয়েও শরবত হয়। তা ছাড়া শেফালিও আমাদের আড্ডার মেস্কার। এক জন বরাবত মেস্কার অবশ্য। কিন্তু মেস্কার ঠিকই। তার কথাতেই এ ব্যাপারটা স্পষ্ট হয়ে যাবে।

গ্লাসসুদ্ধ ট্রেটা আমাদের মাঝখানে নামিয়ে রেখে কোমরে হাত দিয়ে, নাকছাঁবি বিকিয়ে সে বলল—‘জ্ঞান গোসাইয়ের গান তো গত পরশুই টিভিতে হচ্ছিল। “দীনতারিণী দুখহারিণী ভবানী মা,” বাপ নাকি সূরে সে কী চিংকার! ভবানী মা পেঁহিলে যাবে।’

মালবিকাদির

সোশ্যাল

ওয়েলফেয়ার-কাম-সাক্ষরতা-

অভিযান-কাম-অসংস্কৃতি-নিপাত যাক—সস্তা জেগে উঠল। সে বলল—‘তুই জানিস জ্ঞান গোসাই কে? কী? স্বয়ং রাধিকা গোস্বামীর ভাইপো আবার শিষ্য। তার সম্পর্কে তুই...।’

‘মেয়েছেলের শিষ্য হলেই তাকে মাথায় তুলে নাচতে হবে?’—শেফালি উবাচ—‘গোসাইয়ের ব্যাটা গোসাই কিম্বার ব্রজলীলের গান গাইতে পারত। কালী মা কাঁচা থেকে মেয়েমানুষ বাবা...তা ছাড়া যাই-বলো আর তাই বলো ঠাকুরদেবতার গান আমার ভাল লাগেনাক’। বুড়ো হলে শুনব অর্থন। বয়সকালে কি আর ও সব প্যানপ্যান্যানি মনে ধরে? আমার বাবা সাফ কথা।’

‘যা এখন থেকে পালা,’ আমি বিরক্ত হয়ে বলি। মালবিকাদিকে বলি—‘ব্লীজ, ওকে রিকম্ব করবার চেষ্টা কোরো না।’ মালবিকাদি তবু ছাড়ে না—‘কী তা হলে তোর বয়সকালের গান? কী ভাল লাগে? তুমি আমার আর আমি তোমার?’

‘ধক ধক ধক ধক’—শেফালি চোখ বড় বড় করে বলে, তারপর পালিয়ে যায়।

কেন না আমি চাটা তুলেছি।

‘নিজের স্বার্থে একটা গরিবের মেয়ের পরকাল ঝরঝরে করে দিচ্ছিস রঞ্জু!’ মালবিকাদি আমায় দিষ্টার দেয়।

কিন্তু শেফালি কপাটের আড়ালে তার সবুজ ডুরে শাড়ি কোমরে জড়িয়ে অপেক্ষা করছিল। মুখ বাড়িয়ে বলে উঠল—‘বউদির কী দোষ। সে মানুষ আমাকে খাওয়াচ্ছে, মাখাচ্ছে কল কী নতুন নতুন ঘোঁত ঘোঁত শেখাচ্ছে যাতে আমি পরে আরও বেশি মাইনেয় বড়লোকের বাড়ি কাজ পাই। আমার এহকাল পরকাল ঝরঝরে করেছে যে মিনসে সে তো এখন ভাটাচোখো, কুপো-গতর, মিষ্টির মাগিন সঙ্গে দিবা স্বগগো বাস করছে গো। মেয়েছেলেদের জন্যে এত মিটন অ্যাডো মিটন করছ দিদি। এই সাত চাখুনি-মিনসেগুলোর একটা হিল্লো করতে পারো না?’

‘কী রকম হিল্লো তুই চাস?’

‘কী রকম আবার? শূলে দেবে। জ্যাতে শূলদণ্ড। পেছন দিয়ে ঢুকবে, মূত্র ফুঁড়ে উঠবে।’ বলবাত্বাল শেফালি ‘পেছন’ শব্দটা ব্যবহার করেনি। তবে এবার সে সত্যিই পালায়।

কারণ, আমি উঠে দাড়িয়েছি, হাতে উদ্যত চাটা। সুমিতা মিটমিটে হেসে বলল—‘এই আনকট ডায়মন্ডটিকে কোথা থেকে জোগাড় করলি রে?’ ‘ভাটা-চোখো’ “কুপো-গতর” “সাত-চাখুনি” এ তো একেবারে গোলকোথা রে। তোর ডায়ালগ লিখতে কাজে দেবে। ভাল ভাল...এর ওপর আবার টিভিও ওর হাতে ছেড়ে দিয়েছিস। এ রোগ তোমার হাজার অ্যাক্টিভায়োটিকেও বাগ মানবে না মালবিকাদি।’

আমি কাঁচুমাচু মুখে বলি, ‘কী করি বল। ও যদি খুশি হয়ে কাজগুলো না

করে আমার লেখাপড়া হয় না। ভাত বসিয়ে লিখতে শুরু করলে ভাত পুড়ে যায়, দুধ বসালে ভুলে যাই, দুধ উঠলে যায়।’

কাজল কায়দা করে আজকে পেন্নে করে একটা হাতিপাড় শাড়ি পরেছে। বনাত করে চাবির গোছা পিঠে মেলে বলল—‘তুই না লিখলে বোধ হয় বঙ্গ-সাহিত্য কানা হয়ে যাবে।’

‘যা বলেছিস কাজল, যেক্ষে নিজের ছই-ভন্ন স্বার্থের জন্যে তুই একটা আনপড় মেয়েকে করান্ট করছিস রঞ্জন। অথচ আমরা চাইছি একেবারে গ্রাসরুট লেভেল থেকে মেয়েরা মার্জিত হোক, শিক্ষিত হোক।’ মালবিকাদি উল্লেখিত হয়ে বলে, ‘তার চেয়ে এক কাজ কর, দেখা ছেড়ে দে। লিখে তো তোর কাগজের দামও বোধ হয় উশুল হয় না। টু এন্সপেনসিভ এ হবি। তোর লেখা তো বরেরও একটা এন্সট্রা ল্যাবেলিটি। তুই এই শেফালিকে লেখাপড়া শেখা। আমি সমিতি থেকে তোকে বইপত্তর, গাইডলাইন সব দেব এখন। সে বাবদে তোকে খচা করতে হবে না। তা ছাড়াও তোর এক বছরের চাঁদা মাফ। কেন না একটা কাজ ইকোয়ালস হাজার টাকা চাঁদা।’

আমি বেশ কোণঠাসা হয়ে গেছি। সবাই আমার দিকে উৎসুক চোখে তাকিয়ে আছে। আমি এন্সকু গাশে পড়ে না-লেখার সিক্তান্তটা নিয়ে ফেলব, আর ওরা চিয়ার্স দেবে। কিন্তু বেড়ালও কোণঠাসা হয়ে গেল ফোর্স করে, তো আমি তো মানুষ। আমি বলি—ঠিক আছে। মেনে নিচ্ছি আমি লেখা বন্ধ করে দিলে বাংলা সাহিত্যের ক্ষতিবৃদ্ধি নেই। লিখব না। প্রটও চাইব না তোমাদের কাছ থেকে, কিন্তু আমারও কিছু দাবি-দাওয়া আছে।’

‘দাবি-দাওয়া? তুই কি শিল্পীর মেয়ের সঙ্গে তোর ছেলের বিয়ের সম্বন্ধ করছিস?’

‘বা, বা মালবিকাদি, আমি হাততালি দিয়ে উঠি, বিদ্যুৎস্বাক হাততালি। ‘নারীকল্যাণের জগদ্ধাত্রী মা জননী দাবি-দাওয়া শুনেই অমনি পণের রেফারেন্স টেনে আনলে!’

মালবিকাদি একটু অপ্রস্তুত হয়েছে। বলল—‘স্যরি। ও সব কী জানিস? কান আর মুখের বদভাস। যাবে কোথায়। জন্মের আগে থেকে শুনিছি কি না, ওই জঘন্য ফাইভ-লেন্টার ওয়াড়টা। তা বল তোর কী দাবি?’

আমি ভালমানুষের মতো মুখ করে বললুম—‘পানটা ভুঁমি ছেড়ে দাও। জর্দ-পান-পানপরাগ।’

‘বলিস কী রে? কত দিনের অভ্যাস তা জানিস? তা ছাড়া মোমের মতো খাটি। বাড়িতে সাত শরিকের কারও না কারও বাড়িতে একটা বিয়ে, কি হেবাদ কি অন্নপ্রাশন লেগেই আছে—আমার ছেলেপিলে নেই, আমাকেই সবাই খাটায়। তার ওপরে আছে মহিলা সমিতি। মেয়েগুলোর ঘরে লঙ্কাগুও বেঁধেই আছে। তখন সে সব শায়েস্তা করতে সমাধান করতে অসুরের মতো শক্তি লাগে, জানিস?’

১৬

‘পান, পানপরাগ কিন্তু খুব খারাপ। জর্দা তো আরও। তামাক থাকে।’

‘ক্যান্সারের জমি তৈরি করছ।’

‘সে দ্যাখ তাদের বিকাশদা চেন-স্মোক করে, ঘরের মধ্যে সব সময়ে আমার প্যাসিভ স্মোকিং হয়ে যাচ্ছে। আজকাল তো ডাক্তারেরা বলছে প্যাসিভ স্মোকিংয়ে ক্যান্সারের বেশি চাপ।’

আমি বলি, ‘ডাক্তারের কথা ছাড়া। ডাক্তারে কী না বলে, মোক্তারে কী না খায়। কিন্তু তুমি নিজের সামান্য দেশার জন্যে ক্যান্সার আহ্বান করবে।’

‘সে দ্যাখ তাদের বিকাশদার যদি ধর, তা হলে আমি তার চিত্তবৃত্তানুসারিণী স্ত্রী আমার ক্যান্সার না হওয়াটা কি ভাল দেখায়?’

আমি হাঁ হয়ে যাই— ক্যান্সার নিয়ে ঠাট্টা-তামাশা করছে এই মহিলা? বলি— ‘সব কিছু লাইটলি নেবার একটা সীমা আছে মালবিকাদি। ওই ভয়াবহ রোগ নিয়ে তামাশা করছে? এর পরে বোধ হয় এডস নিয়েও তামাশা করবে? কী-ই বা শিখবে তোমার সমিতির মহিলারা তোমার কাছ থেকে? চোখের সামনে দেখবে তাদের পতিভোজ্ঞারিণী দ্বিদিমনি চবৎ চবৎ করে পান চিবোচ্ছেন। তো তারাও চিবাবে। তারা নিশ্চয়ই তোমার চেয়েও বেশি খাটে। তাদের দেশার জরুরত নিশ্চয় তোমার চেয়েও অনেক বেশি! লাইফও তাদের অনেক দুঃসহ। তোমার ঘরে বর শু শু স্মোক করে, শরিকেরা খাটায়...’

‘বগড়াও করে।’ মালবিকাদি তাড়াতাড়ি বলে— ‘কৌদিল যাকে বলে।’

‘আচ্ছা বগড়াও করে, কিন্তু তোমার মহিলাদের তো বরেরা পেটায়, ছেলেরা পেটায়। বিড়ির গন্ধ, বাংলুর গন্ধ তার ওপর জুতো সেলাই থেকে...’

‘বুকেছি বাবা বুকেছি। সামান্য দুটো পান খাই, তার জন্যে এত কথা শোনাজিস।’

‘ছাড়বে না তা হলে?’

‘না।’

কাজলকে বললুম— ‘কি রে কাজল! চৈত সেলে কথানা শাড়ি কিনিলি?’

কাজল সোৎসাহে এগিয়ে বসে— ‘সেল ফেল নয়, প্রভাদির কাছ থেকে ইনস্টলমেন্টে পাই বলেই কেনা। বড্ড জোর করে। ধর দুখানা জে পি কোটা, তাঁত প্রিন্ট তিনটে— সব ফুলিয়ার ওপর। বেনারস নেট কিনেছি একখানা, রং একেবারে লাইট পীচ, আসল বাংলাদেশি ঢাকাই মোটে একখানা। হাক্সা সী-গ্রিন তার ওপরে সাদার কাজ নো জরি। শাড়িটা দেখলে তাদের মাথা ঘুরে যাবে।’

‘মোট সাতখানা হল তা হলে। তা পরবি কোথায়? সিনেমা যেতে?’

‘দূর, সিনেমা আবার ভদ্রলোককে যায়? আমি যা দেখার বাড়ি বসে দেখি। ‘গন উইথ দা উইড’, ‘সান্ডি প্যাসিফিক’ সব পুরনো দিনের ছবি, ইদানীং-এর ‘উনিশে এপ্রিল’, ‘জুরাসিক পার্ক’ সব বাড়িতে দেখছি।’

‘তবে? পরবি কোথায়?’ আমি পুনরাবৃত্তি করি।

বিমর্ষ মুখে কাজল বলল— ‘সত্যি রে বোশেখ জষ্টির বিয়েতে মুখে বড্ড পাউডার ফুটে ওঠে, টিপও খসে যায়, নতুন শাড়ি পরাও এক যন্ত্রণা, আঘাট শ্রাবণে তো দামি শাড়ি পরা হেভি রিসকি। এ বার বছরটা ধু ধু করছে, ভান্স আন্নি কান্টিকি তো একেবারে মরুভূমি। একটা ভাত-বাড়ি কি একটা শ্রাদ্ধ বাড়িও যদি হয়— নেটটা কি ঢাকাইটা ট্রাই করা যেত !’

‘বা বা বা !’ মালবিকাদি চৈচিয়ে ওঠে— ‘রঞ্জু, তোর বন্ধুগুলো তো সব দেখছি তোরই মতো। ভরতের আখীয়া যত সকলি ভরতের মতো। বা বা, শাড়ি ভান্ডবার জন্যে ওনার শ্রাদ্ধ চাই !’

‘আমার শ্রাদ্ধ নয়’, কাজল শুধরে দেয়। ‘অন্য লোকের শ্রাদ্ধ। শ্রাদ্ধ একটা নেসেসারি ইন্ডল মালবিকাদি, বি প্র্যাকটিক্যাল। যতই দুঃখ করো মানুষ মরবেই। মরলে শ্রাদ্ধ হবেই। শ্রাদ্ধ হলে ব্রাহ্মণ শ্রাদ্ধ, নিয়মভঙ্গ হবেই, আর ব্রাহ্মণ ভোজনে তাঁত প্রিস্ট, নিয়মভঙ্গে নেট। ভোজ সাঙ্গের জন্যে কালা পাড়ের লাল পাড়ের কিছু দশ হাজার বুট আমার তোলাই থাকে।’

‘মালবিকাদি কী যেন বলতে যাচ্ছিল, আমি আর কথা বাড়াতে না দিয়ে বলি— ‘কিনিস না।’

‘কিনিস না ?’ কাজল ক্যাক ক্যাক করে ওঠে, ‘আমার নিজের পয়সায় কিনছি তোর ‘ইয়ের কী ?’

‘তোর কী করে নিজের পয়সা থাকে কাজল, গঙ্গাপ্রসাদবাবু কি তোকে বি রেখেছেন ? মাসান্তে মাইনে দ্যান ?’—কাজলকে রাগাবার জন্যেই আমি কথামূলকো শানিয়ে নিই।

‘আজ্ঞে না, তিনি আমায় বি রাছেননি, আমিই তাঁকে বাজার সরকার রেখেছি বলতে পারো’—রাগের মাথায় এ হেন কথা স্বামী গরবে গরবিনী কাজলের মুখ দিয়ে বেরিয়ে আসতেই আমরা সবাই হায় হায় হায় হায় রব দিতে থাকি। কাজল অবশ্য অত্যন্ত সহজ এল. বি. ডব্লু হবার পাত্র নয়। ক্রিকেট খেললে সূর্য পোড়ল থেকে ডিকি বার্ড পর্যন্ত সবাইকে ঘোল খাইয়ে ছেড়ে দিত। সে বলে উঠল— ‘বি-এর পরিত্রেক্ষিতে যে চাকর বালিনি এর জন্যেই তোরা আমার শালীনতা জ্ঞানকে অভিনন্দন জানা। আমি রঞ্জুর মতো ভালগার নই, আসল কথা আমার সংসারে আমিই লক্ষ্মী, আমিই নারায়ণ, আমিই কেশিয়ার— উনি হলেন শিবের ট্রেন্ডারার কুবেল। মানে ক্ষমতায় নয়া স্টেটাসে। সবাই পেয়ে গেল পে-কমিশনের এরিয়ার, জ্যোৎস্নাবাবু পেলেন, পালিতবাবু পেলেন, গঙ্গাবাবু আর পান না। শেষে জেরা করে শুনি সেনেটরি ফাইভ পারসেন্ট পেয়েছে, আমাকে না জানিয়ে গুচ্ছের ডিকশনারি আর কৃষ্ণমূর্তি কিনেছে। বাকি টোয়েন্টি ফাইভের জন্যে মুচলেকা দিইয়ে নিয়েছি।’

‘তোর কত আবার কৃষ্ণভক্ত হল কবে থেকে ?’ শ্রী মালবিকা উবাচ, ‘কটা মূর্তি ? রঞ্জু না পেতল ?’

‘আমার কত চিরকালই কৃষ্ণভক্ত ভাই’, কাজল এক টিপ ভাজা মৌরি মুখে

ফেলল, ‘তবে এ কৃষ্ণ কদমতায় বাঁশি হাতে-দাঁড়ানো সেই বাকা শ্যাম নয়।’ শিল্পী সুযোগ বুঝে ইন নেয়, অহঙ্কারী গলায় বলে— ‘কাজলদি জিড্ড কৃষ্ণমূর্তির কথা বলছে মালবিকাদি, নাম শোনানি ?’

‘জিড্ড কৃষ্ণমূর্তি ? কৃষ্ণমূর্তি...রামমূর্তি...সাইথ ইন্ডিয়ান লাগে যেন ?’

—‘আনি বেসস্টের দত্তক পুত্র গো, কী সুন্দর চেহারা, ছবি দেখোনি ?’

‘সুন্দর চেহারা রাইটার ? বলিস কী ? তবে তা দেখতেই হচ্ছে।’

—‘মালবিকাদি এগিয়ে বসে।’

শিল্পী গর্ব-গর্ব মুখ করে বলে, ‘রাইটার না কি শুধু ? ফিলসফার, লেখায় দাঁত ফোটানো পারবে না। পারেন এক গঙ্গাপ্রসাদ জামাইবাবু আর পাঁচো আমার বর।’

‘তোর বর ? মানে চমন ? ও তো কমার্শিয়াল ট্রাভলার ? ও আবার পড়বেই বা কী আর বুঝবেই বা কখন ?’

বরের প্রতি কটাক্ষটা শিল্পী উপেক্ষা করে।

—‘ম্যারিকায় কৃষ্ণমূর্তি এখন লেটেস্ট ক্রেজ তা জানো ? প্রভুপাদ আস্তে আস্তে পড়ে যাচ্ছেন। জগদ্বিখ্যাত স্যায়সিস্ট ডেভিড বমকে...’

‘বোমাকে দিয়েছিলেন, না কি ?’

‘দ্যাখো মালবিকাদি তেমনার এই ইরবোভারেনশ্যাল সুপারসিলিয়াস অ্যাটিটিউড আমার ভাল লাগে না—’ শিল্পী সোফায় উঠে বসতে বসতে বলল, ‘রঞ্জুরি হলেও সহ্য করতাম কেন না সে পাড় কমিউনিষ্টের বউ।’

‘কিন্তু আমি যে কমিউনিষ্টের চাকরের বউ !’ মালবিকাদির স্বামী বিকাশকান্তি সরকারি অফিসার।’ শিল্পী ও হেসে ফেলল।

‘তা ম্যারিকায় যা যা ক্রেজ হবে সে গণেশ মূর্তিই হোক, আর ফাস্ট ফুডই হোক, আর চাইল্ড-অ্যাবিউজই হোক— সব আমাদের নিতে হবে ? মানে তোকে আর তোর বর বরাতকে নিতে হবে ?’

‘আমি দেখলুম আলোচনা আমার অভীষ্ট লক্ষ্যের পাশ কাটিয়ে বেরিয়ে যাচ্ছে। আড্ডার ওলডেস্ট আর ইয়ংগেস্ট-এর মধ্যে একটা গজ-কচ্ছপ লেগে যেতে দেরি নেই। তাই তাড়াতাড়ি বললুম— ‘কাজলের শাড়ি কেনা নিয়ে কথা হচ্ছিল কিন্তু। তোমরা প্রসঙ্গে ফিরে এসো। আমি বলছিলাম কি কাজলার এত শাড়ি কেনার দরকার কী ? এগজিকিউটিভের বউ হত শিল্পীর মতো তো ঘন ঘন পাটিতে যেতে দরকার হত। চাকরি করতে বেরোত তো মডারেট দামের অনেক শাড়ির দরকার হত, সুমিতার যেমন হয়। কিন্তু তুই ঘরের বউ, মেয়েটাও শাড়ি পরে না, তুই কেন শাড়িতে অত খরচ করবি ?’

‘কাজল বলল— ‘তোর যুক্তি হল আমার বর মাস্টার তাই তাকে কেউ সামাজিক কাজ-কর্মে সঙ্গীকৃত তাকে না। ভাল। তো আমার কি গামছা পরে থাকা উচিত ? ডবল গামছা— পরশুরামের সেই ভুয়ুগু মাঠের শাখটুগির মতো না পেতনির মতো ? ভাল, না মরতেই শাখটুগির বানাজিস মরলে আমার বন্ধু

আমায় কী বানায় তোমরা সাক্ষী রইলে লক্ষ রেখো ।’

আমি দেখি কাজলের যেটা স্বভাব, সুবিধেমতো সেসকিমেটে যা দিয়ে ‘আহা কালো মেয়ে’ করে করে জিতে যাওয়া— সেটাই চেষ্টা করছে ।

তাই তাড়াতাড়ি বলি— ‘ভাই, গামছা-টামছা অত কিছুই বলিনি, বলতে চাইছি অত শাড়ি তোমার না কিনলেও চলে । আমিই তো দু একখানা ভাল শাড়ি কিনে রেখেছি মস্তর । দিদির মেয়ের বিয়েতে যে পাটোলাটা পরলুম বিধুভূষণ বাবুর মেয়ের বিয়েতেও সেই একই পাটোলা, তারপর যখন বিধুভূষণ বাবু তার প্রকাশনা-সংস্থার সুবর্ণজয়ন্তী উৎসব করলেন বই মেলায়, তখনও সেই একই পাটোলা...’

‘শাড়ির ব্যাপারে যদি খোঁটা দিস তা হলে তোকে আর কখনওই শাড়ি ধার দেব না । আর তা ছাড়া শাড়ি ইজ মাই এগুজিসটেল, মাই ফার্স্ট অ্যান্ড লাস্ট ল্যভ । ক্লব্বর কাছে যেমন প্রমত্তরা, লায়লার কাছে মজনু, শেখরের কাছে ববি— এ বচন না’ই, এ মহব্বৎ । মরে যেতে বল না আমাকে তার চেয়ে, মরে যেতে বল ।’

আমি বললাম— ‘ঠিক আছে, জানা রইল শাড়িতে তোতে অচিন্ত্য ভেদাভেদ । একে গেলে যায় আর । মেনে নিচ্ছি । আচ্ছা শিল্পী...’

‘আমায় আবার কী বলবে ? পেপার-ওয়েটটা কি পছন্দ হচ্ছে না ? তা হলে সুমিতাদির মুখোশটা তুমি নাও—’

‘কী ফাস্ট । বাগরে বাপ ! ছড়োছড়ি করে করমণ্ডল চলে গেল ।’

‘পেপার ওয়েটের নিকুচি করছে । মুখোশ গোঁল্লায় যাক । আমি অন্য কথা বলছি ।’

‘কী কথা ? ব্যাঙের মাথা ?’

‘আমি তোর মেয়ের কথা বলছি । মেয়েটা যে তোদের সঙ্গে সঙ্গে এই এক বার হংকং, এক বার সিঙ্গাপুর, এক বার মেক্সিকো করে বেড়াচ্ছে । ওর লেখাপড়া তো মাথায় উঠছে রে ! আমার কাছে রেখে দে না !’

‘ওরে বাবা, আমার একমাত্র সন্তান, একমাত্র মেয়ে, একমাত্র বরের ঠুরসে হয়েছে । ওকে আমি কাছছাড়া করতে পারব না । ওঁই বা ওর মামকে ছাড়বে কেন ? আর তোমার বাড়িতে ? তোমার নিজের সংসারেই তো ভাত ধরে যায় । দুধ উথলে যায় । তুমি চাইছ আমার মেয়েকে রাখতে ?’

সবাই হি-হি করে হাসে ।

মালবিকাদি বলে— ‘আপনি পায় না শংকরকে ডাকে ।’

‘তোমার ছেলের কথাও ভাবো’, শিল্পী আবার পিড় দেয় । ‘যতই শান্তশীল নাম দাও শান্ত তো সে মোটেই নয়, আমার মেয়েটাকে মেরে ধামসে দেবে ।’

‘কোনওটাই হবে না শিল্পী । আমার শেফালি আছে । সব দিক সামলাবে ।’

শেফালি ঠিক এই সময়ে খালা ভরতি বেগুনি ফুলুরি পোঁজি নিয়ে

দুকেছিল । এই ভাড়াগুলো ও খুব ভাল করে । আমার মুখে, ‘সব দিক শেফালি সামলাবে’ শুনে একেবারে গদগদ হয়ে উবু গেড়ে বসল । আবদেদের গলায় বলল— ‘দাও না গো শিল্পীদিদি তুলতুলিকে আমাদের বাড়ি রেখে । একটা মেয়ে না হলে বাড়ি মানায় ? কেমন ঝালর ঝালর ব্লক শুকাবে, ফিঁতে, ক্রিপ-পুঁতুল, আমি ওর স-ব করে দেব । আর শান্তদাদা ? একটু দুট্ট আছে বটে, কিন্তু মেয়েছেলেদের কিছু বলে না ।’

শিল্পী বলল, ‘তা না হয় হল, কিন্তু যদি প্রেম হয়ে যায় ?’

সুমিতা বলল, ‘ঠিক, বাল্যপ্রেমে অভিশাপ আছে । তবে শিল্পী, ওই উপন্যাসেরই নজির ধরলে তোর মেয়ে শান্তটাকে ডোবাবে, নিজে ডুববে না, ডুবে ডুবে জল খাবে ।’

আমি খুব বিরক্ত হই । ‘দিনকাল কি এক জায়গায় থেমে আছে নাকি ! যদি প্রেম হয়েই যায়, হবে না, তবু যদি হয়েই যায় আমার শান্ত কি খারাপ পাত্র ? আমি কি খারাপ শান্তি ? আমার বর কি খারাপ স্বস্তর ?’

‘সে কিছু বলা যায় না আগে থেকে রঞ্জুদি, শান্তিও যতক্ষণ না হচ্ছে, ততক্ষণ বোঝা যাবে না তুমি কী শান্তি হয়ে দেখা দেবে । তখন আমাদের রিলেশন স্ট্রেন্ডেইন হয়ে যাবে, এমন আড্ডা আর জমবে না ।’

সুমিতা একটা পোঁজি মুখে ফেলে বলল, ‘এক যে ছিল সওদাগর ।’

মালবিকাদিও কামড় দিল ফুলুরিতে, —‘তার ছিল এক বউ ।’

‘তাদের কোনও ছেলেমেয়ে ছিল না’, আমি জোগান দিই ।

কাজল বলে— ‘একদিন খুব ঝড়ে সওদাগরের বাগানের একটা গাছ পড়ে গেল । সওদাগরের বউয়ের কান্না তাইতে আর থামে না ।’

শিল্পী বলল, ‘আহা, এ গল্প কে না জানে । যদি তার ছেলে থাকত, সে যদি ঝড়ের সময়ে গাছের তলা দিয়ে যেত, তা হলে গাছ চার্পা পড়ে তার পঞ্চতাপ্তি হত সেই মনে করে...’

মালবিকাদি বলে— ‘নে একখানা ফুলুরি নে । জানিস তা হলে ? তোর কথার ধারা দেখে মনে হচ্ছিল জানিস না । আরও মনে হচ্ছিল ওই সওদাগরের বউ তোর মাসভূতো বোন ।’

শিল্পী বোকার মতো হেসে বলল— ‘কেন ? কেন ?’

আমরা আবার ‘হায় হায়’ করতে থাকি । আর শেফালি হেসে কুটিপাটি হয়ে তাকে জ্ঞান দেয়— ‘বুঝলে না শিল্পীদিদি, যদি তুলতুল আমাদের এখানে থাকে, যদি শান্তদাদার সঙ্গে তার মহব্বৎ হি মহব্বৎ হয়ে যায়, যদি আমাদের বউদি, বউ-কাঁটিক হয় তবে তোমাদের আড্ডা...’

শিল্পী রেগে বলল— ‘যা যা, কোথাকার জ্ঞানী এলেন রে, যাও তো মিস সফ্রেটসি ঘরে যাও । আড্ডাক্যাডো এনেছি এবার ওদের জন্যে । ছুরি টুরি বার করে সাজিয়ে শুছিয়ে নিয়ে এসো...’

‘বাপের জন্মেও আমি সফ্রেটসি ছিলাম না’— শেফালি ক্ষুব্ধ হয়ে বলে ‘বাপের

পদবি ছিল করাতি। নাম উটো-পাটা বললে বেড়াল কুকুরেরও ফাঁচ করে। তবে আমরা তো বেড়াল কুকুরেরও অধম— ফৌস ফৌস করছে, কাঁদবে না কি ?

আমি দুখানা ফুলরি ওর হাতে গুঁজে দিয়ে বলি— 'বড়দের পাকা পাকা কথার মধ্যে থাকিস কেন বাবা। বিকটি হয়ে যাবি যে।'

'দ্যাখো বউদি। পেটে সে সন্তান দ্যায়নি তাই। দিলে পরে পাঁচ পাঁচ ছাগলের মা হয়ে যেত।'—শেফালি তাড়াতাড়ি চলে যায়।

শিল্পী বললে— 'সারি রঞ্জুদি, তোমার একখানা গ্রন্থাঙ্কি করতে হবে মনে হচ্ছে।'

সুমিতা বলল— 'ঠিকই। সন্তানকামনা যদি ওর খুব উদগ্ৰ হয় ওঠে তা হলে ও সন্তানের সম্ভাব্য পিতার খোঁজে ঘূড়ির মতো কেটে যাবে। এটা আটকানোর জন্যেও তুই তুলতুলকে কদিনের জন্যে ধার দে।'

'ছাড়ি বা না, ছাড়ি বা না'— শিল্পী বৃকে কাল্পনিক তুলতুলকে চেপে ধরে গান গায়।

আমি দুম করে বলি— 'তা হলে সুমিতা, তুই তোর ওই লিভ-টুগোদারের পার্টনারটা ছাড়।'

'মানে ? তুলতুলের বদলে শুভম ? তুই শুভমকে শেফালির জন্যে চাইছিস ? আমার নিজস্ব সাত-পাঁকে-বাঁধাকে তুই লিভ-টুগোদারের পার্টনার বলছিস ? শুভম, শুভম, তুমি কোথায় ?'

'আহা হা শুভমকে আমি কারও জন্যেই চাইনি। শেফালির তো প্রসই ওঠে না। স্রেফ ছাড়তে বলেছি। বছরে ছ মাস তো ছেড়েই থাকিস— তুই ডাঙায় চরিস, সে জালে ভাসে— একে লিভ-টুগোদার বলে না তো কী ?'

মালবিকাদি ফুলরিতে এক কামড় মেরে বলল— 'দেশে দেশে মোর বউ আছে আমি সেই বউ মরি খুঁজিয়া।'

'ভাল হচ্ছে না কিন্তু— সুমিতা খুব রেগে যায়। ওর বর মার্চেন্ট নেভিতে কাজ করে বলে বিরহে মিলনে ওরা বেশ মজে থাকে। দুজনেরই খুব ফ্রিডম— ফলে অটুট বাঁধন— সুমিতার ধারণা।'

কাজল বলল— 'পেঁয়াজটা দারুণ করেছে কিন্তু শেফালি। আমার হাতে কিছুতেই এমন হয় না কেন বল তো ?'

মালবিকাদি বলল, 'তুই কি পেঁয়াজি গড়তে গড়তে নাক খুঁটিস।'

'এ মা ছি'ছি, হাতের পেঁয়াজটা কাজলা মালবিকাদির মাথা লক্ষ্য করে ছুঁড়ল। মালবিকাদি মাথাটা ঝট করে সরিয়ে নিতে সেটা ল্যান্ড করল শিল্পীর চোটে।

যেন আরশুলা বসেছে এমন ভয়ে শিল্পী লাফিয়ে উঠে পেঁয়াজটাকে চটি দিয়ে খেঁতলে দিল তারপরে নাকি সুরে বলল— 'আমি পেঁয়াজি খাব না।'

'তবে ফুলুরিটা ধা, একগাল মুড়ি দিয়ে, একটা ফুলরি তুলে নিয়ে মালবিকাদি

সাথে লাগল ওকে— 'ফুলুরিটা ও খুব শুদ্ধভাবে করে। খুব পবিত্র ফুলুরি, না রে রঞ্জনা ?'

আমি রেগে বলি— 'খাওয়াটা শুধু শুধু মাটি করে দিলে মালবিকাদি, এই জন্যে তোমাকে আমি ডাকতে চাই না। স্রেফ মহিলা সমিতির বিচ্ছিরি বিচ্ছিরি টেবল ব্লথ, টেবলমাট আর কাঁথাগুলোকে বেশি দামে গছবার জন্যে শিং ভেঙে বাছুরের দলে ভিড়ে আছ।'

'আহা, কী আমার বাছুর রে।' মালবিকাদি আমার ধূতনির কাছে আঙুল নেড়ে নেড়ে বলল, 'রঙিন রঙিন কাপড় পরলেই বয়ঃ থেমে থাকে, না ? জানিস তোদের বয়সে আমার ঠাকুমা নাতি-নাতনি পরিবৃত হয়ে স্বর্গে গেছিলেন ? বা-ছুর।'

বেগতিক দেখে কাজল মধ্যস্থ মানে বলে— 'এই দ্যাখ পেঁয়াজি ফুলুরি দুটোই আমি খাছি, অ্যানাটাসিড রেডি। তুই শান্ত হ শান্তশীলের মা। মালবিকাদির কেঙ্কা করা স্বভাব। আমি বিশ্বাস করিনি। প্রথমটা রি-আঙ্কি করেছিলুম ঠিকই। কে-ই বা না করবে একমাত্র আমার ডিকশনারি-পাগল বর ছাড়া ? তা ছাড়া কথা হচ্ছিল রঞ্জুর উপন্যাসের ষ্টট নিয়ে। মালবিকাদি এর মধ্যে তোমার ঠাকুমা, তাঁর নাতি-নাতনি, স্বর্গ বাছুর এ সব আসে কী করে ? আমরা সবাই মিলে রঞ্জুকে লেখাটা ছেড়ে দিতে বলেছিলুম এই তো কথা।'

আমি বলি— 'ছাড়ি বা না, ছাড়ি বা না', শিল্পীর মতো সুর করেই বলি, 'মালবিকা সাভেল যদি পান-জর্দা না ছাড়ে, কাজলরেখা মিস্তির যদি শাড়ি কেনা না ছাড়ে, আমিও তা হলে লেখা ছাড়ব না।'

সুমিতা বলল 'আমার ধারণা ছিল তুই একজন সং-লেখক। মানে ইনটেনশনের দিক দিয়ে সং। কিন্তু ছিঃ। লেখাটা তোর একটা নেশা একটা শখ, পান-জর্দার মতো ? শাড়ির মতো !'

'লেখা আমার সন্তানও। শিল্পী কি তার তুলতুলকে দুদিনের জন্যেও ছাড়তে পারছে ? লেখা আমার প্রিয়তমও। তুই কি তোর শুভমকে ছাড়বার কথা ভাবতে পারছিস ?'

এতকণ্ঠ আমার ফেলা জাল গুটোনো হয়। বিজয়ীর দৃষ্টিতে আমি সবার দিকে তাকাই।

সুমিতা বলল— 'লেখার সঙ্গে বাচ্চার তুলনা, বরের তুলনা এগুলো টু ম্যাচ রে রঞ্জুদি, টু ম্যাচ।'

'টু ম্যাচ ! আমি তো মনে করি কম বললুম। প্রেমিকদের প্রেমের মধ্যে সেই প্রেরণাদায়ী শক্তি তো ক'বছরের মধ্যেই ফুরিয়ে যায়। থাকে বড় জোর শান্তিপূর্ণ সহাবস্থান, আর সন্তান ? সে তো শ্যাম শুক পাখি, আঠারো-উনিশ কি কুড়ি, তার পরেই শিকলি কেটে উড়ে যাবে তোমায় দিয়ে ফাঁকি। এদিকে লেখা ! সে হল...'

মালবিকাদি কি কোনও কথা শেষ করতে দেয় ? বলে উঠল— 'শান্ত্বত, ২৩

ফেইথফুল, তার প্রেমে তার ভক্তিতে ভাটা পড়ে না, কখনই সে ব্রজধাম তোজে মথুরা যায় না। তুই লিখে যা রঞ্জু, লিখে যা। খালি ঈট চেয়ে আমাদের লজ্জা দিস না।’

মালবিকাদি জোড়া পান মুখে পুরল। শেফালিও বিশাল এক পট চা দিয়ে গেল।

‘লিখবে তাতে লজ্জার কী আছে? কথায় বলে লেখা পড়া করে যে-ই গাড়ি মোড়া চড়ে সে-ই। আমাদের বউদি তো তাই-ই করছে—’ শেফালি উচাল।

‘লিখে তো আমি যাবই—’ আমি বলি—‘আমার কীলিং আমার কাছে। কিন্তু কথা হচ্ছিল আমি নাকি অস্থির, আমি নাকি খাপা। আমাকে দিয়ে সেই জন্যে নাকি উপন্যাস হবে না। কেন? ঠিক আছে অস্থির। তা অস্থিরতার সঙ্গে খ্যাপামির সঙ্গে উপন্যাসের বগড়া কোথায়?’

‘উপন্যাস একটা বিশাল বিরাট সাগরের মতো ব্যাপার। সেটা ধারণ করতে একটা শা-স্ত্র বীর মস্তিষ্কের দরকার হয়। যেমন ধর ‘বাডেনব্রুকস’, ‘ব্রাদার্স কারমোজোভ’, ‘ডব্লর জিভাগো’—কি ধর এই তো ঘরের কাছেই ‘ইছামতী’, ‘ধাত্রীদেবতা’, ‘তিস্তাপারের বৃত্তান্ত’—মালবিকাদি বলে।

‘অদ্ভুত অদ্ভুত নতুন নতুন এক্সপিরিয়েন্স দরকার হয় রঞ্জুদি—’ শিল্পীটা আবার ফুট কাটল—‘এই ধরো আমরা যে সে বার টোকিও গেলাম। হোটেলের এক দিকটা দেখি একেবারে খোলা। নীল সমুদ্র। তাতে বোট ভাসছে। ভাবলুম সুন্দর তো ঠিকই। অপূর্ব। কিন্তু এমন অদ্ভুত ধ্যান কেন ওদের মাথায় এল, একটু ভাবতেই অবশ্যম্ভাব্য এটা ওদের জাতীয় প্রাণের কথা মনে করে করা হয়েছে। হারাকিরির জাত তো জাপানি, তাই অগ্রাহ্যতার সুবিধে করে রেখেছে। যে কোনও ফ্লোর থেকে বাঁপ খেলেই হল। ওমা। পরে শুনি কাচ। হোটেলের এক দিকটা পুরো কাচের। এই যে তাইল্যান্ডে গেলিলাম, একটা জায়গার নাম অযোধ্যা—থরো সেইটেই যদি আসল অযোধ্যা হয়। তাই-রা ইংরেজি ভাষাটার পরোয়াই করে না। নিজেদের ভাষাতেই সব কাজ চালায়, ওদের বেশির ভাগ ফ্র্যাঞ্চেই রানায়র নেই। বাইরে খাওয়াটাই রীতি। তুলসীপাতা দিয়ে মাংস রাঁধে, কখনও শুনেছ? অত কথা কী। আমাদের দেশেই কত অদ্ভুত অদ্ভুত কাষ্টম আছে। আমরা যেমন সোফা-কৌচ কি টেকিতে বসি, গুজরাতে তেমন গেস্ট এলে দোলনায় বসায়। তাকে বলে হিচকো। ওরা মিঠি দিয়ে খাওয়া শুরু করে তেতো দিয়ে শেষ। ওদের বাড়ির মেয়েরা বসে থাকতে জানে না। যত বাড়লোকই হোক খেটেই যাবে, খেটেই যা...’

‘তুই থামবি শিল্পী?’ কাজল বলল—‘রঞ্জু কি তাইদের নিয়ে উপন্যাস ফাঁদবে? না গুজরাতিদের বিষয় এসে লিখবে ন্যাশনাল জিওগ্রাফিকস-এর জন্যে? ওপর থেকে দেখে কিম্বদন্তি লেখা যাবে না। আমার বর বলে কনর্যাড আর মম দুজনেই মালয় নিয়ে গাদাগুজের লিখেছিলেন। আতলেদের কাছে

কনর্যাডের খাতির বেশি। কিন্তু মম ক্রেইম করতেন কনর্যাড জাহাজ থেকে মালয়কে দেখেছেন ওঁর মালয় কন্সনার মালয়, এদিকে মম চলে গেছেন ভেতরে, বাস করছেন অন্ততপক্ষে ব্রিটিশ সরকারি অফিসার কি প্লানটেশনের মালিকদের সঙ্গে।’

‘তুই থাম কাজলদি?’ সুমিতা কাজলকে থামায়—‘আসল হল—মন, মানুষের মন, মনকে ঘুরিয়ে পৌঁচিয়ে উঠিয়ে পাশিয়ে ইনসাইড আউট আবার পেরিয়ে খোসা ছাড়াবার মতো পরতে পরতে জানতে হবে। সাইকোলজি। বৈশ্বিক লায়নিয়েও তো পিলখানার বস্তিতে বাস করেছিলেন শুনতে পাই। কিন্তু কলকাতার মনের ভেতর কি ভুব দিতে পেরেছিলেন? মনের ব্যাপারটা সায়েন্সিফিক্যালি জানতে পারলে, ফিলসফিক্যালি ফীল করতে পারলে, আর আর্টিস্টিক্যালি পুট করতে পারলে একটা কাফকা হয়, একটা কামু হয়, একটা রবীন্দ্রনাথ হয়, একটা মানিক হয়...’

‘মালবিকাদি আরেক জোড়া পান মুখে পুরে বলল—‘আর একটা সুমিতা হয়।’

‘সবাই হেসে উঠল। সুমিতা গোমড়া মুখে বলল—‘আমি তো এক বারও ক্রেইম করিনি আমি সবজান্তা, কি আমি সব পড়েছি, কি আমি একটা পোটেনশিয়াল লেখক... কি আমি...’

‘থাম থাম—’ আমি হাত তুলে সবাইকে থামাই—‘তা হলে তোমরা সবাই স্বীকার করছ এই যে সব বিভিন্ন লেখক এবং তাঁদের লেখার কথা তোমরা উল্লেখ করলে, সবাই ঔপন্যাসিক, লেখাগুলোও সব উপন্যাস?’

‘অত শত জানি না ভাই, সেই বি-এ ক্লাসে পড়েছিলাম ‘কপালকুণ্ডল’ উপন্যাস না রোম্যান্স, নারায়ণ গঙ্গুলি আবার বলতেন রমন্যাস, আর এখন নিত্যদিন আমার বর কচকচ করে মার্কেজ, মার্কেজ, মিরেন্দা না কুরেন্দা, আর ‘মাল্যবান’ আর ‘কাম্বাসানা’? তাই কটা নাম জানতে বাধ্য হয়েছি। উপন্যাস হবে একখানা জমজমট গল্পো। এক দিনে শেষ হবে না, অনেক দিন ধরে পড়তে হবে, পড়তে পড়তে কেঁদে কেঁদে উঠবে যেমন ‘রাশির তপস্যা’ রেগে রেগে উঠবে যেমন ‘হাজার-চুরাশির মা’, দীর্ঘাঙ্গাস ফেলব যেমন ‘গৃহদাহ’, যেমন ‘বীজ’ ভরে না?’

‘তা ‘বীজ’-এ সে সেনস-এ তেমন গল্প কোথায়? সবটাই তো একটা নিম্ফল প্রতীক্সা? ‘বীজ’ যেমন ‘হাজার চুরাশির মা’-ও তেমন কয়েক ঘণ্টায় পড়া হয়ে যাবে, ‘কাসল’-এ তো কোনও গল্পই নেই, পাতলাও তার ওপর। এদিকে ‘সোয়ানস ওয়ে’ এত বড় বড় ভল্যুম, ‘ওয়ার অ্যান্ড পীস’ দু খণ্ড, ‘ফরসিথ (চার্লস নিউটনের উচ্চারণে) সাগা’ তিন খণ্ড—’

—‘আমি ভাই পড়িনি। আমার বর পড়ে থাকতে পারে, এ বার স্ক্যামা দাও। আমার বিদ্যেয় আর যা দিয়ে না। সত্যি কথা বলতে কি আমার বন্ধিমচন্দ্র, শরৎচন্দ্র, আশাপূর্ণা দেবী, প্রবোধ মন্ডল, আর ইদানীং-এর মধ্যে

বুদ্ধদেব গুহ আর শীর্ষেন্দু এই ভাল লাগে। আর সমরেশ মজুমদার। দীপাবলীকে কী সুন্দর শেষমেঘ বরের সঙ্গে মিলিয়ে দিলেন।

‘তা তোমার এই শীর্ষেন্দুই তো সুদ্ধ ভায়লগ দিয়ে একটা উপন্যাস দাঁড় করিয়ে দ্যান। বুদ্ধদেব গুহ লিখলেন বাচ্চা বাচ্চা চরিত্র নিয়ে কিন্তু লেখাটা একেবারে অ্যাডান্ট। শরৎচন্দ্রের সব ভাল কিন্তু সবাই গুঁর প্রেমে পড়ে যাচ্ছে রাজলক্ষ্মী, কমললতা, অম্মম— আর উনি তাদের কাটিয়ে কাটিয়ে বেরিয়ে আসছেন। তোমার ভাল লাগার ভিত্তিটা ব্যাখ্যা করে। আমি তো কোনও মিল পাচ্ছি না।’—আমি বলি।

‘অত যদি ব্যাখ্যা করতে পারব তো গঙ্গাপ্রসাদ না হয়ে আমিই তো সিটি কলেজে লেকচার দিতে যেতে পারতুম।’

শিল্পী বলল—‘তোমার মানিক ভাল লাগে না? সতীনাথ ভাল লাগে না।

‘মানিক ভাল্লাগবে না কেন?’ কাজলের উত্তর রেডি—‘সোনার কেল্লা’, ‘জয় বাবা ফেলুনাথ’, ‘গ্যাংটকে গুণগোল’ দিবি লাগে। আর ‘গুপি গাইন বাবা বাইন’ তো যত বার দেখাষি দেখে যাব, এক সিটিং-এ। ভূভেদের নামা, আর ভূভেদে রাজার বর, আর মফুসিমির মধ্যে দিয়ে ওস্তাদি গান গাইতে গাইতে রোগা রোগা ওস্তাদ আর ‘ছুটি ছুটি ছুটি ছুটি ছুটি ছুটি...’ আর ‘ভাই রে।’ আর চোঁচাইছিলি ক্যানে?’ কাজল প্রায় প্রত্যেকটা আ্যাকশান করে করে দেখাল ‘ছুটি ছুটি’টা ছাড়া।

তারপর বলল—‘সতীনাথও আমার খুব প্রিয়। আমাদের ছেলেবেলাকার গান সব। ‘বালুকাবেলায় কুড়াই বিনুক...’ ‘পাষাণের বৃকে লিখে না আমার গান।’—এ সব কি ভোলবার? একটু চাপা চাপা ছিল গলাটা ডি. ভি. পালসকরের মতো, নেন বিরবের ধরে চেপে গেছে, কিন্তু কী দরদর, সত্যি ভে, তখন আমাদের ধারণা ছিল সতীনাথের বিয়ের পরেই নতুন বউ মারা গেছেন।’

‘আর হাসাস নি কাজলা?’—মালবিকাদি পেট চেপে বলল।

‘তুমি সতীনাথের “না যেও না”টা ভাবো মালবিকাদি, তুলনা আছে ও লতার “না যেও না”-ও ভাল, কিন্তু সতীনাথের পাশে ফকিরার। রবীন্দ্রনাথের “না যেও না”টা অবশ্য আলাদা জাতের। তবু আমার মতে সতীনাথ ফার্স্ট, রবীন্দ্রনাথ সেকেন্ড। রবীন্দ্রনাথ বলে কি ছেড়ে দেব নাকি? আমার কাছে বায়াস পাবে না।’

কাজলাটাকে নিয়ে আর পারি না। গীতিকার গায়ক লেখক সব লওঙও করে ছেড়ে দিচ্ছে সেকথা বলতে কাজল চিবুক ঘুরিয়ে বলল—‘পস্ট কথা বলব বন্ধুদের কাছে এর মধ্যে আবার ঢাক-ঢাক গুড়গুড়-এর কী আছে? আসত আমার বরের জ্ঞান গোঁসাই বন্ধুরা নানা রকম ভান ভনিতা করতে হত। ‘স্টেবল বয়’, ‘স্টেবল গার্ল’, হারমোনিয়মের বেলা, সল বেলা, হেনরি মিলার নাদিন গর্ডিমার— এই সব সম্পর্কে তাঁরা আলোচনা করতেন আর আমাকে এক বার বাঁ দিকে হেসে একবার ডান দিকে হেসে সন্তুষ্ট করতে হত।

এখন তো বলছি তোদের কাছে, যা যা বেস্ট লাগে বলে দিলুম বাস।’

আমি বললুম—‘আসল কথা যে যাই বলো, উপন্যাসের কোনও...’

‘মা-বাপ নেই’ মালবিকাদি পান চিবোতে চিবোতে বলল,

—‘মোটেই আমি তা বলতে চাই না, তোমরা বড্ড গুলিয়ে দাও,’ আমি ভীষণ বিরক্ত।

‘দুঃখিত রে, আমি ভাবলুম তুই একটা বড় লেকচার দিবি কাজলার মতো, মুড়ে আছিস তো, তাই একটু শট করে দিচ্ছিলুম।’

শেফালি আর এক রাউন্ড চা আর চৈতল মাছের বড়া নিয়ে ঢুকল।

‘আমি বলতে চাই— উপন্যাস ইতিহাস, উপন্যাস রোম্যান্স, উপন্যাস বেলুন ফেলানো ছোটগল্প, উপন্যাস ছোট ছোট গল্পের সমাহার, উপন্যাস নাটক, উপন্যাস বক্তৃতা, উপন্যাস কবিতা,... উপন্যাস যা খুশি হতে পারে, যত খুশি। ধরো লরেন্স স্টার্ন, জেমস জয়েস, গোগোল, এঁরা দেখিয়ে দিয়েছেন উপন্যাস কত রকম হতে পারে। ধরো ‘প্রথম আলো’ যে-অর্থে উপন্যাস ‘মুক্ত পুরুষ’ কি সেই অর্থে উপন্যাস? ‘দিবারাত্রির কাব্য’ যে অর্থে উপন্যাস ‘তিস্তাপারের বৃষ্টি’ কি সেই অর্থে উপন্যাস? ‘দেবযান’, ‘ওয়ান হানড্রেড ইয়ার্স অফ সলিচুড’ দুটোই ফ্যানটাসি-ভিত্তিক, অথচ কত আলাদা!’

‘বরং নিজেই তুমি লেখোনাক একটি উপন্যাস’ সুমিতা মাথা নেড়ে নেড়ে কুট কুট করে বলে উঠল।

‘মতটা দিলি তা হলে? তোদের অনুমতি? আমার উপন্যাস হয়তো তোদের মতে ওপন্যাস হবে, তবু তা আমি লিখে ফেলব। ফেলবই ফেলব। তোরা শুধু আমায় ধুক দে।’

শিল্পী আর মালবিকাদি এক মনে চৈতল মাছের বড়া স্টাটাইল, শিল্পী বলে উঠল ‘অন্ন দে মা অন্ন দে’ বলে চোঁচালে তবু অন্ন পাওয়া যেতে পারে, কিন্তু ‘প্লট দে রে প্লট দে’ বলে চোঁচালেই কি আর প্লট দেওয়া যায়। প্লট কি আর আমাদের নেই?—তবে সে সব বড্ড পেরাইডেট।’

‘তুই প্লটলেস লিখ বরং’—মালবিকাদি উপদেশ দেয়।

‘হেবডি গান “অন্ন দে” শেফালি মন্তব্য করে, তবে “পেলট দেরে” বলে কোনও গান আমি বাপের জন্মে শুনিনি। আর পেলট তো তোমাদের থাকবেই গো শিল্পীদিদি। এক কাটা দেড় কাটা হলেও তো লোকে কিনে রাখছে। ও-ই দু দশ বছর পরে দশ ডবল দামে বিকোবে। লোকে তো আজকাল এই করেই টাকা করছে। থাকে যদি তো বড়দিকে একটা দাওই না কেউ। নেযা দাম দেবে। আমাদেরই কপাল!’ বলে কপাল চাপড়াতে চাপড়াতে শেফালি চলে গেল।

মালবিকাদি বলল—‘যাক এখনকার মতো ফাঁড়া কাটল। তা রঞ্জু তুই সুমিতার পাঁচ-চাইম বরকে নিয়ে লেখ না। অমন একটা চিরবিরহের জীবন। তার ওপরে কালারফুল!’ এখনও ও সুমিতার পেছনে পড়ে আছে।

সুমিতা বলল—‘কে কালারফুল, কে নয়, সেটা তিনের একের এ যাদু ঘোষের লেনে বসে তো বলা যাবে না। মাঠে নামতে হবে। তোমার বরকে নিয়েও তো লিখতে পারে?’

—‘আমার বর’—‘মালবিকাদি হেসে কুটিপাটি হয়ে গেল। বয়স ষাট ছুই-ছুই, পার্ফেক্ট ভুঁড়ে শেয়ারের মতো চেহারা। চুলগুলো যেন কাঁটালের ভূতি মেখেছে। হাসালি।’

‘আই চ্যালেঞ্জ’—সুমিতা হাটু চাপড়ে বলল।

‘কীসের চ্যালেঞ্জ বোনটি?’

সুমিতা বলল—‘বরদের তোমরাই আলু-পটল-কুমড়োর জগতে, রাতে-নাক-ডাকা দিনে-আপিস আর টিফিন-কৌটোয়—আলুমরিচের চার দেওয়ালে বন্দি করে রেখেছ। তোমাদের অ্যাটিটিউড হল সুখের চেয়ে বস্তি ভাল, রোম্যান্সের চেয়ে সিকিওরিটি ভাল, ওদের তোমরা আড্ডা মারতে দাও না, তাস-দাবা খেলতে দাও না। একলা কি অন্য কারও সঙ্গে সিনেমা-থিয়েটার-নাচ-গান যেতে দাও না। ফুচকা খেতে দাও না। অন্য মেয়ের সঙ্গে মিশতে দাও না, পাছে বর তার প্রেমে পড়ে যায়, মানে বিন্দুমাত্র বিশ্বাস নেই নিজের ওপর, নিজের জীবনসঙ্গীর ওপর।’

‘প্রশ্নই ওঠে না, প্রশ্নই ওঠে না’—মালবিকাদি বললে—‘তিনকাল গিয়ে এককালে ঠেকেছে এখন আবার বিশ্বাস-অবিশ্বাসের কী?’

কাজলা বলল—‘আমি ভাই আমার বরকে বেঁধে রাখিনি। সে নিজেই গোঠের গোরু টাইপের।’

শিল্পী বলল—‘আমি সব সময়ে শমিলা-সঞ্জীবের ‘গৃহপ্রবেশ’টা মনে রাখি। নিজের লাইফের সিক্রেটটা তোমাদের বলে দিছি। ড্রেস আমার আছে হাজার রকম। চুল ভগবান অনেকটা দিয়েছেন। হেয়ার-স্টাইলও আমার বহু রকম। তোমরা নিজেরাই তো বলো রকমের আমি স্লোপী। তুলতুলকে যতটা মনোযোগ দিই চন্দনকে তার কম দিই এ কথা শরুতও অর্থাৎ শাশুড়িতেও বলতে পারবে না। আবার সব সময়ে যে স্টেটে থাকি তা-ও বলতে পারবে না কেউ। এই তো ইন্সটিন্ট গেল আমি যাইনি, যাইনি গেল আমি যাইনি।’

আমি বলি—‘তা হলে তুই বাহ্যাড়ম্বরের বিশ্বাস করিস? তোর ড্রেস আর চুলের স্টাইল আর রান্নার তরিকত এই দিয়ে তুই চন্দনকে ভুলিয়ে রাখতে চাস?’

‘বাহ্যাড়ম্বর কেন হবে?’ শিল্পী বলল—‘ভেতরে লাভ তো আছেই। রাইরের ব্যাপারগুলোকেও আমি উপেক্ষা করি না। রিস্ক নিয়ে কী লাভ? কেন সেই ‘প্যাভিলিয়ন অফ উইমেন’—এ পড়োনি, চিনা বাড়ির সুন্দরী গিরি মাদাম উ তাঁর মেজ বউ মেজ ছেলের মধ্যে গোলমাল দেখে শেষ পর্যন্ত মেজ বউকে ডেকে বিশেষ একটা পারফ্যুম মাখতে পরামর্শ দিলেন, আরও কী কী সব শোখালেন,—এগুলো প্র্যাকটিক্যাল ব্যাপার কেউ বলে না।’

‘তা হলে তো দেখা যাচ্ছে নিরুপম গড়াই ভীষণ ভালনারেবল।’ আমি চিন্তিত হয়ে বলি ‘রান্নায় আমি মা, সংসার দেখে শেফালি, শাস্তুর বাবার চেয়ে শাস্তুর প্রতিই আমার বেশি মনোযোগ। অর্ধেক দিন চুল বঁধতে ভুলে যাই। বাড়ির শাড়ি একটা না ছিড়লে আর একটা বার করি না...’

শিল্পী বলল ‘নট নেসেসারিলি। তোমার অত ঘাবড়াবার কিছু নেই। তবে নিরুপমদা তো পলিটিক্স নিয়ে মেতে আছেন, নইলে তোমাকে চুল বঁধতেই হত, একটা দুটো ভাল-মন্দ রাধতেও হত।’

সুমিতা বলল—‘আমার মধ্যে আমার শুভমের মধ্যে কোনও অভাববোধ, কোনও অবিশ্বাস, কোনও হিংসূচনা নেই। এখন ‘কালারফুল’ কথার মানে কী? সেটা আমাকে এক্সপ্লেইন করো।’

আমি বলি—‘বহুমুখী ব্যক্তিত্ব, লাইভলি, জলি।’

‘ভাই যদি হয় তো ঠিক আছে, কিন্তু মালবিকাদি একটা কোনও নিজস্ব বাজে অর্থে কালারফুল কথাটা ব্যবহার করেছে।’

‘না, না, মোটেই না’—মালবিকাদি হাঁ হাঁ করে ওঠে, ‘রঞ্জু যা বলেছে ঠিক বলেছে। আমি তার চেয়ে এক চুল বেশি বা কম বলিনি। আফটার অল, রঞ্জু লেখ-ঢেখ, শব্দ নিয়ে ওর কারবার। ও যতটা শুছিয়ে বলতে পারবে আমরা তো ততটা...’

‘ঠিক আছে, ঠিক আছে’—সুমিতা বলে, ‘কতটা কালারফুল আমার শুভম তুমি পরীক্ষা করো না, আমি মাঠ ফাঁকা করে দিছি। শুভম পরশুর পরের দিন পৌঁছেছে। ওই সপ্তাহটা হয়তো আমাদের নিয়ে একটু ব্যস্ত থাকবে। তারপর আমারও কলেজ, রিসার্চ, মেয়েদেরও স্কুল, পরীক্ষা, বলছি তো ফাঁকা মাঠ।’

আমি একটা প্লটের আঁচ পেয়ে যাই, বলি ‘তা শিল্পী তুইও দেখ না নিরুপমমাকে বেশ রসিক করে তুলতে পারিস কি না। তার মধ্যে অভাববোধ আছে কি না। নাকি তার রচনা আমি আমার ধূসর দিয়ে ঢেকে রেখেছি।’

শিল্পী বলল—‘তা হলে সবাই নেমে পড়ুক। কাজলাদির সঙ্গে তো চন্দন স্কটিশ চার্চে পড়ত। বালিয়ে নিরুপম পুরনো ভাবটা।’

কাজলা গায়োনের মতো বলল ‘আমি এ সবের মধ্যে নেই ভাই। আমার বর সিরিয়াস ধরনের মানুষ। টের পেলে রেগে গুম হয়ে যাবে। চন্দনের সঙ্গে ভাব বালিয়ে নেওয়াটা কোনও ব্যাপার না, সে আসুক, যাক, যেমন আমার ছেলের বন্ধুরা, বরের বন্ধুরা আসে যায়...কিন্তু...’

মালবিকাদি বলল ‘তা হলে তো প্রমাণই হয়ে গেল তুই গঙ্গাকে আঁটে পুঠে বেঁধে রেখেছিল, ঠিক যা যা সুমিতা বলছিল। ভয়ঙ্কর ভয়ঙ্কর সব অভিযোগ। তা হলে তুই মেনে নে তুই হেরে গেছিল। ম্যাচ ছেড়ে দেবার মতো আর কী! ওয়াক ওভার দিয়ে দে। হেরে যাবার চিহ্নস্বরূপ তুই তোর নী-গ্রিন ঢাকাইটা রঞ্জুকে দিয়ে দে। একখানা পাটোলা ছাড়া বেচারির আর কিছু নেই...’

‘ঠিক আছে।’ কাজলা বলল, ‘ঢাকাইয়ের চেয়ে বরং রঞ্জু আমার বরটাকেই

নিয়ে নিক ।’

‘আমি এর মধ্যে নেই ।’ আমি ফুঁক হয়ে বলি । ‘নেওয়া-নেওয়া আবার কী ?’

‘নেওয়া-নেওয়া নয়, আবিষ্কার করা’ সুমিতা বলল, ‘নতুন মহাদেশ আবিষ্কার করা পুরনো পৃথিবীতে...’

উপন্যাসটা মনে হচ্ছে শেষ পর্যন্ত সুমিতাই লিখবে । ‘কিন্তু স্বীভাবে জানা যাবে যে আমরা সব কলাধ্বাস, আমেরিগো ডেপুটি, আমুসেন ?—শিল্পী জিজ্ঞাস করল ‘স্টাডি করে তো বলতেই পারি নিরুপমা আসলে ভীষণ ভীষণ দুখী । মানুষটা বাপ-মায়ের কাছেও তেমন দ্বৈত-ভালবাসা পায়নি, রঞ্জুদিও যত্ন আশ্রয় করে না । দুঃখের চোটেই ও নেতা হয়ে গেছে । কিংবা রঞ্জুদিও তো বলতে পারে গঙ্গা জামাইবাবু ডিকশনারিবাজ নয় আসলে ধড়িবাজ, শান্তিনিকেতনে অত ঘড়ি-ঘড়ি যান কেন ? না রিয়াল এস্টেট প্রমোট করতে । বেনামিতে...’

কাজল একটা কুশন ভুলে নিয়ে শিল্পীকে, ধমাদম পিটতে লাগল । ‘আমার সেইটলি বরকে ভুই ধড়িবাজ বললি ?’

‘যাক বাবা, আমি ধড়িবাজ বলেছিলাম বলে তো তুমি সেইটলি বলে স্বীকার করলে ।’

হাসতে হাসতে আমাদের সব চোখ দিয়ে জল বেরিয়ে গেছে ।

যাই হোক, ঠিক হল, কারও মুখের কথায় শুধু বিশ্বাস করা হবে না । সঙ্গে খান তিনেক সহী করা রেস্তোরার বিল চাই, অন্তত একটি সিনেমা বা থিয়েটার বা যে কোনও অনুষ্ঠানের টিকিট । সুমিতা নাকি সবাইকে মানে যে যে লস্ট কন্টিনেন্ট আবিষ্কার করতে পারবে তাকে তাকে একখানা করে শ্যানেল নং-ফাইভ দেবে । সুমিতা যদি পারে তবে সুমিতাকে আমরা সবাই মিলে একটা ঢাকাই প্রজেক্ট করব । কেন না সুমিতার জেতা তো ডবল জেতা । ব্যক্তিগতভাবে জেতা, আবার সাধারণভাবে ও যে সব অভিযোগ করেছে সে-সব মিলে যাওয়ায় জেতা ।

আমি চুপচাপ বসেছিলাম । সুমিতা বললে ‘কী রে নার্ভাস লাগছে ?’
‘লাগবে না ?’ আমি বলি—‘ভুই তো সাইকলজির লোক । মনের অতল থেকে তো ভূতও বেরোতে পারে ভগবানও বেরোতে পারে । মানুষ চরিত্র প্রহেলিকা আছে...তা-ইই থাকত, না হয় ।’

‘সাইকলজি বলে মনের অতল থেকে ভূতই বেরোয় । ভগবান ঘোরাকেরা করে আর একটু সারফেসে । তবে যাবড়াজিস কেন ? অতলের ভূতকে চট করে কেউ আলমারি খুলে দেখায় না । এক যদি পড়ে আমার হাতে সাইকো অ্যানালিসিস করে ভূত বার করব তারপর থেরাপি করে ভূত ভাগিয়ে দেব ।’

‘রেজাণ্ট যাই হোক কেউ কিন্তু মন কষাকষি করতে পারবে না’—সুমিতা চৈতন্যে বলল ।

‘মন কষাকষিটা মন থেকে আসে সুমিতা, ইচ্ছা থেকে নয় । সাইকলজির লোক হয়ে কী করে এমন একটা অর্ডিন্যান্স জারি করলিস জানি না’, আমি বলি, ‘আগুন দিয়ে খেলতে যাচ্চিস । সাবধান করে দিচ্ছি ।’

কেউ আমার কথা শুনল না । স্ট্র্যাটেজি ঠিক করতে লাগল । শুভম মালবিকাকে চেনে না । মালবিকাদিও শুভমকে চেনে না । ছবি দেখে চিনবে । অ্যাডভান্টেজ মালবিকা । মালবিকাদির স্বামী বিকাশকান্তিকেও আমরা কেউই দেখিনি । তিনিও আমাদের না । অ্যাডভান্টেজ সুমিতা । আমার স্বামী নিরুপম শিল্পীকে এক বলক দেখে থাকতে পারে । ডিউস । কিন্তু কাজল চন্দনের ক্লাস ফেলো । ভুইয়েই উভয়কে চেনে । গঙ্গাপ্রসাদবাবুকেও আমি কাজলার বিয়ে হয়ে অবধি চিনে আসছি । মানুষটি লাভুক, চুপচাপ, তাই তেমন আলাপ নেই । তা হলে এই দুটো কেস কী হবে ? সুমিতা বলল অ্যাডভান্টেজ চন্দন আর গঙ্গাপ্রসাদ । আমাদের অর্থাৎ আমাকে আর কাজলকে প্রাণপণে খেলতে হবে ।

সুমিতা অবশ্য বলেছিল—‘রঞ্জুদি বিকাশকান্তিবাবুকে দেখুক, আমি গঙ্গাজামাইবাবুর ভার নিচ্ছি । গঙ্গাজামাইবাবুকে আমার ব্যাপক লাগে ।’

কাজল বলল—‘না না । না না । সুমিতা না ।’

‘কী আশ্চর্য, সুমিতা বলল—‘আমরা কি তোমার বরকে সিডিউস করতে যাচ্ছি নাকি ?’

‘কী জানি ভাই কী করতে চাচ্ছ । খেলাটা আমি ভাল বুঝতে পারিনি । আমি শুধু জানি আমায় চন্দনের বাড়ি ভেঙে খেতে হবে আর সিনেমা দেখতে হবে ।’

‘ফাইভিংসও বলতে হবে,’ সুমিতা হবে ।

‘ফাইভিংস আবার কী ?’

‘তুমি তাকে কী বুঝছ, তোমার ভাষার কী ? সেটা শিল্পীর সঙ্গে মিলছে কি না । আলো ভাইমেশন বয়েয় কি না ।’

আমি বললাম, ‘তা হলে আগে থেকে রেকর্ড করে রাখো কে নিজের অর্ধঙ্গের সম্পর্কে কী ধারণা পোষণ করছে । সুমিতা কাগজ-কলম নিয়ে রেডি হ ।’

কাজলা আবার বাদ সাধল—‘নিজের বরকে কে কী ভাবে সে আবার সব বলা যায় না কি ? আমি এখন যদি ভারি সে গাধা তো সেটা সবাইকে বলব ?’

শিল্পী বলল—‘একটু আগেই তো গোরু বললে । আবার সেইটলি বলছে, এখন বলছি গাধা...’

‘উটমুখো, পাগল ছাগল এ সবও আকচার বলে থাকে’—আমি জানাই ।

‘দাঁড়া দাঁড়া’—সাইকলজির লোক সুমিতা মাঠে নামে—‘আমি বলছি, কাজলদি বলতে চায় গঙ্গাজামাইবাবু এত ভাল যে লোকে বোকা বলতে পারে, এত ভালো যে লোকে পাগল বলতে পারে, এও ডিসলিন্ড যে লোকে গোঠের গোরু বলতে পারে । আপন খেয়ালে থাকেন, ছোটখাটো ব্যাপারে মাথা ঘামান

না। ঠিক !

কাজল বলে—‘ওই এক রকম হল।’

‘মালবিকাদি। তুমিও কি বিকাশদা সম্পর্কে ওই একই কথা বলতে চাও ?’

‘সেইটলি ? না ভাই। বড় জোর অনেস্ট। ভোলেভালাও যাকে বলে তা নয়। দাড়ি কামাতে তোলে না, পালিশ ছাড়া জুতো পরে না, সিগারেট চায়ের কাপে ফেলে না, তবে গোঠের গোরু যদি বলো তো আপত্তি করব না। তবে কাজ পাগলা, আর ভীষণ কাঠখোটা, খাদ্য ছাড়া আর কিছুতে রস পায় না। খাদ্য আর থ্রিলার।’

শিল্পী বলল—‘চন্দন বরাট আমুদে, দিলখোলা, পরোপকারী ধরনের লোক, এ কথা আমি একা কেন সবাই বলবে। ভেপথ কম আমি নিজেই বলছি ভাই। তবে খুব লাভিং, কেমারিং। খাও, হাসো গাও, নির্দেশ স্মৃতি করে, দু-এক পেগ খাও, বাস।’

সুমিতা বলল—‘শুভম-এর গ্রেটেস্ট চার্ম হল ও খুব ছেলমানুষ। খুব চমৎকার বন্ধু হতে পারে। তবে ওই, ম্যাচিওরিটি একটু কম। একেক সময় আমার মনে হয় ছোট ভাইয়ের বন্ধুর সঙ্গে প্রেম করছি। তবে সেটা আমার নালিশ নয়। আমি মানিয়ে নিয়েছি। কোনও জটিলতার মধ্যে ও নেই। সরল ধরনের।’

ওরা আমার দিকে তাকিয়ে আছে। ‘আমি কী বলব ? সত্যি কথা বলবো ?’
‘কী রে ?’—কাজলা ঠালা মারল—‘আমরা যেন তাদের বাসরে আড়ি পেতেছি মনে হচ্ছে ?’

‘যা বলেছিল’—মালবিকাদি বলল—‘ন্যাকামিতে গলে গলে পড়ছে।’

‘আমকে তুলে নিলে কিছু হবে না।’—আমি বললুম।

‘মানে ?’

‘খু-উব নির্লিপ্ত। আমি কোথায় আছি, কেমন আছি, কী খাচ্ছি কী পরছি নিরুপমের কোনও খেয়ালই নেই। আমি যে আছি তাতে ওর কিছু এসে যায় না। না থাকলেও নেই নেই। ওর ওয়ার্ড, ওর কার্ডিনালগিরি, ওর পার্টি, ওর ইজম, ওর ক্যাডার—এই নিয়ে থাকে। গান-গণসঙ্গীত ছাড়া শোনে না। নাচকে বলে রাবিশ। নাটক, সিনেমা মাড়ায় না। শোনে শুধু ভাষণ, সরোজিনী নাইডু, পমজা নাইডু, রাধাকৃষ্ণন, তারও আগে সুরেন বাঁড়ুজ্জ, বিপিন পাল, ইলানী-এর মধ্যে হরিপ্রদ ভারতী, অটলবিহারী বাজপেয়ী, সোমনাথ চট্টোজ্জ। এঁরা ওর হিরো। ভাষণ যদি ভাল হল তো যাদের ওপর হাড়ে-চটা তাদের সভাতেও গিয়ে দাঁড়াবে।’

‘পাগলা’—মালবিকাদি সরেয়ে বলল।

‘ভাষণ পাগল’—সুমিতা বলল, ‘সেই জনোই কি তুই লেখা ধইচছিস ?’

‘মালবিকাদি বলল—‘রঙ লেখা ধইচ্ছে বলে নিরুপম ভাষণ ধইচ্ছে কি না দ্যাখ। ডিম আগে না মুরগি আগে—গাছ আগে না বীজ আগে...’

‘দ্যাখো’—আমি ভীষণ বিরক্ত হয়ে বলি—‘আমার লেখা তোমাদের ভাল না লাগে তোমরা পড়ো না, কিন্তু বার বার খোঁটা দিয়ে না, লিখতে লিখতে আমি বড় হয়েছি, লেখাই আমার জীবন...’

‘লেখায় তোর জন্মগত অধিকার বহুদিন ?’ মালবিকাদি টিপ্পনী কাটে।

‘লিখতে লিখতেই জন্ম যেন লিখতে লিখতেই মরি’—সুমিতা।

‘লোকে যেমন দুধ খেতে খেতে বড় হয় তেমন তুমি লিখতে লিখতে বড় হয়েছ রঞ্জুদি ?’—শিল্পী।

কাজলকে বললুম—‘কী রে তুই এ বার সাঁতলে তোল, এরা তো নানান রকম দিল।’

কাজল বলল ‘আমার বলে মাথার ঘায়ে কুকুর পাগল ! আমি এখন অন্যের কড়ায় সম্বরা দিই আর কি !’

এই ভাবেই আমাদের প্রথম অধিবেশন সমাপ্ত হয়।

শান্তিনিকেতন

এই বার পাঠক, আমি মাঝে মাঝেই আমার আমি সত্তা বিসর্জন দিয়ে রঞ্জনা সত্তাতে অন্যদের হাতে নিজেকে ছেড়ে দেব। বন্ধুদের কাছে একটা প্লট চেয়েছিলুম তো ওরা দিল না। মানে দিল, কিন্তু ওরা জানে না ওরা দিয়েছে। হে দ্বন্দ্ব, ওদের ক্ষমা করো, অকিঞ্চিৎকর মনুষ্যসকল, উহারা জানে না উহারা কী করিয়াছে। কিন্তু ওপন্যাসিকের বেলিক্স তো আমার আছে। আমি সবজাতা, সর্বত্রগামী, সর্বত্র উপস্থিত। আমি সমস্ত আমারি গহনে ডুব দিতে পারি, আমি মালবিকাদেও আছি, সুমিতাদেও আছি, ধর্মে এবং জিরাফে এক সঙ্গে অবস্থান করার মতো। কর্ণের ছিল সহজাত কবচকুণ্ডল, আমার আছে সহজাত টেলিফোনিক লেপ চোখে, কানে সহজাত হিয়ারিং এইড। বধিরদের জন্যে তৈরি নয় শ্রুতিমানদের স্পেশ্যাল। আমার পায়ে অদৃশ্য রপণা, হাতে গুলতি থেকে বুমেগার থেকে অতি আধুনিক এ কে ফাট সেভেন। পাশপত্যজ, ব্রহ্মজ্ঞের জন্য সাধনা শুরু করেছি। মনে রয়েছে প্রথর ইফুইশন। এমনত অবস্থায় আমার অনুকম্পা এত বেশি থাকে যে কখন আমি কাজলরোখা মিস্ত্রি, হাস্যমুখী মৌরীচিবোনো, পকেটমার হয়ে যাচ্ছি, কখন ধুরন্ধর, প্রথর বুদ্ধিসম্পন্ন বরাহট মালবিকা সান্যাল হয়ে যাব, কখন হরীণীসদৃশ, হুটফটে, ফন্দিবাজ শিল্পী বরাট, কখন আমার সাইকলজিক লোক সুমিতা সরকার হয়ে যাব তার কোনওই ঠিক-ঠিকানা নেই। ভোলেভালা গঙ্গাপ্রসাদ, অভিব্যস্ত বিকাশকান্তি বার নাকি ভুঁড়ো শেয়ালের মতো চেহারা বা পার্টি-টাইম লাইফ-পার্টনার বলে খ্যাত শুভম সরকার বা উদার আমুদে স্বভাবে চন্দন বরাট—এদের যে কেউ হয়ে যাওয়াও আমার কেউ আটকাতে পারবে না। খালি নিরুপমটা আমি পুরোপুরি হতে পারব কি না জানা নেই। প্রদীপের

তলাতেই অন্ধকার বেশি কি না।

আমার দক্ষিণের জানলার থেকে দেখা যায় একটা বিঘে খানেকের প্রট। চারপাশে পাঁচিল দিয়ে ঘেরা। পড়ে আছে কোনও ভাগ্যমস্ত পকেট-ভারী এন আর আই-এর রসো, কিংবা কোনও ঘোড়েল, ওয়েল কানেকটেড প্রোমেটার-ডেভেলপারের জন্যে।

এই পড়ে থাকাটা আমাদের লাভ। প্রচুর দখিলা বাতাস পাই। একটি পুং তালপাছ তার খাড়াডোলা যৌন-ক্লেপ নিয়ে, একটি বিরাট এবং দু-তিনটে মাঝারি রাধাচড়া, সাদা গুলফর একটা, শিমুল দুটো। এখন তাদের রক্তহেলা অবস্থা শেষ হয়ে গেছে। ফল ফটিয়ে প্রচুর রেশমি তুলোও তারা পাঠিয়েছে এ বাড়ি ও বাড়ি, এখন নিশ্চিন্ত সবুজ। আরও আছে বাকী নারকেল। ঝাঁপালো বেল, কিন্তু বেল পাকলে কাকের কী! আমাদের বাজার থেকেই বেল আনতে হয়, নিমও আছে তার সম্পর্কেও এই একই কথা প্রযোজ্য। আর আছে সপ্তপুণী; যার ওপর আমার বাল্যবয়স থেকে নিদারুণ পক্ষপাত। ঝোপ বাড় আছে তলায়, তলায়, কিন্তু এই ছাতিম, গুলফর ডালপালার ফাঁক দিয়ে, শিমুলের গা ঘেষে একটি ছায়াময় পথ দেখা যায়—হলুদ-ব্রাউন, সামান্য একটু পথ, ভাঙা ভাঙা গেটে গিয়ে শেষ হয়েছে। কিন্তু যেন শেষ হয়নি, চলে গেছে পাঁশকুড়া, মেমারি, শক্তিগড়, বর্ধমান পেরিয়ে গুসকরা, পিচকুড়ির ঢাল, ভেদিয়া পেরিয়ে রিকশা চড়ে সেই মহাবটের গা ঘেষে যেথা সেই চৈত্রের শালবন। শালের মঞ্জীর গন্ধ রোদের গন্ধের সঙ্গে মিশে আপাদমস্তক শা-স্ত্র অথচ মস্ত করে দিচ্ছে। গোরুর গাড়ির না-তেল দেওয়া চাকার কাচ-কোঁচ কাচ-কোঁচ, মাটির বেহালার ছড়ের টানের মতো শুনতে পাই।

অধ্যাপক গঙ্গাপ্রসাদ মিত্র এখন শাহিনিকেতনে। প্রায়ই যান। কখনও অতিথি অধ্যাপক হয়ে, কখনও গবেষণার কাজে, নিজের তো বটেই, প্রোফেসর জেনকিন্স বলে এক অস্ট্রেলীয় ছাত্রের জন্যও তাঁকে যেতে হয়। একটি লিটল ম্যাগের শারদীয় সংখ্যার জন্য জেনকিন্স একটা প্রবন্ধ লিখছেন। রবীন্দ্রপ্রবর্তী যুগের প্রতি পদ কবিরী রবীন্দ্রনাথের মতো লেখা দিয়ে শুরু করেছেন—এই তাঁর প্রবন্ধটি, জীবনানন্দস্বর ‘ঝরা পালক’, সুধীন্দ্রনাথের ‘ভবী’, বুদ্ধদেবের ‘বন্দীর বন্দনা’ প্রধানত তাঁর শিকার। প্রবন্ধের নামটা প্রোফেসর জেনকিন্স আগেই ঠিক করে ফেলেছেন, প্রোফেসর গঙ্গাপ্রসাদ বন্ধু (মিত্র)কে না জিজ্ঞেস করাই। নাম—‘উত্তর-রৈবিকের রবিরূদয়।’

গঙ্গাপ্রসাদ বলেন ‘নামটা একটু খটোমটো হয়ে গেল না?’

‘খটোমটো বলেই তো আগ্রহ যেমন ‘চলচ্চিত্ত চক্ষুরী’, যেমন ‘সম্মার্গ সপর্মা’।’ প্রোফেসর বলতে চান খটোমটো বলেই নামটা লোকের আগ্রহ উৎসুক জাগাবে।

‘কিন্তু রবিরূদয়টা যেন কেমন,’ গঙ্গাপ্রসাদ খুঁত খুঁত করতে থাকেন।

‘রবিঃউদয় = রবরূদয় একটা হয় আর একটা হতে পারে

রবিঃউদয় = রবুদয়। কিন্তু...’

অধ্যাপক জেনকিন্স তাড়াতাড়ি তাঁকে থামান, —‘আপনার গোড়া গলদ হচ্ছে অধ্যাপক বন্ধু—এটি বাঙালা সন্ধি। রবিরঃউদয় = রবিরূদয়। অস্মিন্নোরো অনর্থ বিরোধাতাস আলোঙ্কার হল। গোড়াতেই পাটকের চমক হচ্ছে।’

ফাদার জেনকিন্স আজকাল বাংলা উচ্চারণ অনেক সড়গড় করে নিয়েছেন। তার ওপরে সংস্কৃতও শিখছেন। কিন্তু অত কঠিন ‘চলচ্চিত্ত চক্ষুরী’ বা ‘সম্মার্গ সপর্মা’ উচ্চারণ করতে তাঁর অসুবিধে হচ্ছে না অথচ সামান্য পাঠককে কেন তিনি সব সময়েই মেরে পাট করে দেওয়ার মতো ‘পাটক’ বানিয়ে দেন, প্রায়ই হচ্ছেকে ‘হোছে’ বলেন তা গঙ্গাপ্রসাদ বুঝতে পারেন না। বাংলাকেই বা তিনি কেন ‘বাঙালা’ বলেন? বেশি কথা কি তাঁর আলোচিতব্য তিনটি বই? ‘ঝরা পালক’ কী তিনি বলেন? বলেন ‘জরা পালক’, ‘ভবী’ও তিনি বলেন না, বলেন ‘তনভি’, বেশি চাপাচাপি করলে ‘তিমি তিমি’ বলে হাততালি দেবেন। এমন নয় যে তিনি অধ্যাপক বন্ধুকে খ্যাপাতে চাইছেন, এ বয়সে কি আর খুনসুটি মানায়? আসল কথা সঠিক উচ্চারণটা তিনি ঠিকমতো ধরতে পেরেছেন মনে করাই আনন্দে হাততালি দ্যান। ভারী সরলমতি ছেলোমানুষ ফাদারটি। তারপরেই ব্যক্তির বাডনা বলে তিনি ব্যাও বাদ্য বাজিয়ে দেবেন।

খুবই মনঃক্লম্ব হন গঙ্গাপ্রসাদ। দোষটা তাঁরই। তিনিই যথেষ্ট বৈজ্ঞানিক উপায়ে ফাদারকে শেখাননি। ফনেটিকস চর্চা তিনি ফলন করে করার সময় পাননি। আজীবন তিনি জীবনাব্দে মজে আছেন। ফলে তাঁর খানিকটা ইয়েটস চর্চা, পো-চর্চা আছে, শক্তি চরোপাখ্যার-চর্চাও তিনি করে থাকেন। কিন্তু ফাদার জেনকিন্স তাঁর ছাত্র হওয়ার আগে ফনেটিকস-চর্চার উপযোগিতা তিনি বুঝতে পারেননি।

যাই হোক, ‘উত্তর-রৈবিকের রবিরূদয়’—শিরোনামটা শুনেই দুর্গাপুরের একটি লিটল ম্যাগাজিন ফাদার জেনকিন্সকে স্বাগত জানিয়েছে। যদি প্রবন্ধটা খুব বড় হয়ে যায় তো তার জন্যে কয়েক ফর্ম বাড়াতোও ওরা রাজি আছে, অবশ্য সবিনয়ে জানিয়েছে ফাদার জেনকিন্স যদি সামান্য ব্যয়ভার বহন করেন, তা হলে ...পূর্বাঞ্চলের সমস্ত সংস্কৃতিমান পাঠকই ‘উত্তরী’ শারদীয়র জন্যে হা-পিঠাশি করে বসে থাকেন তো! ফাদার লেখা শুরু করার আগেই পঞ্চাশ ডালার পাঠিয়ে দিয়েছেন। তো এখন ফাদারকে সহায়তা করা কি গঙ্গাপ্রসাদের পবিত্র কর্তব্য নয়?

শিরোনাম নিয়ে গঙ্গাপ্রসাদের খুঁতখুঁতনি যে কিছুতেই যাচ্ছে না এ ব্যাপারে ফাদারের জ্ঞান টটনে। তিনি ভাল করে ব্যাপারটা বুঝিয়ে বলেন—‘বাঙালা সাহিত্যে আমি কিছু অবদান করতে চাই। অধ্যাপক বন্ধু! নুহন কিছু। পুরনোর চর্যচর্যবর্তে কী লাভ হচ্ছে? বাঙালা ইউসেজের একটি বই অধ্যাপক

নীরেন্দ্রনাথ চক্রবর্তী বার করেছেন, তাতে তিনি ওনেক স্বাধীনতা দিচ্ছেন, যেমন ফাউলারের নুতন এডিশন। কিন্তু আমি আরও স্বাধীনতা করতে চাই।’

গঙ্গাপ্রসাদ সংক্ষেপে শুধু বলেন, ‘নীরেন্দ্রনাথ কবি, তিনি অধ্যাপক নন।’

‘কিন্তু তিনি তো ভাষণ দিচ্ছেন, বিশ্ববিদ্যালয়ের ছাত্র সব ভিড় কচ্ছে।

যেমন আর্নল্ড’

‘কিন্তু আপনাদের আর্নল্ড পোয়েট্রির চেয়ারে ছিলেন অক্সফোর্ডে। অডেন, স্পেন্ডার এঁদের কথা ধরুন, সবাই তো ভাষণ দিয়েছেন বাবা জেনকিন্স। কিন্তু তাঁদের পরিচয় কি অধ্যাপকের।’

বাবা জেনকিন্স শুনে ফাদার ঘাবড়ে যান। গঙ্গাপ্রসাদ খুবই সদাশয় মানুষ, কিন্তু কোনও কারণে বিরক্ত হলেই তিনি বাবা জেনকিন্সটা বলে থাকেন। এখন, গঙ্গাপ্রসাদের বিরক্তির কারণ ওই ‘বিশ্ববিদ্যালয়’ এবং ‘ভির’, বিশ্ববিদ্যালয়টা পরিষ্কার উচ্চারণ করে ‘ভিডে’ এসে ফাদার জেনকিন্স ভিরমি খান কী করে? এই

যাই হোক, এঁ কাজে এখন মগ্ন, গঙ্গাপ্রসাদ এবং তাঁর ছাত্র। খুবই মগ্ন, ছাত্র মগ্ন পড়াতে এবং লেখাতে। মাস্টার মগ্ন এড়াতে এবং পালাতে। এ ছাড়াও গাছের তলায় ছাত্রদের স্পেশ্যাল ক্লাস নিতে গঙ্গাপ্রসাদের অনেকটা সময় যায় এ মত সময়ে পত্নী কাজললেখা মিত্রের একটি চিঠি আসে—

‘প্রিয়তমেষু,

আশা করি তুমি তোমার বাবা-সহ ভাল আছো। তোমাকে দুটি মা-ও পাঠাচ্ছি কত দিন আর মাতৃহীন হয়ে কাটাতে বেচারি খোকাবাবু? একটি মা তোমার সাক্ষাৎ কন্যা সে তোমাদের ওপার নজর রাখবে। আর জিতীয়টি আমার সাক্ষাৎ বন্ধু বা বান্ধবী বা বন্ধুনি রজনী ‘পরদারেষু লোহিতবৎ।’ সে কয়েকদিন শান্তিনিকেতনে যাপন করতে চায়, বিশেষ শান্তির আশায়। দেখো কারও কোনও অশান্তির কারণ না হয়।

ইতি

একান্ত তোমারই
কাজল

চিঠিটি পেয়ে গঙ্গাপ্রসাদ হতবাক হয়ে যান। ‘প্রিয়তমেষু?’ এই সন্ধান কালকললেখা মিত্রের তাঁকে এ জম্বে কখনও করেনি। প্রথম বিবাহের পর তিনি কাশী বিশ্ববিদ্যালয়ে একটি সেমিনারে যোগ দিতে যান এবং পত্নীকে প্রিয়তমাসু সন্ধানেনে চিঠি দ্যান। সে লজ্জার কথা গঙ্গাপ্রসাদ ইহজীবনে ভুলবেন না। চিঠির উত্তরে যে চিঠি আসে সেটি কম্পিত হাতে খুলে তিনি দেখেন সন্ধানেন লেখা রয়েছে—গঙ্গাপ্রসাদেষু জ্যামশাইসু। ভেতরে যা লেখা আছে তা আর কহতব্য নয়। বালার মাস্টারমশাইকে তাঁর নব পরিণীতা পত্নী জ্ঞান দিয়েছে—বিশেষ শতকের গোড়ার দিকেই স্বয়ং রবীন্দ্রনাথ তাঁর গিমিবামি ব্রীকে ‘ভাই ছুটি’ বলে সন্ধানেন করেছেন। গঙ্গাপ্রসাদ তাঁর বিরহ কাতরতার কথা শুভ

জানিয়েছিলেন, কাজল লিখেছিল বিরহ খুব স্বাস্থ্যকর। তিনি আদর সোহাগ সাধারণভাবে এবং বিশেষভাবে চুবন দিয়েছিলেন। কাজল তার উত্তরে লেখে—বাবা গো এত দূর থেকেও আমার হাঁসফাঁস লাগছে, বাঁটা গোফ ফুটছে।

সেই বেরসিকা স্ত্রী আজ তাকে একশ শতকের দোরগোড়ায় দাঁড়িয়ে ‘প্রিয়তমেষু’ সন্ধানেন করছে? কন্যা অর্থাৎ তীর্ণা। তিনু আসছে, খুব ভাল কথা। তিনু এসে তাঁর খাওয়া দাওয়ার সুবিধে হয়। তিনু নিজে পাঁচরকম খেতে ভালবাসে কাজেই ফরমায়েশ করে ভালমন্দ তৈরি করায়। তিনু তাঁদের অর্থাৎ তাঁকে ও ফাদার জেনকিন্সকে দেখাশোনা করবে, এ খুব ভাল প্রস্তাব, বাবা জেনকিন্স তাঁকে পাগল করে দিতে শুধু বাকি রাখছেন, সে ক্ষেত্রে তিনু একটা রিলিফ। কিন্তু ‘নজর রাখা’ ইউসেজটা কি কাজলের ঠিক হল? ভাষার এ রকম ব্যবহার ফাদার জেনকিন্সকে মানায়, কিন্তু কাজল? তারপর রজনী কাজলের বয়সী একটি খাড়া মেয়ে সে তাঁর মা হতে যাবে কেন? তাঁর মা হতে হলে রজনীকে আরও খাড়া হতে হবে, নয়তো আরও অনেক কচি, এগুলো কি কাজলের বাড়াবাড়ি নয়? ‘পরদারেষু লোহিতবৎ’ এই বচনই বা সে অসঙ্গতভাবে উদ্ধৃত করল কেন? কাজলের কি মাথা খারাপ হয়েছে? তার ওপরে ‘একান্ত তোমারই?’... গঙ্গাপ্রসাদ ভেবে-চিন্তে কিছুই স্থির করতে পারেন না। কাজলের মাথা যে চট করে খরাপ খরাপ নয় এ তিনি হাড়ে হাড়ে জানেন। তবে?

এ দিকে তীর্ণা আর রজনী এসে পৌঁছয়। এই গরমে কেউই আর স্টেশনে যাননি। গাছ-গাছালির ছায়ায় ছায়ায় থাকতে পছন্দ করেছেন। তা ছাড়া ফাদার জেনকিন্সের ঘরটি এয়ার কন্ডিশনড। এয়ার-কন্ডিশনারটি ফাদার টোপ মনে মনে ব্যবহার করে থাকেন। হয়তো গঙ্গাপ্রসাদ নিজের ঘরে নিজের কাজে মগ্ন। ফাদার জেনকিন্সও ‘জরা পালক’ নিয়ে পড়ছেন। কিছুটা লেখার পরই তাঁর মনে হয় এটুকু অধ্যাপক বন্ধুকে দেখিয়ে নেওয়া ভাল। সহজে যে গঙ্গাপ্রসাদ ঘাড় পাতবেন না, তা এত দিনে ফাদার জেনে গেছেন। তিনি এয়ার কন্ডিশনারটি ‘ফুল’ চালিয়ে দিয়ে গঙ্গাপ্রসাদের ঘরে উঠে মারেন—‘ওহ। অধ্যাপক আপনি যে কী করে এই গরমে মনঃসমিবেশ করছেন?’

মুখ না ভুলেই গঙ্গাপ্রসাদ বলেন—‘আমরা গরম দেশের মানুষ গরমে আমাদের মনোযোগ নষ্ট হওয়া উচিত নয়।’

‘সন্ধ্যা করবার কী জরুরি অধ্যাপক বন্ধু, আমার ঘরে এখন আমলকির গুই চলে চলে, অর্থাৎ যথেষ্ট জগা। আসুন না।’ অর্থাৎ ফাদার বলতে চাইছেন সন্ধ্যা অর্থাৎ কষ্ট করার কী দরকার? তাঁর ঘরে এখন শীতের আবহাওয়া। তিনি শান্তিনিকেতনে রয়েছেন সুভদ্রা ‘শীতের পাতায় লাগল নাচন আমলকির গুই ডালে ডালে’ উদ্ধৃত করবার লোভ তিনি সামলাতে পারেননি। প্রথম অংশটা মনে না থাকাতোও তিনি মোটেই ঘাবড়াননি।

এখন এই আস্থানে যদি এক বার গঙ্গাপ্রসাদ লুক্ক হয়ে ফাদারের ঘরে যান

তো হয়ে গেল। ওই চমৎকার ঠাণ্ডা থেকে তিনি আর বেরিয়ে আসতে পারবেন না। এবং এক ফাঁকে ফাদার তাঁর কাজটি সেরে নেবেন।

এই পরিস্থিতিতেই রঞ্জুমাসিকে নিয়ে তীর্ণা পৌঁছায়।

‘আমাদের জন্যে কী রান্না করিয়েছ?’ এসেই তীর্ণা মিলিটারি স্টাইলে জিজ্ঞেস করে। ‘তাঁর আমি কী জানি?’ গঙ্গাপ্রসাদ ঠাণ্ডা ঘর থেকে বেরিয়ে আসতে আসতে বলেন।

‘মানে?’

‘রান্না-বান্নার ব্যাপার-সাপারের আমি কী জানি বল! শব্দকে বলে দিয়েছি তোরা আসছিস বাস।’

ফাদার জেনকিন্স এই সময়ে হাস্যমুখে বলেন—‘জোল-ভাত। আমরা গর্মে জোল খাই। রোহির জোল।’

‘আমি তো একা নই রঞ্জু মাসিও আসছে আর তুমি ঝোল ভাতের অভয় দিলে?’ তীর্ণা ঝাঁকিয়ে ওঠে।

রঞ্জু মাসি তাড়াতাড়ি বলে ‘ওমা, ঝোল ভাত তো ভাল জিনিস। এই গরমে আর কিছু খাওয়া যায়?’ সত্যজিভের, ‘অশনি সন্ধ্যা’-এর শেষ দিকে ‘মাছের ঝোল ভাত’ বলতে বলতে একটা মেয়ে মরে গিয়েছিল, মনে নেই? তার শেষ হচ্ছে ‘মাছের ঝোল ভাত।’

‘তাই বলে আমাদেরও কি জীবনের শেষ দিন পর্যন্ত ঝোল ভাত খেয়ে যেতে হবে রঞ্জু মাসি? মা গরমের দিনে রোজ বলবে আজকে পাতলা করে একটা ঝোল রন্ধে ফেলি কী বলিস?’ শীতের দিনে বলবে—আনাজ পাতি শস্তা, কুত রকম। জলপেশ করে একটা ঝোল রান্না। উই আর ফেড়আপ উইখ ঝোল।’

গঙ্গাপ্রসাদ এই সময়ে বলেন ‘তা কেন? এখন তোর রঞ্জুমাসি এসেছেন উনি ঠিকই একটা কিছু ব্যবস্থা করবেন।’

রঞ্জুমাসির মুখ যে ফ্যাকাশে হয়ে যাচ্ছে তা তিনি লক্ষ করেন না। ও দিক থেকে ফাদার হাততালি দিয়ে ওঠেন, ‘জগাখিড়ি, কাফতা, কোবাব, পালাও, কাঁটালের ডালভা, মোচের চপ...’

রঞ্জুর মুখ এ বার লালচে হতে শুরু করেছে সবাই লক্ষ করে। গঙ্গাপ্রসাদ কাঁচমুচ মুখে ক্ষমা চান—‘বুঝলেন রঞ্জুমাসি, অতিরিক্ত উৎসাহ হলে ফাদারের বাংলা একটা গুলিয়ে যায়। উনি আপনাদের রান্নার প্রতি কোনও কটাক্ষ করেননি। উনি কাউকে পালাতে বলছেন না। গোঁফের চপও ফরমায়েশ করছেন না। আর খিচুড়ি আর জগা-খিচুড়ির তফাত আমি ঠুঁকে আজও বোঝাতে পারিনি।’

ফাদারও জোড় হাত করেন। কিন্তু তারা কেউই রঞ্জুমাসির লালচে হওয়ার আসল কারণটা ধরতে পারেননি। মোচের চপ যে মোচার চপ এটা রঞ্জুমাসি ঠিকই বুঝছিলেন। কিন্তু এই বিদেশি ফাদারটি তাকে দিয়ে এই সব রান্নায়ে

৩৮

নাকি? তার ওপর আদিখ্যেতা করে গঙ্গাপ্রসাদ যদি পৌঁ ধরেন। বাড়িতে শেফালি আছে, এখানে কে তাকে উদ্ধার করবে? তীর্ণার রকম-সকমও তো ভাল ঠেকছে না।

শব্দ এককণ রঞ্জুমাসি ও তীর্ণার ব্যাগ স্টকেস ইত্যাদি নিয়ে দাঁড়িয়ে ছিল। এ বার বলল—‘না, না, বিউলির ভাল আর বাড়ি পোস্ত হয়েছে। কাঁচা আম দিয়ে মৌরলা চচ্চড়ি আর লালশাক ভাজা। দই পেতেছি রান্টিরে বেশি করে।’

ফাদার বলেন, ‘কাদ্যতালিকা ভাল। আর দুই বাদ তো খেতেই যাচ্ছে না।’ ‘দুই’ মানে দুটি পদ তিনি বোঝাননি। তিনি বুঝিয়েছেন ‘দই।’

সুমিতা

রঞ্জনা শান্তিনিকেতন যাবার দিন দুই পরে কাজল সুমিতার ফোন পায়।

‘রঞ্জুদিকে কোথায় হাপিস করেছিস রে কাজলদি?’

‘রঞ্জু ট্রেকিং-এ গেছে শান্তিনিকেতনে।’

‘রঞ্জু ট্রেকিং-এ? শান্তি...ইয়ার্কি মারছিস।’

‘ইয়ার্কি কী হচ্ছে। তোর সঙ্গে যে সে দিন বাজি হল, তা সেই ফরাসি পার্ফুমের জন্যে আমরা সব দুঃসাহসিক অভিযানে নেমে পড়েছি, না?’

‘তাই বল, গঙ্গাপ্রসাদদাও শান্তিনিকেতনে।’

‘এবং আমিও শান্তিনিকেতনে।’

‘মানে?’

‘মানে আর কি, আমিও অগাধ শান্তি উপভোগ করছি। আমার বাড়িটি শান্তির আধার। ভূই হচ্ছে করলেই আসতে পারিস।’

‘ভবে ভবে জল খাস কাজলদি। দিবা বরকে সরিয়ে দিয়েছিস যাতে বরাটের আসার পথে কোনও কাঁটা না থাকে। বা বা।’

‘কাজল বলল ‘না বা বা।’ নিজেই বললি বরেনদের সব আবিষ্কার করতে হবে নিজেই এখন পথের কাঁটা-টটা বলছিস। তা ছাড়া কাজল কখনও ভবে ভবে জল খায় না, ভেসে ভেসেই খায়। তোরা কি কোনও নির্দিষ্ট প্রসিডিওর ঠিক করেছিলিস? বলেছিলিস কি যে এই কলকাতাকেই আমাদের গবেষণাগার করতে হবে?’

‘না তা অবশ্য কারিনি, সরি।’

‘তা সে যাই হোক রঞ্জুকে এত খুঁজছিস কেন?’

‘একটা দারুণ ডিসকন্টারি করেছে।’

‘ডিসকন্টারি? তো সেটা আমাকে বলা যায় না? না হয় একটা সী-গ্রিন ঢাকাই-ই কিনেছি। যে ঢাকাই কেনে সে কি আঁতেল হয় না? মাসে চার পাঁচটা শাড়ি কিনলেই সে ডিসকোয়ালিফাই করে গেল?’



‘উফ কাজলাদি চুপ করবি ? তো শোন বিকাশকান্তিবাবুর মোটেই ভুঁড়ো শ্যেয়ালের মতো চেহারা না। অন্তত ছ ফুট দু ইঞ্চি লম্বা, পেটা চেহারা একেবারে ; মুখের মাসুল একটাও আলগা হয়নি।’

‘রং ?’ কাজল খুটিয়ে খুটিয়ে জিজ্ঞেস করে।

‘কালো ? তা সে যতই কালো হোক দেখেছি তার...’ সুমিতা গান গেয়ে ওঠে।

‘চল ?’

‘ওইখানেই তো আসল মজা রে কাজলা। মালবিকাদিটা একটা ডাহা ধাঙ্গাবাজ।’

‘সে আমি আগেই জানি।’

‘তুই তো সব জানিস। তা শোন না। চুলগুলো সব একেবারে সাদা।’

‘কাঁটালের ভুতি টুতি কী সব বলছিল না মালবিকাদি, আসলে চকচকে সাদা একটু কোঁকড়া চুলগুলো কী রকম অদ্ভুত ফুলে থাকে। দুর্ধর্ষ !’

‘কোন বিউটি-সেপুন যেন ? ড্রয়ার-রোন বোধ হয়।’

‘এটা তো আমার অকার করেনি রে ! তা সে যাই হোক, ওতে কিছু আসে যায় না। ব্যাপক লেগেছে আমার।’

‘কালো ? তা সেই যতই কালো হোক, দেখেছি তার সাদা চুলের ক্লেক।’ কাজল মাউথ-পিসের মধ্যে গেয়ে দিল।

‘ভাল বলেছিস। বীভৎস একেবারে।’

‘তা সে যেন হল, কিন্তু মালবিকাদির বর সুন্দর বলে তোর অত আনন্দ কেন ?’

‘মাস্টারমশাইয়ের সঙ্গে থেকে থেকে তুইও যে ব্যাকডেটেড হয়ে গেলি রে কাজলা। সুন্দর-সুন্দর আড্ডাজকটিড এখানে লাগে না, একে বলে বীভৎস।’

‘ঠিক আছে, মালবিকাদির বর বীভৎস বলে তোর পুলক কেন ?’

‘আরে বুঝলি না, প্রেব করবার মতো অবজেষ্ট চাই না ? তেইশ ইঞ্চি বুকের খাঁচা। রগের কাছ থেকে মাথা ফাঁকা হতে শুরু করেছে। দিনে চব্বিশ বার অ্যান্টিসিড চিবোচ্ছে, এ রকম কেউ হলে চেষ্টা করবার চেষ্টা আসে ? একটা খোঁচা দিলেই তো প্রেব শেষ।’ আঁআম একসাইটেড, ইন্দপার্যাদ।’

‘কী করে দেখলি ? মালবিকাদির বাড়ি গিসলি ?’

‘পা-গল। চলে গেলাম সোজা সন্ট লেক। সেক্টর থ্রি, অফিসে ঢুকে পড়লাম। নিজের কার্ড পাঠিয়ে দিলাম।’

‘তোর আবার কার্ড আছে না কি ?’

‘তবে ? ল্যামিনেটেড কার্ড।’

‘বাস ! ডেকে পাঠালেন ?’

‘লেকচারার দ্য সাইকলজি আবার সাইকো-অ্যানালিস্ট, ডাকবে না মানে ?’

‘কী পরেছিলি ?’

‘ছাপা শাড়ি।’

‘এঃ। আমার থেকে একটা ধার নিতে পারতিস !’

‘এ ছাপা সে ছাপা নয় দেবী, এ হল বৃত্তিক ছাপ, ডিজাইনার, লাখে একটা। অফ-হোয়াইট বেসের ওপর লাল কালো হলুদ কটকটে সবুজ দিয়ে জগন্নাথ বলরাম সুভদ্রা, জগন্নাথ সুভদ্রা বলরাম, সুভদ্রা জগন্নাথ বলরাম...’

‘উরি স্ বাবশ, তো সার তোর শাড়ি লুক করলেন ? এনি কমেন্ট ?’

‘আজ্ঞে না ম্যাডাম, সার তো আর তাঁতি নয়। ছেলেরা শাড়ি-ফাড়ি বোঝে না। দ্যাখে টোটাল এফেক্ট।’

‘টোটাল এফেক্ট সম্পর্কে তোকে উপদেশ দিতে যাওয়া মানে মায়ের কাছে মাসির গল্প। তবু জিজ্ঞেস করি তুই কি তোর গোছ গোছ পুতির গয়না পরে গিয়েছিলি ?’

‘আজ্ঞে না, সুমিতা সরকার অত বোকা নয়। রুদ্রাক্ষের অল্পঝোলা দুল, গলায় সরু তুলসী বীজের মালা, হাতে ব্রাউন রুলি।’

‘তোর কী করে ধারণা হল ভেরবী-বোঁটমির কমবিনেশনটা ধরবে ?’

‘দ্যাখ কাজলাদি, ধরবে নয়, খাবে। কোনটা খায় কোনটা খায় না, সে সম্বন্ধে আমার কিছু টেকনিক্যাল কিছু ইনটুইটিভ জ্ঞানগমি আছে। কিন্তু এখন আমি সে সব ভাবব না। তোর অ্যাপ্রোচ তোর, আমার অ্যাপ্রোচ আমার’

‘তাই ? তো তারপর ?’

‘তার তো অনেক পর আছে। আমার চড্‌চড্‌ করে বিল উঠছে, আমি রাশি তুই বরং তারপর ডায়াল কর।’

কাজল বলল— ‘ইম্মি আর কি ! তারপর তুই এক ঘণ্টা ধরে বকবক কর আর আমার বরের বিল উঠুক। তোর শুভম আমার গঙ্গার তিন ডবল মাইনে পায়, খাই-খরচ নেই। তুই নিজে চার হাতে রোজগার করছিস, ইয়ার্কি পেয়েছিস ! বরং আবার কাল ফোন করে ডেভেলপমেন্ট জানাস।’

শুভম

শুভম সরকারের প্রথম হবি যদি হয় ঘুম, তো দ্বিতীয় হবি আড্ডা। প্রচণ্ড আড্ডাবাজ ছিল সে এককালে। সেইখান থেকে তুলে এনে যখন তাকে জাহাজে জুতে দেওয়া হয়, তখন সে জাহাজটাকেই যথাসম্ভব আড্ডাখানা করে ফেলবার চেষ্টা করে, কিন্তু পারে না। সাধ মেটাতে অতএব বাড়ি ফিরেই তাকে আড্ডার খোঁজে বেবোতে হয়। এবারও অন্যান্যবারের মতোই শুভম ঘুম থেকে উঠল পাঁচটা বাজিয়ে। বিকেল পাঁচটা। সারাদিনের রাগী চেহারা এখনও সম্পূর্ণ যায়নি। তবু ডুরডুরে হাওয়া দিতে আরম্ভ করেছে। আড়মোড়া ভেঙে হাই তুলে, সাইড-টেবিলে রাখা ফ্লাক থেকে শুভম চা খেল। আরও দু বার হাত পা ছাড়াল। পাশের ঘরে তার দুই মেয়ে দেবাঞ্জলি আর আত্মপালী নাচ

প্রাঙ্গিস্তি করছে। তা তা খেই তেই এই সব অর্থহীন বুকনি উচ্চকণ্ঠে তাদের নাচের মাস্টারমশায়ের মুখ দিয়ে বেরোচ্ছে। সুমিতা একটু দেরিতে বেরিয়েছে আজ, ফিরবেও দেরিতে। চান করে পায়জামা পাঞ্জাবি ও ঘাড়ো-পাউভারে সুসজ্জিত হয়ে শুভম মেয়েদের ঘরে উকি দিল, দেবাঞ্জলি তখন হাতের এমন একটা মুদ্রা করছিল যাতে মনে হল সে বাবাকে একটু সুললিতভাবে টা টা করছে। শুভম বাড়ানো গলা শুটিয়ে নিল। মা ঘরে ঘরে ধূপ দিচ্ছে। বলল 'বেরোজিস্ ?' মানে শুভম যে বেরোবেই, তার বেরোনাই যে ভাল এটা সবাই জানিয়ে দিচ্ছে। বাবার ব্যবহার আরও ভাল। তিনি সন্তর বছর বয়সে কৃষি আর ফতুয়া পরে, আরাম চেয়ারে শুয়ে শুয়ে টিভি দেখছেন। মধুবালা দিলীপকুমার। 'প্যার কিয়া তো ডরনা ক্যা ?'

শুভম বেরিয়ে পড়ে। রোজই এ সময়টা সে কফি-হাউজে যায়। বন্ধুদের সঙ্গে দেখা যে হবেই, এমন কথা নেই। তবে হলেও হতে পারে। রাধেশ্যাম কি আসবে? তবে শুভম-এর আসল যেটা লোভ সেটা হচ্ছে কফি-হাউজের অবহাওয়া। এক কাপ কফি নিয়ে সে এক কোণে বসে থাকে। তার মনে থাকে না বিয়াল্লিশ-তেরাল্লিশ বয়স হয়ে গেল, সে এখন মাস গেলে পঁচিশ হাজার টাকার মতো মইনে পায়, তা ছাড়াও বহু পার্কস। মনে থাকে না বন্ধুরা সব চারদিকে ছড়িয়ে ছিটিয়ে গেছে, অনড় আছে শুধু শয়তান রাধেশ্যামটা। সে যেন সেই আধা-বেকার সদ্য যুবক যে তর্ক করতে ভালবাসত, নাটক দেখা যার জীবনের অবশ্য কর্তব্যের মধ্যে পড়ত, সব রকমের গানের আসরে থাকে দেখা যেত। আজও সে লোভলায় উঠে ডান দিকের কোণের দিকে এগোচ্ছিল, দেখল এক মহিলা তার জায়গাটা নিয়ে বসে আছেন। ভাবী বিরক্ত হল সে। খুবই অযৌক্তিক এ বিরক্তি। জায়গাটা তো তার কেনা নয়। তবু সতৃষ্ণ নয়নে জায়গাটার দিকে আরেকবার তাকাল সে। ভদ্রমহিলা তার দিকে চেয়ে খুব সপ্রতিভভাবে বললেন—'বসবেন?'

'না' বলটা ভাল দেখায় কি? শুভম ধন্যবাদ জানিয়ে বসল। ভদ্রমহিলা কফির কাপে চুমুক দিলেন। কাঁচা পাকা বয়ছটি চুল মহিলার। চোখ দুটো ছোট কিন্তু ঝকঝকে, লম্বাটে মুখ, নাকটা চোখা। বেশ ধারালো অথচ নারকুলে কুলের মতো মনুণ। টেবিলের ওপর একটা মোটা ফাইল, কাঁধেও ব্যাগ।

'আমি মালবিকা সান্যাল। আপনি?'

'শুভম সরকার। আপনি কি ইউনিভার্সিটিতে আছেন?'

একটু হাসলেন ভদ্রমহিলা—'মাস্টারি না করেও তা হলে মাস্টারির ছাপ পড়ে গেছে চেহারায়?'

'না, না, তা নয়' শুভম খুব অপ্রস্তুত হয়। বছরের আটটা মাস তাকে অকূল বারিধিতে কোমল নারীসদবিবর্জিত কাটাতে হয়। নারীদের সম্পর্কে সে খুব স্পর্ষকাতর। মানে, নারীদের স্পর্ষকাতরতা সম্পর্কে সে খুব স্পর্ষকাতর। খুবই। বাড়িতে এই স্পর্ষকাতরতা যে বিশেষ প্রয়োগ করতে পারে না। তার ৪২

বাড়ির নারীরা তার আট মাস বাইরে থাকাটায় অভ্যস্ত হয়ে গেছে মনে হয়। তা ছাড়া তারা যেন কেমন! মা নির্লিপু, স্ত্রী নিজের কাজকর্ম নিয়ে সবসময়ে উৎসাহে টগবগ করছে। দীর্ঘ বিরহের জন্য একটু রোমান্টিক বিবাদ, একটু আলাদা আকুলতা যদি তার থাকত! ছিল, মেয়েরা হবার আগে ছিল। কিন্তু মেয়েরা যত বড় হচ্ছে সুমিতা তত প্রাঙ্গিস্তিকাল হয়ে যাচ্ছে।

শুভম একটু সাহসী হয়ে বলল—'কিছু মনে করবেন না, আপনাকে দেখে মনে হয় আপনি জাক দেরিনার ফলোয়ার। ক্ষুরধার বুদ্ধি না হলে তো ঠিক...'

বিদেশি সাইকেলে গ্যালাট্রি না করেও যে ভদ্রমহিলাকে সূক্ষ্মভাবে কমপ্লিমেন্ট দেওয়া গেল কোনও রক্ষণশীল ভদ্রতাবিধি লঙ্ঘন না করে এবং সাহিত্যিক বিশেষ লেটেস্ট দেরিনার নামটা যে সে শুনিয়ে দিতে পেরেছে এই আঁতল মহিলাটিকে তাতে শুভমের একটা দারুণ আশ্বাস হয়ে।

মহিলা হেসে বললেন 'দেরিদা কি তাড়াতাড়ি কারওই ফলোয়ার আমি নই। একটু আধু সোশ্যাল ওয়ার্ক করে থাকি। কখনও কাজ হয়, কখনও হয় না। আপনার কফি এসে গেছে, পান করুন।'

শুভম হাসি-হাসি মুখে কফিতে এক চুমুক দিল, বলল—'আজ কাজ হল?'

'কাজ হবে বলেই আশা করছি অপেক্ষা করছি, আশা করতে তো পয়সা লাগে না, তা ছাড়া আমার বন্ধুরাও আমাকে সাহস দেয়, প্রেরণা দেয়।'

'আপনার বন্ধুরাও সোশ্যাল ওয়ার্ক করেন?'

'আনসেশ্যাল বা অ্যাটিসেশ্যাল কিছু করে না—এটুকু বলতে পারি।'

শুভম হেসে ফেলল। মহিলা তারি মজার তো? চোখেমুখে সব সময় একটা মজা-পাওয়া হাসি খেলা করছে। তবে চালাকও কম নয়। কায়দা করে তার প্রশ্নগুলোকে এড়িয়ে যাচ্ছেন।

'কফিটা এখানে ঠিক আগের মতোই আছে বলুন?'

'তা আছে। সবই চেঞ্জ করছে, কিন্তু কিছু কিছু যদি অপরিবর্তিত অবিচলিত থেকে না যায়, তা হলে তো পৃথিবীর রিসমটাই নষ্ট হয়ে যাবে!'

'যেমন?'

'শুভম তর্কের গন্ধ পেয়ে খাড়া হয়ে ওঠে।

'যেমন ধরন জল, মানে জলধি। ডাঙায় তো সবই চেঞ্জ করে যাচ্ছে কিন্তু সমুদ্রে? সেই একই নীল, একই সবুজ, একই ঢেউ, গভীরতা, চোরা শোত, সেই একই তিমি হাওর, উড্ডুকু মাছ। আপনি যখন ডাঙা থেকে জলে যান তখন জীবনের সেই অপরিবর্তনীয় ছন্দ কি আপনি অনুভব করেন না?'

'আমি ডাঙা থেকে জলে যাই—আপনি কী করে বুঝলেন? কী করে বুঝলেন আমি জাহাজের লোক?'

'আপনি জাহাজের লোক বৃষ্টি? আমি সাধারণভাবে ডাঙা থেকে জলে যাওয়ার কথা বলছিলাম। নানা কারণে প্রাপ্তবয়স্কদের তো এখন জলে নামতেই হয়! তো কিছু মনে করবেন না, আপনি কি খালিসি না সারেস?'

শুভম এত জোর হেসে উঠল যে আশেপাশে অনেকেই ফিরে তাকাল।

তবে সেটা বেশিক্ষণের জন্য নয়, তারা নিজেরাও এত হাসছে, চোঁচাচ্ছে যে তাদের দিকেই কে ফিরে তাকায় তার ঠিক নেই।

‘খালিসি বা সারেং ছাড়া জাহাজে আর কেউ কাজ করে না বুঝি?’ শুভম এখনও হাসছে।

‘কিছু মনে করবেন না আমার গল্পের বই পড়া বিদ্যে তো! খালি সারেং আর খালিসিদের উল্লেখই পাই সব জায়গায়। আর অবশ্য ক্যাপ্টেন থাকেন। তো জাহাজের ক্যাপ্টেনদের তো ভীষণ রাফ হাবভাব, রেলাও খুব, তাই...’

ভদ্রমহিলার ছেলেমানুষিতে শুভম-এর ভরী একটা স্নেহ একটা বাৎসল্য জন্মায়। তার ওপর ‘রেল’...

‘তা আমাকে কি খালিসি মনে হয়। ক্যাপ্টেন না হয় না-ই মনে হল।’

ভদ্রমহিলা জিজ্ঞাসা করলেন—‘ছি, ছি, আপনাকে ব্যথা দিয়েছি। তাই তো। আপনি কখনওই খালিসি হতে পারেন না। সত্যি আপনি কী বলুন তো? জাহাজ সম্পর্কে আমার কোনও ধারণাই নেই।’

‘আমি যা-ই হই না কেন, আপনার লজ্জা বা দুঃখ পাবার কোনও কারণই নেই।’

‘কিন্তু আমি যে সোশ্যাল ওয়ার্কার তা আপনাকে বলেছি। বলিনি? সুতরাং ন্যায়ত আপনার কাজ-কর্মের কথাও আমাকে বলা আপনার উচিত।’

‘সে কথা ঠিক।’ শুভম বলে, ‘আমি জাহাজের এঞ্জিনিয়ার আর কি।’

‘ও হে, ম্যারিন এঞ্জিনিয়ার আপনি, তাই তো, এই সহজ কথাটা আমার মাথায় আসেনি। আপনি তো তা হলে খুব ভাল পাত্র? জাহাজে ওরা খুব ভাল মাইনে-পুত্তর দেয় শুনেছি।’

‘ভাল মাইনে-পুত্তর হলেই ভাল পাত্র হয় বুঝি?’

‘প্রধান ফ্যাক্টর তো ওটাই। তা ছাড়াই আপনাকে সুস্থ সবল এবং স্বাভাবিকও তো মনে হচ্ছে? আর কী চাই?’

‘আপনার হাতে অনেক পাত্রী বুঝি? আপনি কি কফি-হাউজে পাত্র খুঁজতে এসেছিলেন? এই কি আপনার সোশ্যাল ওয়ার্ক?’

এতোগুলো প্রশ্ন একসঙ্গে করে ফেলেই শুভম বুকতে পেরেছিল একটু বাড়িবাড়ি হয়ে যাচ্ছে। না জানি ভদ্রমহিলার কী প্রতিক্রিয়া হয়।

কিন্তু তাকে আক করে দিয়ে ভদ্রমহিলা হাসিমুখে বলেন—‘আপনি যদি আমাকে মালবিকাদি বলে ডাকেন, তা হলে আমি আপনাকে শুভম বলে ডাকতে পারি তো? না আবার শুভবাবু-টাবু বলতে হবে?’

‘না না শুভবাবু-টাবু আমাকে কেউ বলে না। হয় বলে শুভম, নইলে বলে সরকার।’

‘তবে এই নিন, পান নিন শুভম’— মালবিকাদি পানের ডিবে বার করে, সময়ে সর করে সাজা পানের দুটো বিলি এগিয়ে দিলেন।

‘আপনি কি পানাসক্ত?’ শুভম জিজ্ঞেস করে—‘কিন্তু বোঝা যায় না

তো?’

‘পানাসক্ত আমি ঠিকই। কিন্তু পানে খয়ের দিই না কখনও। তা ছাড়াও দাঁত সম্পর্কে সতর্ক আমি।’

‘বা, আমরাও যদি এমনি হতে পারতাম’— শুভম আক্ষেপ করে।

‘লবঙ্গ ছোট এলাচ একসঙ্গে চিবিয়ে নেবেন, আর এই পানের পাতা যদি একটু চুন লাগিয়ে চিবিয়ে নেন, তা হলে তো আরও ভাল। গন্ধ পাওয়া যাবে না।’

‘মানে বলছেন পান স্কেয়ার?’

‘যা বলেন। তা আপনার বাড়ি কি খুব কনজারভেটিভ? জাহাজের লোকদের তো শুনি...’

‘আর বলবেন না। আপনি একজন বাইরের লোক হয়ে বোবেন, আর আমার মা বাবা এঁরা বোঝেন না। একদম। বাবা বলেই দিয়েছেন—কোনও ছুতোতেই মাতাল দাঁতাল হওয়া চলবে না। মায়ের কথা যদি বলেন, এমন আদিকালের বলিবিড়ি মা আমি দেখিনি। ভদ্রলোকের বাড়ির ছেলে যে মদ ছুঁতে পারে তা তিনি বিশ্বাসই করতে পারেন না। অথচ ম্যারিন...বুঝলেনই তো।’

‘হঁ, আপনার খুব প্রবলত।’ মালবিকাদি ঘড়ির দিকে দৃষ্টিপাত করে বললেন—‘এবার আমায় উঠতে হচ্ছে। চলি, আপনার সঙ্গে আলাপ হয়ে খুব ভাল লাগল ভাই সরকার।’

‘উঠছেন?’ রাজ্যের হতাশা বারে পড়ে শুভম-এর গলা থেকে।

‘এই যে পাত্রীর কথা বলছিলেন? আপনারাও কি আমার মায়ের মতোই কনজারভেটিভ? ম্যারিন শুনেই পিছিয়ে গেলেন।’

মালবিকাদি হাসিমুখে বললেন—‘পাত্রীর কথা আপনিই বলছিলেন ভাই, আমি তো বলিনি।’

‘সে কী? এই যে বললেন সুস্থ, সবল আর কী চাই। ভাল পাত্র—’

‘তাই বলুন। আমি বলেছি পাত্রের কথা। কিন্তু কোনও পাত্রীর কথা আমি তো কখনোই বলিনি।’

হাসি-হাসি মুখে শুভমের দিকে চেয়ে আছেন মালবিকাদি।

‘আচ্ছা তা যেন হল, আমিই না হয় পাত্র শুনে অবধারিতভাবে পাত্রীর কথা বলে ফেলেছি। কিন্তু আপনার এ রকম নামধামখীন হয়ে চলে যাওয়াটা আমার একটা লস বলে মনে হচ্ছে।’

‘নাম তো আগেই বলেছি, মালবিকা সান্যাল। ধাম বলতে আমাদের সেক্টার হল শ্যামপুঙ্কর স্ট্রিট, ফ্যারিশের বি—ওইখান থেকেই আমি অপার্টেট করে থাকি। যদি কিন্তু সমাজসেবা করতে চান...’ মৃদু হাসি দিয়ে অসমাপ্ত বাক্যে ইতি টেনে, কাঁধে ব্যাগ, হাতে ফাইল মালবিকাদি চলে গেলেন।

শুভম বিদায় জানাতে উঠে দাঁড়িয়েছিল, মালবিকাদি চেয়ার ছেড়ে একটু

এগোভেই সে মালবিকাদির পরিত্যক্ত চেয়ারে বসে পড়ে। দেওয়ালের দিকে মুখ করে বসে থাকতে নিশ্চয়ই কারও ভাল লাগে না। এবং দেখে মালবিকাদি সুনীল আঁচল বাঁহাতের কনুইয়ের ওপর দিয়ে ন্যস্ত করে কেমন সোজা সতর্ক ভঙ্গিতে একটার পর একটা ধুমায়মান জটলা পার হয়ে চলে যাচ্ছেন। দরজা পর্যন্ত গিয়ে মালবিকাদি পেছন ফিরে এক বার হাতটা নাড়লেন, মুখে হাসি।

ইস্ মালবিকাদির চেয়ারের সিঁটা এখনও গরম হয়ে আছে। ঠিক ওঁর দরদী মরমী মনটুকুর মতোই নরম গরম। এত অল্প সময়ের মধ্যে এতো সুন্দর আলাপ কারও সঙ্গে হতে পারে, বিশেষ, কোনও মহিলার সঙ্গে শুভমের বেন ধারণাতেও ছিল না। কী চমৎকার ভদ্রমহিলা। মালবিকাদি আশ্চর্য মালবিকাদি...। মালবিকা, মাধবিকা, মাধুরিকা, মানসিকা...শুভম আরো এক কাপ কফির অভয় দেয়। আলাপ সালাপ একা হলেই জমে ভাল, ভূমিও একাকী আমিও একাকী। এই যদি এখন তার বন্ধু রাধেশ্যাম পেছনে থেকে এসে তার বিরাট ধাবড়া পাঞ্জা দিয়ে তার কাঁধে ধাবড়া কব্যত 'কিরে স্ শালা, খোঁয়াড়ের ভেড়া খোঁয়াড়ে ফিরেছিল তা হলে ?

কী হত ? ঘড়ঘড়ে গলায় ববকর করে যেত রাধেশ্যাম। মালবিকাদি উঠে যেতেন, ওরা লক্ষ্যও করত না। খানিকটা সময় অনর্থক ভাড়াভাড়ানি। সে কত টাকা উপায় করে, মাসে হাজার টাকা করে রাধেশ্যামকে দিক না, আফটার অল সেই তো নিজের সীটা ছেড়ে দিয়ে শুভমকে মারিনে চানস দিয়েছিল। তা না-ই দিক, ও রকম স্যাক্রিফাইস রাধেশ্যাম অনেক করেছে, টুইশ্যানি করেই রাধেশ্যাম পর্ণশ্রীতে ফ্ল্যাট কিনেছে, বেলেঘাটায় ফ্ল্যাট কিনেছে। সে কারও কড়ি ধারে না। মারোয়াড়ি বাড়িতে বঁধা টুইশ্যানি রাধেশ্যামের। সরকারি চাকরি। হপ্তায় এক দিন হাফ ডুব আরও দু দিন ফুল ডুব দিয়ে রাধেশ্যাম চালিয়ে যাচ্ছে। পুরো সেন্ট্রাল অ্যাডমিনিট্র জুড়ে রাধেশ্যামের বাজার। এক এক বাড়িতে নটা দশটা করে বাচ্চা পড়ায়। ন দশ হাজার করে ফিজ পায়। এই সব গল্পে মারতে মারতে সময়টা কেটে যেত ঠিকই, কিন্তু মুখে একটা বাজে স্বাদ নিয়ে বাড়ি ফিরতে হত। মেজাজটা থাকত চড়ে। সুমিতার সঙ্গে রাত রোম্যান্টা জমত না। একেই তো মেজাজি মেয়ে।

'খেয়ে এসেছ ? দাড়ি কামাওনি ? চুল এত টিপটিপে কেন ? শ্যাম্পু করতে পারো না ? আবার রাধেশ্যামের সঙ্গে আড্ডা মেয়েছ ? সারা গা দিয়ে রাধেশ্যাম-রাধেশ্যাম গন্ধ ছাড়েছে।'

অদ্ভুত স্বাণশক্তি সুমিতার।

'রাধেশ্যাম-রাধেশ্যাম গন্ধ যে করছে ? গন্ধটা চিনলে কী করে ?'

'এই, খবদার বাজে কথা বলবে না। রাধেশ্যামের গন্ধ ঘাম, লাডু, ভূজিয়া, মালাই, নসি, বাংলা আর খারাপ পাড়ার গন্ধ—সবাই চিনবে। আমি সাইকলজির লোক। আমার কাছে চালাকি নয়।'

'সাইকলজির লোক' ব্যাপারটাকে সুমিতা তার একটা ঢাল হিসেবে ব্যবহার

করে, সব রকমের মোকাবিলায়। এবং ওই বাক্যাংশটি সুপার হিট। 'সাইকলজির লোক' মানেই যেন তার চোখের সামনে মানবচরিত্র খেলা পড়ে আছে। সে যা বলবে সবাইকে তা মেনে নিতে হবে। এ ব্যাপারে যদি শুভম পয়লা রাতিরেই বেড়াল মারতে পারত, কোনও বামেলা হত না। কিন্তু তা সে পারেনি। তার মতো একদা-ফেলুটস আড্ডাবাজ ছোকরার যে সাইকলজির অধ্যাপিকা গুচ্ছের মাইনে পাওয়া স্বাধীনচেতা অথচ লিচুর মতো নরম রসালো ঝুঁটুরে তা সে ভাবতেও পারেনি। অধ্যাপিকা শুনে প্রথমেই সে প্রস্তাবটা বাতিল করে দিয়েছিল। তার মা-বাবা তখন হন্যে। এই রে ছেলে জাহাজে চড়ে ভেসে গেল বয়ে গেল বুঝি, চরিত্রহীন হবার সব রকম উপাদান না কি এ চাকরিতে আছে। তাঁরা বললেন—'অধ্যাপিকার ঘোষণা তুই নোস আমরা জানি। তবু, বেড়ালের ভাগ্যেও তো শিকে ছেঁড়ে! মেয়েটিকে এক বার দেখে, আলাপ করেই আয় না।'

শুভম তখন প্রথম সফর সেয়ে এসেছে। খুব কাঠখোঁটা। সুমিতার দিদির দেওর তার বন্ধু। সেখানেই সুমিতার সঙ্গে দেখা হওয়ার কথা। বন্ধু নিলয় তাকে ড্রয়িং রুমে বসাল 'চা খাবি না কফি ?

'কফি',

'দাঁড়া বলে আসি।'

নিলয়ও বলে এল, একটা সালোয়ার কামিজ পরা কিশোরীও কফি নিয়ে ঢুকল।

শুভম তখন ভীষণ যাকে বলে এম্মাট। সে কফির কাপ তুলে নিয়ে খুব ষ্টাইলের মাথায় বলল—'তোমার সঙ্গে পরে আলাপ করব। আগে তোমার দিদিকে ডেকে মাও।'

নিলয়দের বাড়ির সবাইকে সে চেনে; এ মেয়েটি নতুন, অর্থাৎ তার অধ্যাপিকা দিদির সঙ্গে মজা দেখতে হাজির হয়েছে—এমনটাই তার ধারণা। মেয়েটি মিটিমিটি হেসে বলল—'আমিই আমার দিদি।' এবং নিলয় অট্টহাস্যে ফেটে পড়ল।

শুভম বোকর মতো বলল—'আমি ভেবেছিলাম আপনি হায়ার সেকেন্ডারি-টারি পড়েন।'

'অসাবধান মুহুর্তে সাবকনশাস তো ঠেলে উঠবেই। আসল কথা আপনি অ্যাক্সেজ বাঙালি কুমারের মতো শ্যালিকায় বেশি ইন্টারেস্টেড।' নিলয়ের হাসি আরও বেড়ে গেল।

'কিন্তু আমিই আমার দিদি আমার বোন সবই, দুঃখিত।'

দুঃখিত বললেও দুঃখের কোনও ছায়া-ছবি দেখা যায়নি সুমিতার মুখে।

মাথায় ঝাঁকড়া এক বুড়ি চুল, লিচু-লিচু মুখ, কাজল-পর্যায়তান-পর্যায়তান চোখ, হাসি-উপছে পড়া চোঁচের এই পাঁচফুটি সালোয়ার কামিজ নাকি এক্সপেরিমেন্টাল সাইকলজিতে এম এসসি, একটা মহিলা কলেজের অধ্যাপনায়

দুকেছে।

তারপর নিলয়ে সুমিতায় শুভমে যে জমজমাট আড্ডাটা হল, সেটা রান্তির নটা পর্যন্ত যখন গড়ালো তখন শুভম সুমিতাকে সুমিতা বলছে। সুমিতা শুভমকে শুভম বলছে, মালনি ব্রাত্যো, ইউল ব্রিনার, অদ্ভে হেপবার্ন সম্পর্কে মভামভের আদানপ্রদান হয়ে গেছে। শুভম এবং নিলয়ের পাহাড় ভাল লাগে, সুমিতার সমুদ্র। সুমিতা শীত ঋতুর ভক্ত, কেননা বেড়ানো যায়, নানা রং পরা যায় শুভমের বর্ষা ভাল লাগে বাড়ি ফিরতে দেরি হলে কেউ রাগারাগি করে না বলে, সুমিতা শ্যাম্পেন এবং পোট চাখতে চায়, জিন উইথ লাইম ছাড়া আজও কিছু খায়নি, ড্রাই মার্টিনি কাকে বলে জানতে আগ্রহী, সুবোধ ঘোষ আর পরশুরামের দারুণ ভক্ত, শুভম নারায়ণ গাঙ্গুলির টেনিদার। সুমিতার এক্সপার্ট ওপিনিয়ান—শুভমের মেটাল এজ বালকের। এবং এই রকম বালক-বালক লোককে ট্যাকল করতে তার দারুণ লাগবে বুঝে শুভম পুলকিত।

শুভম এখনও বউয়ের বাৎসল্য এবং মনস্তত্ত্ব-জ্ঞানের ছায়ায় ছায়ায় রয়েছে। সমুদ্রযাত্রার সময়ে সুমিতা ভালো বাছা বাছা গল্পের বই, বাছা বাছা ফটো গুছিয়ে দেয়। যত কান্না পায় তত বেশি হাসে, যত মন মরা হয় তত লাফায় কাঁপায় এবং মুখ কামটে কামটে বলতে থাকে 'তোমার আর কী। কত দেশ দেখবে, জাহাজও তো একটা রাজপুত্রী বিশেষ। ভাল ভাল খাবে, তরল চলবে খুব...আমারই মুশকিল।'

আসলে কিন্তু উণ্টো। শুভম দেখে শুধু জল, জল আর জল, ডাঙা যখন আসে তখন নিজেকে পরিত্যক্ত, পরিচয়হীন, অবাস্তব লাগে, দিনের পর দিন স্টোরেজের খাবার খেয়ে খেয়ে ক্রমশ খাবার ইচ্ছে চলে যায়, ভাল ভাল তরল সে খেতে পায় ঠিকই কিন্তু অনীশ, সুমন, প্রদীপ, নিলয় ইত্যাদি বন্ধুদের সঙ্গে খাওয়ার মজা আলাদা। আর এদিকে সুমিতা? স্বশুর-শাশুড়ি মা বাবা দিদি জামাইবাবুর স্নেহচ্ছায়ায় দিবা থাকে। বন্ধুদের সঙ্গে আড্ডা মেরে মেরে এখন রকে বসলেই হয়। সাজছে গুজছে, কলেজে পড়াবার নাম করে গিয়ে কলীণ ছাত্রী সর্ব্বার সঙ্গে আড্ডা মেরে আসছে, থিসিস-ফিসিস লিখছে আর বর নেই বলে সবাইকার সহানুভূতি কুড়াচ্ছে। তার ওপর এই কন্যা দুটি হবার পর থেকে তো সুমিতার পাতাই পাওয়া যায় না। বালিকা দুটিকে পায়গান করে তুলতে সুমিতা বন্ধপরিকর। তার মনস্তত্ত্বজ্ঞানের পুরো বেনিফিটও সে মেয়েদের দিতে চায়।

আহা, মালবিকাদির মতো স্নেহশীলা দরদিনী কেউ যদি তাদের পরিবারে থাকত। মাঝে মাঝে মনে পড়ে মালবিকা সান্যালের মুখ...উড়ুক উড়ুক তারা পড়িষের জোৎস্নায় নীরবে উড়ুক।

আরও খানিকটা ঘুরে ঘেরে রান্তির নটা করে শুভম বাড়ি ফেরে। সুমিতা চান সেরে পাউডারে সাদা হয়ে একটা হাফ পাঞ্জাবি আর পাজামা পরে হাতে ঠাণ্ডার গেলাস নিয়ে বসে। বড় মেয়ে দেবাঞ্জলি এখনই সুমিতার

থেকে লম্বা হয়ে গেছে, ধরণধারণও ভাবুক, গম্ভীর-গম্ভীর, সে সুমিতাকে একটা ছোটখাটো লেকচার দিচ্ছে মনে হয়, এবং সুমিতা মুখ উচু করে শুনছে। আত্মপালী ঘরের আরেক দিকে মেঝেতে গুচ্ছের রং তুলি ছড়িয়ে আঁকায় মগ্ন। ঘরে ভাল করে পা দিয়ে শুভম বুঝল দেবাঞ্জলি কোনও পার্ট মুখস্থ বলছে, লেকচার দিচ্ছে না। অর্থাৎ অভিনয়-টয় আছে আর কি কোথাও। তবে লেকচার দিলেও আশ্চর্যের কিছু নেই। কার মেয়ে দেখতে হবে তো।

শুভমকে দেখেই তিনজনের মুখ উজ্জ্বল হয়ে ওঠে। আঁকা ফেলে আত্মপালী উঠে এসে বাবার হাত ধরে টানতে থাকে। দেবাঞ্জলির মুখস্থ বলা শেষ হয়ে গেলে সুমিতা বলে—'জল খেতে ডাঙায় তুললেই তুমি খাবি খেতে থাকো, না?—নটা বেজে গেল, কোথায় গিয়েছিলে? মা খাবার নিয়ে বসে আছে।'

'ওহ তোমাদের সবাইকার খাওয়া-দাওয়া শেষ?'

'মেয়েদের হয়ে গেছে, আমি তোমার জন্যে পেটে কিল মেরে বসে আছি।' নাহলেই তো আবার রাগ হবে। উঃ কী দারুণ বিদে। সুমিতা উঠে দাঁড়াতে দাঁড়াতে বলল।

দেবাঞ্জলি একটা ফুলকাটা হাউজকোট এগিয়ে দেয় মায়ের দিকে। সেঁটাতে হাত গলিয়ে সুমিতা নাক কুঁচকে বলে 'পান খেয়েছ মনে হচ্ছে? খাওয়া-দাওয়া সেরে এলে নাকি?'

'কোনও কোনও পান খাওয়া দাওয়ার আগেই খাওয়া যায়।'

'সে পান নয়, আমি পোস্ট-ডিনার সলিড পানের গন্ধ পাচ্ছি।'

'একটা পান আমি খেতে পারি না?'

'না, তা পারবে না কেন, অবশ্যই পারবে।'—সুমিতা খুব সন্দেহের দৃষ্টিতে তার দিকে তাকিয়ে থাকে।

নাক বটে একখানা। শুভম মনে মনে বলে। রাধেশ্যাম-রাধেশ্যাম গন্ধ, এবার কি মালবিকাদি-মালবিকাদি গন্ধ বলবে?

তাকে অবাক করে দিয়ে সুমিতা বলে—'পানটা কোনও দোকানের নয় এটুকুই "সাইকলজির লোক" হিসেবে তোমাকে বলতে পারি।' এবং তাকেও অবাক করে দিয়ে শুভম বলে—'ঠিকই বলেছ। মালবিকাদি দিয়েছে।' বলেই শুভম হাত মুখ ধুতে চলে যায়।

যাদু ঘোষের স্ট্রিটে

যাদু ঘোষের স্ট্রিটে কদিন ধরে মহাবিপদ যাচ্ছে। শাঙড় ঝাঁকি। অন্যান্য পাড়াতেও নিশ্চয়ই এই একই বিপদ। কিন্তু যাদু ঘোষের স্ট্রিটের কথা আলাদা। এই ওয়ার্ডের কাউন্সিলর নিরুপম গড়াই কি অন্য পাড়ান কাউন্সিলরের মতো? তিনি আলাদা। চার দিন ঝাঁকি সহ্য করবার পর নিরুপম

পাড়ার ছেলেদের তলব করেছেন।

যাদু ঘোষের স্ট্রিটটি একটি সার্পেন্টাইন লেন বিশেষ। সৰু হতে পারে কিন্তু পেঁচিয়ে পেঁচিয়ে নানা বিস্তৃততর স্ট্রিট পার হয়ে সার্কুলার রোডের সঙ্গে সেন্ট্রাল এ্যান্ডিনিক্কে জুড়েছে। কলেজ স্ট্রিট পার হবার পর তার নানা বদলে গেছে ঠিকই। কিন্তু আদতে এরা যে একই স্ট্রিট এ মুড়ো থেকে ও মুড়ো পর্যন্ত এক বার হাঁটলেই যে-কেউ বুঝতে পারবে। নিরুপম গড়াই কাউন্সিলরের ওয়ার্ডের মধ্যমণি এই রাস্তা। এখানে কেউ পানের পিক বা থুতু ফেলে না, দেওয়ালে পোস্টার সাঁটে না, রাস্তায় হাউয়ে জলবিষেগণ করে না। পাড়ার লোকেরা সবাই জানে এবং সবাই মানে এ। বেপাড়ার কোনও পথিক যদি অভ্যাসবশত রাস্তার ধারে দাঁড়িয়ে যান, ওপর থেকে বালতি বালতি জল পড়ে। পাড়ার সবাইকে ঢালাও অনুমতি দেওয়া আছে। ত্যাগাই ম্যাগুই করবার উপায় নেই— জল পড়ার ঝাপাং শব্দ হওয়া-মাত্র হয় মহিলাবাহিনী নয় বালকবাহিনী বেরিয়ে আসে। এই বাহিনীর পুরোভাগে সাধারণত থাকে চৌধুরীবাড়ির কাজের লোক অনিলামাসি। মাসির ওলুটুটি খোপা, হাতে ঝাটা হোক বালতি হোক তুলবাড়া হোক কোনও নবুনও অস্ত্র, বঁটিও অনেক সময়ে থাকে। মাসি কাউকে খাতির করে না। যত ভদ্রশ্রী, যত কুসই হোক না কেন দৃষ্টকরাবীকে মাসি রেহাই দেয় না।

‘কী ছোটলোক গা তুমি, ভদ্রলোকের বাড়ির গায়ে ছুছড় করে মুতে দিলে ? কেন নিজের বাড়িতে কলঘর নি ? কলঘরও নি ! লজ্জাও নি !’

এক বার এক স্থানীয় কুলের প্রৌঢ় মাস্টারমশাই, দুপুরবেলা শুনশান দেখে দাঁড়িয়ে গেছিলেন। হঠাৎ তাঁর সামনের জানলাটা খুলে যায় এবং একটি বাল-মুখ বেরিয়ে পড়ে।

‘মাস্টারমশাই !’—আনন্দিত বিম্বয়ে সে বলে ওঠে, এবং তার বন্দিত মাস্টারমশাইকে দেখবার জন্য মাঝে ভাকতে থাকে।

‘মা, ওমা দেখে যাও আমাদের ভুগালের স্যার !’

ভুগালের স্যার সেবার ভড়কে চমকে অজ্ঞান হয়ে যান। সেই ছাত্রের বাড়িতেই তার প্রাথমিক চিকিৎসা দি। কিন্তু জ্ঞান আসবার পরেও তিনি অজ্ঞান থাকার ভান করে চোখ বুজে মড়ার মতন পড়েছিলেন, যার ফলে তাঁকে স্থানীয় হাসপাতালে নিয়ে যাওয়া হয়, সেখান থেকেই তিনি নাক-কান মূলে পালিয়ে যান।

যাদু ঘোষের স্ট্রিটের দু ধারে গাছপালা, বড় জালের খাঁচায় মুনিয়া পাখি, একটি মাছের অ্যাকোয়ারিয়াম পর্যন্ত শোভা পাচ্ছে। পাড়ার বয়স্করা অনেক সময়েই মোস্তফা চমায় নিয়ে রাস্তায় বসেই গল্পসল্প করে থাকেন। এই পাড়ায় চারদিন ধরে ময়লা জমাট যে কলকাতার ততো সর্ব্বহীন নগরীতেও একটা চীৎপন ব্যাপার বলে গণ্য হবে এতে আশ্চর্যের কিছু নেই। ডোর ছটাতেই লাউডস্পীকারে নিরুপম গড়াইয়ের গলা ভেসে ওঠে—‘বন্ধুগণ, ভাই সব, ছোট ৫০

ভাইয়েরা, আমাদের ছেলেমেয়েদের, মা বোনদের, বাবা-কাকা-জ্যাঠাদের স্বাস্থ্য ঝিন। যে কোনও সময়ে মহামারী দেখা দিতে পারে। ভগিনী নিবেদিতা এক জন বিদেশিনী মেমসারের হয়ে যদি ভ্রমাবহ প্লেগের মড়কে বাগবাজারের রাস্তাঘাট পরিষ্কার করে থাকতে পারেন, আমরা যাদু ঘোষের স্ট্রিটের অধিবাসীরাই বা পারব না কেন। আমরাও কি নিবেদিতা নই ? সেলফ-হেল্প ইজ দা বেস্ট হেল্প, দরকার পড়লে আমরা ধাওড় হয়ে ভাগাড় পরিষ্কার করব, আবার দরকার হলে ভাংরা নেচে আসার জমাব। আমরা সব কাজের কাজি। ভাই সব ক্লাববারে প্লাভস, বেলচা, ছইলব্যারো সব রেডি। তোমরা সব কাজে নেমে পড়ো। নাকে মুখে যে যার ক্রমাল বৈধ নাও।’

এর পরে নিরুপম গড়াই অর্জুনা রণতুঙ্গার মতো হাত নেড়ে নেড়ে ডাইনে বাঁয়ে বাহিনীকে নির্দেশ দেয়। তার পরিচালনায় বন্ধুবান্ধব এবং গেনবাজরা স্তোর করতে থাকে এবং আউট করতে থাকে, এক বেলচা, দু’বেলচা, তিন বেলচা। গাড়ি-ভরতি করে ময়লা তুলে নিয়ে ওয়ার্ডের বাইরে এক বিস্তৃত আর্বর্জনা ভূপে ফেলে আসা হয়, শেষ হলে ঘামজ কলেবরে সবাই নিরুপমদার পাশে দাঁড়িয়ে যায় সার সার, নিরুপম আবার মাইক্রোফোনে ঘোষণা করেন—‘পল্লীর সমস্ত বাড়িতে অনুরোধ আর্বর্জনা এখন আর বাইরে ফেলাবেন না, ঘরেই জমান, এবং সন্দের পর ওয়ার্ডের বাইরে ফেলে আসুন।’

বেলা তখন দেড়টা, ঘোষণাটি শেষ হয়ে এসেছে, এমন সময়ে নিরুপম এবং সমবেত ছেলেদের মাথার খঁই এবং পুষ্পবৃষ্টি হল। নিরুপমের বাড়ির সামনেই মাইক্রোফোনটি ফিট করা আছে, তাঁরই বাড়ি থেকে পুষ্প এবং লাজবৃষ্টি হয়েছে নিশ্চয়ই। অন্যান্য বাড়ির বাতায়নলগ্নারা নীচের বীরদের দেখতে এবং বাহবা দিতে এমনই মত্ত যে নিরুপমের বাতায়নের দিকে কেউ চাইবার অবসর পাননি। তবে প্রেরণা পেয়ে তাঁরাও শাখ বাজালেন, অনেকে উলু দিলেন। সে এক রই রই ব্যাপার। শত শাখ বাজছে, দুইশত মুখে ছল্‌ধ্বনি। পারের গলি থেকে অনেকেই ছুটে এল, ‘এখানে কি কোনও গণ-গায়ে-হলুদ হচ্ছে ?’ এই তাদের জিজ্ঞাসা। স্বাভাবিক। একটি বাড়ির বিবাহোৎসবে তো এই রকম হলুতুল ব্যাপার হওয়া সম্ভব নয়।

এই সময়ে মাইক্রোফোনে নিরুপম-কণ্ঠের গর্জন শোনা গেল ‘কী হচ্ছেটা কী ? রঞ্জু-উ শেফালি-ই-শান্ত-ও।’

নিরুপমের খেয়াল নেই সামনে চালু মাইক্রোফোন। ছেলে শান্ত পাশেই প্রকৃত শান্ত এবং গলদঘর্ম হয়ে দাঁড়িয়ে আছে, কারণ কিছুক্ষণ আগেকার ট্রান্সমিটে সে ছিল একজন অতি দক্ষ ফিডার। সে আরও তুলে গেছে যে রঞ্জনা তার লেখক-কী (লেখিকা বললে রঞ্জনা ক্ষুব্ধ হয়) আপাতত যাদু ঘোষের স্ট্রিটে নেই। কী এক রহস্যময় লেখার তাগিদে সে এই বৈশাখী গরমে শান্তিনিকেতনে গেছে।

এতকণ্ঠের কাজকর্মের গভীর আবহাওয়া মুহূর্তে ভেঙে যায়। চারপাশ ৫১

থেকে হাসির রোল ওঠে। এবং নানা জানলা থেকে খই অভাবে চিড়ে মুড়ি বৃষ্টি হয়। ছেলেরা হই-হই করে ওঠে, মারমুখী ইয়ং জনতা এক। “আমরা এত কষ্ট করে রাস্তা পরিষ্কার করলুম, এখন আবার আবর্জনা ফেলে রাস্তা নোংরা করা হচ্ছে?” পাড়ার বড়রা মধ্যস্থতা করেন—“আহা হা, আনন্দ করছে মেয়েরা, একটা শুভ অনুষ্ঠানে পরিণত হল তোমাদের প্রশংসনীয় কাজটা।”

মেয়েরা বললেন—“চিড়ে মুড়ি খই ফুল আবর্জনা এক কথা আমরা জন্মেও শুনিনি।”

নিরুপম নারীদের উদ্দেশ্যে ঘোষণা করলেন—“প্রত্যেক বাড়ি থেকে এক জন অস্তুত মহিলা নেমে এসে সকলে মিলে এই চিড়ে মুড়ি খই ফুল ঝেঁটিয়ে বিদায় করুন। আর যদি জিনিসগুলি খুব শুভ বলে মনে হয় তো নিজেদের উদ্যোগে গঙ্গায় বিসর্জন দিয়ে আসুন।”

বুড়েরা হাঁ হাঁ করে উঠলেন—“গঙ্গার দূষণ আর কত বাড়াবে নিরুপম?” উত্তরে নিরুপম বললেন—“তা হলে ওগুলো ফলার করে খেয়ে ফেলুন।”

নিরুপম আর দাঁড়ান না। ছেকরা বয়সে তা আর ফেলি, যে পাড়ার মহিলাদের সঙ্গে ফকুড়ি মারা মানাবে? চেহারাটা চিরদিনই পাতলার ওপর, ঠোঁটের ওপর একটি কার্তিক-গোঁফও আছে, চুলটাও বাবরি। এই জনেই কি কেউ কোন দিন তাঁকে সিরিয়াসলি নিল না? না নিল তো কাউলিলর হলেন কী করে?

কপালের ঘাম মুছতে মুছতে বাড়ির উঠানে ঢুকই নিরুপম গর্জন করলেন—“শেফালি!”

‘শেফালি রাস্তায় খই কুড়োতে গেছে, যা বলবার আমাকে বলুন!’

বিনীত-ললিত একটি নারী দাঁড়িয়ে আছে নিরুপমের সামনে। মহিলা? না মেয়ে? মেয়েই। শাড়ির আঁচল আঙুলে পাকায় তো মেয়েরাই। লজ্জাবনত মেয়েরা। কবে? হায়রে কবে কেটে গেছে লজ্জাশীলার কাল।

‘আপনি...আপনি কে?’

শান্ত বলে উঠল—‘ও তো শিল্পী মাসি। মায়ের বন্ধু। কখন এলে মাসি! তুলতুল আসেনি?’

‘রঞ্জু তো নেই।’ নিরুপম কী রকম বোকার মতো বলে ফেলে।

‘সেটা আমি জানতাম না। আমি চলেই যেতাম, কিন্তু...’ নিরুপম ভীষণ লজ্জিত হয়ে বলে—‘না, না, চলে যাবেন কেন? চলে যাবার কী আছে? আমি তা বলিনি।’

‘চলে নিশ্চয়ই যেতাম, রঞ্জুদি না থাকলে এখানে আর আমার...’ কিছুটা কথা অসমাপ্ত রেখে শিল্পীমাসি বলে—‘আসলে এমন একটা জিনিস দেখলাম যে যেতে পারলাম না। এ রকম কখনও দেখিনি তো! আপনাদের মানে আপনার ওই আবর্জনা ঘটানোর ভ্রাইডটা...এ রকম ব্যতিক্রম এরকম লীডারশিপ, এ রকম অর্গানাইজেশন এখনও আছে...তবু আমাদের এই দুর্দশা কেন? বেশিদিন

থাকবে না—বেশিদিন থাকবে না...’

শ্রদ্ধামুগ্ধ চোখ তুলে যেন দিন আগত ওই চোখ দিয়ে গাইতে গাইতে শিল্পী ঘাড় নাড়তে লাগল।

এত শ্রদ্ধা, এত আশার সামনে নিরুপম ঠিক লজ্জা পেতেও পারছে না, ‘কী যে বলেন!’ জাতীয় কথাই তার সর্বাত্মক মনে এসেছিল। কিন্তু সেটা গিলে নিয়ে সে বেশ সন্তোষের সঙ্গে হাত ঝাড়তে ঝাড়তে বলল—‘কাউকে তো শুরু করতেই হয়। কেউই যদি কিছু না করে তা হলে...’

‘এগজ্যাক্টলি—এখন শিল্পী অনেকটা টান-টান—কিন্তু কে শুরু করবে? এই যে দেশ-ভরতি নাগরিকের দায়িত্ব-জ্ঞানের অভাবের বেড়াল তার গলায় ঘটনা বাঁধবে কে? কেউই তো এগিয়ে আসে না নিরুপমদা! হংকংএ এই সব অপরাধের জন্য পাবলিক ফ্রগিং হয়, জানেন? আমি নিজে দেখেছি।’

নিরুপম শ্রাণ করে বলল—‘তবেই বুলুন।’

‘আচ্ছা, আমি এখন যাই?’

‘সে কী? এই দেড়টা দুটোর সময়ে আপনি না খেয়ে চলে যাবেন? বাইরে রোদ্দুরও খুব।’

শেফালি নিরুপমের পেছন থেকে বলল—‘তার ওপর শিল্পীদিদি তো আজ রান্নাও করেছে। চলে যান মানে?’

‘আপনি...রান্না করেছেন?’—নিরুপম হতবাক।

‘আমি তো রোজই রান্না করি!’—শিল্পী সপ্রতিভ স্মিতহাস্যে বলে।

‘তা অবশ্য করতেই পারেন?’ নিরুপম হাসে, ‘যদিও সবাই মানে সব মেয়ে করে না, যেমন আপনার বন্ধু রঞ্জুদি, সে শেফালি নামে ওই মেয়েটির ওপর বরাত দিয়ে রেখেছে, যে নাকি অনেক সময়ই অখাদ্য রাঁধে, তা সে যাই হোক আপনি এখানে এসে রান্না করেছেন?’

শেফালি মুখিয়েছিল, বলে উঠল—‘আমি অখাদ্য রাঁধি বলেই তো বউদির বন্ধুরা যেদিন আড্ডা খালে সেদিন রান্না করে নিয়ে আসে। সবাই অবশ্য নয়। কাজলদিদি গোবরঘট আর জল-ভাত ছাড়া রাঁধতে পারে না, সুমিতাদিদিও হেভি ফ্যাকিবাজ, তবে শিল্পীদিদি আর মাণুদিদি হেরডি রাঁধে। কিন্তু মনে রেখো দাদা, আমি যদি অখাদ্য রাঁধি তো শিল্পী দিদি রাঁধে—কুখাদ্য। শুয়ার গরু এই সব।’

‘তুই চুপ করবি?’ নিরুপম এক হাঁকার ছাড়ে—তারপর শিল্পীর দিকে ডাকিয়ে বলে ‘কী ব্যাপার বলুন তো?’

শিল্পী বলল—‘একটু পাখার তলায় গিয়ে বসলে হত না?’

‘নিশ্চয়ই, ছি ছি—নিরুপম বসবার ঘরের দিকে এগোয়।

সেই ঘর, যেখানে দিন দশেক আগে জমেটা আড্ডা বসেছিল। যেখানে মালবিকাদি আবৃত্তি করেছিল ‘দেশে দেশে মোর বউ আছে আমি সেই বউ মরি খুঁজিয়া।’ যেখানে সুমিতা শেফালিকে আনকাত ডায়মন্ড বলে শনাক্ত করে,

এবং শেফালি তার ফেভারীট গান শনাক্ত করে ‘ধক ধক ধক ধক’। হঠাৎ শিল্পীর ভীষণ হাসি পেয়ে গেল, সে দমকা হেসে উঠল। কিছুতেই সামলাতে পারল না। নিরুপম অবাক, একটু অফেভড-ও।

এত হাসির কী হল ? হঠাৎ ?

শিল্পী তাড়াতাড়ি সামলে নিয়ে বলল— ‘ওই কুখ্যাদ। শেফালি বলে মেয়েটি আপনাদের খুবই রসিক।’

‘শেফালি আমাদের মেয়ে নয়, মিসেস শিল্পী... ?’

‘বরাট।’

‘আচ্ছা বরাট, ওকে বড়জোর “কাজের মেয়ে” বলা যেতে পারে, এই করে করেই এদের মাথায় তুলেছেন আপনারা, কেন “মহানগর-এ অনিল চ্যাটার্জির মা “ঝি অঝি” বলে ডাকেননি, তাতে কি মহাভারত অশুভ হয়ে গিয়েছিল ? কল আ স্পেড আ স্পেড।’

শিল্পী অবাক হয়ে বলে— ‘এই যে শুনেছিলুম আপনি কমিনিউস্ট ?’

নিরুপম চট করে নিভে যায় বলে— ‘ঘরসংসারের ডে টু ডে প্রবলেমে ব্যাপারটা সব সময়ে মনে থাকে না, বুধলেন না মিসেস...’

‘কী আশ্চর্য, আমাকে শিল্পী বলুন, আমি রঞ্জুদীর বন্ধু, কিন্তু অনেক ছোট। আপনি তো দেখছি মধ্যযুগের মানুষ, কাজের মেয়েকে ঝি বলেন, স্ত্রীর বন্ধুকে মিসেস বলেন, শুনেছিলাম বটে উত্তরের লোকেরা একটু ব্যাকডেটেড। এখন দেখছি সেটা সত্যি।’

শ্রদ্ধা বিনয় নব্রতা বীরপূজার মুখোশগুলো শিল্পীর আস্তে আস্তে খসে যেতে থাকে।

‘দেখুন উত্তরের লোকেরা ব্যাকডেটেড। ঠিকই হিসটরিক্যালি, সে গো ব্যাক টু দ্য সোভেন্টিথ সেঞ্চুরি। তার আগেও কলকাতা ছিল। সূতানুটি অর্থাৎ উত্তর কলকাতাই আসল কলকাতা, খানদানি কলকাতা, অভিজাত, প্রতিভাবান সম্পদশালী। নবকৃষ্ণ দেব, রাধাকান্ত দেব, মদ্রাথ মিত্রের, মতি শীল এখানকারই ধনী। বিবেকানন্দ, রবীন্দ্রনাথ, সুধীন্দ্রনাথ, এখানকারই প্রতিভা, ভাষাশংকর, নীরেন্দ্রনাথ, বিকাশ ভট্টাচার্য, সমরেশ মজুমদার উত্তর কলকাতার গর্ব। বেশি কথা কি প্রেসিডেন্সি, স্কটিশ চার্চ, বেথুন কলেজ, হিন্দু স্কুল, হোয়ার স্কুল, শৈলেন্দ্র সরকার স্কুল সুবিখ্যাত সব রঙ্গমঞ্চ, সিনেমা হল এখানেই এখানেই এখানেই।’

‘সাইথে এত ধনী যে হাতে গুনে শেষ করা যায় না নিরুপমদা। নেতাজি, সুভাষচন্দ্র আমাদের, মানিক বন্দ্যোপাধ্যায় আমাদের, বুদ্ধদেব বসু, জীবনানন্দ আমাদের, সুভাষ মুখোপাধ্যায়, সত্যজিৎ রায়, আধুনিক সাহিত্যের যত তা-বড় তা-বড় প্রতিভা সব ওদিকে। সুনীল গাঙ্গুলি আমাদের বাজারে বাজার করেন, শরৎকুমার, তারাপদ, সমরেন্দ্র, প্রণবেন্দ্র, বুদ্ধদেব গুহ, নবনীতা দেবসেন—এঁরা সব ওই সাইথের রাস্তা দিয়েই চলাচল করেন। ... সুকুমারী ভট্টাচার্য, সৌরী

ধর্মপাল, কলাগী দত্ত, গোবিন্দ গোপালের মতো পণ্ডিতরা ...’

‘শুনুন শুনুন শিল্পিতা ধনী হলেই হয় না, ধন পাবলিক কজ-এ ইউজ করতে হয়।’

শিল্পী চোঁটে গুঁঠে— ‘বেড়ালের বিয়ে দিয়ে, হাউই জ্বালিয়ে, পায়রা উড়িয়ে?’

‘তা কেন হবে ? কালো রঙের টাকা উড়িয়েই তো ভাল...’

‘ঝগড়া হয়ে যাবে নিরুপমদা, ভাল হচ্ছে না— স্যামবাজারের সসিবাবু তো আপনাদেরই কালচার ?’

‘আর “আমি বসছি উইথ হাটু মুড়ে ভাই” কাদের কালচার ?’

‘জীবনানন্দকে কী দিয়েছে সাউথ ? রাসবিহারী তাকে অপঘাত মৃত্যু দিয়েছে। জীবনানন্দ সাউথের নয়। আর অন্যরা সব অভিবাসী।’

‘অভিবাসী ?’

‘সুনীল গাঙ্গুলি আমাদের এই টাউন স্কুলের ছেলে, শঙ্খ ঘোষ সন্টলেকের মুখে থাকেন, সুকুমার সেন আমাদেরই ...।’

তা ছাড়া এরা বেশির ভাগই পূর্বঙ্গের, আবার ফরিদপুর অঙ্গলের, নর্থ বেঙ্গলেরও আছেন। আর নেতাজিকে ধরে টানাটানি করবেন না শিল্পিতা— ভবানীপুরকে আমি সাউথ ধরি না। বহুবাজার টু ভবানীপুর, দি এনটায়ার স্ট্রিট ইজ মধ্য কলকাতা।’

‘নেতাজিকেও দেবেন না ?’ বলে শিল্পী রাগে লাল হয়ে উঠে দাঁড়ায়।

‘কাম ডাউন, শিল্পিতা কাম ডাউন প্লিজ।’

‘আমি শিল্পিতা-ফিল্মিতা নই। আমি শিল্পী। এখন চললাম।’

এতক্ষণে নিরুপমের চেতনা হয়। তার স্ত্রীর বন্ধু এই মেয়েটিকে সে সাংঘাতিক চটিয়েছে। মেয়েটি অতিথি। অতিথ্যের অবমাননা তো উত্তর কলকাতার অভিজাতরা ভাল পরিচয় দেবে না। সে নিরুপায় হয়ে ডাকে—শেফালি, শান্ত, শেফালি, শান্ত, এবং শিল্পীর গমনপথ আঁকে বলে—‘রাগ করে না খেয়ে চলে গেলে গেরস্তের অকল্যাণ হয় শিল্পী।’

শিল্পী ফুঁসতে ফুঁসতে বলে—‘না। আমি খাব না।’

ততক্ষণে শেফালি এবং শান্তও এসে পড়েছে। তারাও যথাসাধ্য শান্ত করবার চেষ্টা করছে শিল্পীমাসিকে। কিন্তু সফল হচ্ছে না। শিল্পীমাসির এখন চোখ ফেটে জল বেরিয়ে এসেছে।

অনুতপ্ত নিরুপম কচুমচু মুখে বলে— ‘আমি ক্ষমা চাইছি। ঠিক আছে নেতাজি আপনার। আর কাকে দিলে খাবেন বলুন ? দিবোদ্রু পালিত ? জগলপুত্রের লোক কিন্তু দিয়ে দিচ্ছি, দিয়ে দিচ্ছি।’

‘ও সব জানি না যদি সিনেমা দেখেন একটা আজকেই, এক্ষুনি, তবে খাব।’

‘তো বেশ তো ! এই কথা ! নিশ্চয়ই দেখাব। কিন্তু এমন বিনা নোটসে ফট করে টিকিট পাওয়া যাবে তো ?’

‘আমি তো আর “হিন্দুস্তানি” কি “দিলওয়ালে দুলহনিয়া” দেখতে চাইছি না, ‘দর্পণায়’ অপর্ণার যুগান্ত এসেছে— দেখান।’ শুনেছি রূপা-অঞ্জন ফাটিয়ে দিয়েছে।

শেফালি বলল— ‘টিকিট পাওয়া যাবে দাদা, আমি একছুটে যাব আর আসব।’

‘ড্রেস সার্কল কাটিবি। টাকা নে।’

নিরুপম টাকা দিয়ে দেয়। শেফালি টেবিলে খাবার দাবার অনেকক্ষণ সাজিয়ে ফেলেছে। আতুল দেখিয়ে দেখিয়ে বলে— ‘এই শশুর রায়তা, এই চিংড়ি মাছের পোলাও, এই পনীরের মাখন-কাবাব। শিল্পী দিদি করেছে। আর এই বিউলির ডাল, এই সুতুনি, পোস্ত দিয়ে লাউশাক, আর বাটা মাছের সর্ষে ঝাল, ভাজা— আমি, বি, করেছে।’ —বলে শেফালি মটমট করে বেরিয়ে যায়।

সব দিক থেকে পরিশ্রান্ত, পরাজিত নিরুপম গড়াই অতএব মাথায় জল ঢালে আর জল ঢালে। জল ঢালে আর জল ঢালে। চমৎকার একটি প্রায় অপরাহ্ন-ভোজের পর নিজে আদির পাঞ্জাবি-পায়জামা পরে বর সেজে সুসজ্জিতা শিল্পীর সঙ্গে ইভনিং শো-এ সিনেমা দেখতে বেরোবার আগে পর্যন্ত নিরুপমের মাথায় আসেইনি সে জীবনে এই প্রথম স্ত্রী ছাড়া অন্য কোনও মেয়ের সঙ্গে সিনেমা যাচ্ছে। একা একা। মানে দোকা দোকা।

‘যেথা এই চৈত্রের শালবন’

‘রঞ্জুমাসি আপনি তো লেখেন টেখেন, কত শব্দ ব্যবহার করেন, বলুন তো?’

‘কত শব্দ? কেন, বাংলায় যত শব্দ আছে ধরুন সবই ব্যবহার করি।’

একটা বিজয়ীর হাসি ফুটে ওঠে গঙ্গাপ্রসাদের গোলগাল বড়সড় মুখে। বলেন ‘বাংলায় তেমন কোনও পরিসংখ্যান নেই। কিন্তু ইংরাজিতে ইয়েস পার্সেন সাহেব বলছেন— সেক্সপিয়রই সবচেয়ে বেশি শব্দ ব্যবহার করেছেন। পঁচিশ হাজার। তার পরে মিল্টন আট হাজার।’

আমি গর্বের সঙ্গে বলি ‘সংখ্যা বলতে পারব না। কিন্তু চলিত সব শব্দই তো ব্যবহার করি। ধরুন প্রাতিষিক, প্রতিভাস, পরিগ্রাহী।’

‘আচ্ছা বেশ। আপনি “নাড়া” শব্দটা ব্যবহার করেছেন?’

‘নাড়া? হ্যাঁ! লেজ নাড়া কথাটা তো আমি প্রায়ই ব্যবহার করি। মাঝে মাঝে ন্যাজ নাড়াও বলি। কনভার্সেশনে অবশ্য, বাড়িতে, লেখাতে ব্যবহার? নিশ্চয়ই করেছি— ভুতের খাট নাড়ানো, গাধার কান নাড়ানো। জানেন আমার হাজবান্দা না কান নাড়াতে পারেন।’

গঙ্গাপ্রসাদ তাড়াতাড়ি বলেন, ‘ব্যক্তিগত না, ব্যক্তিগত আনবেন না। আর

“নাড়া” আমি বিশেষ্য হিসেবে বলছি। জীবনানন্দ মনে করুন...’

‘ওহু, আমি নিশ্চিত হয়ে বলি আঞ্চলিক শব্দ, বিশেষ করে পূর্ববঙ্গের বরিশালি, ঢাকাই, ফরিদপুরি, সিলেটি— এ সব ভ্যারাইটি আমার আয়ত্তে নেই। তা যদি বলেন জীবনানন্দের অভীক্ষণও আমি ব্যবহার করিনি। করবও না। ও রকম দুর্কচার্য শব্দ ব্যবহার করলে আমার লেখা যে কজন পড়ে, সে কজনও আর পড়বে না। আমাদের প্রত্যেকেরই একটা টার্গেট অডিয়েন্স তো আছে।’ বেশ পরিতৃপ্তির সঙ্গে আমি বলে ফেলি।

‘আচ্ছা, আচ্ছা আপনার টার্গেট অডিয়েন্স যাই হোক, যারাই হোক, সে প্রসঙ্গে এখন আমি যাচ্ছি না। আপনি কাইন্ডলি আলোচনটাকে দিগ্ভ্রান্ত করবেন না। আমি যেটা বলতে চাই— আমার অনেক শব্দ জানি, কিন্তু ব্যবহার করি না। যেমন “পরাজিত”টা বেশি লিখি “পরাজুত”টা অত লিখি না। ধরুন ঠাং, ঠাং কি লেখেন?’

‘কালের ঠাং বগের ঠাং— লিখে থাকতে পারি’—আমি কবুল করি ‘কিন্তু অন্য ঠাং ব্যবহার করতে গেলেই লোকে বলবে জীবনানন্দ থেকে চুরি করেছে।’

‘আহা, আপনি চুরি চামারির দিকে যাচ্ছেন কেন রঞ্জুমাসি।’

‘দেখুন, আমি রাগতভাবে বলি—আপনি সমানে আমাকে রঞ্জুমাসি রঞ্জুমাসি করলে আমি এখান থেকে চলে যাব।’

‘কী আশ্চর্য! আমি কি সত্যি আপনাকে আমার মাসি বলেছি। আপনি আমার মাসি সম্পর্ক হন না আমি বেশ জানি। তিনুর মাসি তো সেই হিসেবে...’

‘আপনি কি কাজলকে “তিনুর মা” বলে ডাকাডাকি করেন? আসল কথা আপনি ভীষণ পুরনো কালের, মধ্যযুগীয় মনোভাবের, সেফ-সাইডে থাকার জন্যে রঞ্জুমাসি রঞ্জুমাসি করছেন।’

‘কীসের সেফ সাইড? গঙ্গাপ্রসাদ অবাক হয়ে বলেন।

‘মানে আপনি সমাজকে ভয় পান, একটি মহিলাকে রঞ্জু বা রঞ্জনা বলে ডাকলে যদি কেউ কিছু মনে করে! কেউ আর কে? ভীর্ণা খুব মড। কাজলকেই আপনি ভয় পান।’

‘কাজলকে আমি একেবারেই ভয় পাই না। কাজলকে আমি পরোয়া করি না। কাজল কী ভাবলো না ভাবল আমার বয়েই গেল। কেন না সেও আমাকে পরোয়া করে না, আমি কী ভাবলুম না ভাবলুম তাতে তারও বয়েই যায়! জানেন এক দিন লোভশেডিং-এর রাতে বাড়ি ফিরে ছলো বেড়ালের আঁচড় খেয়েছিলুম তাতেও সে আসেনি, দিদিমাসির বাড়ি ছিল সারা রাত। জানেন আমাকে ইব্রিতে দুধ গরম করে, ডিমের পোচ করে কাঁচা পাউরুটি দিয়ে খেতে হয়েছিল।’

যা খেয়ে গঙ্গাপ্রসাদের যাবতীয় অন্তর্নিহিত শিকারেও বেরিয়ে আসতে

থাকে।

লাল মাটির পথ দিয়ে আস্তে আস্তে হাঁটতে হাঁটতে আমাদের কথা হচ্ছিল। গ্রীষ্মের ফুলের একটা মুদু সুবাস সঞ্চার হাওয়ায়। ফাদার জেনকিন্স বাড়িতে ক্যাসেট চালিয়ে চালিয়ে নিজের উচ্চারণ ঠিক করছেন। তীর্ণ গেছে কোনও বন্ধু-বান্ধবের সঙ্গে আড্ডা দিতে। আমিই গঙ্গাপ্রসাদবাবুকে টেনে বার করেছি। গঙ্গাপ্রসাদ সহজেই রাজি হয়ে গেছেন। কেন না সঙ্কেবেলটুকুও যদি তিনি বাবা জেনকিন্সের হাত থেকে রেহাই না পান, তাঁর অবস্থা খুবই সঙ্গীন হবে।

‘আচ্ছা ধরুন কাজলের বদলে আর কেউ আপনার বেড়ালের আঁচড়ে মলম লাগিয়ে দিল। আর কেউ আপনাকে ভাল দেখে একটা সায়মাশ রেঁধে দিল।’

‘কী বললেন? সায়মাশ? ডিনার? এটা ডিকশনারিতে কাজে লাগাতে হবে। আচ্ছা রঞ্জনা দেবী আপনি তো অনেক শব্দই ব্যবহার করে থাকেন দেখছি। তখন বললেন দুরুচাৰ্য, এখন বলছেন সায়মাশ, নাঃ আপনার হবে, হবে।’

‘আমি কিন্তু আপনাকে একটা প্রশ্ন করেছিলাম গঙ্গাপ্রসাদ দেব।’

‘দেব তো আমি নই, আমি মিত্তির।’

‘আমি রঞ্জনা গড়াই যদি দেবী হতে পারি, আপনি গঙ্গাপ্রসাদ মিত্তির তবে অবশ্যই দেব। না কি আপনার দেবদেবী সম্ভেই প্রকাশ করছেন?’

এ বার গোলা মুখ ভরে খুব হাসলেন গঙ্গাপ্রসাদ।

‘দেখুন, মহিলাদের নাম ধরে ডাকা আমার অভ্যাস নেই, এ কথা সত্যি তাতে মধ্যযুগীয় বলেন তো আমি মধ্যযুগীয়।’

‘শ্যালিকাকে কী বলেন?’

‘শালী যে আমার নেই?’

‘তবে আমিই আপনার এক জন শালী। স্বীর বন্ধুরা তো শালীই হয়।’

‘ঠিক আছে ঠিক আছে। আমি চেষ্টা করব। কী যেন প্রণীত করছিলেন?’

‘আমি আমার প্রণীত আবারও করি, জিজ্ঞেস করি সে কেমনে উনি কী করবেন? অর্থাৎ কেউ যদি ঠুকে অতি বিকৃত অবস্থায় ফাস্ট এইড দেয়, এবং অসহায় অবস্থায় ভাল করে ডিনার সার্ভ করে তো উনি কী করবেন?’

‘এ রকম ঘটার কোনও আশাই নেই মিসেস রঞ্জনা গড়াই। আপনি আমার ছেলে-মেয়েকে চেনেন না। রাত দশটার আগে তারা বাড়ি ফেরে না। পর পর পর পর ডিপ্লোমা নিয়ে যাচ্ছে, কম্পিউটার, হোটেল ম্যানেজমেন্ট, ইনটেরিয়র ডেকোরেশন, গজল, মডার্ন শব্দ, মুকাতিনয়, পার্সন্যালিটি ডেভেলপমেন্ট, ফ্রেঞ্চ, বার্মিজ রেইকি... যেনো লগে যায়, বুঝলেন না? ওদের বাড়িতে পাওয়া দুধর।’

‘তা হলে ধরুন নেবার্স। প্রতিবেশীরা!’

‘প্রতিবেশী? আপনি হাসালেন মিসেস গড়াই। একমাত্র কলেজের ভর্তির সিজনে এবং টেস্টের ফলাফল বেরবার সিজনে সেই মহাশয়ের দেখা পাই।

সেই সময়ে তারা ক্যালেন্ডার, ডায়েরি, ফলফুলের ইত্যাদি নিয়ে টু মারেন। কিন্তু রান্তির বেলায়, লোডশেডিং-এ, হলো বেড়ালের বাড়িতে? নৈব নৈব চ।’

‘কিন্তু প্রতিবেশী তো থাকেই বলে গঙ্গাদা, যে নাকি বিপদে সাহায্য করে। যিশু তো তাই বলে গিয়েছেন।’

আমার গঙ্গাদা শুনে গঙ্গাপ্রসাদ ভুঁড়ি পর্যন্ত চমকে উঠলেন। তার পরে সামলেসমলে বললেন—‘সে রকম প্রতিবেশী নেই আর এ যুগে। নেই।’

‘আচ্ছা ধরুন আমি। আমি যদি করি। আমি তো বাড়ি-বসা মানুষ। এটুকু উপকার কারও করতে আমার কোনওই অসুবিধে নেই।’

‘আপনি কি?—আমার দিকে হাঁ করে কিছুক্ষণ তাকিয়ে রইলেন গঙ্গাপ্রসাদ। দৃষ্টিতে একটা সন্দেহ একটা না বোঝার ভাব।

আমি বলি—‘কী আশ্চর্য! এই সামান্য ব্যাপারে আপনি এত ভয় খেয়ে থাকেন কেন? আপনি অধ্যাপক তারপর ডিকশনারিবাজ, আমি লেখার লাইনের লোক, আমি তো আপনার বাড়িতে নিজের প্রয়োজনেই যেতে পারি। পারি না? কাজল থাকলে সে আড্ডা দেবে কিংবা শাড়ি দেখাতে শুরু করবে। সুতরাং; কাজল যেদিন বাড়িতে থাকবে না, সে দিনই আমার যাওয়া ভাল। আর সেই সময়ে যদি বেড়াল বা ইদুর আপনাকে আঁচড়ে দেয়, কিংবা আপনার যদি খাবারদাবার না থাকে আমি সে সনের ব্যবস্থা করতে পারি।’ শেষ কথাটা অবশ্য আমি খুবই মনমরা হয়ে বললাম।

‘কিন্তু লোডশেডিং হলে? গঙ্গাপ্রসাদ খুব সন্দিক্ধ চোখে আমার দিকে আড়ে আড়ে চান।

‘লোডশেডিং হলে চর্চ আছে, মোমবাতি আছে, সব সময়ে আমার ব্যাগে থাকে। তা ছাড়া লোডশেডিং হলে তো আরও ভাল।’

‘কেন? কেন? গঙ্গাপ্রসাদ এত ভয় পেয়েছেন যেন এখনি ছড়মুড় করে পড়ে যাবেন।

আমি দূরের দিকে তাকিয়ে বলি—

‘আমরা বেসেছি যারা অন্ধকারে দীর্ঘ শীত-রাত্রিটের ভাল, খড়ের চালের পরে শুনিয়াছি মুক্ রাত্তে ডিনার সঞ্চার; পুরানো পোঁচার স্বাগ;—অন্ধকারে আবার সে কোথায় হারালো! বুঝেছি শীতের রাত অপরপ,— মাঠে মাঠে ডানা ভাসবার গভীর আশ্রয়ে ভরা; অশখের ডালে-ডালে ডাকিয়াছে বক; আমার বুঝেছি যারা জীবনের এই সব নিভৃত কুহক!...’ গঙ্গাপ্রসাদ যেন নাভির অতল থেকে এক পেলব ব্যারিটোন স্বর টেনে তুললেন। বললেন—

‘মিনারের মতো মেঘ সোনালি চিলেরে তার জানালায় ডাকে।

বেতের লতার নিচে চড়ুয়ের ডিম যেন শক্ত হয়ে আছে,

নরম জলের গন্ধ দিয়ে নদী বারবার তীরটিকে মাখে,
খড়ের চালের ছায়া গাঢ় রাতে জ্যোৎস্নার উঠানে পড়িয়াছে
বাতাসে ঝিকির গন্ধ—বৈশাখের প্রান্তরের সবুজ বাতাসে ;
নীলাভ নোনার বৃকে ঘন রস গাঢ় আকাঙ্ক্ষায় নেমে আসে ;
অনেকক্ষণ চুপচাপ হাটলাম আমরা। শালবনের ঝায়ার আঁধারে এসে
বসলাম। চতুর্দশীর চাঁদ বৈশাখের মেঘের সঙ্গে পাল্লা দিয়ে দৌড়ে নেমেছে।
আলো ছায়া ছায়া-ছায়া আলো...এইভাবে আমাদের ওপর দিয়ে প্রকৃতি ভেসে
যাচ্ছে।

শেষে গঙ্গাপ্রসাদই বললেন—“ভালবেসেছি।”
আমি চমকে উঠেছি একেবারে। গঙ্গাপ্রসাদ বললেন—“এটাকে উনি উষ্টে
নিলেন হয়ে গেল ‘বেসেছি ভাল।’ এ বার এই দুটো অংশের মধ্যে উনি পুরো
কমটাকে ক্রিয়া বিশেষণটাকে কর্তার অংশবিশেষকে ঢুকিয়ে দিলেন—“যালা
অঙ্ককারে দীর্ঘ শীত রাগিটিরে।” যে লাইনটা তৈরি হল তাই আমাদের মাঠে
মাঠে ডানা ভাসাবার গভীর আত্মদের কাছ দিয়ে যাচ্ছে। বুঝলেন রঞ্জনা।”
“চিল উড়ছে, ওপরে উঠে যাচ্ছে, আরও উপরে, ক্রমশ বিন্দু হয়ে যাচ্ছে কেন
বলুন তো ? মেঘের মিনারে সেই ম্যাজিক কেসমেন্ট, সেইখান থেকে এক্সজালসী
ডাক এসে পৌঁছচ্ছে যে।”

আমি বলি—“নদী আর তীর যেন জল আর আঁটা। খুব নরম করে
দুধে-মাখা, রুমালি রুটির ময়দার মতো মাখা হচ্ছে।”

“কিন্তু গন্ধ, মাখাটা হচ্ছে গন্ধ দিয়ে, জল দিয়ে নয়।”
“অর্থাৎ আরও সুন্দর, আরও ধরাছোঁয়ার বাইরে। অথচ আরও অমোঘ।”
গঙ্গাপ্রসাদ বললেন—“এবং জ্যোৎস্নার উঠান, ঝিকির শব্দ নয় গন্ধ,
প্রান্তরের সবুজ বাতাস, নীলাভ নোনা। রসের জন্যই তো আমাদের আকাঙ্ক্ষা
কিন্তু রস নিজেই আকাঙ্ক্ষায় গাঢ় হয়ে নেমে আসছে। ...জীবনের এই সব
নিভৃত কুক্ক তা হলে আপনি বোঝেন?”

আমি জবাব দিই না। অঙ্ককারটা বড়ই গাঢ় হয়ে যাচ্ছে। চাঁদ এখন
মেঘের আড়াল থেকে বিকিরিত হচ্ছে। জ্যোৎস্নার শালবন। নাকি অঙ্ককারের
শালবন। একটু একটু ভয় করতে থাকে।

“তা হলে বলি—“আমাদের এই প্রেমের নামটি খঞ্জনা
আমাদের এই নদীর নামটি অঞ্জনা

আপনার নাম তো জানে গাঁয়ের পাঁচজনে
আমাদের সেই তাহার নামটি...রঞ্জনা।” গঙ্গাপ্রসাদ অপূর্ব বিহ্বল স্বরে
বললেন—“শুনেছেন শব্দ মিত্র তৃপ্তিমিত্র-র সেই রেডিও নাটক।”

“শুনেছি বই কী”, আমি গাঢ় গলায় বলি, “আর তৃপ্তি মিত্র-র ‘খোলা খোলা
হে আকাশ স্তব্ধ তব নীল যবনিকা?’ আর শব্দ মিত্র-র সেই উচ্চারণ গ্যালিলেও
বেশে—“হতভাগ্য সেই দেশ। যে দেশের শুধু বীরশূর্যই দরকার হয়।”
৬০

শুনেছেন শব্দ মিত্র-র “ফকির”—আর একটা রেডিও-প্লে। বিভূতিভূষণের
রচনা! উহুহুহু অমন হাট-রেডিং ভালমানুষির অভিনয় আর শুনব না।”

বলতে বলতেই আমার কানে ভেসে ওঠে ফকিরের সেই আজ্ঞা ধ্বনি।
আসহাদ আল্লাহ লাহা! ইল্লাহ...আমা মুহম্মদ...। রসুলুল্লাহ আল্লা হু আকবর...
লা ইল্লাহ লাহ। আমার চোখ দিয়ে টপ করে এক ফোঁটা জল ঝরে পড়ে।
‘ব্রেসেড আর দা মীক ফর দেয়ার্স ইজ দা কিংডম অফ হেভন’ যিশুর এই বাণীর
এমন হৃদয়ময়ী উদাহরণ তো আর নেই। দুজনই চুপ করে বসে থাকি।
কিছুক্ষণ পর বেশ কিছুক্ষণ পর গঙ্গাপ্রসাদ বললেন, দশটা বাজতে আর তেমন
দেরি নেই। টিপ টিপ বৃষ্টি পড়ছে। উঠুন রঞ্জনা। শেষকালে স্বরটির বাধালে
আবার তিনু, হাজল, নিরুপমবাবু সবাই আমাকে বকাঝকা করবেন।”

‘ফাদারও নিশ্চয়ই আপনার জন্যে উতলা হয়েছেন।’ বলেই দুজনে অল্প
হেসে উঠি। পরদিনই আমরা থ্রিয়ার রেস্তোরাঁয় সেখানকার বিখ্যাত
পরোটা...আর মাস খেলুম। বাবা জেনকিন্স আর তীর্ণা এক দিকে বসে
ছিল। আমি আর গঙ্গাপ্রসাদ এক দিকে।

‘এই রকম পরোটা আপনি করতে পারেন?’ খেতে খেতে গঙ্গাপ্রসাদ
জিজ্ঞেস করলেন।

‘আমার রান্না-বান্নার গুণাগুণ আমি শেফালিতে সমর্পণ করেছি।’ আমি মৃদু
হেসে বলি—

‘শেফালি মানে কি শরতের শিউলি?’

‘না, গঙ্গাদা শেফালি আমার কাজের মেয়ে, এই রকম পরোটার দশ ভাগের
এক ভাগও আমি করতে পারি না’—আমি অকপটে স্বীকার করি—“আমি বরঞ্চ
দক্ষিণ আমেরিকার ম্যাপ আঁকতে পারব, তার টিকির সঙ্গে উত্তর আমেরিকাকে
জুড়ে দিতেও পারব। কিন্তু তিনকোনা পরোটা বেলা আমার দ্বারা হবে না।”

‘কেউ বেলে দিলে?’

‘ভাঙ্গা ? লেস ডিফিকাল্ট। কিন্তু আমি সেকৈ সেকৈ তাকে শক্ত চামড়া
মতো করে ফেলি।’

এ বার গঙ্গাপ্রসাদ সব বদমাইসি ধরে ফেলার হাসি হাসেন।

‘বেশি সেকৈলে যে পরোটা চামড়া মতো হয়ে যায় এ তথ্য আপনার জানা
আছে, তবু আপনি সেকৈতে থাকেন ? রঞ্জনা, ব্যাপারখানা কী বলুন তো ?’
আমি খুবই কাঁচুমাচু হয়ে বাই ধরা পেড়ে। সত্যি কথা স্বীকার করাই ভাল।
বলি—“আপনার নিরুপমবাবু খেতে এত ভালবাসেন যে এক বার ভাল রাঁধতে
পারলে আর রান্না নেই।”

‘বুঝলুম। কিন্তু শুনতে পাই যে মেয়েরা উদরের মধ্যে দিয়ে মানে রসনার
মাধ্যমে তাদের স্বামীদের হৃদয়ে পৌঁছতে চায়।’

‘পৌঁছতে চায় নয় দাদা, বড়ই দুঃখের কথা, এ ভাবেই পৌঁছতে হয়। মানে
তার ব্যথা হয়।’

‘আপনি তা হলে এই সাদা-সিঁধে রুট দিয়ে পৌঁছতে চান না?’ আমি হাসতে থাকি। কে জানত এই নোদল-গোদল ভালমানুষ আপনভোলা বা ঘোমভোলা অধ্যাপকটির পেটে পেটে এত উইট, এত পর্যবেক্ষণ, এত আবেগ!

গঙ্গাপ্রসাদ বললেন—‘কদিনের কথাবাতায় যা বুঝলুম আপনি গোলক ধাঁধার পথ একটি হৃদয়ে তৈরি করে রেখেছেন। কিন্তু কথা হচ্ছে রঞ্জনা নিরুপমবাবু কি আদৌ সেই গোলকধাঁধার প্রবেশদ্বারে পা বাড়ান? খুব ব্যক্তিগত হয়ে যাচ্ছে প্রশ্নটা তবু জিজ্ঞেস করছি এই সাহসে যে আপনিও শীতের অপরূপ রাতকে ডানা ভাসবার গভীর আশ্রয়ে ভরা বলে চিনতে পারেন। ইচ্ছা ফকিরের আজানের শব্দশ্রুতিতে আপনার চোখ দিয়েও জল পড়ে।’

আমি কিছুক্ষণ নীরবে পরোটা চিবাই। মুখের ভেতরটাও গভীর আশ্রয়ে ভরে যেতে থাকে। হঠাৎ সমস্ত ইন্দ্রিয় এমন একযোগে আমাকে এত দিতে শুরু করল কেন ভেবে অবাক হই।

তারপর সত্যি কথাই বলি—‘নিরুপমবাবু বা অন্য কেউ গোলকধাঁধার প্রবেশদ্বারা দেখতে না পেলেও আমার ক্ষতি নেই। মানে ক্ষতি আছে কিন্তু সে ক্ষতিকে পান্ডা না দিতে আমি শিখেছি। কারণ ত্রৈলোক্যনাথ থেকে সরোজ বন্দ্যোপাধ্যায়—আবুল বাশার পর্যন্ত গদ্য, রবীন্দ্রনাথ থেকে জয়দেব বসু—নিভা দে পর্যন্ত পদ্য আমায় ভালবাসে। ওই গোলকধাঁধা পার হয়ে যায়। গিয়ে আমার হৃদয়ের কেন্দ্রে কোনও মিনেটির নয়, মেঘের মিনারের জানলার দিকে উড়তে থাকা যে সোনালি চিলনি আছে তারই কাছে পৌঁছে যায়।’

গঙ্গাপ্রসাদের খাওয়া থেমে গিয়েছিল। অনেকক্ষণ অবিষ্ট দৃষ্টিতে আমার দিকে চেয়ে চেয়ে বললেন—‘এমন প্রতিধ্বনি কোনওদিন শুনতে পেতে পারি আমার কল্পনাতেও ছিল না। কাজলরেখাও সারা জীবন ওই গোলকধাঁধাটিকে উপেক্ষা করে কাটিয়ে দিল। আমারও তাতে কিছু এসে গেল না। কেন এমন হয়, বলুন তো?’

‘সংসারটাকে তো চলাতে হবে। ভিন্নতার মধ্যে দিয়েই সংসারের চলা।’

‘হবে বোধ হয়,’ গঙ্গাপ্রসাদ ভাবুক গলায় বললেন।

তিন দিন রোস্তোরায় খাওয়া হল। ফাদার জেনকিন্স খাওয়ালেন তাঁর নুতন গার্ল ফ্রেন্ড তীর্ণাকে। আর গঙ্গাপ্রসাদ খাওয়ালেন আমাকে। কিন্তু সিনেমার কথা আমি তাকে কিছুতেই বলতে পারলাম না। দু-একটা সিনেমা হল যা হাতের কাছে আছে তাতে বিচ্ছিন্নি বিচ্ছিন্নি সব ছবি হচ্ছে। কী করে বলি? দেখবই বা কী করে? তা ছাড়া প্রথম বৈশাখের এই প্রথম আকাশ! এই গঙ্গরাজদের ফুটে ওঠা, দোলনচাঁপার মৃদু গন্ধ রাস্তার মাটিটির মাখে। কত গাছ, গাছ আর গাছ, আর গাছ। এটিই এমন একটা ছবি যা আমাদের রোজ ভোরে শিশির মেখে গঙ্গাফড়িংদের সঙ্গে দেখি, সন্ধ্যাবেলায় দেখি ঘরে ফেরা বিহঙ্গকুলের সঙ্গে। কোনও কোনওদিন তীর্ণা আমাদের সঙ্গে আসে, কোনও

কোনওদিন ফাদার জেনকিন্স। আর দিনে-রাত্রে, সকালে বিকেলে, গ্রীষ্মের গুমোটো কোকিল ডেকে যায়, ডেকে যায়, ডেকে যায়। এত ডাকে যে এক দিন আমার দ্বিধা ভাঙা গলায় আমি—‘কোয়েলিয়া গান থামা এবার/ তোর ওই কুহ তান ভাল লাগে না আর’—কত দিনের বিস্মৃত বাণী কোনোরের গলায় গাওয়া এই গান অনায়াসে গেয়ে দিই।

তারপর ফিরতি ট্রেন ধরি। আমি আর তীর্ণা।

চন্দনের এক ফৌটা

অবাক কাণ্ড। দেখি কাজল চন্দন বরাটের গাড়ি করে আমাদের স্টেশনে নিতে এসেছে। বাঁ চোখটা টিপল আমার দিকে চেয়ে। তীর্ণা বলল—‘চন্দনকাবুকে আবার কোথা থেকে জোগাড় করল।’ স্বাক্ষর দিয়ে উঠল কাজল—‘বি.এ. ক্লাসের বন্ধু। একটা উপকার করে দিতে পারবে না? কত দিন এড়িয়ে থাকবে? ই-হুহ।’

চন্দন বরাট একগাল হেসে বলল—‘তুই-ই তো আমায় এড়িয়ে চলতিস কাজল। কাজলাদিদি নামটা আমারই প্রথম তাকে দি, এক দিন বোধ হয় বিপিনবাবুর ক্লাসে কোনও কবিতা থেকে দু লাইন জন্মের মধ্যে কন্ঠ বলতে পেরেছিল, সেই থেকেই তাকে দেখে আমরা গাইতুম, “মাগো আমার শোলোকবলা কাজলা দিদি কী।” তুই আর তোর বন্ধু সেই কান্ডা না মাস্তা ডিজেল এঞ্জিনের মতো ঘস ঘস করে চলে যেতিস।’

‘কান মুলে দেব চন্দন মিছে কথা বললে, কাজলা হাত ওঠায়। কান্ডা না মাস্তা, না।—ওকে দেখলেই তো তেলের বুক ধড়াস ধড়াস করত। এখন কান্ডা না মাস্তা। হুঁ।’

‘আরে সেই কান্ডা এখন পিসিমা হয়ে গেছে। এক দিন বড়বাজারে দেখা হয়ে গেল। খাঁটি মশলাপাতি, ভাল ঘি সব কিনছে। শস্তায় উল, আপেল, ডেকটি, পিন, কুশন কিছু বাকি নেই। আমি আবার পুরনো প্রেমের কথা স্মরণ করে এক ডজন লেবু কিনে দিই।’

‘কী পাতিলেবু?—কাজলা শুধায়।

‘আবার কী! ওতো পাতিলেবুরই খদের এমন। সকালবেলা মধু দিয়ে পাতিলেবুর রস খায়.... তা সে তুলনায় তুই এখন অনেক সরস আছিস। তোর সঙ্গে একটু-আধটু পরকীয়া করা যায়।’

কাজল এক থাপ্পড় তোলে—‘তুই নিজে পিসেমশাই হয়ে গেছিস কিনা আয়নার দাখ একবার। তারপর আর কারও সঙ্গে পরকীয়ার কথা ভাবিস।’

তীর্ণা এ বার নাক গলায়—‘চন্দনকাবু, মা তোমরা বাড়ি গিয়ে তোমাদের কলেজি ফণি নষ্ট করে। এখানে ট্রেন-ফ্রেন সব থেমে যাচ্ছে— তা ছাড়া রঞ্জুমারিস খিদে পেয়েছে, শান্ত আর নিরুপমের জন্যে মন কেমন করছে।’

কাজল এ বার আমার সঙ্গে পরিচয় করায়— ‘আমার আরেক বন্ধু রঞ্জনা গড়াই। মিষ্টি মিষ্টি প্রেমের গল্প লেখে, তুই ওর সঙ্গেও পরকীয়া করতে পারিস। ওর নিশ্চয়ই অনেক অভিজ্ঞতা ও বিবয়ে নইলে লেখে কী করে। তা ছাড়া তাদের পদবির বেশ মিল, পদবি কেন? নামেরও তো!’

চন্দন বলল— ‘সে আবার কী?’

‘কেন? ও রঞ্জনা গড়াই, তুই চন্দন বড়াই।’

আশে-পাশে কিছু লোক মিচকি মিচকি হাসছে। আমি আর তীর্ণা তীরবেগে বেরিয়ে আসতে থাকি কারোজ্ঞের দিকে।

‘ওইটা রঞ্জমাসি, ওই নেতি ব্লু এস্টিমটা।’

চন্দন দেখলুম, ওস্তাদ ড্রাইভার। ভিড়-টিড় চমৎকার কাটিয়ে গল্প করতে করতে চলেছে।

‘তা রঞ্জনা, আপনার তা হলে দুই পুত্র?’

‘কোথা থেকে জানলেন?’—তখন অবাক হয়ে জিজ্ঞাসা করি।

‘ই ই বাবা, হোমস কি শুধু ইংল্যান্ডেই জন্মায় পোয়ারো কি শুধু বেলজিয়ামেই? নামও বলে দিতে পারি শান্ত আর নিরুপম।’

তীর্ণা হাঁ-হাঁ করে ওঠে— ‘এমা চন্দনকাকু নিরুপম রঞ্জমাসির হাজব্যান্ডের নাম।’

‘তা হলে তুই যে বললি শান্ত, নিরুপম!’

‘ও সব আজকালকার ছেলে-মেয়েদের ঢং— কাজল মস্তব্য করে, শুক্লরঞ্জনদের নাম-ফাম ধরে। তা এক হিসেবে তুই ঠিকই বলেছিস, নিরুপম একা কেন, তুই তোরা ... সবাই তো সারাজীবন খোঁকাবাবুই থেকে যাস।’

‘রঞ্জনা স্লিভ ডেস্ট মাইন্ড।’

‘না না ঠিক আছে, আপনি নির্ভবনায় থাকুন। অত সহজে মাইন্ড করলে ...’

‘তুই আর রঞ্জনা থাকতিস না, গঞ্জনা হয়ে যেতিস, বল— কাজল আমার মুখের কথা কেড়ে নিল, ‘রঞ্জুও কিন্তু শিল্পীর বন্ধু। রঞ্জুদি বলতে ও অজ্ঞান। আমার বি.এ পড়তে পড়তেই বিয়ে হয়ে গেল। রঞ্জু বি.এ পাস করল এম.এ পাস করল, কবিতা লিখল, বুদ্ধদেব বসুর নেটিপেটি হয়ে, গল্পো লিখল কার নেটিপেটি হয়ে তা জানি না। পরকীয়ার ভাল ক্যানডিডেট।’

চন্দন, স্টিয়ারিং-এ হাত, ঠোঁটে সিগারেট— তারই ফাঁক দিয়ে বলল ‘কাজলা তুই তা হলে পথের কাঁটা সরে দাঁড়াছিস? ভাল, রঞ্জনা, আপনি রাজি তো?’

‘আমাদের সেই তাহর নামটি রঞ্জনা।’ সহসা আমার কানের কাছে কে গভীর গলায় বলে ওঠে, আমি কৈপে উঠি,— তারপর বলি— ‘আমি পিসিমা না হলেও মাসিমা হয়ে গেছি যে মি বরাট।’

‘ওর উদ্দেশ্যে জল ঢেলে দিলি যে রে রঞ্জু, তুই তো এমন বেরসিক ছিলি না, ব্যাপার কি বল তো!’—কাজল স্বচ্ছন্দী চিন্তিত চোখে আমাকে জরিপ করে।

চন্দন বলে ‘মাসি আপনি নিশ্চয়ই তীর্ণার, আমার মেয়ে তুলতুলের কিন্তু মাসি-মা আপনি নন।’

‘কিন্তু তুই মেসোমশাই’ কাজল ঘোষণা করে— ‘ইন এভরি সেঙ্গ অফ দা টার্ম।’

‘অবজেকশন। রঞ্জনা আপনি বলুন, তীর্ণা তুই বল।’

আমি সন্তপ্ত বলি— ‘ইউ আর সিল ভেরি হ্যান্ডসম চন্দন ভাই।’

‘আর তুঁড়িটা? টেনিস বলের মতো তুঁড়িটা?’ কাজল ককিয়ে ওঠে।

গঙ্গাপ্রসাদের পাঞ্জাবির তলায় চাপা পড়া বিস্তৃত তুঁড়িটা আমার মনে পড়ে, আমি খুব নরমগলায় বলি— ‘তুঁড়িজ রিয়ালি ডেস্ট ম্যাটার।’

কাজল আমার দিকে ঝুঁকি পড়ে— ‘তুঁড়িজ? তুঁড়িজ? তুই বহুবচন কেন ব্যবহার করছিস রঞ্জু!’

আমি ক্লান্ত গলায় চোখ বুজে বলি— ‘উঃ কাজল আমাকে চিপটে দিচ্ছিস একেবারে। এ বার আগে বাড়ি পৌঁছে দে। চন্দন, কাজলদের বাড়ির আগেই আমার বাড়ির গলি পড়বে, খেয়াল রাখবেন, গলির মুখে নামিয়ে দিলেই হবে।’

‘সে কী কথা! সে কী কথা!’ চন্দন চোঁচামেচি করে ওঠে।— ‘আপনার বাড়ির একেবারে যাকে বলে লেরগোড়ায় নামিয়ে দেব, তারপর আপনি চা কি কফি কি কোন্ড ড্রিংকস খেয়ে যেতে বললে নামব, নইলে নামব না।’

আমি বলি— ‘আজ আর নামতে বলব না, কিছু মনে করবেন না। বড্ড ক্লান্ত আজ, কদিন পরে নিশ্চয়ই শুধু কোন্ড কেন ...’

‘ইট-ও দেবেন বলছেন?’—কথটা লুফে নেয় চন্দন।

এভাবেই আমি বাড়ি পৌঁছই।

শেফালির সতর্কীকরণ

দুপুরবেলা চান-টান সেরে, ভাত-টাত খেয়ে একটা শুয়ে পড়েছি, বড্ডই গরম তার ওপরে টেনশন গেছে। ঘর অন্ধকার করে ফ্যান পুরো চালিয়ে দিয়েছি। ওদিকে ঘরের কোণে রেখেছি এক বালতি বরফাণ্ডা জল। আমি গরিব মানুষ। আমার বাড়িতে এয়ার-কন্ডিশনার নেই। গ্রীষ্মের দেশে জগেছি, গ্রীষ্মের দেশেই মরব। তা ছাড়া স্বকের ওপর গরম রোদের ঝলসানি, গুমেটি গরমে ভাপে সেদ্ধ হওয়ার এই সব যদি না অনুভব করি তা হলে লিখব কী করে? গ্রীষ্মকে বর্ষাকে যে রবীন্দ্রনাথের মতো ভালবাসতে পারলুম না— এ তো আমারই অক্ষমতা। এ অক্ষমতার জন্য আমি লজ্জিত। আর একটা সুবিধে আছে, আমাদের এ বাড়ি পুরনো দিনের। কুড়ি ইঞ্চি গাঁথনির দেওয়াল, সিলিংও যথেষ্ট উঁচু। ওপরে ছাত আছে। রোদে থাক হজ্জে, তাই তার তাত নীচে খানিকটা নামেই। নইলে আমার বাড়ি আধুনিক সব মানুষের খোপ ফ্লাটবাড়ির চেয়ে অনেক কম গরম।

ঘুমটা এসে যাব এসে যাব করছে, শেফালিবাবু ঢুকলেন। শেফালির একটা অসামান্য প্রতিভা আছে। ও ঠিক বুঝতে পারে ঠিক কখন আমি ঘুমের কোলে ঢলব ঢলব করছি, বা কখন আমার মনোযোগ চূড়ান্ত। আবার হাত চলছে, মন চলছে, কোথায় আছি, কেন আছি খেয়াল নেই। ঠিক সেই সময়েই ও খ্যানখ্যান করে একটা কাঁসি বাজিয়ে দেবে। খ্যান খ্যান খ্যান খ্যান।

‘কী হলরে ? কী হল ?’

‘মারো বউদি আমায় মারো’— বলতে বলতে কোমরে কাপড় জড়িয়ে শেফালি এসে উপস্থিত হল।

‘হলটা কী ?’

‘সবচেয়ে ওপরের তাক থেকে অবরে-সবরে বার করার কাঁসার পরাতখানা পড়ে গেল।’

‘গেছে ?’

‘কানা ভেঙে গেছে।’

‘বাঃ ! নিজে থেকেই বাঁপিয়ে পড়ল পরাতটা ? আয়ত্যা করল না কি ? তুই কি কোনও সাহায্যই করিসনি ?’

‘পাশ থেকে খস্টি দিয়ে কুকনিটা পাড়তে গিয়েছিলুম।’

‘বা বা বা, এখন যাও।’

কাঁসা পেতলের কিছু বাসন আমাদের এখনও আছে। কাঁসার জামবাটি, কাঁসার পরাত, চোন্দো পনেরো জনের ময়দা মাখা যায় তাতে, নতুন কাঁসার সেট তো আছেই। জনা ছয়ককে পঞ্চবজ্রন দিয়ে খেতে দেওয়ার মতো। স্টেনলেস স্টিলের ব্যক্তিহীন সামান্যতার সাহাজ্যে পুরনো দিনের স্বকরকে কাঁসা পেতল। আর কিছু না বেক সাজিয়ে রেখে দিলেও ভাল লাগে। সেই কাঁসার পরাত শেফালিবাবু ভাঙলেন। ভাঙলেন আবার মোক্ষম সময়ে, যখন আমার লেখা জমে উঠেছে। ভেঙে আবার নাটক করছেন— ‘মারো বউদি, আমায় মারো।’ মারতেই হচ্ছে করছে। বেধড়ক মার। কিন্তু মারতে আমরা কবেই ভুলে গেছি। ‘এখন যাও’ আর ‘বা বা বা’ ছাড়া আর কী-ই বা বলতে পারি। মন মেজাজ তিতকুটে হয়ে যায়। লেখা ছেড়ে, টেবিল ছেড়ে, বিছানায় উপুড় হয়ে শুয়ে থাকি কিছুক্ষণ। পৃথিবীতে সব বস্তুই নম্বর, ভঙ্গুর, যা গেছে তা গেছে, মন খারাপ করে বোকারাই— ইত্যাদি বাক্যে নিজেকে ভালোবার চেষ্টা করি।

ঘুমের জন্য শুলে আমার চোখ ছোট বাচ্চাদের মতো এক বার খোলে, আবার বন্ধ হয়ে যায়। আবার খোলে, আবার বন্ধ হয়, ফট করে আবার খুলে যায়— দেখি ঘরের আধো অন্ধকারে পায়ের দিকে শেফালিবাবু দাঁড়িয়ে দাঁড়িয়ে আঁচল আঙুলে জড়াচ্ছেন। অর্থাৎ কিছু বলছেন। বলুন তাতে ক্ষতি নেই। কিন্তু ঠিক এই সময়টাই বেছে নিতে হবে ? আবার বিনীত ভঙ্গিটা দেখো, যেন কৃষ্ণের শয্যার পায়ের দিকে অর্জুন। ওই অর্জুনের মতোই ধুরন্ধর।

‘কিছু বলবে ?’

‘অ্যাল’— করে জিভ কাটে শেফালি— ‘তোমার ঘুমটা ভাঙিয়ে দিলুম তো।’

ভাঙা আর ভাঙানো এই দুটিই তো ওর প্রধান কাজ। যাক গে সে কথা বলে আর কথা বাড়াতে চাই না।

‘বলে ফ্যালো তবো’— অনুমতি দিই।

‘রাগ করবে না তো ?’— শেফালির অনুনয়।

‘রাগ করার মতো হলে করব বই কি ?’

‘রাগ করার মতোই বউদি। কিন্তু আমি শুধু খপর দিচ্ছি। আমার ওপর রাগ-ঝাল করো না।’

রহস্য গাঢ়তর। ব্যাপার কী ?

‘শিল্পীদিদি বড্ড বাড়াবাড়ি শুরু করেছে।’

‘মানে ?’

‘মানে আর কী বলব। তুমিও শান্তিনিকেতন গেলে আর শিল্পীদিদিও জমিয়ে এসে বসল।’

‘এখানেই ছিল না কি কদিন ?’

‘ছিল নাকো। কিন্তু রোজ আসত প্রায় রোজ। আজ দই বড়া করে আনছে। কাল রোগন জুস, পরশ ফিশ তন্দুরি। দাদাবাবু এলে দেখো, চেহারা অনেক ফিরেছে। শান্ত তো লাফাতে লাফাতে বাড়ি ফেরে। শিল্পীমাসি আজ কী এনেছো ?’

‘তা শিল্পীমাসিই খালি এক তরফা খাইয়ে গেল ? তোমরা কিছু খাওয়ালে না তাকে ?’

‘কী সবেবানাশ, খাওয়ার কি গো, আমি তো ভয়ে আধখানা, পোড়-খাওয়া মেয়েমানুষ বাবা, আমার চোখ ফাঁকি দিতে পারবে না। দাদাবাবু খুব পটেছে। দু-দিন সিনেমা গেছে। এক দিন দর্পণায়—যুগান্ত, আর এক দিন নন্দনে কী জানি কী চেক ফিল্ম। ফিল্মও যে চেক-কাটা হয় এই প্রথম শুনলুম বউদি। আর খাওয়ানোর কথা বলছ— আমার আর দরকার কি ? সে কর্তব্য দাদাবাবুই করেছে। তিন দিন মোট তিন দিন, বাইরে থেকে খেয়ে এল। শান্তর জন্যও এনেছিল। আমার জন্যেও। কিন্তু সে সব আমরা খাইনি। চুপিচুপি ফেলে দিয়েছি।’

‘সে কী ?’ কেন ?’

‘যদি তুকতাক থাকে বউদি ?’

‘বা ! বা ! বা ! এখন যাও।’

এ ছাড়া আর কী-ই বা বলতে পারি আমি, কোথায় কোথায় খেল কে জানে। শিল্পীর ভীষণ নাক-উঠ, যেখানে-সেখানে ঢুকবেই না। ভাল-ভাল খাদ্যগুলো শান্ত বেচারি খেতে পেল না।

‘তুমি ছেড়ে দিতে পারো বউদি। তুমি দেবী। আমি কিন্তু ছাড়ব না। আমি ঘরপোড়া গোরু। তোমার ঘর আমি পুজোতে দেব না। আংরা জ্বলে ওই খ্যাংকাকঠির মুখে যদি আমি নুড়া না জ্বলেছি তো ...’

‘যাবি ? একদম বাজে বকবি না।’

ফুঁসতে ফুঁসতে শেকালি চলে গেল।

এত বিরক্তি সত্ত্বেও আমি ঘুমিয়ে পড়লুম। তবে ছেঁড়া-ছেঁড়া ঘুম। তার মধ্যে স্বপ্ন— একদম সত্যির মতো। একটা বিরাট লাইব্রেরি। ফাদার জেনকিন্স এক দিকে বসে লেখাপড়া করছেন। আমাকে আঙুলের ইশারায় ডাকলেন। তারপর একটার পর একটা প্রশ্ন করতে লাগলেন। একটারও আমি উত্তর দিতে পারছি না। লজ্জায় মাথা নিচু করে আছি। কয়েকটা প্রশ্ন পর্যন্ত মনে আছে। ললি পপ-এর বাংলা কী ? গঙ্গা আর হিমালয় ছাড়া ভারতে আর কী বড় নদী আছে ? ই ইকোয়ালস্ এম সি স্কোয়ার যদি হয় তা হলে নিরুপম ইকোয়ালস শিল্পী স্কোয়ার হবে না কেন ? আরও অনেক প্রশ্ন ছিল, কোনওটারই উত্তর দিতে পারিনি। হঠাৎ ঘুমের ঘোরটা একটু কেটে যেতেই চুপি ল্যাবেঞ্চুস, চুপি ল্যাবেঞ্চুস বলে চোঁচিয়ে উঠলাম।

একটা মুখ আমার ওপর ঝুঁকে পড়েছে।

‘কে ?’ বলে এক প্রচণ্ড খটকা মেরে সরিয়ে দিয়েছি। ‘বা বা গো’ বলে কে যেন ঘুরে পড়ল।

ধড়মড় করে উঠে বসে দেখি কোণের দেওয়ালে ঠেস দিয়ে নিরুপম বসে আছে।

বললে— ‘বোলপুরের জলমাটিতে রণচণ্ডী হবার এলিমেন্ট আছে জানতুম না। উফফ !’

‘ঘুমোচ্ছি, ও রকম করে মুখের ওপর ঝোঁকে। ঘুমের ঘোরে ঘাবড়ে যাব না ?’

‘ল্যাবেঞ্চুস ল্যাবেঞ্চুস বলে বিড়বিড় করছিলে কেন ? স্বপ্নে কি ছেলেবেলায় ফিরে গিয়েছিলে ?’

‘আমি পড়া পারছিলাম না।’

‘তার ঝাল আমার ওপর ঝাড়লে ? বেশ করেছ, এখন স্বপ্নের পাঠশালা থেকে উঠে এসে আমার মাথায় বরফ দাও।’

মাথার পেছন দিকে একটা ছোট্ট ট্যাপির মতো হয়েছে। ‘ছি, ছি। যদি বেচারার মাথা ফেটে যেত। তাড়াতাড়ি বরফ আনতে যাই। বরফ বার করে একটা প্লাস্টিকের মগে ভরছি। শেকালিবাবু চুলে এলার্শোপা বান্ধতে বান্ধতে এলেন।

‘কী হল বউদি ? হঠাৎ...’

বললুম— ‘দাদার মাথায় লেগে গেছে।’

চলে যাচ্ছি, পেছন থেকে চাপা গলায় বলছে শুনি, ‘বেশ করেছ। উচিত

শিকে দিয়েছ। বিষ ঝেড়ে না দিলে...’

‘চুপ করবি ?—আমি জিতে বিষ ঢেলে বলি। কিন্তু মনের মথোটা কেমন খচখচ করে। এমন করছে কেন শেকালি ? এতটা ?’

একটু পরেই শান্ত ফিরল। চোন্দো বছরের অশান্ত ছেলে। আমাকে দেখে ‘ইয়া, ইয়াও’ বলে কয়েকটা লাফ দিয়ে নিল। তার বাবা তখনও মাথায় হাত বুলাচ্ছে, চুল সব ভিজে।

ছেলে বলল— ‘ও কী বাবা ? চুল দিয়ে জল ঝরছে কেন ?’

‘তোমার মাতৃদেবী মেরেছেন বাবা, এমন মেরেছেন যে শীতের নতুন আলু বেরিয়ে গেছে, তাই বরফ দিতে হয়েছিল।’

—‘আহ ? ইয়ার্কি মেরো না’—আমি খুব রাগ করি।

শান্ত বলে ‘তাই বলে, আমি ভাবলুম বা বুঝি সত্যি সত্যি মেরেছে— শিল্পীমাসির সঙ্গে সিনেমা গেছে বলে।’—শেষের অংশটা ও চাপা গলায় বলল।

আমি প্রচণ্ড রেগে যাই— ‘শান্ত !’

শান্ত নিজের চোঁটের ওপর আঙুল রেখে স্পিকটি-নট হয়ে দাঁড়ায়।

‘কখনও আমাকে মারামারি করতে দেখেছ ?’

‘না।’

‘তা হলে ? এ রকম অসভ্যের মতো কথা বলবে না !’

আমি আড়চোখে নিরুপমের দিকে তাকাতেই আড় চোখাচোখি হয়ে গেল।

অর্থাৎ নিরুপমও সেই মুহুর্তে আমার দিকে আড়চোখে চেয়েছিল।

আমি বললাম, ‘দুপুরে আমাকে চন্দন পৌছে দিয়ে গেল।’

‘চন্দন কে ?’

‘সে কী ? শিল্পীর বরকে চেনো না ? চন্দন বরাট। গাড়ি নিয়ে স্টেশনে উপস্থিত ছিল। নেভি ব্লু মারুতি এসটীম।’

‘শিল্পী ছিল ?’

‘না, শিল্পী কোথায় ?’ তীর্ণা যে ছিল, কাজলরাও যে ছিল আমি ভাঙি না।

‘হঠাৎ চন্দন বরাট তোমাকে স্টেশন থেকে আনতে যায় কেন, জানি না বাবা।’ নিরুপম নিজস্ব মেজাজ খারাপের সাইলে বলে।

‘তুমি যাও না বলে, শান্ত খুব সরল মুখে বলে।

আমি গুকে আদর করে বলি— ‘লাখ কথার এক কথা বলেছিস।’ ও লাফাতে লাফাতে চলে যায়, ‘ইয়া, ইয়াও।’

আমি বলি— ‘বাজার করব একা একা, প্রকাশকের বাড়ি যাব একা একা, বেড়াতে যাব একা একা, লোক-লৌকিকতা করব একা একা, কী ? না নিরুপমদা ওয়ার্ডের হিরো, তাঁকে নইলে এক মুহুর্ত চলে না, নিরুপম গাড়ি পলিটিক্স করছেন, কই অন্য কারও বেলায় তো সময়ের অভাব হয় না।’

‘নিজের বউকে বলা যায়, অপরের বউকে কি যাব না বলা যায় ? যা নেই

আঁকাড়া তোমার বন্ধু। নিরুপমদা 'হুগান্ড' চলুন, নিরুপমদা অমুক চলুন তমুক চলুন...' পাগল করে দিয়েছে একেবারে।'

আমি বললুম, 'আর নিরুপমদা দই বড়া খান, নিরুপমদা শাকী কাবাব খান, এগুলো তো বলছ না!'

'তুমি কী করে জানলে?'

'জানলাম।'

'শেফালিবাবুর লাগানো-ভাঙানো তা হলে হয়ে গেছে? ওকে কি স্পাই রেখে গিয়েছিলে? এত দূর সাহস ওর, যে আমার ওপর টিকটিকিগিরি করে তোমাকে লাগায়?'

আমি বললুম, 'সে আবার কী— শিল্পীদিদি ভাল-ভাল খাবার-দাবার করে তোমাদের খাইয়ে গেছে, এটা বললে লাগানো হয়? বলবে না? এটা যদি না বলার মতো কোনও গর্হিত ব্যাপার হয় তা হলে তুমি ওকে সেটা বলে দিলেই পারতে।'

নিরুপম রণে ভঙ্গ দেয়।

শিল্পী

শিল্পী কাজলের বাড়িতে ঢুকতে ঢুকতে বলে— 'বাব্বা; একটা ফেজ গেল। চমন গেছে?'

'অনেককণ।'

'তবু ভাল।'

শিল্পী সেইরকম মেয়ে যাদের দেখে রঞ্জন বন্দ্যোপাধ্যায় একটা আর্টিকল লিখেছিলেন— 'দেহাই তোদের একটুকু মোটা হ।' চেহারা খানিকটা মিলের জন্যে সে সেতেনভাবে ভূতপূর্ব বিশ্বসুন্দরী সৃষ্টিতা সেনের মতো সাজে। মাঝখানে সিঁথি কেটে চকচকে পাট করে চুল আঁচড়ানো।

আজ সে জিনস-শার্ট হাকিয়ে এসেছে। মাঝখানে সিঁথি কেটে চকচকে পাট করে চুল আঁচড়ানো। কাজল বললে, 'কী রে আজ যে একেবারে কোমর বেঁধে ব্যাপার কী?'

'আজ কোমর বেঁধে? বলছ কি কাজলদি? লাস্ট মাছটাই তো কোমর বেঁধে ছিলুম। আজ রঞ্জুদি এসে গেল আমারও ডিউটি শেষ।'

'কম্ব ফতে?'

'ফতে বললে ফতে। ফতে নয় বললে নয়।'

'বুঝিয়ে বল।'

'আগে ঠাণ্ডা নিয়ে এসো। দিল কী আজাদি ভাল করে অনুভব করি, শিল্পী সোফার ওপর টান টান হয়ে শুয়ে পড়ল। একটা পা সোফার হাতায় তুলে দিয়ে।

ঠাণ্ডা নিয়ে এসে কাজল বলল— 'কী রে সোফার ওপর ঠাণ্ডা নাচাচ্ছিস কেন, এ পোজে তো সৃষ্টিতা সেনের কোনও অ্যাড দেখিনি।'

'দ্যাখো কাজলদি, বেশি বাজে বকো না, আমি এখন ভীষণ টায়ার্ড। জানো কত র়েখেছি? মটিন রেজালা, বিরিয়ানি, শাকি কাবাব, চিকেন উইথ ক্যাপ্স নাটস, ফিশ বলস, ল্যাম উইথ ডাম্পলিংস, স্মোকড হিলসা, পাইন আপল হিলসা...'

'উঃ থাম থাম' কাজল কানে আঙুল দেয় 'এ বার বোধ হয় বলবি মটিন ইন রাবডি।'

'বলতেই পারি। তোমাদের জামাইষষ্ঠীতে কী হয় মেনু? আগে মাছের ফ্রাই, ইলিশের ভাপা, মটিন কারি এবং শেষ পাতে ল্যাংড়া আম আর রাবডি। অনেক জামাই-ই এই খেয়ে পটল তুলেছে তা জানো। বাঙালিদের মতন আনসারেটিক মেনু আর কোনও জ্ঞাত করে না। বিদেশে ওয়াইন পর্যন্ত এক এক রকমের মেনুর সঙ্গে এক এক রকম। হোয়াইট ওয়াইন খাবে মাছের সঙ্গে চিকেনের সঙ্গে, রেড ওয়াইন খাবে মাংসের সঙ্গে। খাবার আগে খাবে ককটেইল, পরে খাবে লিকিঅর। আহ, কফি ব্র্যান্ডি কি আইরিশ ক্রিম যা খেতে না।'

'ওহ শিল্পী, তোর বর বিদেশ যায় তুই বিদেশ যাস। আমি জানি। বাজে কথা রাখ। ফতে অথচ ফতে নয় কেন বললি— বাতা।'

প্যাটের পকেট থেকে তিন জোড়া সিনেমার টিকিট বার করল শিল্পী, ব্যাগ খুলে বার করল তিনটে রেস্তোরাঁর বিল। সবগুলোতে সুই করা। নিরুপম গড়াই। এন, গড়াই, এন, গড়াই।

'সইগুলো কী করে বাগালি?'

'বললুম— অটোগ্রাফ করে দিন তো মশাই। অদূর ভবিষ্যতে তো মন্ত্রী হচ্ছেন। তখন এগুলো নিলামে তুলে কিছু পয়সা কাঁমাৰ।'

'অমনি দিয়ে দিল?'

'দিল তো।'

'বেহেড বোকা নিরুপমটা। তখনই বলেছিলুম রঞ্জুটাকে, পার্টি করে, ও ছেলেকে বিয়ে করিসনি। ও টুপি পরবার জন্যেই জন্মেছে। তো শুনল না।'

'তারপর?'

'তার আর পর কী? স্থির হয়েছিল তিনটে রেস্তোরাঁর একটা সিনেমা। আমি দুটোই তিন দিন প্রমাণ সহ এনে ফেলে দিলুম তোমার কাছে। তুমি রেকর্ড রাখো, ফাইল করো। বহোৎ কস্ট কী। কত নাটক, কত থোরাথুরি, খরচাপাতিও মন্দ হল না।'

'খরচাপাতি তোর হবে কেন? ও তো ওই বোকাটার।'

'আরে সব সিনেমা, সব রেস্তোরাঁ কি প্ল্যান করে ঢোকা যায়। নন্দনে সিনেমা দেখে বললুম— চলুন না নিরুপমদা তাজবেঙ্গলে খাই আজ। তো তো

করতে লাগল। নানান বায়নাঝা। ছেলে নেই, বউ নেই। সবাই মিলে এক দিন আসা যাবে, আজ কোথাও একটু কফি আর স্ন্যাকস খেয়ে বাড়ি যাওয়া যাক। ছেলে নেই, বউ নেই ও সব ছুতো, আসল কথা রস্তু নেই। আমি বললুম, “আপনাকে আজ আমি খাওয়াবই। শান্তর জন্য নিয়ে যাব। আপনি আমাকে দু দিন খাওয়ালেন। আমি এক দিন।” তখনও বলছে খাটি কমিউনিস্টদের তাজবেঙ্গলে যাওয়া মানায় না। আমি বললুম, “বা রে, যখন মন্ত্রী হবেন, তখন এড়াবেন কী করে? তখন তাজবেঙ্গল, শেরাটন গ্রুপ... শিল্পী বলে একটা আবদরে শালী ছিল মনেই পড়বে না।”

‘এতেই হয়ে গেল?’

‘গেল তো!’

‘ইন্ডিয়াট!’ কাজল বলল।

‘ইন্ডিয়াট হতে পারে, কিন্তু ভীষণ শেয়ানা।’

‘কীরকম?’

‘লোকের চোখের সামনে দিয়ে বেরোবে। কত সাধাসাধি করলুম একটা ভেনু ঠিক করতে সেখানে মিত্র করব, পাভাই ছিল না। সেই আমাকে রোজ রোজ শাড়ি কিংবা শালোয়ার কমিজ পরে যাদু ঘোষের স্ট্রিটে যেতে হবে। ওই রাস্তায় তো আবার মেয়েদের প্যান্ট পরে ঢোকা নিষিদ্ধ।’

‘লেখা আছে না কি?’

‘ও সব বোঝা যায় কাজলদি?’

‘মানে তোর এই দুর্ধ্ব রূপটি বোকাটাকে দেখাতে পারলি না, এই তো!’

‘দেখিয়েও বোধ হয় কিছু হত না। তোমাদের উত্তর কলকাতা হোপলেসলি মিডিজিভাল। নিরুপমলার মত মেয়েদের শাড়িতেই সবচেয়ে ভাল দেখায়, রান্না জানা মাস্ট, সাজগোজের দিকে বেশি নজর দেওয়া এই গরিব দেশে নাকি মানায় না।’

‘সারটা মাস তুই ওই বোকাটার মনোহরণ করার জন্যে যোগিনী সেজে রইলি?’

‘ভারী ব্যয়ে গেছে। মনোহরণ আবার কী?’ শিল্পী চোটে উলটাল। পেটের কথা বুঝতে অভিশত লাগে না। জিনসটাই শুধু পরিনি। ম্যাচিং লিপস্টিক, ম্যাচিং টিপ, কস্ট্যাম জুয়েলারি, ভাল ভাল শিফন, খুব সেজেছি।’

‘তাকে কী রি-অ্যাকশন?’

‘ইসে উঠে শিল্পী বলে ‘রি-অ্যাকশন’ও আহেলিতে খেতে গেছি, বললে ‘আমি এত দিন তোমাকে আপনি বলছিলাম, সরি।’

‘তারপর?’ তারপর?’ কাজল উৎসাহে মুখে এক টিপ মৌরি ফেলে।

‘তার আর পর নেই—’ শিল্পী বললে।

‘কী বলাবলি করলি বলবি তো’ আমি বললুম, ‘আপনাকে তো কবেই তুমি বলবার অধিকার দিয়ে রেখেছি, “হ্যাঁ”, নিরুপমদা বললে—“আমি প্রথমতায়

বুঝতে পারিনি তুমি এত ছোট মানে বাচ্চা।”

‘তো ভাল তো?’ কাজলের উৎসাহে একটুও ভাটা পড়েনি। ‘বাচ্চা মেয়েই ওরা ভালবাসে। নিজেরা যত খেড়ে হবে তত বাচ্চা পছন্দ ওদের।’

শিল্পী খুব মুগ্ধে গেছে, বলল— ‘কাজলদি, অত মনস্তত্ত্ব জানি না, নিরুপমদা আমার প্রেসটিজ একেবারে পাঁচার করে দিয়েছে।’

‘তো ভাল তো’— অভ্যাসবশত বলে ফেলেছি, কাজল নিজেকে সন্তোষাধন করে ‘না, প্রেসটিজটা কীভাবে পাঁচার করল না জেনে...’

শিল্পী বলল— ‘তোমাকে বলেই বলছি। ভেঙে না কারও কাছে। বলে— তোমাকে বেশ ইয়াং আর লাইভলি দেখে আশা হয়েছিল— মার্কসিজম যে এখনও প্রাসঙ্গিক, তার ঠিকঠাক প্রয়োগ যে এখনও কুত্রাপি হয়নি— এটা বোঝাতে পারব, কিন্তু তুমি এতই শিশু, বলছ পল সারিয়েলে হনস্ নিয়ে পাশ করেছ, টুকে পাশ করোনি তো?’

‘বলল? এই কথা বলল তোকে? তুই মেনে নিলি? স্বগড়া করলি না?’

‘করব না? একশো বার করেছি। শুনিয়ে দিলাম— ব্রোবার্ণের মেয়েরা টুকলির সুযোগ পায় এ কথা যদি মনে করে থাকেন, তুল করবেন। দিদিদের পরীক্ষার সময়ে যমের মতন চেহারা হয়ে যায়। আর তা যদি বলেন, সারা বছর ইউনিয়ন করে ইউনিয়নের চাইরা কী করে ফার্স্ট ক্লাস পায়, কী করে অ্যাট অল পাশ করে আমি জানতে চাই।’

‘কী এক্সপ্লানেশন দিল তাকে?’

বলল— ‘সেই জনোই তো কোনওমতে পাশ করেছি। নইলে রঞ্জকে দেখিয়ে দিতুম। আর রিয়্যাল কমিউনিস্টরা কখনও পরীক্ষকদের সঙ্গে লাইন করবে না। ও সব বুজিয়োরা করে। তোমাদের মতন আর কী!’

‘তারপর?’

‘তার আবার পর থাকে?’ গটগট করে বেরিয়ে চলে এসেছি। আসবার সময়ে বলে এসেছি ‘এই অপমানের একটা বিহিত আমি করবই। রঞ্জদিকে বলবো আপনি ডুবে ডুবে জল খান।’ আমার মেয়ে তুলতুলকে কন্দনও আনানদের বাড়িতে রাখব না। তাকে আপনি ব্রেন-ওয়াশ করে ডাই-হার্ড কমিউনিস্ট করে ছেড়ে দেবেন, আমার এত ড্রেনের কালেকশন, এত কস্ট্যাম জুয়েলারি, আসল জুয়েলারি সব মাঠে মারা যাবে। বরং শান্তকে আমি হোস্টেলে রাখবার ব্যবস্থা করছি।’

‘কী বলল?’

‘কী আবার বলবে?’ ... ‘আরে আরে চটছ কেন? শান্তকে হোস্টেলে রাখলে যে রঞ্জদির সাহিত্যের উৎস শুকিয়ে যাবে। তুলতুলের জন্যে চকলেট কিনেছি, নিয়ে যাও, চন্দনবাধুর জন্যেও একটা কিনেছি— বাচ্চা মেয়ের বাচ্চা বর।’

শিল্পীর চোখ ফেটে জল বেরিয়ে আসে।

কাজল বলল, ‘তুই একটু কৈদে নে। আমি আসছি।’

আসল কথা কাজলের খুব হাসি পেয়েছে। শোবার ঘরে হাসতে গিয়ে দেখল তীর্ণা আধশোয়া হয়ে বই পড়ছে। অনীকের ঘরে হাসতে গিয়ে দেখল একটা আরঙলা ঘুরছে, গঙ্গাপ্রসাদের পড়ার ঘরে ডাই করা বই, দেওয়ালের তাকে, খাটে চেয়ারে-টেবিলে, বসবার জায়গাই নেই, তার হাসবার জায়গা! কাজল অবশেষে বাধরুমে গিয়ে পেট খুলে হাসল।

মুখে চোখে জল খাবড়ে যখন বসার ঘরে গেল, দেখে শিল্পী সোজা হয়ে বসে কাগজ পড়ছে। টেলিগ্রাফ, স্টেটসম্যান, এশিয়ান এন্ড, গণশক্তি, আনন্দবাজার, আজকাল, বর্তমান—সব।

কাজল বলল, 'কী রে? পলিটিক্সে জ্ঞান সংগ্রহ করবার চেষ্টা করছিস?'

'পা—গল!' শিল্পী বলল—'কাগজ থেকে পলিটিক্সের জ্ঞান সংগ্রহ হয়? কটা সুইসাইড, কটা ধর্ষণ, কটা মার্ডার, কটা গণপিটুনি তার একটা স্যাটিসফ্যাকশন নিচ্ছিলুম।'

'আর হাওয়ালা! স্বাম্য?'

'ওর হিসেব নেওয়া ছেড়ে দিয়েছি। তা তোমাদের বাড়ি এন্ড কাগজ কাজলদি!'

কাজল বলল—'কী করি বল—আমি "আনন্দবাজার" ছাড়া পড়ি না, আমার বর "স্টেটসম্যান" ছাড়া পড়ে না, আমার ছেলে পড়ে "টেলিগ্রাফ" আর "আজকাল" বাল্যলব্ধ করে, মেয়েটার চাই "বর্তমান"। "এশিয়ান এন্ড"টা শস্তায় পাই, আর "গণশক্তি"টা ছেলেমেয়ের এক বন্ধু আছে গোপাল, সে গছায়। আমরা যে যার বিল দিই ভাই, স্বামী-বাবাকে ট্যাক্স করি না।'

'স্বামী-বাবা কে?'

'কে আবার? আমাদের হোটেল-মালিক। আমার স্বামী, আমার ছেলেমেয়েদের বাবা।'

'উঃ, পারোও বাবা, কাজলদি। আমি ভাবলাম তোমাদের গুরু-টুরু কেউ হবেন। আজকাল সব ঘরে ঘরে গুরু হুয়েছে।'

'হ্যাঁ, এককালে ঘরে ঘরে গোরু থাকত, এখন তাতে একটা করে হুস উকার যোগ হয়েছে, যুগ বদলালে যোগ তো হবেই।'

'কিন্তু কাজলদি, গুরু আগেও ছিল, আমার মামার বাড়ি, মাসির বাড়ি, সব আগের জেনারেশন গুরুদীক্ষা নিয়েছিলেন।'

'ঠিকই বলেছিস। তবে আগে গোরাটাও ছিল, এখন সেটা আর থাকছে না, এখন মাতৃদুগ্ধ খেতে হবে বড় হয়ে গেলেও, বুড়ো হয়ে গেলেও, কিংবা হরিনের দুধ। গোরুর দুধ আর এরা খেতে দেবে না।'

এবার শিল্পী আসল প্রসঙ্গে আসে।

'চন্দনকে স্টাডি করবার জন্যে তুমি আর কদিন সময় নেবে? গাড়ি ছাড়া আমার কিন্তু খুব অসুবিধে হচ্ছে কাজলদি।'

'বেশ তো চন্দনকে বলে দিচ্ছি, গাড়িটা তোকে দিয়ে দিতে।'

'বাপ রে, এত দূর!'

'এতই দূর।' বলে কাজল আর এক টিপ ভাজা মৌর মুখে পোরে।

আর এক ফোঁটা চন্দন

তা যদি বলে, কাজলের সঙ্গে তার ভূতপূর্ব সহপাঠী চন্দন বরাটের দেখা হয়ে যাওয়াটা একদম কাকতালীয়। 'জীবনদীপ' থেকে বেরিয়ে তার নেভি ব্লু এসটিম নিয়ে দক্ষিণের দিকে বাঁক নিয়েছে চন্দন—এমবাসি হোটেলের সামনে দেখে ট্যাকসি ট্যাকসি করে আলুখালু হয়ে চোঁচাচ্ছে, এক খুনখারাপি লাল মহিলা, ব্যাকফ্রাউন্ড কালো। কেমন চেনা-চেনা। কাজলকেখা না?

হুশ করে গাড়ি থামিয়ে চন্দন মুখ বাড়ায়, 'কাজলীদিদি না? কোথায় যাচ্ছিলেন, মানে যেতে চাইছিলেন?'

'দক্ষিণাপন।'

'আরে আমি তো ওদিকেই যাব। উঠে আসুন, উঠে আস।'

উঠতে-উঠতে কাজল বলে—'এ যে দেখি কনেচমন? তা উঠে আসুন উঠে আসি, কী ব্যাপার?'

'যেটা আকসেটেড হয়, তোমাকে চরয়ে দিলুম ভাই। এক সময়ে কলেজ স্কুল ছামড়া তোমার পেছনে লাগতুম, সেই দুরখে তুমি নাকি আট দশ বছরের বড় এক মাস্টারমশাইয়ের গলায় মালা দিলে, কী তোমার অবস্থা, ভুই-ভুই আর চলবে কি না—বোঝা তো যাচ্ছে না। আফট্রল গঙ্গাপ্রসাদ মাস্টারমশাইয়ের গঙ্গাপ্রসাদনী তো তুমি। গুরুপত্নীকে ভুই বলা... ওহু কত দিন পর দেখা কাজল—! চন্দন আন্তরিকভাবে খুশি হয়ে বলে, 'চল তোর দক্ষিণাপন একটু পরে যাবি—আজ একটু চা খাওয়া যাক।'

মেঘ না চাইতেই জল। কাজলের মনটা ফুঁততে ডগোমগো। অন্যরা এখন স্ট্রাটেজি ঝুঁজছে—আল্লা মাঘ দে পানি দে বলে গলা ফাটিয়ে ফেলছে, আর তার কেস? জলবৎ তরলং। খুনখারাপি লালের ওপর মেডন হেয়ার ফার্নের মতো সর সর কালো কালো ঢেকের বাড়িটা সে ইচ্ছে করে পরেছিল, যাতে তার রঙের সঙ্গে কনট্রাস্টটা ভাল খোলে। কপালে একটা টিকার মতো টিপ। চুলগুলোকে সে গোছ করে একটা ক্রিপ দিয়ে নিয়েছিল, যাতে আলুখালু দেখায়। দেখলেই চোখে পড়ে। পরিস্থিতির বিশ্লেষণ তার একেবারে সঠিক।

'তা হলে পার্ক স্ট্রিটে চল।' যেতে যেতে কাজল বলে 'তোর বউকে তুলে নিবি নাকি?'

'তা হলে তো যোধপুর পার্ক অন্নি যেতে হয়। তা ছাড়া দুই পুরনো বন্ধুর দেখা—এর মধ্যে আবার বউ-কঁট কী? তা হলে তোর মাস্টারমশাইকেও নিয়ে যেতে হয়, আড্ডার দফারফা!'

ভাল করে গুছিয়ে বসে কাজল বলে, 'ইস্‌ কী ভাল যে লাগছে। সেই

কফি হাউসের দিনগুলো যেন ফিরে এল ।’

‘ফিরিবে না ফিরিবে না, অন্ত গেছে সে গৌরব-শশী’— ছন্দ বিবাদের সুর লাগে চন্দনের গলায় ।

‘ফিরিবে না কেন ? শশী এখন তোর উদরে বিরাজ করছে ।’

‘খুব মোটা হয়ে গেছি, না ? এ হে হে—’ চন্দন তার ভুঁড়ি খাবড়ায় ।
‘আর বয়াল্লিশ-তেতাল্লিশ বছর বয়স হল..’

কাজল বলে, ‘এমন করে বলছিল যেন বির-আশি । এই তো সবে কলির সঙ্গে তোদের । তোকে হঠাৎ দেখলে চিনতে পারতুম না । এই যা । সেই ন্যাংলা প্যাংলা কনেচন্দন যার বুশ শার্ট দুলতে আরম্ভ করলে কোথাও থামত না, সে এই রকম আগরওয়ালমারকা হয়ে দাঁড়াবে এ কি ভাবা যায় ? হাঁরে নাকু কোথায় ?’

‘নাকু ? নাকু কে ?’

‘মনে নেই টি. এস.—এর কাছে গিয়ে এক হল ছেলেমেয়ের সামনে জয়ন্তী জিজ্ঞেস করেছিল—‘স্যার নাকু কত পেরেছে ? তোরাও তো ছিলি ?’

‘ওহো সেই সর্বশে ? টেনিদার মতো নাক যার ? তাকে তোরা নাকু বলতিস বুঝি ?’

‘তবে ? তোরা একাই নাম দিবি ? আমার স্টাকে অনেক আছে । নাকুর খবর বল ।’

‘নাকু বোধ হয় ফুড কর্পোরেশনে আছে । আমার সঙ্গে তেমন যোগাযোগ নেই । তা নাকুর খবরে তোর এত কী ইন্টারেস্ট কাজলা ? ছিল নাকি কিছু ?’
কাজল হাসি থামাতে পারে না ।

‘নাকুর সঙ্গে আমার ? ও তো জয়ন্তীকে প্রোপোজ করেছিল, সেই জনেই তো জয়ন্তী ওর ইকনমিজের মার্কস জিজ্ঞেস করে ।’

‘জয়ন্তীকে সর্বশে ? ওহ গড । সর্বশেকে তো জয়ন্তী পিং পং বলের মতো লোফাফি করতে পারে । ওকে তো আমরা জয়ন্ত বলতুম । কী লম্বা লম্বা পা ফেলে চলত বলত !’

‘অ্যাথলীট মেয়ে লম্বা লম্বা পা ফেলে চলবে না তো কি তোর মতো খুরখুর করে হটবে !’

‘আরে শিল্পী যে তোর মামার বাড়ির পাড়ার মেয়ে, তাদের অত ভাব তা তো জানতুম না । বিয়ের দিনে তোকে দেখে খুব ঘাবড়ে গিয়েছিলাম ।’

‘কেন, ঘাবড়ালি কেন ?’

‘আরে কত কীর্তি করেছি, বলে দিলে তো সারা জীবন বউয়ের হাতে একটা অঙ্গ তুলে দেওয়া হয় ।’

চা খাওয়াটা হাই-টি গোছের হয়ে গেল । পে করে দেবার পর কাজল বলল— ‘বিলটা আমায় দিস তো ।’

‘কেন ? শোধ করবি নাকি ?’

‘অত টক খায় না ।’ কাজল বলল, ‘এক দিন ভারী খাইয়েছিল তার আবার শোধ । বেশ ভাল করে আর এক দিন খাওয়া তো । সিনেমা দেখা একটা ।’

‘আজকাল আর সিনেমা কেউ দেখে ?’

‘তবে “কথা অমৃত সমান”টা দেখা ।’

‘ঠিক আছে, টিকিট কেটে বলব ।’

‘বউ নয় কিন্তু । তুই আর আমি ।’

‘নাটক দেখার ধৈর্য তোর শিল্পীর নেই ।’

শিল্পী কদিন পর দুপুরেলো ফোন করে বলল, ‘কাজলদি তৈরি থেকো, আজ টিকিটিকি ।’

‘মানে ?’

‘সৌমিত্রের “টিকিটিকি” গো, তোমার বন্ধু টিকিট কেটেছে । তোমাকে তুলে নেবে । আমায় জানিয়ে দিতে বলল ।’

‘চালাক তো কম না ?’— কাজল বলল ।

‘শুধু চালাক ? রাম চালাক । যোল খাইয়ে ছেড়ে দাও ।’

তখন থেকেই কাজল কনেচন্দনকে ঘোল খাওয়াচ্ছে । হাওড়া স্টেশনে বন্ধুকে আর মেয়েকে আনতে হবে— চন্দন । ‘ভাল “ছাত্র” মানে মাশরুম মাণিকতলার বাজারে পাওয়া যায়, কই মাছের সঙ্গে দারুণ জমে, কাজল কিনে রেখেছে, চন্দন অফিস থেকে ফেরার পথে তুলে নিয়ে যাক । নিউ মার্কেট থেকে বাছা বাছা অ্যালফানসো দসেরী আর চৌসা কাজলের জন্মদিনে চন্দন নিয়ে আসে । কাজল তাকে রাত দশটা পর্যন্ত আটকে রেখে দেয় । তীর্ণা অনীক কাজল চন্দন মিলে কাজলের জন্মদিনের রান্না হয় । খাওয়া-দাওয়া সেরে ঢুলতে ঢুলতে চন্দন বাড়ি ফেরে ।

দক্ষিণপাশে বাজার করতে যাবে কাজল, চন্দন ছাড়া কে নিয়ে যাবে কাজলাকে ? কত পেছনে লেগেছিল এক দিন চন্দন, সে কথা মনে করেও একটু প্রায়শ্চিত্ত কর । কাজলের একটা বালুচরি পছন্দ হয়, ঘিয়ে রং-এর ওপর আইসক্রিম পিকে হরিণের নকশা । কাজলের অত ট্যাকের জোর নেই বাবা । নিজের জন্য অত খরচ করা কাজল ভাবতেই পারে না । সে এসেছিল মেয়ের জন্য গুজরী ঘাঘরা কিনতে । তাতে কী আছে ? চন্দন তার কলেজি-বন্ধু জন্মের মধ্যে কম একটা বালুচরি কাজলাকে কিনে দিতে পারে না ?

শাড়ির ট্যাকেট হাতে— কাজলের দিকে তাকিয়ে চন্দন বলে— ‘তোকে যা মানাবে না কাজলা ? কলেজ ডেজ—এ ছিল কিঙে পাখির মতো । এখন তোর চেহারা একটা ময়ূর ময়ূর জেল্লা এসেছে । তখন যদি জানতাম, এ রকম নীলময়ুরী দাঁড়বি..’

‘কী করতিস তালে ?’ বকবকে হেসে কাজল জিজ্ঞেস করে ।

‘কথাটা কী জানিস, চন্দন প্রগাঠি এড়িয়ে গিয়ে বলে, “খুনসুটির পেছনের সাইকলজি হল, মনোযোগ অ্যাট্রাক্ট করা । এখন বুঝি, ওগুলো ছিল ময়ূরের

মাথা, বুখালি তো ? যৌবন জলতরঙ্গ... !'

'আমিও কি জানতুম, এই নাংলা প্যাংলা পটলভাঙার প্যালারাম এক জন বিশ হাজার দাঁড়াবে ?'

'জানলে কী করতিস ?' চন্দন জিজ্ঞেস করে।

'কী আর করতুম, দাড়িয়ে দাড়িয়ে ময়ূরের ন্যাজ-নাড়া দেখতুম।'

'তুই শুধু টাকাটাই দেখলি কাজলা, মেয়েরা বড্ড অর্থপিশাচ ! বউকেও দেখেছি, টাকা ছাড়া একটা পা চলে না। তুইও ?'

'তুই দুঃখু পেলি ?' কাজল চুক চুক করে তার দরদ জানায়, তারপরে বলে 'শুধু বিশ হাজার কেন, এই যে এ রকম শশীকাপুরের ড্রলিকেট দাঁড়বি তা-ও তো জানতুম না। শিল্পীর বিয়েতে গিয়ে তোকে দেখে তো আমি প্রায় মুচ্ছা যাই।'

'বলহিস ! বলহিস !'

'তবে ?'

'এই শাড়িটা পরলেই তোর আমার কথা মনে পড়বে। এটাই লাভ।' উপাস গলায় চন্দন বলে।

কাজলও কম যায় না বলে, 'উপহার শুধু নিতে নেই, দিতেও হয় তা জানিস ? তবে আমার তো তোর মতো টাকা নেই, দিল কিন্তু আছে। তুই তো সাট পরিস ?'

'হ্যাঁ শীতকালে তো পরিই।'

'তোকে একটা পছন্দসই টাই কিনে দিই।'

'দে।' কাজলা উপহার দেবে, চন্দন উদার।

কাজল একটা চমৎকার টাই কেনে, তারপর একটা হ্যাট কেনে। 'ধুর, হ্যাট কিনছিস কেন ?'

'চমৎকার হ্যাটটা, বিদেশে যখন যাবি, পরবি। তুই তো প্রায়ই যাস। কমপ্লিট সাট হয়ে গেল।'

ভোরবেলায় শিল্পী ফোন করল, 'কাজলদি, বরকে ঘোল খাওয়াতে বলেছিলাম। তুমি একেবারে টুপি পরিয়ে দিলে ?'

দুই বন্ধু হ হ করে হাসতে লাগল। শিল্পী বলল— 'ও এখনও বাওখনি জানো ? এসে বলে 'কাজলীকে একটা বালুচারি কিনে দিলুম— মনে রাখবে চন্দন বলে একটা বন্ধু ছিল, তোমার হিংসে হচ্ছে না তো ?'

'তুই কী বললি?'

আমি বললুম, 'হিংসে ? সেটা কী জিনিস গো ? তখন আমাকে চকাস করে একটা চুমু খেয়ে বললে— এই না হলে চন্দন বরাটের বউ ? তা কাজলাও উপহার দিয়েছে, বলে খুলে দ্যাখাল। আমার তো পেট গুলিয়ে হাসি পাচ্ছে, হঠাৎ ভীষণ পেটব্যথা করছে বলে উপড় হয়ে বালিশে মুখ গুঁজেছি। কী হল ?

কী হল ? বলে প্রায় কঁদে ফেলে আর কি !'

'তারপর ?'

'তারপর ডাক্তারকে ফোন করতে যায় ! ডাক্তার অ্যান্টাসিড খেতে বলেন।'

'খেলি ?'

'পা-গল। বললুম বাবাকে বলো, বাবা ভাল হোমিওপ্যাথি ওষুধ দেন। বাবার কাছে দৌড়ল নীচে।'

'ওষুধ আনল।'

'আনল না আবার ? গরম জলে মার্গ ফস।'

'খেলি ?'

'তারিয়ে তারিয়ে খেলুম। বাথা ভ্যানিশ। বাবার গুণগান। হ্যানিম্যান সাহেবকে থ্যাংকস।'

'তারপর ?'

'তার আর পর নেই কাজলদি ?' এই উত্তরটার জন্যেই শিল্পীকে আমরা 'যার পর নাই' বলি।

'তারপর ?'

'উফ, সমস্ত প্রাইভেট কথা তোমাকে জানতে হবে ?' বলে শিল্পী দুম করে ফোন রেখে দিল।

কাজলের সঙ্গে কোলাকুলি

কিন্তু যে গিয়ে জুন এল, জুন গিয়ে জুলাইও যায় যায়। আকাশের স্টকে যত জল ছিল আকাশ সব ঢালল, কলকাতা এবং তার প্রান্তিক অঞ্চলে যত আবর্জনা ছিল সব পচলো, যত ধুলো ছিল সব কাদার দাঁক সৃষ্টি করল, যেখানে যত পড়ে-থাকা জমি ছিল সব বন হয়ে গেল। জমা জলে লাইভ-ওয়্যার পড়ে, জমে যাওয়া আবর্জনার পাহাড় ধসে পড়ে, আত্মিকে, নৌকাডুবিতে, আরও কত কী-তে কলকাতার জনসংখ্যা কমল, পাশের রাজ্য থেকে দেশোয়ালি ভাইরা দলে দলে এসে সে ঘাটটি পূরণ করে দিল, মন্ত্রীরা সব আহিস্তা আহিস্তা হাওয়ালামুক্ত হয়ে যেতে থাকলেন। অন্য মন্ত্রীদের নামে চার্জশীট বেরোতে থাকল, হাওড়া কোর্টে পানীয় জল না থাকায় কোর্টে স্ট্রাইক হয়ে গেল, হাওড়া গার্লস কলেজে পানীয় জল না থাকায়, জলের বোতলের বিক্রি বেড়ে গেল, হকারমুক্ত গাড়িয়াহাট শ্যামবাজারে ফ্যাশনেবল মহিলারা কাটা ঘড়ির মতো দিক দিশাহীন উদ্দেশ্যহীন ঘুরতে লাগলেন, কোকা-কোলা পেপসির বিজ্ঞাপন যুদ্ধ জমে উঠল, মিহিয়ে গেল আবার জমে উঠল, বাজার থেকে মাছ উধাও হয়ে যেতে লাগল, র‍্যাসনপ্রথা উঠে যেতে থাকল— সুমিতার খবর নেই। শুধু সুমিতা কেন ? মালবিকাদিরও খবর নেই।

'কি রে কাজলা মালবিকাদির মহিলাসমিতি তো তোর নাকেরে ডগায়।' খোঁজ

নিতে পারিস না। ফোন না হয় না-ই করলি, গঙ্গাদার পরস্যা চাট্টি বাঁচাতে।'

‘গঙ্গাদার পরস্যা? গঙ্গাদা যমুনাধা বলে কাউকে আমি চিনি না তো, আঁতা তুই আমার বরের কথা বলছিস? তোর গঙ্গাপ্রসাদবাবু আবার গঙ্গাদা হল কবে থেকে? আঁতা?’

‘আমি অপ্রস্তুত হয়ে বলি—‘মড়া কামা জুড়বি মনে হচ্ছে’ দশ বারো দিন এক বাড়িতে বাস করলুম দাদা বললে দোষ হল। গঙ্গীর-গঙ্গার মানুষ, কোনওদিন তো এত কাছ থেকে দেখিনি।’

‘কত কাছ থেকে দেখেছিস? দূর থেকে ডুন্ডিল মুন দেখতিস, কাছে আসতেই স্বাশ্বশ্ব হয়ে গেল? বা বা বা! “তপস্বী ও তরঙ্গিনী”র সবটাই প্লে করলি বোধ হয়।’

‘বড় বাড়িবাড়ি করছিস কাজলা।’

‘বাড়িবাড়ি? আমি কোথায় তোকে পাঠিয়ে নিশ্চিন্ত আছি। সিরিয়াস টাইপের মেয়ে। তোর এই কীর্তি? তাই সে শাস্তিনিকেতন থেকে ফিরতে চাইছে না। স্মৃতির মাটি আঁকড়ে আছে বোধ হয়।’

‘কেন, তুই যে বলিস বর না থাকলে তোর বাড়িও শাস্তিনিকেতন থাকে।’

‘কখনও তা বলিনি, আমি বলেছি সে-ও শাস্তিনিকেতনে আমিও শাস্তিনিকেতনে।’

‘দুটো তো একই হল।’

‘এই না কি তুই লেখিকা? সামান্য দুটো উক্তির তফাত ধরতে পারিস না? ছাঃ ছাঃ। তাকে গিয়ে সাতখানা করে লাগিয়েছিস বোধ হয়। এইটাই ছিল তোর প্রথম চাল।’

‘ভাল হচ্ছে না কাজলা, সাতখানা আটখানা ছেড়ে আখানা সিকিখানাও লাগাইনি। আমি ও সব লাগানি-ভাঙানি করি না। যা কলার লেখার মধ্যে দিয়ে বলি। পেন ইজ মাইটিয়ার দ্যান টাং।’

‘গ্রেট করছিস?’ বলে কাজলা একটা অদ্ভুত কাণ্ড করল ভী করে কঁপে ফেলল।

‘আমি তাড়াতাড়ি ফোন রেখে শেফালিকে বললাম—‘শেফালি আমি একটা আসছি।’

‘কোথায় আবার চললে এই দুকুরবেলায়?’

‘দুপুর তো কী? দরকার আছে, কাজলের বাড়ি যাচ্ছি। ফিরতে দেরি হলে দাদাকে বলিস, শান্তকে বলিস।’

‘আবার দেরিও হবে? উপন্যাসখানা কে শেষ করবে গুনি? বিধুভূষণবাবু যে সেদিন তাগাদা করে গেল।’

বুকুন ব্যাপার, আমার কাজের মেয়ে শেফালি আমাকে লেখার গাফিলতির জন্যে ধমকচ্ছে।

‘আমি রেগে-মেগে বললুম—‘কাজ রইল, কলম রইল, তোর যখন অত

চিন্তা তুই-ই শেষ কর উপন্যাসখানা।’

‘জানি জানি আমি ঝি। আমি মুখু। লেখাজোকার কথা মুখে আনাও আমার ...’ গলায় অভিমানের গাঢ় মেঘ। আমি এখন ঘর সামলাই না বার সামলাই?

‘কি মানে কী জানিস তো? মেয়ে। “ঝিকে মেয়ে বউকে শেখানো” শুনেছিস তো?’

‘সে আমি জানি গো বউদি। শাউড়ি তো আগে বউকে মারে না, আগে বাড়ির বির গায়ে খানকতক বসিয়ে দেয়।’

‘উক্ষফ—’

‘বিউড়ি মেয়ে, শুনেছিস?’ বলতে বলতে আমি মরিয়ার মতো চটতে পা গলাতে থাকি। কাজলকে আমি আজ অবধি কোনওদিন কাঁদতে দেখিনি।

‘চুনচুন পাখির মতো কাজল তুর তুর করে হাঁচত, হাঁচা না ছোটো বোঝা যেত না। রাররতন বোসের লেনে কাজলেরাথার বাপের বাড়ি। আমরা থাকতুম তিক ওর পাশের বাড়ি। সারা শীতকাল আমরা পুতুল খেলতাম। কাজলদের দেতলায় একটা অধখানা ছাত ছিল। সেইখানে সারা শীত ইউ-সার্জিয়ে তৈরি পুতুলের বাড়িতে দোতলার বারাদায় কাজলের সবচেয়ে ফেভারিট পুতুল-বউ টেস দিয়ে দাড়িয়ে থাকত। রাস্তা দেখেছে, যেমন আমাদের মা মাসি কার্কে বউদিরা দেখেন। কাজলের উজ্জবানী প্রতিভা দেখে দেখে আমি মুগ্ধ হয়ে যেতুম। নিজেই পুতুলের সংসারের খোঁপা হয়ে পুতুলের কাপড়ের রং জোরজোর করে উঠিয়ে বা গরম ইট্রি দিয়ে পুড়িয়ে নিজেই আবার পুতুল-গিঁমি হয়ে নিজেকে বকত। কাজলের পুতুল মরে গেলে তার দাহকার্য হত।

পুতুলের বিয়ে হলে লুচি, বেগুনভাজা খাওয়া হত, ওর পুতুলের বাড়িতে চুরি-ডাকাতি হত। বলা বাহুল্য কাজল নিজেই সেই চোর, সেই ডাকাত, এবং সেই চোর ডাকাত ধরা পুলিশ। মিণিটার ইউনিফর্ম পরা একটা কাচ কড়ার পুতুল কাজলের ছিল। সে-ই দরকার মতো পুলিশ, দরকার মতো সেনাপি আইবার দরকার মতো সেনাপতি-টি হত। এক বার আমার পুতুল-ছেলের সঙ্গে কাজলার পুতুল-মেয়ের বিয়ে হল, বিয়ের রাতেই আমার টেস দিয়ে দাঁড় করানো কাচের পুতুল-ছেলে পড়ে গিয়ে ভেঙে গেল। কাজল তার পুতুল-মেয়েকে বিধবা সাজাল। সে কী আনন্দ কাজলার পুতুল-মেয়ে বিধবা হতে। নতুন কিছু করা গেল তো। থানকাপড় জোগাড় করা বাবার ধুতি কেটে, পাথরের ছোট ছোট থালা বাসন কেনা পুতুল হবিষ্যি করবে বলে। তখন আমরা কাচের পুতুল মাটির পুতুলের মাথায় আঁটা লাগিয়ে তাতে কালোসুতার গোছা এঁটে চুল তৈরি করতাম। কাজল তার নয়নের মণি পুতুল-মেয়ের মাথার সেই গোছা-চুল ঘাঁচ করে কেটে দিল। অবিকল ওর ঠাকুয়ার মতো করে।

সে মেয়ে রাগিয়ে সবকিছু জিনিস খেত না, একাদশী, পূর্ণিমা, অমাবস্যা উপোস করত। কিছুদিন এভাবে চলবার পর অবশ্য এক দিন গিয়ে শুনলাম

পুতুল-মেয়ের বিয়ে হয়ে গেছে।' তাই বলে সেটা বিধবা-বিবাহ নয় মোটেই। আসলে সেই পুতুল-মেয়ে আগে ছিল প্রতিমা, এখন হয়েছে ঋণা, তার আইডেনটিটি বদলে গেছে। মাথায় আবার চুলের গোছা। মাঝসিঁথিতে বেশ করে আঁবির লেপা। পরনে একম্রয়জরি করা ঘাঘরা, ওড়না, মর্ডান মেয়ে শাড়ি-টাড়ি পরে না।

সেই কাজল ভাঁ ?

আমরা সে সময়ে দেশবন্ধু পার্কের সংলগ্ন লেডিজ পার্কে খেলতে যেতাম। কলকে ফুলের মধু খাওয়া এবং কলকে ফুলের মালা, মুকুট ইত্যাদি তৈরি করে পরা, পরস্পরকে পরানো আমাদেরু অবশ্য করণীয় ছিল। নানা ধরনের মেয়ে যেত লেডিজ পার্কে। আমাদের খেলুড়ি কিছু কুচো ছেলেও দারোয়ানের চোখ এড়িয়ে ঢুকে যেত। বৃড়ি-বসন্তী খেলা নিয়ে খুব মন-কষাকষি হত। এই খেলায় লিডার তার দলের খেলুড়িদের একটা করে নাম দেয়। ফুল ঠিক হলে ফুল, ফল ঠিক হলে ফল। অপর পাটির খেলুড়ির চোখ টিপে ধরে তাকে বলতে হবে, 'আয় তো আমার জবা'—জবা গোপন নামধারী মেয়েটি এসে চোখ টিপে থাকা মেয়েটির মাথায় টুক করে মেয়ে যাবে। এবার চোখ-টোপা মেয়েকে বলতে হবে কে মেরেছে, কে সেই জবা। কাজল তার সহ-খেলুড়িদের নানা কৌশল করে এই নামটি জানিয়ে দিত। ফলে চোঁটামির জন্য তার অনেক খোয়ার হত। এদের মধ্যে একটা ছিল 'যা যা কেলে ভূত, তোর বিয়ে হবে না।' তখন কাজল কোমরে হাত দিয়ে মাথা উচু করে বলত—'হবে না তো হবে না, ভালই তো। বিয়ে না হলে বিধবাও হব না।' তেওরা যখন একাদশী করবে আমি তখন পার্শে মাছ ভাজা, পার্শে মাছের ঝাল, পার্শে মাছের ডিম তারিয়ে তারিয়ে খাব।'

সেই সব প্রাগৈতিহাসিক কাহিনী মনে করে আমার খুব মন খারাপ হয়ে যায়।

ইয়ার্কি বাজ, ফাজিল, ফকড় হলে কী হবে, আমার 'গঙ্গাদা' থেকে কাজল কিছু একটা ভেবে নিয়েছে। কী পেনসিটিভ মেয়ে দেখো।

গিয়ে দেখি, দরজা খোলা, বৈঠকখানা ঘরে অনীক-তীর্ণ-গোপাল সব আড্ডা মারছে। আমাকে দেখে বলল—'তোমার জন্যে দরজা খুলে রেখেছি মাসি। মা ওপরে। শিগগির যাও।'

আমি রাগ করে বলি—'বাবা, বাবা, তাদের আড্ডায় অংশ নেবার বিলুমাত্র ইচ্ছে আমার নেই। দেখলেই যাও যাও, যাচ্ছেতাই একেবারে।'

অনীক হেসে বলে—'বেশি ডায়ালগ মচাচ্ছে কেন মাসি, পাশের ঘরে ঘাপটি মেয়ে বসে আমাদের পেরাইডেট হাশিশ করে কে?'

গোপাল বললে—'মাসি বেশি পানকৌড়ি কোরো না। ডুবে যাবে, ডুবে যাবে।'

তীর্ণ বলে—'না গো মাসি, মা বলে দিল নীচে এসে দরজা খুলে বসে

থাকতে।' তুমি এলেই যেন সম্ভব ওপরে পাঠিয়ে দিই।'

'তাই বলে তোর দাদা আর তার বন্ধু আমাকে এমন অপমান করবে?'

'অকমান? অকমান কই মাসি? গোপলা দু হাতে নিজের দু কান ধরল, বলল—'তোমাকে একটা স্যাম্পেল দিলুম আর কি। আর ঘাপটি মারতে হবে না।'

'স্যাম্পেল তো চিজ মানে 'মাল'কে বলে?'

'রোজ কত ইউসেজ ফুটে বোপাড হয়ে যাচ্ছে, কত নামছে তুমি তার কী জানো মাসি। যাও যাও শিগগির যাও, দেরি দেখলেই কাজলামাসি ডিভি মেয়ে নীচে নেমে আসবে। বাস, আমাদের আড্ডা ফুটকড়াই।'

আমি ধীরে ধীরে ওপরে উঠি। যদি আর কিছু কানে আসে। দোতলায় উঠে কাজলদের দালান। একদিকটা খিল দিয়ে ঘেরা। বাকি তিনদিক ঘর। কোণের ঘরটা কাজলার। কোনও সাড়া শব্দ নেই।

চুকেই আমি স্থির হয়ে গেছি। কাজলা বিছানায় শোওয়া, মাথাটা একদিকে হলে পড়েছে। খোলা চুল বালিশময় ছড়ানো। হলুদ রঙের শাড়ির আঁচল মেঝেতে লুটোচ্ছে। পাশে একটা খালি শিশি, একটা খালি গেলাস।

খানিকটা মাথার দিক থেকে দেখি, খানিকটা পায়ের দিক থেকে দেখি, তারপর আচ্ছা করে কাতুকুতু দিই।

—'আইই আইই কী হচ্ছে? কী হচ্ছে? —' বলে কিলবিল করতে করতে কাজল খাড়া হয়ে দাঁড়িয়ে আঁচল গোছায়।

দুজনের হাসি-কাশি সব থামলে পর কাজল বলল—'নাকের নীচে হাত দিয়ে দেখছিলাম কেন বোকা? ঘুমের ওষুধ খেলে কি তক্ষুনি-তক্ষুনি মরে যায় না কি। নিশ্বাসও বয়, বুক ওঠা-পড়াও করে।'

'সেই জন্যেই তো শিওর হওয়ার জন্যে কাতুকুতু দিলুম।'

'আমি ভেবেছিলাম জল দিবি। জলের কুঁজোটা ঘর থেকে সরিয়ে রেখেছি তবুও শিটিয়ে ছিলাম।'

আমি বললুম—'এবার বল টেলিফোনে ভাণ করলি কেন?'

'তোমার পাপ মন তাই অ্যাকে ভাণ শুনিম।'

'ফোঁৎ ফোঁৎ শুনেছি। ডিসটিং ফোঁপানির আওয়াজ।'

'হাসি। হাসি। হাসি চাপার প্রয়াস, গঙ্গাদা আমি জীবনে শুনিনি। এরপর যদি কেউ নীলিমালা, প্রতিমালা, মানসীদা বলতে আরম্ভ করে?'

'করতেই পারে, রমাপ্রসাদ, রমণীরঞ্জন, সুনীতিকুমার—এঁদের লোকে কী বলে ডাকবে বল—রমাদা, রমণীদা, সুনীতিদা ছাড়া। এ তো তবু ভাল। জানিস বাণী বলে আমার এক বন্ধু আছে তার কাছে প্রায়ই বাণীবাবু বলে ডিঠি আসে। ফোন করে লোকে বাণীদাকে চায়। ব্রত নয়, কুমার নয়, শুধু বাণী—তারই এই দশা।'

'তোমার বন্ধুকে দুঃখ করতে বারণ করিস। নীচে যে ওই গোপাল দেখলি

না। এক নম্বরের বিজ্ঞ ছিলে। আমাকে কাজল মেসোমশাই বলে আড়ালে। আমার ছেলে-মেয়েও সে সব সহ্য করে। তা সে যাই হোক গে রঞ্জ, আজ একটা নটক করলুম বটে, কিন্তু এ রকম আমি সত্যিও করতে পারি।'

'এই যে বললি, ফোন হাসছিলি?'

'ফোনের সঙ্গে এই সিনের কী সম্পর্ক? কোনও সম্পর্ক নেই। আমি শুধু তোকে ওয়ার্নিং দিচ্ছি, ভুলিও মনি হোক শুভিলমুনি হোক লোকটা একমাত্র একা আমার। তা ছাড়া রসের জালা লোকটা, আমার জানা আছে।'

'সুরঞ্জনা। আজো তুমি আমাদের পৃথিবীতে আছে—টাছো খুব ভাল আবৃত্তি করে। তুই ও সব শুনবি না।'

'বা রে বা। তোমার বর হতে পারে, তা বলে তার আবৃত্তি আমার শোনা বারণ? বেশ আবদার করে। সুমিতার নালিশগুলো তো তা বলে দেখছি ঠিক?'

'আহা, অন্য সব শুনবি, 'সুরঞ্জনা'টা নিয়েই আমার ভয়। কবিতার আড়ালে যদি সত্যি-সত্যি তোকে প্রেম-নিবদন করে বোঝা যাবে না তো।'

'সুরঞ্জনা মোটেই প্রেমের কবিতা নয় কাজল?'

'মানুষের ভরে এক মানুষীর গভীর হৃদয়টা কোথায় আছে বাছ?'

শালবনের ছায়ায় ছায়ায় সন্দের ঝুঁককো আঁধারে যদি এটা তোকে বলে থেকে থাকে।'

আমি ভেতরে ভেতরে চমকে উঠেছি।

'তোমার ভয় নেই'। নিজেকে সামলে নিয়ে আমি বলি, 'তোমার ভুলিও তোরই থাক, আর আমার ভুলু আমার, শুধু প্রিয়া রেস্তোরার বিলগুলো রাখ।'

'আর একটা টেবিলে বাবা জেনকিন্স এবং মা-সীর্গাও পরোটা-মাংস খাচ্ছিলেন, কাজেই জীবনানন্দ কোট করার ভেমন সুযোগ তোর ভুলিও পায়নি।'

'আরে তুই তো কামাল করে দিয়েছিস রে রঞ্জ, এক টেবিলে তুই আর গঙ্গাপ্রসাদ?—জীবনে কোনওদিন কোনও দূর-শালীর সঙ্গেও গঙ্গাপ্রসাদ এক টেবিলে বসে ভাত খায়নি। ভীষণ ঝুঁৎ-মাংগ। বেশি ছুঁচিবাই মানে আবার ভেতরে ভেতরে ছোক ছোক বুকিস তো?'

আমি বললুম 'কাজলা, অসভ্যতা করিস না, ছিঃ।'

কেন এই অকমান?

কিন্তু সুমিতার কী হল? মালবিকাদিরই বা কী খবর? কাজলও জানে না, আমিও জানি না, শিল্পীও জানে না।

মালবিকাদির বাড়িতে শরিকে শরিকে আবার বিবাদ শুরু হয়েছে। মালবিকাদিকে কেউ ফোন করলেই কেটে দিচ্ছে। শ্যামপুকুরের সমিতিতে কোনও ফোনই নেই। সুমিতাদের বাড়ি বিনবিন করে ফোন বেজে যাচ্ছে।

কেউ ধরছে না। অর্থাৎ হয় বাড়িসুদ্ধ সবাই হাওয়া খেতে গেছে, নয় ফোন খারাপ। ফলস্বরূপ হচ্ছে। সুমিতার কলেজের নম্বর টিপতে খালি একটা হেঁড়ে মতো মেয়ে-গলা বলে 'হয়ে নাথার মওজুদ নই হয়।'

ঘন ঘোর বর্ষা। রাস্তায় যখন তখন হাটু জল জমে যাচ্ছে। আমার জীবন অতিষ্ঠ হয়ে উঠেছে। সারা দিন খালি শেফালির মুখ। খুশি হাতে কেউ ঠাকুরের মতো বৈকে দাঁড়াবে দরজার পাশকাঠে চেস দিয়ে। 'ইস বউদি, আজকে আমার হয়েছিল আর কী।' অ্যাকসিডেন্ট থেকে ঠাকুর বাঁচিয়েছেন। একটা মুখপোড়া তিন চোঁড়ে অটো একেবারে ধড়ধড় করে শ্বের সামনে।

রোজই ওকে অ্যাকসিডেন্ট থেকে ঠাকুর বাঁচান। হটির পেছনে আঁচড়, গোড়ালিতে ফোঁড়া, কনুইয়ে নুনজল উঠে যাওয়া এর কোনওটা না কোনওটা গুর নিত্যদিন হবে। আমাকে তার বিশদ বিবরণ শুনতে হবে। দেখবার হলে দেখতে হবে, ওষুধ দিতে হবে। মানে ওষুধ বাতলাতে হবে, কিন্তু সে ওষুধ শেফালি ছেঁবে না। যদি আমি কোনও সাধারণ অ্যান্টি-সেপটিক মলমের নাম করি, টিউব দিই, শেফালি ঈষৎ মুখ বেকিয়ে বলবে 'এ তো তুমি শীতকালে মুখে মাখো গো। এতে কী আর হবে?' যদি বলি 'মোড়ের ওষুধের দোকান থেকে ইনজেকশন নিয়ে আয় লিখে দিচ্ছি।' ও বলবে 'ভাত্তার দেখল না, বাঁটি এল না, তোমার কথায় অমনি ফুঁড়িয়ে আসব অভ বোকা তুমি আমার পাওনি।'

বেশ কিছুকণ ডায়ের ডায়ের করার পর 'অ্যাল' বলে এতখানি জিভ কেটে বলবে—'ও মা, তোমার ডিসটাইন আছে। তুমি তো লিখছ' আমার ধারণা আমি লিখছি কি না দেখতেই ও হচ্ছে। পাহারাঅলা। বিধুভূষণবাবুই ওকে টিকটিকি লাগিয়েছেন কি না কে জানে!

কাজলের কাছে প্রস্তাব দিই—এক দিন জয় মা বলে বেরিয়ে পড়া যাক—মালবিকাদির সমিতিতে এক দিন, সেটা হাতের কাছে, কোনও ব্যাপার নয়, আরেক দিন সুমিতার কলেজে সেটা দক্ষিণ শহরতলিতে, গুরুতর ব্যাপার।

মালবিকাদির মহিলা সমিতিতে গেলে আমার একইসঙ্গে মন খারাপ এবং মন ভাল হয়ে যায়। ভাল হয় কেন না, এতগুলি মেয়ে প্রতিকূল পরিবেশ কাটিয়ে নিজের পায়ে দাঁড়াচ্ছে, আর্থিক স্বাধীনতার সুযোগ পাচ্ছে। এ তো খুবই আনন্দের কথা। মন খারাপ হয় এই জন্যে যে মানুষের জীবন তো শুধু দুটি অন্ন খুঁটি খাবার জন্যে নয়। খাবার যোগাড়ের লড়াইয়েই এদের জীবন শেষ হয়ে গেল। এমনই অবস্থা এত দিন পরেও আমাদের দেশের যে জীবনে বাটার প্রথম ধাপটা টপকাবার প্রাণাঙ্ক চেষ্টাতেই এখনও আমাদের সব চেষ্টা শেষ। কী রকম বিমর্ষ লাগে এখানে এলে। সেই জন্যে চট করে আসি না।

মালবিকাদি বলে 'তোরা কী জানিস তো? এ এসকেপিস্ট। কোনও সত্যিকার প্রবলেমের সামনে কক্ষগো দাঁড়াবি না। ওই মধ্যবিন্দু সমাজে কে মা বাবাকে দেখল না, কোন শাওড়ি বউকে দেখতে পারল না, কী ভাবে নোংরা গুণ্ডা

ঝাট করে অথবা না করে স্বামী-স্ত্রীর বিবাহ-বিচ্ছেদ হয়ে গেল, তারপর ছেলমেয়েগুলোকে নিয়ে টানাটানি, হেনস্থা—এই তেদের গল্পের বিষয়। কিছা তোরা বসে থাকবি গজদন্ত মিনারে সেখানে একাকিত্ব, বিচ্ছিন্নতাবোধ, পরকীয়া, বড় জোর সাম্যবাদীদের অসম আচরণ, ফ্যাক্টমেন্টালিস্টদের ধাপ্যবাজির স্যাটায়ার লিখবি। হোপলেস তোরা হোপলেস।’

মালবিকাদির ধারণা সত্যিকারের লেখার যোগ্য ইতিহাস তৈরি হচ্ছে, গল্প নাটক তৈরি হচ্ছে একমাত্র তার মহিলাসমিতিতে। যদিও আমাকে প্লট দিতে সে বিন্দুমাত্র আগ্রহী নয়।

বিন্দুদি আমাদের অভ্যর্থনা জানাল। বিন্দু নাম আমি শরচ্চন্দ্রে আর হিন্দি সিনেমা ছাড়া এই মালবিকা মহিলা-সমিতিতেই একমাত্র দেখছি শুনছি। তা সে যাই হোক বিন্দুদির সুগোল মুখ, বড়ি খোঁপা এবং গোটা শরীরের একটা সুবর্তুল ডোল থাকার জন্য নামটা খুব জুতসই লাগে।

ঘড় ঘড় ঘড় ঘড় করে অন্তত গোটা পনেরো সেলাইমেশিন চলছে। লং ক্লথ, পপলিনের শাদা বলকাচ্ছে। মেয়েদের এক হাত সেলাইয়ের কাপড় চাপকলের ও ধারে টেনে ধরে আছে। আর এক হাত ও ধারে টেনে ধরে আছে। মুখ তুলে ওরা হাসছে আবার সেলাইয়ের মুখ ফেরাচ্ছে। প্রথম ঘর ছেড়ে আমরা দ্বিতীয় ঘরে যাই। এটাই বিন্দুদির অর্থাৎ কার্যনিবাহী সম্পাদকের ঘর। এখানে ছুঁচের কাজ হচ্ছে।

‘আই একদম মুখ তুলবি না, প্রতিটি ফোঁড় সমান হওয়া চাই।’ বিন্দুদি প্রথমেই ধমক মারে।

তা সে যদি বুনে ওল হয় তো তার বাবা তেঁতুলও আছে। একটি বেশ পোড়-খাওয়া চেহারার মেয়ে বলল—‘তা যদি বলো বিন্দুদিদি তো তুমো তোমার হিসেবের খেরো থেকে মুখ তুলো না। মালুদিদি বলে দিয়েছে এখানে আমার সবাই সমান? বলেনি কো? স্বামীজিও তো বলে গিয়েছেন—দরিদ্র ভারতবাসী চণ্ডাল ভারতবাসী আমার ভাই। তা আমরা তো চাঁড়ালও নই বাপু।’

কথা কোথা থেকে কোথায় চলে এল। কাজল ফিসফিস করে বলল—‘রোজ ক্লাস বসিয়ে স্বামীজী রবীন্দ্রনাথ এই সব পাঠ হয় এখানে, বুঝলি তো? এখন উগরোচ্ছে। একটা কবিতার সাবসটাইপ করে এসেছে, যে কবিতাই আসুক সেই একটাই চালাচ্ছে।’

আমিও ফিসফিস করে বলি—‘আসল কথা অ্যান্লিকেশন, থ্রায়োগ। এই থ্রায়োগটা মালবিকাদি শেখাতে পারছে না, বুঝলি?’

আমাদের সব ফিসফিসুনিই অবশ্য মাঠে মারা গেল, কারণ আমাদের সমালোচনার লক্ষ্য মালবিকাদি-ই অনুপস্থিত।

‘সমিতির কাজ দেখতে এসেছেন, না দিদির কাছে? কিছু কিনবেন?’ বিন্দুদি ‘চাঁড়ালও নই বাপু’—মহিলাকে সম্পূর্ণ অগ্রাহ্য করে আমাদের জিজ্ঞেস করল।

এখন সমিতির কাজ দেখতে আসিনি, সমিতির কর্মরত মেয়েদের সামনে বলাটা কোনমতে রাখা গেল। কিছু কিনব কি না এটার উত্তর শোনবার জন্যেও নিশ্চয়ই মেয়েরা মুখিয়ে আছে। মালবিকাদিরও একটা মান-সম্মান আছে, তার বন্ধুদেরও স্বভাবতই মান-সম্মান আছে। কিন্তু আমাকে অবাক করে দিয়ে কাজলা ঠোট-কাটার মতো বলল—‘আমাদের কিছু কেনবার নেই, বিন্দুদি, আগেরগুলোই এখনও তোলা আছে তবে এসেছি এখন...’

বিন্দুদি চোখ গোল-গোল করে বলল—‘ও মা, আপনারা এয়েচেন এই আমাদের কত ভাগ্যি। জিনিস কিনতে হবে—এমন কোনও কড়ার আছে না কি?—তা ছাড়া আমাদের বেশির ভাগ জিনিসই তো অভরি সাপ্লাইয়ের জিনিস—ছোঁয়া যাবে নাকো। ধরুন, পাজামা, পাজাবি, সায়ো, নাইট-ড্রক, টেপ-জামা, হাউস-কোট, অ্যাপ্রন, বাত-রোব, কোলা ব্যাগ। ... তবে শৌখিন যদি দেখতে চান...’

এইটেই বিন্দুদির কায়দা। জেনেশুনেও আমার ফাঁদে পড়ি। কাজল দু হাজার দিয়ে একটা কাচের কাঁজ করা সিঙ্ক কিনে ফেলে। আসল দাম আড়াই। কিন্তু আমাদের জন্যে দুই। পেয়েবল হোয়েনেবল। ইনস্টলমেন্ট তার ওপর। আমি একটা আপলিকে আর ফ্যাব্রিক পেস্টিংয়ে চমৎকার খাদির কোলা ব্যাগ পেয়ে যাই, ভতরের দুটো খাপ, সব লাইনিং দেওয়া। যেন আমার পাণ্ডুলিপি বিবার জন্যেই মাপ দিয়ে তৈরি হয়েছে। এ-ও দুশো আসল দাম, আমাদের জন্যে দেড়শো, পেয়েবল হোয়েনেবল। ইনস্টলমেন্ট।

‘এটা টু মাস হয়ে যাচ্ছে রে রঞ্জু।’ কাজলা নিষেক-পীড়িত কণ্ঠে বলে—‘দেড়শোটা টাকা—আবার বাকি রাখবি?’

‘তাত্ত কী হয়েছে?’ বিন্দুদি যথাসম্ভব মিষ্টি হেসে বলে—‘ও দু হাজারও যা দুশোও তা। কাস্টমার হল গিয়ে কাস্টমার। তার সুবিধে-অসুবিধেগুলোই আমরা আগে দেখি।’

লজ্জায় অবনত ও বিবেকপীড়িত হয়ে আমি একশো টাকা বার করে দিই। পঞ্চাশ রইল। কাজলা একটি পয়সা ঠেকাল না। দুজনের বিবেকের জ্বালা আমি একাই মেটালাম।

বেরিয়ে এসে সে-কথা বলতে, কাজলা ব্যাগ নাচিয়ে বলল—‘গজবেঁ যাবি না? আধো আধারে আধা-আধুরি বসে বসে একটু আইসক্রিম, একটু কোন্ড কফি, সামান্য কিছু স্ন্যাকস, সঙ্গে আড্ডা, রেষ্ট আমাদের কাছে।’

‘গজব’—এ চুকতে যাক্কা, মানে পড়ল—এই যাঃ, মালবিকাদির কথা তো জিজ্ঞেস করা হল না?

‘অবভিয়াসলি নেই, ওখানে। কী আর জিজ্ঞাসা করব?’

দুজনে দুজনের সঙ্গে কথা বলতে বলতে বিভোর হয়ে ‘গজবেঁ’ সিঁড়ি বেয়ে চাতালে উঠেছি। দুপুরবেলা ফাঁকা টেবিল সব, দেখি শেষের টেবিলে আমাদের দিকে মুখ করে বসে স্বাঃ মালবিকা সান্যাল। সাংনে আমাদের দিকে

পেছন একটি ভদ্রলোক। পেছন থেকেও আমি চিনতে পেরেছি শুভম। কত ছবি দেখিয়েছে সুমিতা। দুজনে মুখ নিচু করে কেমন ঘনিষ্ঠভাবে ফিসফিস করে কথা বলছে। হায় সুমিতা। হায় তোর প্রেম, তোর বিশ্বাস-অবিশ্বাস, হায় সুযোগ। সুযোগের অসৎ ব্যবহার। সুমিতা, তুই জিতে গিয়ে হেরে গেলি ভাই।

যথাসম্ভব আওয়াজ না করে, ওদের দিকে পেছন করে আলতোভাবে বসি।
'কিছু অর্ডার দিবি আট অল?'—কাজলা ভারী-ভারী গলায় বলল।
'এসেছি যখন। উঠে যেতে তো আর পারি না'—আমার গলাও ভারী।
'ওরা লাঞ্চ খাচ্ছে। ঘড়িতে দুটো বেজে সাড়ে সাড় মি., এখন লাঞ্চ খাওয়া হচ্ছে।'—কাজলা।

'অনেক ডিশ নিয়েছে। মেগলাই মনে হচ্ছে। কেশর জাকরানের গন্ধ পাচ্ছি।'—আমি।

'পারেও মালবিকাদিটা। এই সাম্প্রতিক গরমে। ঘাড় ভাঙবি বলে এই ভ্যাপসায় মেগলাই?'—কাজলা।

'তুই তো জানিস না, মালবিকাদিসের বাড়ি শুধু খুব খাইয়ে। ওর বাবা মুড়ি করে ফিশফাই খেতেন। মাত্র সাতের জন্য লেডিকেনির সেপ্তুরি করতে পারেননি, পুরো খাওয়ার পর তো? সেপ্তুরি মিস হল বলে জীবনে আর কোনওদিন লেডিকেনি ছোঁননি।'—আমি।

'স্বস্তরবাড়ি গিয়ে তা হলে মালবিকাদির খুব অসুবিধে হয়েছিল বল? আমার পিসশাশুড়িই যখন আমার খাওয়া দেখে বলেছিলেন—“নতুন বউয়ের খাউন্টি দাউন্টি ভাল, তখন...” কাজলা।

'না রে সেদিক থেকে মালবিকাদির ভাগ্য ভাল। খাওয়ার বন্ধুর ছেলের সঙ্গেই তো মেয়ের বিয়ে দিলেন মালবিকাদির বাবা।'—আমি। 'খাওয়ার বন্ধু আবার কী? এক গেলান্ডের ইয়ার বল'—কাজলা শোখরাল।

'এক পাতে তো স্বামী-স্ত্রী আর ছোট্ট ছোট্ট ভাইবোনা ছাড়া অপর আর কেউ খায় না—নইলে টাইফয়েডের পরে ডাক্তার জাওলা মাছের বোল ভাত পথ্য দিয়েছিলেন। কোল খেলেন কই মাছের, এক জামবাটি—দু কুড়ি কই। ডাক্তারবাবু সেই গল্প মালবিকাদির বাবাকে বলেন। তাইতেই মেসোমশাই লাক্ষিয়ে উঠলেন—এই বাড়িতেই মেয়ের বিয়ে দেব, তা হলে খাওয়ার কষ্ট হবে না।'—আমি বিশদভাবে মালবিকাদির বিয়ের গল্প বলি।

'এত খেয়েও মালবিকাদিটা স্লিম থাকে কী করে বল তো।' কাজলা ফুস্ক।

'অনেকের অমন হয়। গাছেরও খায় তলারও কুড়ায়,—ভাগ্য।' আমিও ভাগ্যের একটোখামিতে বিশ্বাস।

পিঠে আঙুলের টোকা পড়ল। অবভিয়াসলি মালবিকাদি। এতক্ষণ ধরে তো আর ইনকগনিটো থাকতে পারি না। এতক্ষণেও যদি না চেনে তা হলে বলতে হবে ইচ্ছে করে চিনছে না।

ঘাড় ফিরিয়ে দেখি—মালবিকাদি নয়। শুভম। সুমিতার সেই বিশ্বাসঘাতক জাহাজি বর।

'আপনি বোধহয় রঞ্জুদি, উনি কাজলাদি।—মালবিকাদি ডাকতে বললেন। পিঠে টোকা মারার জন্যে দুঃখিত। মালবিকাদি বললেন—ওইভাবে ডাকতে।'

'মালবিকাদি বললেন আর অমনি আপনি অজানা-অচেনা ভদ্রমহিলার পিঠে টোকা দিলেন?'—কাজলা মার-মার করে উঠেছে।

'আমি আপত্তি করেছিলাম, কিন্তু মালবিকাদি বললেন—এ আঙুল আপনারা মালবিকাদিরই আঙুল বলে ধরে নেবেন। ন্যাচারালি টোকাও তাঁর আঙুল যার।'

'অদ্ভুত লজ্জিক তো।'—আমি চেয়ারে ঠেলে উঠে দাঁড়িয়ে বলি।

'কী বলছ, বলো।'—মালবিকাদির টেবিলের দিকে এগিয়ে গিয়ে বলি।

'দূরে বসে ফিসফিস করার মানে কী?'—মালবিকাদি দাবি করে 'না চেনার ভান করার মানেই বা কী?'

'কী জানি ফিসফিস কে করছে? না চেনার ভানই বা করছে কে?'—আমিও কম খাই না।

'শেষ পর্যন্ত তাদের ডাকতে পাঠানুম শুধু এই জন্যে যে দেখে যা মালবিকা সান্যাল যখন খায় বুক ফুলিয়ে খায়। কড়িকে ভয় পায় না। খাবার চ্যালেঞ্জ তো তোরাই দিয়েছিল। মালবিকা সে চ্যালেঞ্জ নিয়েছে।'

আমি ভালই বুঝতে পারি মালবিকাদি কিছু কিঞ্চৎ রহস্য ভাষায় কথা বলছে যাতে আমরা এক রকম বুঝি, শুভম আরেক রকম বোঝে।

শুভম বললে—'এইটে তোমার মহত্তম গুণ মালবিকাদি। খাওয়া নিয়ে টিপিক্যাল মেয়েদের মতো ন্যাকামি করো না। আসুন না, আপনারা এখানেই বসুন না।'

'আপনাদের টেবিলে আর জায়গা কই? খাদ্যখাদ্যে ভরে ফেলেছেন তো।'

মালবিকাদি আবার স্বার্থক ভাষায় বলে—'এই শুভ, খবরদার ওদের ডাকিস না, এটা তোর আমার আক্ষেপের, ওরা ওদেরটা খাক।'

শুভম বলে—'এ ছি ছি ছি, মালবিকাদি এটা ঠিক হচ্ছে না, এই প্রথম আলাপ হল?'

'তুই প্রথম দেখে থাকতে পারিস, আমি খুব কাছ থেকে বহু বার দেখেছি, আর দেখবার সাধ নেই। এরা মনে এক, মুখে এক। আর তোর যদি ভদ্রতা করবার ইচ্ছে জাগে তো তুই যা, গিয়ে ওদের সঙ্গে পকোড়া মাফোড়া খেতে যা। আমি একাই দু প্লেট বিয়ারিনি সাবডাব আজ, মদন চট্টোজের মেয়ে আমি, সাধন সাম্রালের বউমা।'

মালবিকা সান্যালের সেই 'রণং দেহি' 'কুছ পরোয়া নেই' মূর্তির সামনে থেকে পত্রপাঠ পলায়ন করা ছাড়া আর কী-ই বা করতে পারি। খুব রেগেছে।

শুভম হাতজোড় করে বলল— “আমার ছুটি ফুরিয়ে এল। যাবার আগে আর এক দিন আপনাদের সঙ্গে দেখা হবে আশা করি।”

ফেরবার সময়ে কাজল আবার আটকে দিল। উত্তেজিত গলায় বলতে লাগল— “আমাদের এত অপমান করার কারণটা মালবিকাদির কী বলে তোর মনে হয়?”

‘সত্যি। অপমান বলে অপমান, কোথাকার কে শুভম তাকে কি না বলল— ওই ভদ্রমহিলার পিঠে আঙুলের টোকা দিয়ে এসো,— আঙুল, টোকা সবই নাকি প্রতিনিধিমূলক।’ শুভমের আঙুল ইকোয়ালস মালবিকাদির আঙুল। সুতরাং শুভমের আঙুলের টোকা ইকোয়ালস মালবিকাদির আঙুলের টোকা। জানিস এই টোকা কী সাংঘাতিক জিনিস। আকাশবাণীতে সংস্কৃতি-সম্পর্কিত কোনও অনুষ্ঠানে প্রযোজক মশাই আমার দিকে, অঞ্জনাদিদি রে? স্পিচ স্টার্ট করার জন্য হাতে আঙুলের টোকা দিয়ে জানান দিয়েছিলেন। আমার দিদি প্রযোজককে চড় মেরে রেডিয়ে স্টেশন থেকে চলে আসেন। যারা দিদির স্পিচ শোনবার জন্যে বসে ছিল তারা সবাই চড়ের আওয়াজ শুনতে পায়। সেই দিদির বোন আমার পিঠে কিনা আঙুলের টোকা?’

‘টোকা না খেঁচা না হাত বুলোনা তুই-ই ভাল বলতে পারবি।’

কাজল ব্যাপারটাকে জটিল করে দেবার চেষ্টা করে।

‘ইউ ওয়াজ পিওর টোকা’— আমি আমার জায়গায় অনড় থাকি।

‘তা সে যাক। কেন এই অপমান?’

‘হ্যাঁ কেন এই অকমান?’

সন্দ্বিদ্ধ দৃষ্টি তো আমার দিকে তাকিয়ে কাজল বললে— ‘অকমানটা আবার কী?’

‘তোর মানে তোদের গোপালের থেকে শিখেছি।’

ভীষণ বিরক্ত হয়ে কাজল বললে— ‘আমাদের মধ্যে আবার সেই চ্যাংকাটাকে আনার তোর দরকার কী? ওর নাম করিসনি আমার কাছে। মুড় অফ হয়ে যায় আমার।’

কাজলের বৈঠকখানায় এখন কেউ নেই। অনীক দরজা খুলে দিল। আমরা বৈঠকখানায় বসলাম। কিছুক্ষণ পর অনীকই আমাদের চা দিয়ে গেল। বিবৃতি।

‘আর কিছু লাগবে মাসি? পান? বিড়ি-সিগারেট?’

‘যা যা ফক্কা, এখান থেকে যা এখন’— কাজল তেড়ে উঠল।

‘যাচ্ছি, যাচ্ছি,’ অনীক ভাড়াভাড়ি ওপরে পালায়।

‘তোর কী মনে হয়?’— চায়ে চুমুক দিয়ে কাজল বলল।

‘এটা ধরা পড়ে যাওয়ার রাগ, আবার কী?’

‘কিন্তু আমরাই তো সর্বসমক্ষে বাজি ধরেছি। সবাই তো সবাইকে ফ্রি হ্যাভ দিয়েছি। রেস্তোরাঁর বিল চেয়েছি। সিনেমার টিকিট চেয়েছি। ধরা পড়ে

যাওয়ার কোনও কোয়েশন নেই।’

‘ঠিকই তো।’ আমি বলি, ‘কিন্তু ভেবে দ্যাখ কাজলা এই যে অবজেক্টটিভ কোরিলেটিভটা গোলমালে মনে হচ্ছে তারই জন্যে অন্তত মালবিকাদির এই হামবড়াইকে ডিকনস্ট্রাক্ট করা দরকার।’

‘মানে? পাশ করেছিস তো ফিলসফি নিয়ে। অতশত লিটারারি জার্নাল হাক্কাছিস কেন? আমি তোর বিদ্যা জানি না মনে করেছিস?’— কাজল একেবারে মারমুখী। বাংলার মাস্টারমশাইয়ের বউ বলে ও আমাদের মধ্যে একটা বিশেষ গুরুত্বান দাবি করে থাকে— এ অধিকার ও সহজে ছাড়বে বলে মনে হয় না।

আমি বলি— ‘ব্যাপার যত গভীর, ততই তোকে ফিলসফিতে যেতে হবে বুঝলি।’

‘ফিলসফি তা হলে হল গিয়ে ডুবুরির পোশাক?’

‘তা সে যাই হোক, আমার ওপর গুরুগিরি না করে আগে সব ভেঙে ফেল, ভেঙে ফাল।’

‘যা বাবা। কী ভাঙবে? এই চারটি বেতের চেয়ার আর ওই একটি ফুলদানি তো আমার স্বপ্ন।’

‘উফফ।’ আমি আরও অধৈর্য, আরও গভীর গলায় বলি— ‘মালবিকাদির কথাবার্তা, ব্যবহার সব ভেঙে ফাল। ভেঙে ভেঙে ভেতর থেকে বিপরীত মানে টেনে টেনে বার কর।’

‘যেমন।’

‘যেমন— “তুই।”’

‘যাবাবা যেমন “আমি”?’

‘দ্যাখ আমি বলি— ‘মফুর মাস্টারের’ মফুর মতো করিসনি। যথেষ্ট বয়স হয়েছে।’

‘আর কত হৈয়ালি করবি? মফুর মাস্টারটা কে? মফুই বা কে?’

‘শিব্রামের মফুকে মানে নেই? মাস্টারমশাইদের ঘায়েল করে ছেড়ে দিত? সেই মফুকে টিউটর দেখানো “আই” মানে “আমি”, শিখেছ? মফু বলল শিখেছি মাস্টারমশাই “আই” মানে মাস্টারমশাই।’

‘ওঃ হো, মানে পড়েছে, তার পরে সেই ছারপোকা?’

‘মানে পড়েছে তা হলে? আমি থেকে মালবিকাদির “তুই” ব্যবহার বিশ্লেষণ করতে বলছি।’

‘ও হো হো, শুভমকে “তুই” বলছিল, না?’

‘ধরতে পেরেছিস? এখন এটা একটা আই-ওয়শ কি না বল। প্রথমে বল— তুই দিয়ে প্রেম হয়?’

‘কেন হবে না?’ কাজলা বলল— ‘আমাদের সময়ে বাংলা অনার্সকে তো আমরা বৃন্দাবন গার্ডেনস বলতুম। মনে নেই।’ কলেজে দোলখেলা প্রথমে

ওরাই শুরু করে, তা জানিস? তুই-ই তো বলতো সবাই সবাইকে। তার থেকেই তো দোলা আর সমীরের প্রেম বিয়ে পর্যন্ত এগিয়ে গেল। ওটা কোনও ব্যাপার নয়। আর আজকাল তো আকস্মিক হচ্ছে। যেন এক ঢং।’

‘কেমন একটা ছোটভাই, পিঠ-চাপড়ানো পিঠ-চাপড়ানো ভাব দেখাচ্ছিল না?’

‘ছোটভাই না আরও কিছু! ভেড়ু। মালবিকাদি আঙুল দিয়ে ভদ্রমহিলায় পিঠে খোঁচা মারতে বলল। সেও অমনি। বোগাস। মালবিকাদি শ্রীমতী কামাখ্যা এবং শুভম— শ্রীমান ভেড়ু।’

‘আচ্ছা আমরা এত রোগে যাচ্ছি কেন বল তো কাজলা। সতিই তো এই রকমই তো কনট্রাক্ট ছিল আমাদের?’

‘হোক না কন্ট্রাক্ট? সেই সঙ্গে এই আভারস্ট্যাভিংও ছিল আমরা সবাই ভদ্রলোক। স্টাডি করতে হলে ফিসফিস করতে হবে? এই তো চন্দন আমাকে কত গাড়ি চড়াল, কত খাওয়ালো, একটা বালুচরি পর্যন্ত কিনে দিল, কেউ বলতে পারবে দিনের পর দিন উধাও হয়ে দুজনে মুখোমুখি হয়ে ফিসফিস করছি। এই ধর না কেন তুই। ন দশ দিন তো থেকে এলি এক বাড়িতে, একদিনও কি একা একা শ্যালবনে গিয়েছিলি? একদিনও কি একা একা বসে তার মুখে জীবনানন্দ শুনেছিস?— মালবিকাদিরটা সারোভাজ।’

‘আমি কীণ স্বরে বললুম— ‘তাই?’
খুব মনমরা হয়ে বাড়ি ফিরে এলাম।

রঞ্জনা অন্তরীণ

‘বউদি বিধুভূষণবাবু এয়েছিলেন কিন্তু— দরজা খুলে দিয়েই শেফালিবাবু অভ্যর্থনা করলেন।

‘বাড়িতে ঢুকতে দেবে তো? না কী?’
‘না বললে, তুমিই বলবে বলোনি কেন সময়মতো।’

‘মা, আমার হাত ভেঙে গেছে?’ শান্ত ব্রিৎ-এ খোলানো হাত নিয়ে আনন্দে প্রায় লাফাতে লাফাতে বলল।

‘সে কী? কী করে?’
‘বাস্কেট বল খেলতে গিয়ে, সেট টমাসের সঙ্গে টর্নামেন্ট ছিল...’

‘কে ডাক্তারের কাছে নিয়ে গেল? এঞ্জ রে হয়েছে? কোন ডাক্তার?’
‘স্কুল থেকে মা। বাড়িতে ফোন করে তোমায় পায়নি তো। বাবাকে আপিসে ফোন করেছিল, বাবাও সিটে ছিল না। ওরাই নিয়ে গেল, এঞ্জ রে করতে যা লেগেছে না, উরিকাস।’

‘তা এখন এত লাফাচ্ছ কেন? এখন কি লাগছে না? লাফাবার মতো কী হয়েছে? চুপ করে বসো গে।’— শেফালির দিকে ফিরে বললাম— ‘এ কথাটা

৯২

চেপে গিয়েছিল কেন?’

‘বাপুরে, দরজার গোড়ায় কখনও খরাপ খবর দিতে হয়? বউদি তুমি না মানতে পারো, আমি বাপু স-ব মানি। বিধুবাবু তো আমাদের লক্ষ্মী গো! ভাল খবরটা তাই আগেই দিলুম।’

সিড়ির মোড় থেকে গভীর কণ্ঠ ভেসে এল— ‘আড্ডা শেষ হল?’
‘শেষ আর হল কই? এ একটা সিরিয়াল ব্যাপার। ক্রমশ ক্রমশ ক্রমশ...’

‘তাই তো দেখছি। একটা বিপদের সময়ে বাড়িতে লোক ডেকে পায় না। ছেলের এঞ্জরে, ছেলের হাড় সেট, ছেলের ডাক্তারপাতি করবে অন্য লোক, হ্যাঁ?’

‘গৃহবধু না হয় সুযোগ পেয়ে এক আধ দিন আড্ডা মারে। কিন্তু ইউনিভার্সিটির কর্মী কেন সিটে থাকে না? ইউনিভার্সিটির আপিসটা কি আমার বাড়ি? গৃহবধু না হয় দিন দশেক গৃহ চাকরি থেকে ছুটি নিয়ে বেড়াতে যায়, গৃহকর্তাই বা কেন একমাত্র সন্তানকে ফেলে বাছবী নিয়ে সিনেমা, রেস্তোরাঁ করে বেড়ায়?’

শেষের কথাগুলোর টাইমিং আমার হল অদ্ভুত। নীচে শেফালি সবে অদর্শন হয়েছে, তার পেছন পেছন শান্ত। শেষের জন ধরেই নিয়েছে হাত যখন ভেঙেছে তখন ক’দিন সাতখুন মাপ, অর্থাৎ লেখাপড়া, স্কুল-যাওয়া এবং সেই সঙ্গে সারীসপের পাঁচটি পা-ও তদ্বারা দৃষ্ট হয়েছে, অর্থাৎ যা খুশি আবদার করা যাবে। এখন সম্ভবত কোনও আবদারের পশ্চাদখবন করতেই শেফালির পেছন পেছন যাওয়া হয়েছে। ঠিক তখন আমার গলাও সুন্দর উঠছিল নামছিল, প্রফেশ্যনাল স্ট্রুভিনটরা আমার কাছ থেকে শিখে যেতে পারেন। ধরুন উর্মিমালা, ব্রতী ...। আর সব চেয়ে যেটা আশ্চর্যের সেটা হল গোটা ব্যাপারটাই সম্পূর্ণ অচেতনসত্ত্ব, বেরিয়ে এল বিনা আয়াসে, কোনও চিন্তা ছাড়া। সহজাত প্রতিভাবলে, যে প্রতিভার সম্পর্কে আমি নিজেই অবহিত ছিলাম না।

সিড়ির মোড়ে একটি হকচকানো মনুষ্যমূর্তিকে পেছনে ফেলে আমি আমার নিজের নিজস্ব ঘরটি আশ্রয় করি। এবং ভাবতে থাকি শান্তর কেসটা কী? হেয়ার লাইন ড্রাকচার? না ডিসলোকেশন, না আর একটা সিরিয়াস? এঞ্জ রে সেটা দেখলেই নিশ্চয় জানা যাবে, জিজ্ঞেস করলেও, কিন্তু ঠিক এই সময়টায় সেটা সম্ভব হচ্ছে না, কেন না এখন আমার ভূমিকা হচ্ছে দ্বন্দ্বা, অপমানিতা, খণ্ডিতার।

সবই ঠিক। অভিনয় করছি। কিন্তু এই অভিনয়টা আমি করলাম কেন? হঠাৎ? স্বভাবমূর্ত্যাবে? তবে কি ভান্ডব? এটাকেও ভেঙে ফেলব? মালবিকার ‘তুই’ ভাকের মধ্যে যেমন একটা সম্পর্ক গোপন করার, চেপে ধুলো দেবার চালাকি লক্ষ্য করেছিলুম, আমার হঠাৎ আক্রমণটাও কি তেমন কিছু একটা ঢাকতে? একটা অপরাধবোধসম্ভূত? কীসের অপরাধবোধ? বাড়িতে না

থাকা? যেটা নিরুপম বলতে চেয়েছিল? আমার মনে হয় অবজেকটিভ কোরিলেটিভটা আমারও মিলছে না। বাড়ি ফেলে আড্ডা মারার অভিযোগে এতটা তেরিয়া হয়ে যাবার কথা আমার নয়। কোথায় এর শেকড় সুমিতা? পরের কথাগুলোয় কি সুহৃতা পাব? শিবীর কথা তুলে খোঁচা দিলাম কেন? কুকুর আমিই লেলিয়ে দিয়েছি! ইসস শিল্পীকে আমি কুকুরের সঙ্গে তুলনা করছি? কত ভালবাসি শিল্পীকে। তাকে জিরাফিসী অর্থাৎ একটি তরুণী জিরাফ বলা যায়, কিন্তু কুকুর? এ কী? কুকুর কুকুরের জীব তাকে আমি এত খারাপ ভাবছি? কুকুর তো দেশভেদে সুন্দর। সব কুকুরই তো নেড়িকুত্তা নয়। অ্যালসেশিয়ান আছে, ডার্মেসিয়ান আছে, গোশেনন বিট্রিটা তার তো অপর। স্প্যানিয়েল, স্পিৎজ তুলনুতুলে, তুলতুলে মিটি নয়? এক যদি ডবারমান বলো তো কেমন বেখাপ্পা দেখতে। আর খ্যাভা-নেকো লম্বা-কেনো বুলডগ? সে-ও তো বেশ মজার। বুলডগ বলতেই আমার আবার শাস্তর মুখটা মনে পড়ল। কেন জানি না। বুলডগের সঙ্গে বোরো শাস্তর কোনও মিল নেই। শুধু বুল-এর সঙ্গে যদি থাকেও, গট্টা-গেট্টা তো। কিন্তু বুলডগের সঙ্গে? নৈব নৈব চ। কী আশ্চর্য! বুলডগকেও আমি কোনও ভদ্র সুন্দর মানুষ ছানার সঙ্গে অতুলিতব্য মনে করছি। শাস্তকে বেচারি বলছি। মিনিট দশেক পরে দেখলুম নিজেকে বোঝবার চেষ্টায় আমি একটি সম্পূর্ণ হতভয় বিস্ময় জীবের পরিণত হয়েছি। ঘরটা যেন আমার অবিরল প্রচেষ্টায় কেমন গরম হয়ে উঠেছে। এখান থেকে আমার পালানো দরকার।

তাড়াতাড়ি মুখ-চুখ দিয়ে, জামা-কাপড় বদলে আমি নীচে শাস্তর খোঁজে যাই। শান্ত যেখানে তার বাবাও সেখানে। সতিই শান্ত এবং শিটি হয়ে সে বাবার সঙ্গে গল্প করছে বসে বসে।

‘কীভাবে পড়লে, তারপর কী কী হল আমাকে বল এবার—’ আমি বেশ শুষ্কিয়ে বসলাম।

‘সেট টমাসের একটা দারুণ লম্বা শিখ ছেলে আমাকে স্ক্রীন লেক্সি মেরেছিল মা। পড়েছি বলটা নাট্য রতনকে পাস করে দিয়ে একবারে কনই মুড়ে।’

‘মুড়মুড়িয়ে ভেঙে গেছে? না কী?’

‘এক্স রে রিপোর্ট তো কাল পাওয়া যাবে, আপাতত ডাক্তারবাবু এই রকমভাবে রাখতে বলেছেন। একটু এদিক-ওদিক হলেই ভীষণ লাগছে মা।’—মুখটা বিকৃত করল শান্ত।

‘খোলাগুলো করতে হলে অমন একটু-আধটু হয়, কিন্তু এবার থেকে সাবধান হবে। পরীক্ষা এগিয়ে আসছে না?’

শাস্তর মুখটা ফ্যাকাশে হতে শুরু করেছে। এতক্ষণ বেশ চলছিল, পরীক্ষাটা আবার কোথা থেকে এসে পড়ল? এবার পড়ার বিষয়গুলোও না পরপর এসে পড়ে, সেই জন্যে ও বাবা-মার সঙ্গে জলতানির লোভ ছেড়ে হঠাৎ ... ‘আসছি বলে বেরিয়ে গেল।’

খুব গম্ভীর মুখে কী একটা বই পড়ছে নিরুপম। সাধারণত ও এ সময়টা প্রচুর পত্র-পত্রিকা নিয়ে বসে। একই খবর পচটা কাগজে পড়বে। আজ হাতে বই নিয়ে শাস্তর সঙ্গে গল্প করছিল। শান্ত চলে যেতে বইটা তুলে নিয়েছে। অর্থাৎ আমার সঙ্গে কথা বলবে না। না বলুক। আমার তো কিছু হয়নি। সুতরাং আমি বসে আছি।

এত রাগই বা কীসের? অন্যায্যভাবে আমাকে আক্রমণ করেছিল তার সমুচিত জবাব আমি দিয়েছি। দিয়েছি ছেলে এবং কাজের মেয়ের কাঁচা বাটোয়। তাতে আমার এত রাগ কীসের? সত্যি কথা বলেছি—তাই! সিটে থাকি না কেন? সিতে না থাকাকালি যেন পলিটিকস-বাজসের নিয়ম। আর যে করে করুক, আমার নিজের বর আর সকাইয়ের মতো অন্যায্য কাজ করলে আমি বলতে পাব না? বেশ করেছি বলেছি। বারো মাস তিরিশ দিন আমি বাড়িতেই থাকি। বাড়িতেই বসে বসেই দু পয়সা রোজগার করি। এই যদি আমাকে আপিস বেরোতে হত? তা হলে? তা হলে তো ফট করে আফতার খেঁচাটা দিতে পারত না নিরুপম চন্দর। আমি ঘর সামলাব, ছেলের স্কুল থেকে হঠাৎ তলব এলে, ছেলে হঠাৎ অসুস্থ হয়ে পড়লে আজকের এই অসম্ভবের যুগে কোথায় হাসপাতাল রে, নার্সিংহোম রে, ডাক্তার রে—সকলই সামলাব, গল্পো আর রমরচনা লিখে লিখে সংসারের শাস্ত্রয় করব। আর তুমি সিতে থাকবে না। তুমি গরম গরম বকুতা হাঁকড়াবে। আর বউয়ের স্লিম বন্ধুর সঙ্গে ...। জেনে রেখো নিরুপম চন্দর গড়াই, গল্পো লেখা খুব সোজা কাজ নয়। তার জন্য, ঘোরাঘুরি লাগে, তুমি ভাবে ঘোরাঘুরি মানে শুধু বিধুভূষণবাবুর দোকানে পর্যন্ত যাওয়া-আসা। তাই নয়? কিন্তু না, আরও অনেক ঘোরাঘুরি করতে হয়। ফাইল লেন, কীভাবে সার্পেন্ট টাইন লেনে পড়েছে এবং কীভাবে সার্পেন্টটাইন ডিকসন লেন থেকে সার্ফুলার রোডে পড়া যায়, জায়গাটা কেমন জানার জন্যে আমরা ওই চতুরের পাক খেতে হয়েছিল। রিকশা নিয়ে এক দিন পুরো রামবাগান ঘুরে এসেছি, তা জানো? এখন ওখানে রামকৃষ্ণ মিশন রেখেই তারপর কাজ শেখাচ্ছে তা কি জানতে? জানো কি এসপ্লানডের কাছে যেমন দর্জা আছে, শালকেন্ডে তেমন এক ধর্মতলা আছে, কিন্তু তার পাশে কোনও এসপ্লানড নেই, খোলা ড্রেনে জৈব সারের চাষ আছে। তুমি মনে করো শুধু ক’জন মধ্যবিত্ত গিন্নিই আমার বন্ধু, তাদের সঙ্গে পি এন পি সি করাই আমার অবসরকালীন প্রমোদ। কিন্তু জানো কি আড্ডা মারতে গিয়ে আমি তাদের নড়াচড়া, কথা বলার ঢা, তাদের মতামত এ সবই আমার গল্পের স্বার্থে নোট করে আনি। যে গল্পের দক্ষিণায় তোমাদের দু’দিনের বাজার তো অন্ততপক্ষে হয়ই। তা ছাড়াও, জানো কিনা জানি না আমি কিছু শোশ্যাল ওয়ার্কস করি। পাড়া বেপাড়ার যত রিকশাওয়ালা সবার সঙ্গে আমার ভাব, গরমের দিনে আমি তাদের শশা খাওয়াই ভাব খাওয়াই, এক পয়সাও ভাড়া কাম নেয় না তারা তার জন্যে, শীতের দিনে তোমাদের পুরনো

সোয়েটার, প্যান্ট, শার্ট আমি রিকশাওয়ালাদের দিই। যদিও তাদের সেগুলো কখনওই পরতে দেখিনি, শোনা যায় সেগুলো তারা বিক্রি করে তাড়ি খেয়ে নিয়েছে। আর তুমি কী করো?—সিটে থাকো না। আর শিল্পীর সঙ্গে বেড়াতে যাও। যে শিল্পী তোমার সঙ্গে ব্রেক খেলে।

আবার শিল্পী? হায় রাম। আমার সব চিন্তা, সব খেদ, সব ব্রেকস্টি যে শিল্পী-কেন্দ্রিক হয়ে যাচ্ছে? এ কী? কে যেন বলে উঠল শালবনের কালকোটালে কোনও ভালমানুষের বিবি যায়?

ভাল করে নিরুপমের দিকে তাকিয়ে দেখি, ও বই হাতে একই রকম কাঠ হয়ে আছে। মনে অপরাধবোধ, সিটে না-থাকার জন্যে ততটা নয়, যতটা জিরাফিনী এক নারীর সঙ্গে আহেলিতে যাবার জন্য। পরিষ্কার বুঝতে পারি। যেন খোলা বইয়ের মতো বিদ্যাসাগরমশাইয়ের বর্ণ পরিচয় প্রথম ভাগের মতো আমি পড়তে পারছি আমার বরকে। এবং এ-ও বুঝতে পারছি শালবন সংক্রান্ত প্রশ্ন আমিই করেছি আমাকে। নিজের সঙ্গে এক নিবিড় কথোপকথনের সুযোগে দমকা উঠে এসেছে প্রশ্নটা।

শিল্পী তো জিরাফ রম্মী?। গঙ্গাপ্রসাদ কী? কাজলরেখা অবশ্য বলে ভুলিল মুনী। কিন্তু আমার নিজস্ব একটা ভাষনও তো থাকা উচিত। গঙ্গাপ্রসাদ কি এক রকমের শান্ত বাইসন? যে বাইসনের বাকানো শিঙের জায়গায় কড়কড়ে কালো বেশ কুড়মুড়ে চুল। যে বাইসনের চোখে আগুন নেই বরং কেমন একটা উদাস উদাস বাউল-বাউল ভাবের মধ্যে হঠাৎ হাসির বিকমিক আছে। যে বাইসনের লেজের বদলে কাঁচি খুঁতির কোঁচা, খুরের বদলে কাবলি, থলথলে গলকম্বলের বদলে ঢোলা খাদির পাঞ্জাবি? যাঁর ভূঁড়ি পেয়ে আমি মাফ করে দিয়েছি তিনি আমার হৃদয়ের গোলকধাঁধার সংবাদ জানতে পেরেছেন বলে, 'আমাদের সেই তাহার নামটি রঞ্জনা' বেশ অর্থহীনভাবে আমার স্মিরেছেন বলে?।

ভেঙেছে বাঁ হাত, তা-ও আমি সেদিন শান্তকে খাইয়ে দিলাম। 'ন না, ন না—আমি পারব'—বলতে বলতে কোমর মোচড়াঙ্কিল। কিন্তু আমি জোর করতে বেশ লক্ষ্মী ছেলের মতোই খেলে, একটাই অভিযোগ—'তোমার গরমগুলো কটুকু না? আরেকটু বড় করো!'

রায়ে ছেলেকে নিয়ে শুলামও। হাতের তলায় দুটো কুশন ঠিকঠাক করে রেখে, পিঠের দিকে একটা কুশন দিয়ে যাতে একটু বাঁ কাতে থাকে, আমি চুপচাপ শুয়ে পড়লাম। আজ আর পড়াশোনা কিছু হবে না। ছেলেটার চোখে আলো লাগবে। গরম, বোজাঘুরি এবং আড্ডার ক্লাস্তি, সব মিলিয়ে কখন ফটাস করে ঘুমিয়ে পড়েছি।

দেখি হাফশার্ট আর ধুতি পরা উত্তমকুমার একটা কাটা দরজার, মানে সুইং, ডোরের ওপর হাত রেখে দাঁড়িয়ে কার সঙ্গে কথা বলছেন। উঠানে কল, কলের তলায় টিনের বালতি। অদূরে ঘরে ওঠবার দাওয়া, সেখানে দড়ি টাঙানো। কোনও সিনেমা দেখছি না, এটা একেবারে বাস্তব। দাওয়ার

ওপরের ঘর থেকে সূচিরা সেনের বেরিয়ে আসার কথা কিম্বা সাবিত্রী চাটুজের। কিন্তু বেরিয়ে এলাম আমি। আমি আমাকে দেখতে পাচ্ছি না। কিন্তু আমার অমিষ্টবোধ ওই দরজা দিয়ে বেরিয়ে, সুইং ডোরে হাত রাখা উত্তমকুমারের সঙ্গে কথা বলতে লাগল। খুব সাধারণ প্রতিদিনের কথা, কী তা আমার মনে থাকল না।

স্বপ্নটা ভাববার পর আমি অবাক হয়ে রইলাম। কোনওদিন আমি কোনও নট-নটীকে স্বপ্ন দেখিনি। এঁদের স্বপ্ন দেখা খারাপ বা ঐরা স্বপ্নে দেখার যোগ্য নন তা কিন্তু আমি বলতে চাইছি না। কিন্তু কোনওদিনই তো দেখিনি। যখন উত্তমকুমার জীবিত ছিলেন। তাঁর প্রথম দিকের ছবি 'হারানো সূর', 'শাপমোচন' দেখেছি প্রথম ঘুম-ভাঙা চোখে প্রথম রোমাঞ্চ। কই তখনও তো স্বপ্ন দেখিনি। এখন একটা কথা বলে নেওয়া দরকার। উত্তমকুমারকে আমরা পছন্দ করতাম ঠিকই। কিন্তু একটু হাস্যহাসিও করতাম। উত্তম-ভক্তরা কিছু মনে করবেন না। এর কাম হয়। উত্তমকুমারের মাথার শিঙাড়া বাঁ হাতে মুখ তুলে তাকানো নিয়ে আমরা এক সময়ে খুব মজা করছি। সেই শিঙাড়া ভাঙে কিনা দেখবার জন্যেই আমরা 'খোকাবারুর প্রত্যাবর্তন' দল বেঁধে দেখতে যাই এবং শেষকালে বৃদ্ধ রাইচরণের মসৃণ বিউটি-মাসাজ করা হাত দেখে হাসতে হাসতে বাড়ি-ফিরি। আসলে উত্তমকুমার ছিলেন এক জন বেশ প্রিয়দর্শন মজার মানুষ আমাদের কাছে যাঁকে আমরা কোনওদিন সিরিয়াসলি নিইনি। কোনও সিনেমার অভিনেতাকেই কি নিয়েছি, যেভাবে শব্দ মিত্র, তৃপ্তি মিত্র, শীওলি মিত্রকে নিয়েছি, কুমার রায়, অমর গান্ধুলি, অভিজিত বন্দ্যোপাধ্যায় প্রমুখদের নিয়েছি? সিনেমা বাবাহয় সত্যিই-সত্যিই রপোলি পর্দা, রূপো দিয়ে একটা মেকি পৃথিবী বানানো, তাই ভাল লাগে, কিন্তু ওই যে বললাম—সিরিয়াসলি নেওয়া যায় না।

যাই হোক, মোদা কথা বলতে, উত্তমকুমারকে নিয়ে আমার কোনও অবসেনন ছিল না। এ সব অবশ্য নিজ্ঞান স্তরেও থাকতে পারি। তো থাকলে আমি একটু আশ্চর্য হবে, এই। এর চেয়ে বেশি কিছু না। সকাল বেলায় নিরুপমের মুখোমুখি হতে অবশ্য একটু লজ্জা করতে লাগল। ওকে শিল্পীকে নিয়ে সিনেমা দেখার খোঁটা দিয়েছি এদিকে নিজে স্বপ্নে মহানায়ক দেখছি।

চা-পানের সময়ই আগ বাড়িয়ে ভাব করে ফেললাম।

কীরকম আলগা-আলগা হয়ে বসেছিল। জানালুম—'শান্ত রাতে খুব ভাল ঘুমিয়েছে। একটুও কাতরানি। মনে হয় তেমন কিছু হয়নি।'

'এক্স রে রিপোর্টটা কখন পাওয়া যাবে?' জিজ্ঞেস করি।

'দশটার।'

'নিয়েই কি ডাক্তারের কাছে যেতে হবে?'

'নাচর্যালি।'

'তা হলে তো আজ তোমার অফিস পাটোর।'

‘ভুরু দুটো একটু কুঁচকোল। ‘অফিস পাঁচচার’ শব্দগুচ্ছ শুনে না এজ্ঞ
রে-রিপোর্ট নিয়ে ডাক্তারের কাছে যাবার কথায়, বোঝা গেল না।

‘আমার মনে হয় শান্তকে নিয়ে আমরা দুজনেই বেরোই, বুঝলে?’ আমি
পরামর্শ দিতে থাকি— ‘রিপোর্টটা নিয়ে ডাক্তারের কাছে যাব। যা করবার
ডাক্তার করুন। তার পরে আমি ওকে নিয়ে বাড়ি চলে আসব, তুমি অফিস
চলে যাবে?’ ভুরু দুটো সোজা হল। অফিস আছে এই তালে পুরো দায়টা
আমার ঘাড়ের চাপিয়ে দেবার চেষ্টা করছিল। সেটা ভণ্ডুল হল বলে ভুরুতে
ভাঁজ। এখন অর্ধেক বেঁচেছে দেখে জ্ঞানীবাক্তি বিপদের সময়ে অর্ধেক ত্যাগ
করেন এই আশ্বাবুকা মেনে ভুরুর ভাঁজ সোজা করেছে।

এই ভাবেই আমি বেশ কিছুদিন ঘরে আটকে যাই। শান্তর ব্যাপারটা
কমপাউন্ড ফ্যাকচার। কর্জি থেকে কনুই অবধি প্লাস্টার হয়। তার পরেও
ব্লিং-এ বোলানো। আশা করে নাম শান্ত রাখলেও সে তো আদৌ শান্ত নয়।
আমি অহনিশি তাকে চোখে চোখে রাখি এবং সেই সুযোগে আমার উপন্যাসও
তরতর করে এগিয়ে যায়। প্লট তো ওরা আমাকে দিয়েই রেখেছে। স্টোরি
বিস্তিং-এ একসারসাইজের মতন। এগুলো বড় বড় ফর্কঅলা। পুট পুট করে
কয়েকটা পয়েন্ট-ওয়লা একথানা প্লট। নাই-ই বা খোঁজ পেলুম সুমিতার।
আপাতত সুমিতা, মালবিকাদি এদের কেউ না হলেও চলবে। মাথার মধ্যে
থেকে সুমিতা নেমে আসে, মালবিকাদি নেমে আসে। আর আর চরিত্ররাও
নেমে আসে। মানে আমি তাদের নামিয়ে দিই। একদিক থেকে আমি তো
ঈশ্বরী—সৃষ্টি-স্থিতি-প্রলয়ের অধিকার আমার হাতে। ইচ্ছে করলেই থই থই
শুনাতার অন্ধকার জলে রূপের আলো ফুটে উঠবে, জেগে উঠবে রক্তাভ সৃষ্টির
পদ্ম সহস্র দল মেলে। ইচ্ছে করলেই দিকে দিকে ঘুম ভেঙে উঠে বসবে
আদম-ইভরা। তাদের সজ্জিতা দখল নেবে এই পৃথিবীর মাঠে মাঠে ফসল
ফলাবে, মেঘ চরাবে, পতন করবে নতুন নতুন সভ্যতার, হানাহানি করবে, ইচ্ছে
করলেই ধ্বংসের কালভেরবকে নামিয়ে দেব— তা তা থই থই তা তা থই থই
তা তা থই থই। এই প্রচণ্ড ইচ্ছাশক্তি উদ্ভাবনী শক্তির কাছে একটা সুমিতা
একটা শুভম, একটা মালবিকা কিংবা বিকাশকান্তি তো তুচ্ছ ব্যাপার। আমি
আমার অদৃশ্য যাদুচক্রটিকে আঙুলের মাথায় বাঁধবই করে ঘুরিয়ে ছেড়ে দি।
ছুঁড়ে দি। যা চাকা, খুঁজে নিয়ে আয় পুতলীগুলোকে। আমার নিজস্ব এজ্ঞ রে
আমি তাক করি, যা রে যা বস্তুপৃথিবীর জড় পুঁটলটিকে ফুটো করে ঢুকে যা
দেখা সেই কল্পলোকে।

বিকাশকান্তি সান্যাল

এ নব ও নব ঘুরিয়ে যন্ত্রটার ফোকাস ঠিক করি। আসছে, আসছে,
ফ্রেমের মধ্যে এসে যাচ্ছে, যাচ্ছে নয় যাচ্ছেন একজন ভদ্রলোক, থিয়ে রঙের
৯৮

টি-শার্ট পরা। স্পঞ্জের মতো কাপড়টা। পকেটের ওপর ছোট্ট একটা মোটিফ
যেন, ওই একই রঙের, সামান্য গাঢ় হতে পারে। চুলগুলো রূপোর তাজের
মতো মাথার ওপর শোভা পাচ্ছে। বেশ চৌকো চওড়া মুখটি। ঘন ভুরু, কিন্তু
ঝোপের মত নয়। কপালে শুনে শুনে দুটি আড়াআড়ি দাগ, তাতে একটা
ব্যক্তিত্ব, একটা চরিত্র দিয়েছে ভদ্রলোককে। নাকটা খাড়া কিন্তু পাতলা নয়,
খানিকটা মোটা, ফটো-ক্রোম্যাটিক লেনসের চশমা পরা, লেনসটা ভারী, মুখের
সঙ্গে সামঞ্জস্য রেখে। ঠোঁট দুটোও বেশ পুরু। পাতলা ঠোঁটের পুরুষদের
কেমন দিষ্টুর দেখায়। যেমন বঙ্কিমচন্দ্র। কৃন্দকে বিষ খাইয়ে, রোহিণীকে
বন্দুক নিক্ষেপ হত্যা করেন। ঈশবলিনীকে নরক দেখান। প্রফুল্লকে দিয়ে বাসন
মাজান, যা নরক দর্শনের চেয়ে কোনও অংশে কম খারাপ নয়। পুরু বেশ
টেঙেওলা ঠোঁটের অধিবীরীরা খুব বর্ণময় ব্যক্তিত্ব হয়ে থাকেন। যেমন সমরেশ
বসু। বিনি জ্যোতির্ময় স্রীচৈতন্য লেখেন, তিনিই গোপোল লেখেন। এক
হাতে কালকূট, “কোথায় পাব তারে”র অধেষ্য বাউল আর এক হাতে শেকল
ছেঁড়া হাত খুঁজে চলেছেন। ভদ্রলোক আনকোয়ালিকায়েড ভার্ক।

এই যে কালো তার দেখছি একটা আলাদা মহিমা। যতই দিন যাচ্ছে ততই
আমি কেন যেন কালের ভক্ত হয়ে পড়ছি। কৃষ্ণ কালো, কদম কালো ...
আমাদের যে ঐতিহাসিক পৌরাণিক প্রেমিক পুরুষ তিনি স্বয়ংই তো কালো।
বর্বার পুঞ্জ মেঘ, দেখা সেও নীল নবঘন, ‘কালো তা সে যতই কালো হোক,
দেখিছি তার সাদা কপালে রক্তাক্ত’— বলেছিল কাজল। বসে আছেন। তবুও
বোঝা যায় ভদ্রলোক খুব লম্বা। লম্বা ছাড়া নায়ক হয় না। চরম যখন
রয়েছে তখন বেঁটে নায়ক বাছব কেন? বেশি ঢ্যাঙ হয়ে গেলে চোঙা কি বেল
বটম প্যাণ্ট পরলে অভ দেখায় যেমন অমিতাভ বাছন, ব্যাপারটা ঠর কোনও
বেশাকারের মাথায় আনিনি কেন কে জানে। হজনে ওই অভ এফেক্টাই
পাবলিক খেয়েছে। তা সে যাই হোক— বিকাশকান্তি বসে আছেন। ফাইলের
পাতায় চোখ, পেছনে পাশে কাচের জানালার ভারী পর্দা একটু একটু সরানো,
যা দিয়ে লবণত্বের চমৎকার সবুজের দীর্ঘাঙ্গ দেখা যায়। সামনের টেবিলে
দুটো টেলিফোন— একটা সাদা, একটা কালো, কলমদামান্তিৎ সার সার বল
পেন, অনেক ফাইল পাশ কাটা, নিবন্ধ মানে পড়ছেন, টিক মারছেন, সইসাব্দ
করছেন ভদ্রলোক, টেলিফোন বাজল, ইন্টারকম। সাদাটা তুলে নিলেন
ভদ্রলোক। ‘সান্যাল’ গভীর গলায় বললেন— এই স্বরটাও খুব জরুরি। স্বর
যদি মেঘমন্ড্র না হয় তো তাকে ঠিক প্রাপ্তবয়স্ক থিয়ে ডাবা চলে না— যেমন
শটীন তেওলুর চিরবালক।

‘ও, আচ্ছ, আমি একটু ব্যস্ত, ঠিক আছে, এসেছেন যখন চলে আসুন,
আসতে দাও রমেন।’

মিনিট দুই পরে যে ঢুকল তাকে আমি হাড়ে হাড়ে চিনি। আপনায়ও
চেনেন, অর্থাৎ হাতের জালেন, কিন্তু দেখেননি কখনও। এটি সুমিতা। এবং
৯৯

বিকাশকান্তির বিপরীতার্থবোধ। সুমিতা ধবধবে ফরসা, বেঁটে না বলে ছোটখাটো বলা ভাল, নায়িকাও আমি দীঘল দীঘল পছন্দ করি, কিন্তু এ যে সখী সুমিতা একেবারে মেপে পাঁচ ফুট। বাড়ার কী করে? বুম্বুর বুম্বুর চুলে পেছন থেকে একটা লম্বা চকচকে গুঁবরে পোকার মতো ক্লিপ দিয়ে আঁকানো, প্রসাধনের সমস্ত আধুনিক নিয়ম পালন-করা লিচু-লিচু মুখ, কাজলপরা ম্যাসকারা মাখা চোখে হচ্ছে করলেই বালিকার বিন্ময় ফোঁটাতে পারে, আবার খুব চালাক-চালাক পাজির-পা-ঝাড়া খুনসুটে মেজাজ ফোঁটাতেও ওর জুড়ি নেই। বেশ টেবো টেবো গাল, দেখলেই টিপে দিতে হচ্ছে করবে আপনার। চোঁটও বেশ ফুলো ফুলো, যেন একুনি চোঁট ফুলোবে, এই সব ভাব— অর্থাৎ আদুরি, পাজি, চালাক অভিমাত্রী, মজাদার—এ সব সুমিতা নিজের মুখে তুলি দিয়ে আঁকতে পারে। অ্যাক্টিং লাইনে গেলে অনেকের ভাত মারতে পারত।

সুমিতা আজকে একটা হালকা চাঁপা রঙের টাঙাইল শাড়ি পরেছে। তাতে সাদার গোল গোল বুটি। রাউজটাও একেবারে এক রঙের। গলায় চিকচিকে সুরু সোনার হার, কানে সোনার বুটি, হাতেও বিকমিকে সোনার চুড়ি, গুঁনে তিনগাছ। যেন জরির সুতোয় মতোয় জড়িয়ে আছে। ঢুকই সুমিতা একটা হাসি দিল। আত্মবিশ্বাসে উজ্জ্বল, কিন্তু খুব সংযত সংযত হাসি, হাসিটা বোধহয় ওজন দাঁড়িতে মেপে এনেছে।

বিকাশকান্তি বললেন—‘বসুন। তারপর?’

শিল্পী হলে বলত—‘তার আর পর নেই।’ ওই একটা জবাবই ওর চোঁটের গোড়ায় রেডি। কিন্তু সুমিতা অত কাঁটা খেলোয়াড় নয়। সে একটা সুদৃশ্য ফাইল বার করে ফেলে। বলে—‘প্রজেক্টের সিনপসিসটা আজ দেখবেন? বিকাশকান্তি বলেন—‘সিনপসিস দেখার কি আমার সময় আছে ম্যাডাম? আপনি মোটামুটি মইন পয়েন্টগুলো বলে দিন।’

‘হই ইনকাম-গ্রুপের চাকুরেদের, মাইন্ড ইউ সার ব্যবসায়ী নয়, স্যালারিড পার্সনস—এঁদের স্টাডি করছি মোটামুটি। একটা কোয়েশননার তৈরি করেছি— আপনাকে দিয়ে যাব, আপনি কইডলি জবাবগুলো দিয়ে দেবেন। বেশির ভাগই ইয়েস, নো কিম্বা চয়েস। ভয় পাওয়ার কিছু নেই।’

অল্প একটু হাসি দেখা গেল বিকাশকান্তির মুখে—‘আপনি পেপার তৈরি করছেন খুব ভাল, কিন্তু একটা ইয়ংগার এজ-গ্রুপ নিয়ে করলে পারতেন না?’

‘দেখুন সার, এখন এঞ্জিনিয়ার ছাড়া অন্য সবাই চাকরি পেতে পেতেই আটপাট উনত্রিশ হয়ে যাচ্ছে। বছর চল্লিশের আগে কেউ নিজেকে প্রতিষ্ঠিত ভাবতেই পারছে না। আমি চল্লিশ থেকে পঞ্চাশ রেখেছি এজ-গ্রুপ।’

‘তা হলে হয়েই গেল, আ অ্যাম অন দা রং সাইড অফ ফিফটি।’ বিম্ময়ের চোখটা এবার করল সুমিতা।

‘এতো অবাক হচ্ছেন কেন? আমার মাথার দিকে চাইলেই তো বোঝা যায়!’

‘ইউ মীন ইউ ইজ ন্যাচার্যাল?’

‘তার মানে?’

‘প্লিজ ডোন্ট মাইন্ড, আমি ভেবেছিলাম আপনি আজকালকার ফ্যাশন অনুযায়ী চুল রূপোলি ডাই করেছেন।’

‘চুল আবার রূপোলি ডাই করা যায় না কি? ইউস নিউজ টু মী।’

‘এই তো আমার একটা প্রশ্নের জবাব আপনি এক রকম দিয়েই দিলেন। সাত নম্বর প্রশ্নটা দেখবেন।’

‘দেখে আর কী করব, আমি তো আপনার আওতার বাইরে চলে গেলাম।’

‘কেউ বিশ্বাস করবে না মি. সান্যাল, কিন্তু আপনি যখন বলছেন— বিশ্বাস করছি। আমি আমার আওতাটাকে বাড়িয়ে নেব এখন। অসুবিধে নেই। ইনকাম গ্রুপটা জরুরি, এজটা নয়।— আচ্ছা আজ চলি।’

হাতজোড় করে সুমিতা উঠে দাঁড়ায়।

‘শুনুন শুনুন।’ বাস্তব হয়ে সান্যাল বলে ওঠেন—‘আসল কথা আমার এত পেণ্ডিং কাজ গড়ে আছে। বাড়িতেও ফাইল নিয়ে যেতে হচ্ছে রোজ। কখন আপনার প্রশ্নপত্র পড়ব?’

‘এই কথা?’ সুমিতা এবার খুব সিরিয়াস মুখ করে, ‘আচ্ছা ধরুন, এ সমস্যাটির সমাধান যদি আমি করে দিই।’

‘আমার সময় সমস্যার সমাধান আপনি করবেন?’

‘সাইকলজির লোক তো আমি।’—এ বার সুমিতা তার সবচেয়ে মুগ্ধকর হাসিটা হাসে।

‘সাইকলজির লোকেরা টাইমও বার করতে পারে?’

‘সাইকলজির লোকেরা অনেক কিছুই বার করতে পারে টেনে টেনে।’ সুমিতা জবাব দেয়, ‘আচ্ছা, অফিসের পর আপনি কী করেন?’

‘অফিসের পর?’—হো হো করে হেসে ওঠেন বিকাশকান্তি। ‘ওই সময়টাকেই আপনি ধরবেন সমস্যার সমাধান করতে? এই আপনার সাইকলজি?’

‘আমার সাইকলজি ঠিকই আছে। আপনি বলুন না কী করেন?’

‘একটু রিল্যাক্স করি, আর কী করব? যতক্ষণ না জ্যামিটা কাটে—একটু স্ট্রান্ড ধরে হাওয়া খাই। ধরুন, ফোর্ট উইলিয়ামের এন্ডটায় বসলাম, কি সেকেন্ড হুগলি ব্রিজ দিয়ে এক পাক ড্রাইভ করলাম। তারপর বাড়ি ফিরে যাই।’

গান্ধীঘের খোলস খুলে বিকাশকান্তি ব্যক্তিগত জীবনের আশেপাশে ঘোরাকোরা করতে থাকেন।

সুমিতা খুব কিন্তু কিন্তু করে বলে—‘ওই রিল্যাক্সেশনের সময়টা আমি যদি দু-চারদিন একটু থাকি আপনার সঙ্গে, আপনার কি খুব আপত্তি হবে? আপনার বিশ্রামের আমি ব্যাখ্যাত করব না, বরং রিল্যাক্সেশনের কতগুলো উপায়

আপনাকে শিখিয়ে দেব। আসলে সাইকলজির লোক তো!— সুমিতা হাসে।

‘ঠিক আছে, এক দিন এক্সপেরিমেন্ট করে দেখা যেতে পারে।’ ফাদার জেনকিন্সের ভাষায় বিকাশকান্টি ভাঙ্গেন তবু মুচকেন না।

‘মেনি থ্যাংকস’, বিব্রত মুখে সুমিতা বলে, ‘আপনাকে খুব বিরক্ত করছি আমি জানি, কিন্তু এটা ফোর্ড ফাউন্ডেশনের একটা গ্রান্ট থেকে হচ্ছে। ফাঁকি দিয়ে সারা যায়? বলুন!’

‘আর বিরক্ত করে না তাঁকে সুমিতা। মূহুর্তে ফম্যালিটির মোড়কে মুড়ে যায়। প্রফেশন্যাল গলায় বলে— ‘নমস্কার, থ্যাংকস।’

‘তা হলে কাল পাঁচটার সময়ে আসুন—’ বিকাশকান্টিই পিছু ডেকে তাকে মনে করিয়ে দ্যান।

‘এইখানে? এত দূরে? তার চাইতে আপনি বাই-পালে পড়ে পার্ক সার্কাস কানেক্টরের ওখানে আসুন। আমি দাঁড়িয়ে থাকব। সাড়ে পাঁচ। ঠিক আছে।’ বলে তাকে বিদায় দিয়েই বিকাশবাবুর কেমন মন খুঁতখুঁত করতে লাগল, তিনি একটা পাবলিক সেক্টর সংস্থার ম্যানেজিং ডাইরেক্টর, বয়সও পঞ্চাশ হল। এই মেয়েটি তাকে যে পরিস্থিতিতে ফেলল গেল তাকে করে তাঁকে অফিসের পর অনেকটা রাস্তা গিয়ে একটি প্রতীক্ষমাণা মহিলা, না না তাঁর স্ত্রী মহিলা। কিন্তু এ মেয়েটি নেহাতই মেয়ে, যাই হোক, প্রতীক্ষমাণা মেয়েকে মিট করতে হবে।

‘ইডিয়টিক!’ বলে তিনি ড্রয়ারটা শব্দ করে বন্ধ করলেন। কিন্তু বলা কথা আর ছোঁড়া তীর ফিরিয়ে নেওয়া কি যায়?

বাড়ি ফিরে মালবিকার সঙ্গে একটু পরামর্শ করলে হত। কত রকম বিপদ হয়েছে আজকাল। মেয়েটি কোনও দলের হয়ে কাজ করছে না তো? তাঁকে কোনও রকম বেকায়দায় ফেলাবে না কি? কিন্তু মালবিকাকে কি আর সঙ্কেবেলায় বাড়ি পাওয়া যায়! মহিলা সমিতির নাম করে মহিলা অষ্টগ্রহর সংকীর্তন করে বেড়াচ্ছে। বাড়িতে তাকে পাওয়াই যায় না। একটা ছেলেমেয়েও যদি থাকত এতটা বাড়ি বাড়ত না। এখন তাকে হ্যা হ্যা করে চকিশ ঘন্টা হাসতে আর পান চিষাতে বাধা দিচ্ছে কে? চ্যাটাং চ্যাটাং করে চটি পায় গলিয়ে বেরিয়ে গেলেই হল। বাড়ি ফিরে চান-টান করে টিভিটা চালিয়ে দিয়ে একটু আলগা হলেন সান্যাল। প্রত্যেক চ্যানেলে একই নাচ দেখাচ্ছে— শখানেক মাথায় ফেটি বাঁধা খালি গা খুঁটি মালকোচা পরা ছোকরা আর ডজন দুয়েক লিপিকিপে মেয়ে নিজেদের দশ ডবল সাইজের ঘাঘরা পরে নাচছে। কিছুক্ষণ দেখতে দেখতে মেয়েগুলোর জন্যে বঙ্ক দুঃখ হল বিকাশকান্টির। আহা খেতে পায় না। টাকার অভাবের জন্যে নয়। এই নাচ নাচবার জন্যে, স্টেফ মিনার্যাল ওয়াটার আর আপেল খেয়ে থাকে বোধ হয়। ছোকরাগুলোর কিন্তু মজা খুব, যত তাগড়া হবে ততই ভাল, সুতরাং খেয়ে যাও ১০২

আর মুণ্ডর ভেঁজে যাও, খেয়ে যাও আর মুণ্ডর ভেঁজে যাও। তাঁর বাবার মতো। মেয়েদের এক্সপ্লয়েট করার কত পদ্ধতিই না বার করেছে পৃথিবী। তিনি এক্সপ্লয়েটেড হতে যাচ্ছেন না তো কোনওভাবে। আচ্ছা, মেয়েটি তাঁকে একটা কার্ড দিয়েছিল না? খুঁজে পেতে ব্রীফ কেস থেকে কার্ডটা বার করেন বিকাশকান্টি।

সুমিতা সরকার—এম এসসি, এম.ফিল, পিএইচ ডি
রীডার ইন সাইকলজি
অমুক কলেজ,
সাইকো-আনালিস্ট
ফোন— চেম্বার .. এত
রেসিডেন্ট— এত।

আচ্ছা, এটা তো অনার্যাসেই তেরিফাই করে নেওয়া যায়। আচ্ছা, এই কলেজের প্রিন্সিপ্যালই তো অশোক লাহিড়ী। তার বন্ধু দীপক ভাদুড়ির ভায়রা। অবিলম্বে দীপককে ফোন করেন বিকাশকান্টি।

‘আরে দীপক, আছিস কেমন? করছিস কী?’

‘কী আর করব, খাতার পাথড় সবে হালকা হতে শুরু করেছে, একটু টিভি দেখছি।’

‘পারছিস দেখতে?’

‘আরে বুঝলে না, মাথা ভোঁতা হয়ে গেছে এখন, একটা ঠালাওয়ালাও যা এক জন দীপক ভাদুড়িও এখন তাই।’

‘আচ্ছা দীপক তোমার ভায়রা যেন কোন কলেজের প্রিন্সিপ্যাল?’ নাম বলেন দীপক।

‘ভরলোককে আমার একটু দরকার ছিল।’

‘হঠাৎ?’

‘একটা ইনফর্মেশন নিতাম।’

‘কলেজ-সংক্রান্ত কিছু?’

‘ধরো তাই।’

‘ধরতে হবে কেন? অ্যাডমিশন? পোস্ট খালি? রেজান্ট?’

নাঃ দীপকটা ছাড়বে না।

‘পোস্টের কথাই জিজ্ঞাস করছিলাম। ওদের কলেজে সাইকলজি আছে?’

‘হ্যাঁ অ্যাঁ।’

‘পোস্ট খালি আছে কোনও?’

‘আমি তো যদুদর জানি, না। নরনারায়ণ পাণ্ডে, সীতা মহলানবিশ, সুমিত্রা সরকার, স্পর্শমণি খিঁড়ো।’

বাস আর শোনার দরকার নেই বিকাশকান্টির। কাজ হয়ে গেছে।

বলেন—‘নেই তা হলে? আমার এক আত্মীয়র মেয়ে চাকরি চায়।’

‘চাকরি চায় তো কলেজ সার্ভিস কমিশনের বিজ্ঞাপনের জবাব দিতে বোলে। এমনি এমন কি আর এ সব চাকরি হয় আজকাল? নেট, স্ট্রেট-এ বসতে বোলে—এমপ্ল্যানেলড হোক, আর যদি ওদের ফিফ্থ পোস্ট হয়ে থাকে তো বোলে দেখতে পারি।’ কী নাম মেয়েটির?’

ফোনটা কেটে দিলেন বিকাশকান্তি। আর-একটু হলেই সুমিতা সরকার বলে ফেলেছিলেন।

তা তো হল। কিন্তু এই সুমিতাই এই সুমিতা কি না, কী করে জানা যাবে? এ প্রশ্নটা বিকাশকান্তির মনে এল আরও একটু পরে। চোর পালালে বুদ্ধি বাড়ে আশুপাক্যটি যে কতটা সঠিক তাই ভেবে বিকাশ হাত পা কামড়ান। আচ্ছা, কার্ত্তে দেওয়া ফোন নম্বরগুলো ট্রাই করলে কেমন হয়।

প্রথমে চেম্বারেরটা করলেন তিনি। বেজেই যায়, বেজেই যায়। তারপর এক জন খুব ক্যাটকেটে গলার মহিলা বললেন—‘কাকে চাই? সুমিতা সরকার? সে তো শুধু মঙ্গলবার বসে।’ সে কী? কালই তো মঙ্গলবার। যদি চেম্বারেই বসবে তো সুমিতা আসে কী করে? এইবার ধরেছি—এই মেজাজ নিয়ে তিনি বললেন—‘আচ্ছা ম্যাডাম, ইনি কোন সুমিতা সরকার বলুন তো? কালো করে মোটা করে...’

‘ম্যাডাম ট্যাডান নয় বাছ, আমি কালীপদর মা। ও মেয়ে খুব খিগি, তবে কালো মোটা বললে মিথ্যে বলা হবে। মেমের পারা গৌরা। বে হয়ে গেছে কিন্তু।’

মহিলা ফোন রেখে দ্যান।

আশ্চর্য! তাঁর গলা কিাত্রর বাবার মতো শোনাচ্ছে না কি? বিকাশবাবু যারপরনাই বিরক্ত হন। তবে তিনি নিশ্চিত হয়ে যান মোটামুটি। ব্যাপারটা তাঁর মনকে কতখানি অধিকার করে রেখেছে সেটা বোঝা যায় যখন খাবার টেবিলে বসে দু’ হাতে রুটি ছিড়তে ছিড়তে তিনি বলেন—‘মেয়েটা জেনুইনই।’

‘কে জেনুইন?’ মালবিকা অবাক হয়ে বলেন।

‘ও সে একটা কেস।’ অন্যমনস্ক হয়ে বিকাশকান্তি জবাব দ্যান।

‘কবে থেকে আবার তুমি ডাক্তার উকিল হলে?’

‘আজ থেকে?’ বলে বিকাশকান্তি বলে উঠলেন, ‘উকিল কেন? ডাক্তার হলেও হতে পারে।’

‘তুমিই তো একটা কেস দেখছি’ মালবিকা রুটি-মাংস নিয়ে ব্যস্ত হয়ে পড়েন।

এখন, ঐরা দু’জনেই বিখ্যাত খাইয়ে ফ্যামিলির সন্তান। খাওয়াটা ঐদের কাছে একটা পবিত্র রিচুয়ালের মতো। খাবার সময়ে ঐরা দু’জনেই তদগত হয়ে যান। কাজেই আধখন্টার মতো সময় বিকাশকান্তি তাঁর দুশ্চিন্তার ব্যাপারটা একেবারে ভুলে যান। এর পরে অফিস থেকে আনা ফাইলে মনোনিবেশ। এ ১০৪

সময়ে কোনও দুশ্চিন্তার প্রবেশ নিষেধ।

লাইট অফ! যাঃ। কী অদ্ভুত সভা-ভব্য লাজুক লাইট রে বাবা! মালবিকা-বিকাশের বেকরম-সিনের বেলায়, সময় বুকে অফুৎ হয়ে গেল?

স্বপ্নদোষ-ব্যাখ্যা এবং অ্যাডভেঞ্চার

কিন্তু সেই স্বপ্নটা? স্বপ্নটা আমাকে বড় ভাবাচ্ছে। সুমিতার সাহায্য চাই। ও তো একবারে বে-পাভা হয়ে আছে। মহানায়কে আমি হঠাৎ স্বপ্নে দেখতে গেলাম কেন? এ তো এক ধরনের ‘স্বপ্নদোষ’। এপারো-বারো বছর বয়স যখন, তখন স্বভাবতই আমি ‘স্বপ্নদোষ’ মানে জানতুম না। আরও অনেক বড় বয়সেই কি জেনেছি? তখন ‘স্টেটসম্যান’ তার ‘ভয়েসেজ’ বার করেনি। নতুন কথা, শব্দ, প্রয়োগ না করতে পারলেও শান্তি পাচ্ছি না। আমাদের ছোটবেলায় তো টিভি ছিল না। বড় শো-বাজ ছিলুম। আট-ন বছর বয়সে দাদা-দিদিদের ইনটেলেকচুয়াল আসরে—অইউং স্বাক্ষর হযবরট লঙ্...’ বলতে বলতে ঢুকে গিয়েছিলাম। ওরা অত কী আলোচনা করে, আমাকে পাভা দেয় না, আচ্ছা আমিও দেখা, এই ভেবে দিদির টেবিলে পাগিনির অষ্টাধ্যায়ী ছিল, তার থেকে কিছু মুখস্থ করে নেমে গিয়েছিলাম। তা, সেইরকমই মাকে একদিন বললাম—‘মা, আমার রোজ রোজ স্বপ্নদোষ হচ্ছে।’ যা কবাবা মা খেপে লাল। কোথায় মেয়ের ম্যাচুওরিটি দেখে মুগ্ধ এবং নিশ্চিত হবে!

‘খেড়ে মেয়ে, কখন কী বলতে হয় জানো না।’

মায়েরদের সুবিধামতো মেয়েরা একই বয়সে কখনও ‘ভেলপটকা’ কখনও ‘ধেড়ে’ হয় একথা নিশ্চয় সবাই জানেন।

মায়ের কথায় এবং এই মারে তো সেই মারে মূর্তি দেখে মিহিয়ে যাই বলি—বা রে মাকে বলব না তো কাকে বলব।

‘কী হয়েছোটা কী বলে।’ —খানিকটা সামলে নিয়ে মা বলেন, ‘রোজ দেখছি একটা কে যেন আমার বুকের ওপর বসে, গলা টিপে ধরছে, আমার সমবন্ধ হয়ে যাচ্ছে, তারপর আঁ করে জেগে উঠি, আর দিদি আমাকে ঠাই ঠাই করে মারে।’

মা গম্ভীরভাবে বলেন—‘কদিন আমার পাশে শোও। পাশ ফিরে শোবে হাত বুকের ওপর রাখবে না, ঠিক হয়ে যাবে। ওকে ‘স্বপ্নদোষ’ বলে না।’

‘হাত কাকে বলে সেটা বলবে তো?’

মা মুখ ফিরিয়ে রান্নাঘরে চলে গেলেন। অর্থাৎ বলবেন না। ঠিক যেভাবে প্রফুল্ল মান্টারমশাহিকে ‘হস্তমুখু’ মানে জিজ্ঞেস করতে তড়িঘড়ি অঙ্কের খাতা কালির শিশি সব উলটে চলে গিয়েছিলেন। দরজার কাছ থেকে ‘কীণস্বরে জিজ্ঞেস করেন সেবার, কোথায় পোয়েছ?’

আমি বলি—‘পাজিও?’

‘পড়ে না।’

বা রে বা! পড়ব না? তিলতট্টা অত ইমপোর্ট্যান্ট। বাঁ পায়ে তিল থাকলে দেশভ্রমণ হয় কোথেকে জেনেছি? পাজি থেকেই তো? তারপরেই তো মুরাড্ডি চাটিল সব ঘুরে এলাম। বাঁ চোঁটের ওপর তিল থাকলে প্রেমজ বিবাহ হয়, রীগাদির বিয়েতে অত সমালোচনা হল মাস্টারমশাইকে বিয়ে করেছে বলে, তার পর পরই তো আমাদের দুলালদাকে ছাড়িয়ে দিয়ে বুড়ো মাস্টারমশাই প্রফুল্লবাবুকে রাখা হল, তো রীগাদিরও তো বাঁ চোঁটে তিল ছিল। পাজি আবার পড়ব না!

তা সে যাই হোক প্রফুল্ল মাস্টারমশাই কোনও কোনও প্রশ্নের বেশ সন্তোষজনক উত্তরই দিতেন।

‘মাস্টারমশাই, বারবনিতা মানে কী?’

‘আঁ? মাস্টারমশাই চমকে উঠলেন, তারপর বললেন—‘বার মানে কী?’

‘বাইরে।’

‘আর বনিতা মানে?’

‘মেয়ে।’

‘তবে?’

‘বাইরের মেয়ে।’

‘এই তো বুঝেছ।’

ঠিক সেই সময়ে দিদি ঢুকছিল। আমি বললাম, ‘মাস্টারমশাই, বারবনিতা এল।’

প্রফুল্ল মাস্টারমশাই এ বার এমন চমকে উঠলেন যেন ভূত দেখেছেন। দিদি গম্ভীর মুখে ভেতরে ঢুকে গেল।

মাস্টারমশাই চলে যেতে ভেতরে ডাক পড়ল। দিদির পড়ার ঘরে। ‘কান ধরে এক পায়ে দাঁড়াও।’

‘কেন?’

‘খারাপ কথা শিখেছ, সেইটা বলছ আমাকে?’

বুঝতে পারি কোথাও একটা খুব ভুল হয়ে গেছে।

‘বেশ্যার’ বেলায় আর ভুল করিনি।

এ মানোটাও মাস্টারমশাইকেই জিজ্ঞাস্য করেছিলাম।

উনি বলেন—‘যে বেশ করে, অর্থাৎ খুব সাজগোজ করে সেই বেশ্য।’

‘যেমন মিতাদি?’—উদাহরণ সহযোগে ছাড়া আমি কিছুই বুঝতে রাজি নই।

‘মিতাদি কে?’

‘এই তো আমাদের পাশের বাড়ি থাকে। কাজলের জাঠতুতো দিদি। লিপস্টিক রঞ্জ পাউডার মেখে বেবোয়। খুব বলমলে শাড়ি পরে...খুব গয়না...’

বাধা দিয়ে মাস্টারমশাই বললেন—‘কথাটা নিদার্পণে ব্যবহার হয়।’

‘নিশ্চই তো করে সবাই মিতাদিকে। ময়দার বস্তা বলে, রং মাখা সং বলে।’

‘তা বলুক, বেশ্যা বলতে হলে মিতাদিকে আরও অনেক অনেক সাজ করতে হবে, সে কত সাজ তুমি ধারণাই করতে পারবে না। কথাটা বোলা না। তা খুকু—কথাগুলো তুমি কোথায় কোথায় পাও? এগুলোও কি পাজিতে আছে?’

‘না তো সার, পুরনো প্রবাসী ঘেঁটে ঘেঁটে পড়ি তো।’

‘তা প্রবাসী ঘেঁটে কি এই সব শব্দ ছাড়া আর কিছু পাও না? অভিধান দেখা অভ্যাস করো, অভিধান দেখো।’

‘দেখি তো সার’—আমি বলি—‘পনস মানে কঁটাল, প্রাথমিকভর্ত্তকা মানে যার স্বামী দূরে থাকেন, পটল মানে আলু-পটলের পটল নয়—অনেক, রোদসী মানে ছিঁচ কাঁদুনী নয়, পৃথিবী, রশনা মানে জিভ নয়, কোমরে পরার গয়না, এ সব তো আমি অভিধান দেখে দেখেই জেনেছি, কিন্তু এগুলো তো বুঝতে পারি না—বারবনিতা মানে দেওয়া আছে বেশ্যা, বেশ্যা মানে বারবনিতা, হস্তমৈথুন মানে হস্তদ্বারা মৈথুন, মৈথুন মানে মৈথুনক্রিয়া, কী করে বুঝব?’

তা সে যাই হোক, ছোটবেলা থেকেই আমার খুব কৌতুহল। মা বাবা দাদা দিদি মাস্টারমশাইদের জালিয়েছি কম না। এখন প্রয়োগটা অনেক সংযত হয়ে গেছে, কিন্তু কৌতুহল? কাউকেও আমি ছেড়ে কথা কই না। নিজেকেও না।

সুমিতাদের ফোনটা ট্রাই করি। নাঃ এখনও ঠিক হয়নি। তখন অগত্যা আরও দুটো ফোন করতে হয়। একটা শিল্পীকে।

‘শিল্পী, আজ এগারোটোর সময়ে তুলতুলকে নিয়ে চলে আয় আমার বাড়ি।’

‘আড্ডা বসবে?’

‘আজ্ঞে না, শান্ত খুব শিল্পীমাসি শিল্পীমাসি করছে।’

‘আর শান্তর বাবা?’

‘সে-ও করছে, “মনে মনে”—“মনে মনে”—টুকু আমি সুর করে বলি, “কাবুলিওয়াল” ছবির মিনির চণ্ডে।’

‘হ্যাঁ, শিল্পীর রি-অ্যাকশন।’

‘হ্যাঁ মানেই হ্যাঁ;’ আমি পরশুরাম কোট করি।

‘আমি থাকব না। কোস্ট ক্লিয়ার’—শিল্পীকে প্রলোভিত করি।

‘তুমি আবার শান্তনিকেতনে যাবে?’ শিল্পী যেন মার-মার করে ওঠে। নিজের বেলা আট-স্টুট পরের বেলা দাঁত কপাটি।

‘যাব, তবে শান্তনিকেতন নয়, গড়িয়াহাট ছাড়িয়ে, যাদবপুর ছাড়িয়ে...’

‘সুমিতাদির কলেজ?’

‘এই তো ঠিক ধরেছিস! মাথার গোবর একটুখানি রিপ্লেসড হয়েছে মনে হচ্ছে? বাই বি!’

শিল্পী এ সব বক্তব্য পান্ডা দিল না, বলল—‘সুমিতাদির ব্যাপারটা তা হলে

ভাল এগিয়েছে বলা ? আমরা ফ্রেন্স পারফিউম পাচ্ছি ?

‘তুমি এসে শান্তকে আগলাও, তার হাত ডেঙেছে কম্পাউন্ড ট্র্যাফিকার।’

‘বলো কী ? কবে, আগে বলিনি তো !’

‘নিজের হ্যাঁপা আমি সাধারণত নিজেই সামলাই।’

‘যাচ্ছি। তবে তোমার হলেও-হতে-পারে বউমাকে নিচ্ছি না।’

‘কেন ? বাল্যপ্রেমের ভয়ে ?’

‘স্কুল থেকে ফিরবেই তো সাড়ে দশটা, তারপর অত ধকল নয় ? ওকে বাবা-মার কাছে রেখে যাচ্ছি।’

শিল্পীর আসটা নিশ্চিত করে, কাজলকে ডাকাডাকি করি।

কাজল তো এক পায়ে খাড়া।

সুতরাং এগারোটা নাগাদ আমরা সুমিতার সন্ধানে বেরিয়ে পড়ি।

যাত্রাপথের কথা আর কী বলব ? সহযাত্রীণী যেখানে কাজলরেখা মিশির দেখাচ্ছে যাত্রা ঘটনাসম্মূল হবে বই কী !

এক মাড়বার গৃহীণীকে কনুইয়ের গোঁটা দিয়ে আর-এক পঞ্জাবিনীর পা মাড়িয়ে দিয়ে কভাউরের ব্যাগের স্ট্র্যাপ ধরে কাজল বাসে উঠল। এক রোগা বাঙালিনীর প্রায় কোলে বসল, পাশে আর এক তামিলনীকে ঠেলে সরিয়ে এক চিলতে জায়গা করে একগাল হেসে বলল—আয় রঞ্জু, বোস, ফুলিয়ে যাবে। বাঙালিনী ও তামিলনী নিজ নিজ ভাষায় প্রবল প্রতিবাদ করলে বলল—‘ইনি কে জানেন ? ‘সিথির সিঁদুরে সিঁদ’ সিনেমার লেখিকা, ‘আয়নাভদন্ত’ বলে যে নতুন ছবিটা আসছে সেটাও ঐর লেখা।’ টেনে বসিয়ে দিল আমাকে কাজল। এক একবার ড্রাইভার ব্রেক কষছে আর দু’ দিকের চাপে আমি উঠে উঠে পড়ছি। শেষকালে অতিষ্ঠ হয়ে যেই বলেছি—‘আমি আর পারছি না উঠে দাঁড়াচ্ছি।’ তখন কাজল কী বলল জানেন ?

‘ওঠ না ওঠ—সুড়সুড়ি টুসটিউ কি খোঁচা মোচা খেলে আমায় বলতে আসিস না। সার সার সব ঝুঁকে ঝুঁকে দাঁড়িয়ে আছে।’

এ কথায় বাসে তীব্র প্রতিবাদ হয়। প্রথমটা সকলেই হকচকিয়ে যায়। কিন্তু তারপর এক ভদ্রলোক মরিয়ার মতো বলে ফেলেন—‘ভদ্রলোককে যা-তা বলছেন, আপনার লজ্জা পাওয়া উচিত।’

‘কাকে বলেছি ?’ কাজল সঙ্গে সঙ্গে রেডি।

‘আমাদের সবাইকে বলেছেন, সবাই শুনেছে।’

‘শুনেছে সবাই, কিন্তু বলছেন আপনি।’ ঠাকুরঘরে কে না ‘আমি তো...’

‘বাজে কথা বলবেন না, কী দাদা, আপনারা শোনে ননি ?’

আর-এক জন বললেন—‘যেতে দিন দাদা যেতে দিন। মেয়েছেলের কথা গায়ে মাখলে চলে না।’

ভদ্রলোক বললেন—‘আপনার লজ্জা হওয়া উচিত।’

‘আমার লজ্জা আমি বুঝব। কিন্তু আপনাদেরও লজ্জা হওয়া উচিত।’

‘আশ্চর্য, আমরা কেন লজ্জা পেতে যাব ?’

‘পায়ে পা দিয়ে ঝগড়া করছেন।’

‘আপনি ঠেস দিয়ে কথা বলেছেন, তাই প্রতিবাদ করেছি।’

‘তা যদি বলেন, তো হাটের মধ্যে হাড়ি ভাঙতে আমাদের বাধ্য করেছেন বলেই আপনাদের লজ্জা হওয়া উচিত।’

‘আশ্চর্য তো ! কিছু করিনি অথচ লজ্জা পেতে হবে ?’

‘জাতভাইদের জন্যে লজ্জা পেতে হবে বই কী !’

‘আশ্চর্য তো !’

‘বারবার আশ্চর্য হচ্ছেন কেন ? বাড়িতে গিয়ে বাড়ির মেয়েদের জিজ্ঞেস করে দেখবেন তারপর আশ্চর্য হবেন।’

‘আচ্ছা মেয়েছেলে যা হোক বাবা !’

‘মেয়েছেলে মেয়েছেলে’ করছেন কেন তখন থেকে ? ভদ্রতাও কি আপনাদের বাসের ভেতর স্কুল বসিয়ে শোখাতে হবে ?’

এক জন বলে উঠল—‘মহা মুশকিল, মেয়েছেলেকে মেয়েছেলে বলব না তো কি ব্যাটাছেলে বলব ?’

এই কথায় বাসের মধ্যে একটা হাসির হররা উঠল। হররা একটু থামলে মাড়োয়ারিনী হৈড়ে গলায় বলে উঠলেন—‘লেকেন উও যো বোলী সহি বাত বোলী, আপকো সব শরমিন্দা হোনা চাইয়ে। লাজ্জা কখন। তোখন থেকে আট্রা কি তরহ হমাকে ঠেসিয়ে যাচ্ছেন ঠেসিয়ে যাচ্ছেন।’

এক ছেকরা সঙ্গে সঙ্গে গেয়ে উঠল—‘বাত তো সহি মৌসী, লেকেন উও সব কুলতী আট্রা আপকো থৈলা পে ঘুসা লিজিয়ে না।’

আবার হাসির হররা।

এই জায়গায় কাজলা ভদ্রমহিলার পক্ষ নেয়। উনি ওকে সমর্থন করেছেন, ও-ও সুতরাং ওঁকে মলত দেবে। খুব ভাল, প্রিন্সিপল হিসাবে, কিন্তু এর ফলে পুঙ্খমার কাণ্ড হতে লাগল।

কাজল বলল—‘উনি ওঁর বাড়ির ভাত খেয়ে মোটা হয়েছেন তাতে আপনার কী ?’

মারোয়ারিডিনী—‘খুদ কো চাবল ঝায়া, ওঁর কোই কো তো নহী। হাঁ-আ।

বাসের লোক—‘বাড়ির গাড়িটাও তো চড়লে পারেন, তিন জন লোকের জায়গা নিয়ে একলা দাঁড়িয়ে রয়েছেন।’

কাজল—‘উনি বাড়ির গাড়ি চড়বেন কি না উনি বুঝবেন। বাসটা তো পারলিক বাস, কারও তো কেনা নয়।’

মারোয়ারিডিনী—‘কোই তো খরিদ কিয়া নেই। হাঁ হাঁ।’

আমি—‘কাজল এবার ক্ষান্ত দে।’

ও পাশের রোগা বাঙালিনী এই সময়ে উৎসাহ পেয়ে বলে উঠলেন, ‘যা

বলেছেন। ইনি তো এমন করে বসলেন যেন সিটটা ঐর কেনা। তখন থেকে সিটিয়ে বসে বসে আমার সটকা লেগে যাচ্ছে।’

কাজল হাঁ করে উঠল—‘আপনি নারী হয়ে নারীর বিরুদ্ধে বলছেন? না হয় একটু বসেছি।’ আচ্ছা বাবা, উঠে দাঁড়াছি। রঞ্জু তুই ভাল করে বস, আমি উঠে দাঁড়াছি।’

সামনের লোকেরা বলল—‘ওরে বাবা, আপনাকে উঠতে হবে না বউদি, আপনি বসেই যা শট দিচ্ছেন, দাঁড়ালে আর দেখতে হবে না।’

কিন্তু কে কার কথা শোনে। কাজলের অভিমান হয়েছে পাশের মহিলার ওপর। সে সব সইতে পারে, বিশ্বাসঘাতকতা সইতে পারে না। সে উঠে দাঁড়ায় এবং তার রেখে যাওয়া শূন্য স্থানটিতে মাড়োয়ারিনী নিজের বিশাল বপু নামিয়ে দান। ‘শুক্ৰিয়া বহুজী, বহুতে বহুতে মেহেরবানি আপকী’—মারোয়াড়িনী বলেন এবং বাঙালিনী ফ্যাসফেসে গলায় টেঁচিয়ে ওঠেন—‘উঃ বাবাগো।’

নিম্পাপ চোখে তাঁর দিকে তাকায় কাজল—‘কী হল ভাই, আমি তো উঠলাম আপনার লাগল?’

ঠোঁটের কোণে পানের পিকের মতো চুটকিভরা হাসি লেগে রয়েছে কাজলের। ওদিকের সিট থেকে এক ছোকরা হাঁকে—‘আমি নামছি, বউদি আপনি এখানে বসুন, আর কষ্ট করবেন না।’

একটা হ্যাণ্ডেলের পর আর-এক হ্যাণ্ডেল হনুমতীর মতো অবলীলায় হাতাতে হাতাতে উলটো দিকের সিটে কাজল জমিয়ে বসে। ‘থ্যাং-কস ভাই।’ আমরা চিড়ে চ্যাপটা হতে থাকি। পরের স্টপেই বাঙালিনী হুড়মুড় করে নেমে যান। সামনের ঝুঁকে-পড়াদের মন্ডব্য—‘নেপোয় মারে বই।’

‘নেপোই বটে’—আর এক জন বলে—‘একেবারে নেপোলিয়ন’।—‘হাঁ হাঁ নেপোলিয়ান’ মারোয়াড়িনী বলেন। বাসসুদ্ধ লোক হই হই করে হেসে ওঠে। ইনক্লুডিং কাজল। মারোয়াড়িনী নিজেকে বিজৃত্তর করবার আগেই আমি একটু আলগা হই।

কাজল ওদিক থেকে বলে—‘রঞ্জু গুছিয়ে বসেছিস তো? একটু অ্যাডজাস্ট করে নে।’

—‘আপনি যা ব্যবস্থা করলেন, বউদি সিঁদি তো গুছিয়ে বসবেনই!’—এক ছোকরা বলে। অ্যাডজাস্ট হবে বই কী! অ্যাডজাস্টের বাপ হবে।’

কাজলের গম্ভীর গলা শুনতে পাই—‘বেশি ফকুড়ি করবেন না।’

এই ভাবেই যখন সুমিতাদের কলেজে পৌঁছই তখন আমাদের দুই বন্ধুর মধ্যে বাক্যালাপ নেই। কাজল অবশ্য প্রচুর সাধাসাধি করছে।

‘এই রঞ্জু রাগ করছিস কেন?’

‘বাসের মধ্যে আমাকে নাম ধরে ধরে ডাকছিল কেন? একটা প্রাইভেসি

নেই?’ উত্তরে কাজলা বলল—‘যবে থেকে আমার মেয়ে বড় হয়ে গেছে, তার পেছনে রোমিও লাগতে শুরু করেছে তবে থেকেই ভাই আমার ইনহিবিশন চলে গেছে। অত প্রাইভেসি-টেনিস মনে থাকে না। আরে তাদের এক যুগ আগে আমার বিয়ে হয়ে গেছে, মনে রাখিস আমি ভেতরের ভেতরের তাদের থেকে অনেক সিনিয়র, রাস্তার লোক বাসের লোক এদের আমার মনে হয় হাতে তেলোর মতো। কাউকে কমান্ড করতে ভয় পাই না বৃথকী?’

‘ঠিক আছে, তুমি কমান্ডান্ট থাকো। আমি তোমাকে বোঝাতে পারব না। আমাকে রেহাই দাও।’

আমরা দু’জনে ছাড়া ছাড়া ভাবে চলতে চলতে একটু আগে পিছে সুমিতাদের কলেজে ঢুকলাম।

কাজল গড়গড় করে এগিয়ে দিয়ে অফিসঘর পেরিয়ে, আরও কী কী সব পেরিয়ে, স্টাফরুম চুকে পড়ল। আমি গতিটা একটু মধুর করে দিই ইচ্ছে করে। কাজলের জোট বাঁধবার বাসনা আমার এই মুহুর্তে নেই।

শুনতে পাই বলছে—‘সুমিতা আজ এসেছে না ডুব মেরেছে?’
আমি তাড়াহুড়ি উঠে ওকে পার হয়ে যাই, খুব ভদ্র, মোলায়েম গলায় বলি—‘সাইকোলজির সুমিতা সরকার এসেছেন?’—বলতে বলতে কাজলের দিকে আড়চোখে কটমট করে তাকাই।

জনা দেশের মহিলা ও মেয়ে ঘরটায় হুড়িয়ে ছিটিয়ে বসে আছেন।
খুক খুক করে একটা হাসি চাপার আওয়াজ পেলাম।

এক মহিলা টেবিলের ওপর বিরাট একটা কাগজ হুড়িয়ে নির্বিত্ত মনে দেখছিলেন, চশমার ওপর দিয়ে বাকি মহিলাদের ওপর চোখ বুলিয়ে বললেন, এই নিয়ে পাঁচ হল।

‘আঁ? পাঁচ পাঁচ জন সুমিতাকে খুঁজতে এসেছে!’—কাজল ঢুকতে ঢুকতে চোঁচায়। কোনও ইনহিবিশন নেই।

খুক খুক আওয়াজটা এবার হুড়িয়ে যায়।

একটি মেয়ে মুখ তুলে স্মিত মুখে বলে, ‘আপনারা বসুন। বগানি ক্লটিন করছেন। আমাকে ক্লাসের কথা বলছেন, আপনাদের নয়।’

‘সুমিতা ক্লাসে গেছে,’ আর এক জন বললেন।

আমি বসি কাজলের খুব কাছ ঘেঁষে, ফিসফিস করে বলি—‘সুমিতা এলেই যেন আবার বিকাশকান্তিবাবুর কন্দুর টন্দুর বলে বসো না। তোমার তো মেয়ে বড় হয়ে গেছে, ইনহিবিশন নেই।’

কাজল ফিসফিস করে বলে—‘তুই কথা না বললে এগজ্যাক্টিব এটাই বলব এঁতে রেখেছিলাম। সোজা আঙুলে ঘি না উঠলে আঙুল বঁকাতেই হয়।’

এক জন আমার দিকে চেয়ে বলে উঠলেন—‘আচ্ছা আপনার মুখটা খুব চেনা-চেনা লাগছে। আপনার কী শান্তিনিকেতনে বাড়ি আছে? আপনাকে আর আপনার লাজবান্ডকে ক’দিনই যেন কোথায় বেড়াতে দেখলাম ওখানে।’

কাজল অমনি বামরে উঠল—‘কালো করে ? মোটা করে তো ? উনি আমার হাজব্যান্ড, গুঁর নয় ।’

কেমন একটা অপ্রস্তুত নীরবতার মধ্যে আমরা বসে রইলাম । ঢং । ঘণ্টা পড়ল । হাতঘড়ির দিকে তাকিয়ে দেখি দুটো কুড়ি । এ আবার কোন দেশি ঘণ্টা বাবা, হয় দুটোর পড় নয়তো দুটো পনেরোয় পড় আর নয়তো একেবারে আড়াইটেয় পড়িস । তারও দশ মিনিট পরে সুমিতা ছাত্রীদের লেজ পেছনে নিয়ে ঢুকলেন । হাতমুখ নেড়ে কী সব বোঝাতে বোঝাতে ঢুকছে । এ সবই কায়দা ওর । লাস্ট মোমেটে হয়তো এমন কিছু বলেছে যাতে ছাত্রীদের মনে হয়েছে—ইস্‌সু, এটা না জানলেই নয়, পরীক্ষায় নিবাঞ্ছিত আসছে । আর তাই পেছন নিয়েছে । এ সব সুমিতা দারুণ বোঝে । সাইকোলজির লোক তো ।

—‘আরে ব্যাপক ব্যাপার । তোরা ?’ সুমিতা মুখে হাসি ছড়িয়ে বলল ।
কাছে আসতে আমি বললাম—‘ব্যাপার ব্যাপক নয়, ব্যাপিকা । আমার পাশেই বসে রয়েছে । ভাল চাও তো বিদায় করো ।’

—‘সে তো করবই, তার আগে শিঙাড়া-টিঙাড়া খা । কখন বেরিয়েছিস ? চাও-মিন বলব ? না শিঙাড়াতেই হবে ? না কি এগ রোল ?’

—‘কী ব্যাপার ? কলেজের মধ্যে রেস্তোরা খুলেছিস না কি ?’
—‘আরে দূর । মেয়েরা আসতে চায় না, তাই প্রিন্সিপ্যাল নতুন চপ কাটলেটের ক্যানটিন খুলেছেন ।’

ঘরের মধ্যে আবার খুকখুক ।
—‘ভাল করে প্রাণ খুলেই হাসো না বাবা,’ সুমিতা কল্লীগদের দিকে ফিরে বলল ।

—‘আমার ক্লাস শেষ । চল ক্যান্টিনেই যাই ।’
—‘ক্যানটিনে তো আবার তোদের প্রিন্সিপ্যাল বসেন, ওখানে কথা বলা যাবে ?’

এ বার স্টাফরুমের সবাই সতিই প্রাণ খুলে হাসতে লাগল । বগদির পর্বত মনোযোগ আকৃষ্ট হল, ভিনি শ্রিত মুখে হাসিতে দুলতে লাগলেন ।

সুমিতা বলল—‘এটা বীভৎস দিলি তো ।’

কাজল কিন্তু হাসছেও না, কথাও বলছে না । ওর অত ফোলাফাঁপা উদ্ভাস যেন হঠাৎ স্নাতায় রাখা মুড়ির মতো মিিয়ে গেছে । আমি পরামর্শ দিই, ক্লাস যখন হয়েই গেছে, তখন আর কলেজ-ক্যানটিনে গিয়ে কাজ নেই, বেরোই, অন্য কোন্‌ও জায়গায় বসলেই হবে । আসলে আমার ভয় করছে কাজল কখন না বাস্ট করে । ওর তো আবার ইনহিবিশন নেই ।

রাসবিহারীর একটি রেস্তোরাঁর দোতলায় আমরা অতীত নির্জনতা পেলাম । কাজল বাস্ট করল—‘রঞ্জু তোকে বিশ্বাস করেছিলাম, তোকে বাইরের লোকেই আমার বরের সঙ্গে ঘুরতে দেখেছে । এবার কী বলবি বল ।’

আমি বলি—‘সেটাই তো প্রমাণ ।’

‘কীসের ?’

‘আমার বিশ্বস্ততার । আবার কীসের ? গোপনে গোপনে করিনি তো কিছু ?’
সবার সামনে ঘুরেছি, সবার সামনে কথা বলেছি । তোদের রেস্তোরাঁর বিল দেওয়ার ছিল, বাড়ি ভেঙেছি তোর বরের, সিনেমা তো এখনও হয়নি । আমি হয়তো ফ্রেন্ড পারফিউম পাবই না । তা ছাড়া কাজলা তুই যদি তোর নিজের বরকে এত সদেহের চোখে দেখিস তো এ খেলায় আদৌ নামলি কেন ?’
কাঁদো কাঁদো গলায় কাজলা বলল—‘দ্যাখ আমি কালো মেয়ে বলে আমার বিয়ে হচ্ছিল না, ঠাকুমা বলতেন কালো ঘর আলো, তা সে কথা তো সবাই বলবে না । বড়দের ডিসিশন হল অল্প বয়স থাকতে থাকতে বিয়ে দাও দাও, অল্প বয়সের একটা আলাদা শ্রী আছে । তা শুভদৃষ্টির সময়ে দেখে আশুত হলুম ওর কাছে আমিও ফরসা । খুব গদগদও ছিল । সে গদগদভাব ভাই অনেক দিন কেটে গেছে । নিশ্চিত ছিলাম গণ্ডারের মতো বর কেউ চাইবে না । গণ্ডার হোক ডুগিল হোক—লোকটা আমারই । তো এখন দেখছি—ট্রেস্পারামেন্টের দিক দিয়ে রঞ্জু সস্বেই ওর বেশি মিল । দু’জনেই সাহিত্য-টাহিত্য করে । রঞ্জু আমার মতো ওকে খেপিয়ে লাটও করে দেয় না । এখন মনটা যদি সতিই ফিরে যায় । আমার দাম্পত্য-জীবন চৌপাট । ছেলে এখনও চাকরি পায়নি, মেয়ের পড়া শেষ হয়নি...’

সুমিতা বলল, ‘সতি রঞ্জুদি, এত সিরিয়াস ?’

‘ধ্যাত’—আমি উড়িয়ে দিই ।

‘তা হলে তুই আজই চ—ও বাড়ি ফিরলে দু’জনকে দিয়ে কবুল করে নেই যে, তোদের দু’জনের মধ্যে কিছু নেই ।’

আমি ব্যস্ত হয়ে বলি—‘কাজলা এমন ভুল কদাপি করিস না, এ সব সাজেস্ট করতে নেই । করলেই মনের মধ্যে সঁটে যায় । সুমিতাকে জিজ্ঞেস কর ও তো সাইকোলজির লোক ।’

সুমিতা বোজ্জার মতো ঘাড় নাড়ল ।

‘তোর কন্দূর ?’

‘বহু দূর বহু দূর বাকি । এখন সাইকোঅ্যানালিসিস করব । শিগগির সিটিং । ভল্ললোক ইন্টারেস্টিং । ফাইন্ডিংস তোদের পরে বলব । রেস্তোরাঁর বিল মানে গ্র্যান্ডের বিলটা যদি চাস, এখনি দিয়ে দিতে পারি, জেরক্স করে রেখেছি, ওঁরটা ফিরিয়ে দিতে হয়েছে তো ইনকাম ট্যাক্স রিটার্নে লাগে ।’

‘তোর তা হলে পুরো সায়েন্টিফিক অ্যাপ্রোচ ?’

‘একেবারে ।’

‘আর তোর শুভম ?’

‘ওটার কথা আর বলিসনি, টুপি নিয়েই জমেছে । মালবিকাদিকে তো বাড়িতে এনে তুলেছে ।’

‘সে কী রে ?’

‘আর বলসনি। একদিন সন্ধ্যাবেলা বাড়ি ফিরে দেখি মালিকাদি আমাদের বেডরুমে জাকিয়ে বসে আছে আমার দুটো ছানা ওর কোলে-পিঠে শাশুড়ি ঠাকরুণ গান গাইছেন আর শুভম তবলায় ঠেকা দিচ্ছে পাজামা পাজাবি পরে। আমাকে দেখে শাশুড়ি ঘোমটা দিয়ে জিভ কাটলেন।’

‘এ কী সুমিতা তুমি এত তাড়াতাড়ি ফিরলে?’

আমি বলি, ‘বেশ তো “আমিও একাকী তুমিও একাকী” হচ্ছিল, থামলেন কেন?’

‘তোমার শাশুড়ি বুকি গান গাইতে পারেন?’

‘স্বীতিমতো। এদিক ওদিক থেকে সুর ভেসে আসে শুনি, ছবি বাঁড়জের মতো গলা। আমি এলেই চুপ, যেন আমিই ওঁর শাশুড়ি।’

‘ও তো আজকালকার দিনে তো রোল উলটেই দিয়েছিস তোরা।’

‘বাজে বকিসনি। তো শুভম কী বললে জানিস?’

‘কী?’

‘বললে, “তা হলেই বোঝো তুমি কতটা বেরসিক।” আমার ছানাদুটো হেসে উঠল। আমি বললুম—“তা এ মহিলাটি কে?” ছানারা সমবেত কণ্ঠে বলে উঠল—“মালিকাদি মালিকাদি।”

‘মালিকাদি? মাসি বলতে পারো না? আমি বলেছি।’ ‘আয় আয়, রাগ করছিস কেন?’ ‘উনি বললেন, “আমি ইউনিভার্সাল মালিকাদি। তোমরও, তোমর বরেরও, তোমর মেয়েদেরও, এমন কি মাসিমাও আমাকে মালিকাদি বলছেন।” শুভম বলল—“আরে, তোমরা কি পরস্পরকে চেনো না কি?’

‘ইডিয়ট একটা, কাজলার বক্তব্য।’

মালিকাদি বলল—‘কফি হাউসে শুভমের সঙ্গে আলাপ, সে একেবারে জমজমাট বুঝলি সুমিতা। তখন তো বুঝতে পারিনি তোমর বর, তাই প্রচুর ঘাড় ভেঙেছি। তা আজ এই বাড়িতে ধরে নিয়ে এল। মতিলাল নেহরু রোড, সাত নম্বর দেখেই তো বুঝেছি তোমার বাড়ি। তারপর এই কুচিদুটোকে দেখে সন্দেহ একেবারে ঘুচে গেল। দুটো ছোট্ট সুমিতা। তখন থেকে তোমর জন্যে অপেক্ষা করে বসে আছি। কিছু ভাঙিনি। শুভম নিরাশ গলায় বললে—পৃথিবীর সবার সঙ্গে কি তোমার চেনা? কোথায় ভাবলুম একটা প্লেজেন্ট সারগ্রাইজ দেব।’

‘প্লেজেন্ট কি আনপ্লেজেন্ট আবার দ্যাখ’—মালিকাদি শাশুড়িকে পান দিল, শুভমকে পান দিল, নিজে পান মুখে পুরল। শাশুড়ি বললেন—‘খুব প্লেজেন্ট, খুব প্লেজেন্ট, বলে “মম চিন্তে নিতি নৃতো” ধরে ফেললেন, মেয়ে দুটোর এ নাচটা জ্বর তোলা ছিল, ওরা অমনি তাধিন তাধিন আরম্ভ করে দিল, শুভমের সেন কী তবলাবাদন, কাঁধদুটো উঠছে নামছে-উঠছে নামছে। ফলে আমাকেও দু’চারটে কিগার দিতে হল, মালিকাদি দেখি পায়ে তাল দিচ্ছে, শেষ হলে বলল—কেয়াবাত, কেয়াবাত, আমি বললুম এটা কথক নয়, কেয়াবাত বলে ১১৪

না। এটা ওড়িশি। তখন কী বলল জানিস?’

‘কী?’

‘উত্তম-অ ইউটি।’

বাস। এই কথায় ফট করে আমার স্বপ্নটা মনে পড়ে গেল। তাড়াতাড়ি বললুম, ‘এই সুমিতা একটা অদ্ভুত স্বপ্ন দেখেছি তার কিনারা করে দে তো।’

‘ওঃ, তুই আবার স্বপ্নের পুঁটলি খুলবি?’

‘কেন, তোমর বোর লাগে?’

‘না, তা নয়। কদিন আ্যানলিসিসটা একটু অতিরিক্ত হয়ে যাচ্ছে তো?’

‘সেটা করছিস নিজের ঢাকাই শাড়ির স্বার্থে। আর এটা একটা বিশুদ্ধ আকাজেডেমিক ব্যাপার।’

‘তো বল।’

বললাম।

চকচকে চোখে ‘সাইকোলজির লোক’ বললেন—‘একটু ভাবি, পরে বলব। একটা দিন অন্তত সময় দে।’

ফেরবার সময়ে কাজলের ঘোর আপত্তি সত্ত্বেও আমরা একটা ট্যাকসি নিই। কাজলাকে নিয়ে বাসে ওঠার ঝুঁকি আর নিচ্ছি না। সুমিতা অভিভাবকের মতো বলল—‘দিদিদের ভাল করে পৌছে দেবেন সর্দারজি।’

‘জরুর জরুর।’

‘টাইম কেতনা লাগে গা?’

‘এক ঘণ্টা, ওঁর কেতনা!’

ট্যাকসিতেও কাজল ঝঞ্জাট বাঁধাল।

ট্যাকসি ড্রাইভারের নাম জিজেস করল—নাম ভগৎ সিং। তখন কাজল জানতে চাইল বিপ্লবী ভগৎ সিং-এর ইনি কেউ হন কি না, নাতি কি, পুতি কি কিছু। সর্দারজি বিপ্লবী ভগৎ সিংয়ের নাম শোনেননি। তখন কাজল একদিক থেকে বলদেও সিং, জৈল সিং, বুটা সিং, মিলখা সিং, বিবেশ সিং বেদী, নভজোত সিং সিধু হয়ে রিল্যাক সিং-এ এসে থামল। ঐদের সকলকেই সর্দারজি চেনেন খবরের কাগজের পাতায় যেমন আমরাও চিনি। খালি রিল্যাক সিংকে সর্দারজি কিছুতেই চিনতে পারলেন না। এক হাত স্টায়ারিংয়ে এক হাত নুন মরিচ দাড়িতে—‘রিল্যাক সিং? ইয়ে শুভনাম তো মায়নে কভুন্নি শুনা নহী থা।’ সর্দারজি—‘ঘাড় নাড়তে থাকেন। তখন কাজল সেই বহুশ্রুত গল্পটি সর্দারজিকে বলে—‘জানেন তো সর্দারজি, মিলখা সিং এক বার দৌড়লাস্ত হয়ে বসে আছেন, এক জন তাকে জিজেস করলেন—আ ইউ রিল্যাক সিং? তাতে মিলখা সিং জবাব দিলেন—নো আ আম্ম মিলখা সিং।’ সর্দারজি গিয়ার চেঞ্জ করতে করতে বললেন—‘তো উনহোনে তো ঠিকই কিয়া বহেনন্নি। উও তো মিলখা সিং-ই থা, রিল্যাক সিংজি কেই দূসরা থিলাড়ি হোগা, ঠিক ইয়া নহী?’

কাজল বলল—“হাঁ হাঁ ঠিক ঠিক। বিলকুল ঠিক बात।” আমি ভয়ে ভয়ে থাকি। এ বার ও বলতেও সিং-এর সেই বিখ্যাত গল্পগুলো স্ক্রল থেকে ঝাড়বে না কি? ইনহিবিশন তো নেই-ই ওর দেখা যাচ্ছে কোনও কাণ্ডজ্ঞান নেই। কিন্তু না, কাজল এ বার ইনিয়ে বিনিয়ে যশজিৎ সিং-এর কথা জিজ্ঞেস করে।

‘ভবানীপুরে উসকো রোটি তরকারী দুকান হায়। পহচানতা হায় আপ প?’

‘জরুর জরুর। দুকান তো উসকো পিতাজিকা হায়। বহোৎ বড়া ধাবা বহেনজি।’ এ বার কাজল সোৎসাহে বলল ‘উসকো এক বংগালি গার্ল ব্রেন্ড হায়, রাংতা? পহেচানতা আপ?’ বাস বোম ফেটে গেল গাড়ির ভেতর।

‘মনজিৎ সিংজিকা আওলাদ যশজিৎ লড়কি ঘুমাতে? আপ নে খুদকো আঁখ সে দেখা?’

কাজল চুপ। সদরজি গাড়ির স্পিড বাড়িয়ে দিলেন।

আস্তে আস্তে। আমি অনেকবার বললাম। কোনও কাজ হল না। রিয়ারভিউ আয়নার মধ্যে মাঝে মাঝে শুধু বলসে উঠছে, দুটো জলন্ত কয়লার মতো চোখ, ফুলে-ওটা কাঁচাপাকা দাড়ি, টেপা ঠোঁট।

প্রাণ হাতে করে বাড়ি ফিরে এলাম পাক্সা পঁচিশ মিনিটের মধ্যে। গড়িয়াহট টু যাদু ঘোষের লেন। দু’জনে একসঙ্গে উঠেছি, একসঙ্গে নামব। মরতে হলে দু’জনে একসঙ্গে মরব। আমার বাড়ির দোরগোড়ায় পৌঁছে সদরজিকে দশটা টাকা বেশি দিলাম। গম্ভীর মুখে দশ টাকা ফিরিয়ে দিয়ে ঝড়ের বেগে চলে গেলেন সদরজি।

আমি বললাম—“কাজল, একটা রিকশা নিয়ে বাড়ি চলে যা।”

‘এক কাপ চা খেতাম।’ কাজল বলল। ‘বাড়িতে চা নেই।’ আমার মুখ দেখে কাজল আর কিছু বলবার সাহস পেল না। নিতাই রিকশাওয়ালা আমাদের খুব চেনা, তাকে ডেকে কাজলকে উঠিয়ে দিয়ে বাড়ি ঢুকে গেলাম।

ভয়ে আর রাগে ভুলেই গিয়েছিলাম বাড়িতে শিল্পীকে বসিয়ে গেছি।

ভুবভুব করে খুব সুন্দর গন্ধ বেরোচ্ছে রামার। অচেনা-অচেনা বিদেশি-বিদেশি গন্ধ। শিল্পী আমার একটা হাউজকেট পরে রামায়ের থেকে বেরিয়ে এল।

‘তুমি এর মধ্যে?’

‘অসুবিধা হল?’ আমি গম্ভীর।

‘বা, রে নিরুপমদা তো এখনও আসেইনি। কত কষ্ট করে তাই রামা করছি।’

‘আমি থাকলে কি খাওয়াটাও নিরাপদে হবে না, আমি কি বেরিয়ে যাব?’

‘বাবা ফায়ার ব্রিগেড হরে আছ যে। হলোটা কী?’

‘প্রাণটা আজকে যেতে বসেছিল, মান তো গেছেই, তোমাদের কাজলদিকে

নিয়ে আমি আর কখনও বেরোছি না।’

‘সে তো আমরা অনেক দিনই জানি। গঙ্গা জামাইবাবুর একটা গাড়ি কেনা উচিত। ট্রামে-বাসে ট্রাভল করার পক্ষে কাজলদি নিরাপদ নয়। আমাকে নিলেই পারতে।’

‘এটা তো আগেও সাজেস্ট করতে পারতে। তখন তো আমি থাকব না, আমার অনুপস্থিতিতে এ বাড়ি আসতে পাবে শুনেই নেচে উঠলে।’

‘যাও যাও বিশ্রাম করো গে যাও,’ শিল্পী বলল, ‘মেজাজ ঠাণ্ডা হলে নেমো। আমি বাবা রামাটা শেষ করি গে।’

কাঁচায় কাঁচায় সাড়ে পাঁচটার সময়ে সুমিতা ফোন করল।

‘কি রে রঞ্জুদি, পৌঁছেছিস?’

‘আমার চোন্দো পুরুষের ভাগ্য তাই যে নিজসদনে পৌঁছেছি। যমসদনেই যাবার কথা ছিল।’

‘সে কী? অ্যাকসিডেন্ট?’

‘নাঃ, তার চেয়েও খারাপ। কাজল!’

‘কাজল? কা-জল? ওঃ কাজল! আবার গণ্ডগোল করেছে?’

‘আবার?’ ‘যাক বেঁচে আছিস তা হলে। তোর স্বপ্নটার অ্যানালিসিস দেবার জন্যে ফোন করলুম। চেম্বার থেকে করছি।’

‘এর মধ্যে হয়ে গেল? বললি যে দু’একদিন সময় দিতে?’

‘আরে ভুলুবি হয়ে গেছিল। কাজলদির সামনে বলতে চাইনি।’

‘কেন?’

‘আরে এমনিতেই যা শেকি হয়ে আছে।’

‘ওর সঙ্গে আমার স্বপ্নের কী সম্পর্ক?’

‘ঘনিষ্ঠ সম্পর্ক তাই। উত্তমকুমারটা উত্তমকুমার নয়।’

‘উত্তমকুমার উত্তমকুমার নয়? এ কি হৈয়ালি না ধাঁধা?’

‘আরে বাবা ওটা গঙ্গাপ্রসাদ মন্ডির।’

‘কিছুই বুঝতে পারছি না।’

‘শোন, সম্প্রতি তুই কোনও পুং দ্বারা আলোড়িত প্রভাবিত হয়েছিস। এখন তার সঙ্গে তুই কথা বলতে চাস, সম্পর্ক পাতাতে চাস, কিন্তু তোর বিবেক, আমাদের ভাষায় তোর সুপারইগো তোকে ধমকাচ্ছে, তাই তুই মানে তোর অবচেতন একটা প্রতীক বেছে নিয়েছে, একটা কমন সিগন্যাল। উত্তমকুমার সেই সিগন্যাল।’

‘মানে বলছিস গঙ্গাপ্রসাদে উত্তমকুমারে অভেদ।’

‘এগজ্যাক্সিলি।’

‘গঙ্গাদা এই অভেদে খুশি হলেও হতে পারেন। কিন্তু উত্তমকুমার বড্ড রাগ করবেন।’

‘আরে তিনি তো আর রাগ-খাল করবার জন্য বেঁচে নেই !’

‘তা তোর এই বিশ্লেষণ কি অশ্রদ্ধা ?’

‘মোস্ট প্রবাবলি। মন খারাপ করিসনি রঞ্জুদি, মনের অগোচরে তো পাপ নেই।’

কিন্তু আমার মনটা খারাপ হয়ে যায়। আসল কথা মনের গোচর থাকলেই আমি স্বস্তি পেতাম। মনের অগোচর মানেই তো, আরও গভীরে। মনের গোচরে, মানে সজ্ঞানে তো আমি গঙ্গাপ্রসাদকে পছন্দ করছি। তাঁর অত সুন্দর কণ্ঠস্বর, অত ভাল আবৃত্তি করেন, জীবনানন্দ আমারও পাশন, সেই জীবনানন্দ উনি অমন উয়ে উয়ে ছেনে ছেনে ব্যাখ্যা করেন। তারপর আমার নাম নিয়ে উনি অমন সুন্দর রোম্যান্টিক কবিতা পড়েন। খুবই বোঝা এবং রসিক মানুষ। পছন্দ করেছি বলেই ওঁকে আমি গঙ্গাদা বলে ডেকেছি। কাজল ওঁকে গণ্ডার বললেও আমি তাকে আরও শিল্পিত করেছি ওঁর মধ্যে এক শাস্ত স্বভাব অথচ গতিময় বাইসনকে দেখেছি, গুহাচিত্রের মতো ঠিক। উনি এমনই আসুন না, গল্প করুন না, সাহিত্য নিয়ে যেই কথাবার্তা শুরু হবে কাজল তো দু-একটা টিপ্সনী কেটে শেফালির সঙ্গে আড্ডা দিতে উঠে যাবেই। নিরপম যখন দেখবে দেশের বর্তমান অবস্থা সম্পর্কে গঙ্গাপ্রসাদ ওয়াকিবহাল নয়, তখন মুখে এক গোপন পাতি বুজেরাপ্রাণিত গেরেস্তারি প্লেমের হাসি নিয়ে পত্র-পত্রিকায় মনোনিবেশ করবেই। সে সময়ে গঙ্গাপ্রসাদ ‘মালবান’ প্রসঙ্গে আসুন না, রবীন্দ্রনাথের ছবি আর জীবনানন্দের উপন্যাস যে মনস্তাত্ত্বিক অবস্থানে একই, সেই তুলনা করুন না, আমি শুনি, আমার অল্পবয়স্ক বা বিদ্যে বা বোধ আছে তাকে কাজল করতে দিই। এই সব। এই সব আমি চিনি। কিন্তু মনের অগোচরে মহানায়কের ছদ্মবেশ বাপটি মেরে বসে থাকা গঙ্গাপ্রসাদকে তো আমি চিনি না। চাই না।

দ্বিতীয় অধিবেশন

আমাদের পরবর্তী আড্ডার দিন স্থির হয়ে গেছে। কাজলের বাড়িতে গঙ্গাপ্রসাদ এবং অনীক-তীর্ণা ও তাদের বন্ধুরা সূতরাং কাজলের বাড়ি বাদ হয়ে যায়। মালবিকাদির বাড়ি অনেক শরিক। নিজেদের অংশ ঠিকই আছে। কিন্তু পাঁচলি টাচিল নেই। তা ছাড়া বিকাশকান্তিবাণু অফিস থেকে ফিরবেন, তিনি তারপরও গুরুত্বপূর্ণ কাজ করেন নীরবতা চাই, সূতরাং এ বাড়িও বাদ। সুমিতাদের বাড়িতেও শশুর-শাশুড়ি তাঁরা খুবই মাই ডিয়ার তবু... তা ছাড়া সুমিতার মেয়েরা আছে, শুভমও তো বাড়ি আছে। সুবিধে হবে না। শিল্পী খুব ধরেছিল আড্ডা ওর বাড়িতে হোক, কিন্তু চন্দন একেকদিন বড্ড তাড়াতাড়ি বাড়ি ফেরে, বাড়িলি কত দিলাম। সব দিক বুঝে শুনে যাদু ঘোষের স্ট্রিটেই দ্বিতীয় অধিবেশনের ভেনু স্থির হয়। নিরপম গভাই গড়াতে গড়াতে রাস্তির আটটা ১১৮

সাড়ে আটটা করে ফেলেন। শাস্তর এখনও হাত বাঁধা, কিন্তু বিকেলে সে ক্লাবে যেতে পারছে। নিজে না খেললে কী হবে, অন্যদের খেলা তার দেখা চাই-ই। তারপর সন্ধ্যায় বাড়ি ফিরে তার নতুন টিউটর হয়েছে প্রশান্তদা, সে এলেই শাস্ত নিজের ঘরে চুপচাপ। প্রশান্তদা পড়াশোনাতো সোনার চাঁদ, অ্যাথলেটিকসেও প্রচুর মেডেল। সূতরাং প্রশান্তদা এখন শাস্তশীলের হিরো। সলমন খান-শাহরুখ খান না হয়ে প্রশান্তদা হিরো হওয়ায় আমরাও খুব নিশ্চিন্ত।

মালবিকাদি বলেছে মাংসের চপ নিয়ে আসবে, শিল্পীর অবদান ফিশ বলস ইন তো মিয়াম উইথ বেসিল লিভস, আবার শেফালি বলেছে মুড়ি বেগুনি সাপ্লাই দেবে যত লাগে, কাজল পাড়ার দোকান থেকে সরভাজা আনছে আর সুমিতা নাকি কুইন এলিজাবেথ যে চা খান সেই জিনিষ পেয়েছে, তা-ই আনছে।

আমরা শনি রবিবারে আড্ডা দিই না। উইক ডে-তে দিই। আজও শুক্রবার।

শিল্পীই সবচেয়ে আগে এল। ওর বর ওকে পৌঁছে দিয়ে গেল। নিরাট এক হাওয়ার মতো ক্যাসেরোল নামাল গাড়ি থেকে। এরই মধ্যে সেই ফিশ বলস ইন তো মিয়াম উইথ বেসিল লিভস।

চন্দনকেও ডাকলুম—‘আসুন না, একটু বসে যাবেন।’

‘আরে ম্যাডাম আমি এয়ারপোর্ট যাচ্ছি, জামানি থেকে কোম্পানির গেস্ট আসছে রিসিভ করতে হবে।’

‘তা হলে ফেরবার সময়ে! কাজল থাকবে।’

‘আরে কাজলা তো আমায় বলেনি কিছু! বললে না হয় আগে থেকে এয়ারপোর্টে একটা ব্যবস্থা-ট্যাবস্থা করা যেত।’

‘ও কাজলা বললে? আমরা বলছি সেটা কিছু না?’

‘আরে মশাই কলেজের প্রেম, এ ডাকের রোম্যান্সই আলাদা...’

বলেই চন্দন হুশ করে বেরিয়ে গেল।

‘দেখলে? দেখলে? শিল্পী আমায় বলল।

আমি বললাম, ‘নিরপমদা কিন্তু বেরিয়ে গেছে আরও সকালে।’

‘কী হিংসুটি। কী হিংসুটি! আমি যেন জানি না নিরপমদা কখন বেরোবে। কিন্তু শাস্ত আর নিরপমদার জন্যে তো মিয়াম আগে সরিয়ে রাখো, মালবিকাদির হাতে পড়লে এক ফৌটও থাকবে না।’

আমি ডাকলুম, ‘শেফালি!’

গৃহিণীপনায় আমি একেবারেই অচল অধম। শেফালি আর শিল্পী মিলে যা হয় করুক। শিল্পী শুধু তাই খাবারই আনেনি, খাবার সুন্দর সুন্দর কাচের তাই বাটিও এনেছে, বাটি, চামচ, স্টেট।

বলে, ‘তোমার তো কিছু নেই। হয়তো কাঁসার বাটি বার করে দেবে।’

যা খুশি বলুক—আমার আজকে খুব পুলক। কেননা, আপনারা বললে ১১৯

বিশ্বাস করবেন কি না জানি না আমারও কিছু ভক্ত পাঠক আছে, তারা আজ সকালে আমাকে রাশি রাশি ফুল দিয়ে গেছে। নিউ মার্কেটে আরও কোথায় কোথায় এদের ফুলের দোকান আছে। ফুলের চাব করে। শুনতে খুব খারাপ লাগে কিন্তু ওরা ফুলকে 'মালা' বলে। বরার ফুল দিয়েছে প্রচুর ডবল জুঁই, মালতী, কেয়া, জুঁইগুলো মালা গাঁথা, দিয়েছে গোলাপও, দ্বিধং হলুদ আভাযুক্ত সাদা গোলাপ। বলে গেল, 'মালটা এসে দিদি। গন্ধে মাত করে দেবে।'।

আমি বসবার ঘরটায় গোল একটা সাইড-টেবলের ওপর তোলা কাঁসার কানা উচু থালায় কাঁচা শালপাতা পেতে জুঁইয়ের মালা কয়েকটা ঘুরিয়ে ঘুরিয়ে গোল করে রাখি। একটা কোণে একটা কেয়া রাখি কালো পাথরের গেলসে। আর মাঝখানে বড় কাপেটিটা পেতে কাঁসার ভাবরে গোলাপগুলো গুচ্ছ করে রাখি। তারপর দরজাটা বন্ধ করে দিই। এর পরেও যথেষ্ট ফুল থেকে যায়। আমাদের প্রত্যেক শোবার ঘরে, পড়ার ঘরে কোনও না কোনও মহাপুরুষের ছবি আছে।

আমার ঘরে শ্রীচৈতন্য, নিরুপমের ঘরে ঠাকুর রামকৃষ্ণ ও সারদা মা, শান্তর ঘরে বিবেকানন্দ। সব ছবিতে আমি মালা পরিয়ে দিই। এ ছাড়াও আমার ঘরে রাখি কেয়া, নিরুপমের ঘরে গোলাপ, শান্তর ঘরে মালতী, আর শেফালির ঘরে শ্রীদেবীর একটা আর মা কালীর একটা ক্যালেন্ডার আছে, ওর উপাস্যা দেবী। এঁদের গলাতেও জুঁইয়ের মালা পরিয়ে দিই।

একটার সময়ে সরভাজার বাস্ট্র নিয়ে কাজলা এসে যায়। হাতে একটা লম্বা থলে, কিছুতেই সেটা হাত ছাড়া করে না সে। দুটো বাজতে পনেরো মিনিটের মাধ্যম আসে মালবিকাদি গোটাগুটি একটা টিপিনকারি হাতে বুলিয়ে।

'গজব থেকে কিনে আনোনি তো ?' কাজল জিজ্ঞেস করে।

'হঁহ। এ হচ্ছে ঘোষাল ফ্যামিলির ট্রেড সিক্রেট, কোনও গজবে এ জিনিস পাবি না।'

সুমিতা যে লেট লতিফ সেও কটায় কটায় দুটোয় এসে গেল। বললে, 'শেফালি তোমাদের চায়ের পট গরম জল, আর ভিন্ন দিয়ে খোও, তোলা চায়ের সেট বার করো। গোরুর দুধ এনেছি, ফুটিয়ে চাপা দিয়ে রাখবে, তা সঙ্গেও সর পড়ে গেলে তুলে দেবে, চিনি দুধ সব পটে রাখবে কটায় কটায় আড়াইটে বাজতে পাঁচ মিনিটে জল বসাবে, টগবগ করে ফোটাবার সঙ্গে সঙ্গে ঝটপট পার কাপ এক চামচ করে পাতা পটে দিয়ে গ্যাস অফ করে দেবে। জলটা এক দফায় ঢালবে। ভাল ধার কাটে এমন সসপ্যান নিয়ো। তারপর এডরিথিং চায়ের পট, হাঁকনি, দুধ চিনির পট সব সুদ্ধ আমাদের ওখানে দিয়ে এসো।'

কাপ-প্লেট চামচ হাঁকনি সুমিতা নিজেই ট্রে-সুদ্ধ নিয়ে আজ্ঞা ঘরে চুক গেল।

দুকেই সন্ধ্যাই বলল, 'আ-হ, এ যে ফুলশয্যার ঘর সাজিয়েছিস রে রঞ্জু।'

সুমিতা বলল, 'এ মা। সব মাটি করে দিলে।' প্রায় কৈদে ফেলে আর

কি।

'আজ্ঞা বেরসিক তো।' শিল্পী কাজল সবাই তেড়ে উঠল। মালবিকাদি এই মারে তো সেই মারে।

'মেয়েটা এক দিনের জন্যে নিজের মনোমত ফুল সাজিয়েছে, আর তুই তোর ইকোবানা ফলাতে এসেছিস ?'

'ইকোবানা নয় ?' কৌদো-কৌদো গলায় সুমিতা বলল, 'এত ফুলের গন্ধের মধ্যে চুমু খাওয়া যায় কিন্তু রানির চা খাওয়া যায় না। রঞ্জু তুই মিজ অস্তত কেয়া আর জুঁইগুলো সরা।'

'কী আশ্চর্য, আমি বলি— কেয়ার গন্ধ এখনও বেরোয়ইনি। রাতে বেরোবে।'।

'জুঁইয়েরটা বেরোচ্ছে, ভুরভুর করে বেরোচ্ছে, মিজ রঞ্জু, চা খাওয়া হয়ে গেলেই আমি আবার ঠিক জায়গায় রেখে দেব।'

কী আর করা। জুঁইয়ের মালা সুদ্ধ টেবিল আমি খাবার ঘরে রেখে আসি। কেয়াফুলের গেলস খাবার টেবিলের ওপর শোভা পায় আপাতত।

আড়াইটে পর্যন্ত সাংঘাতিক টেনশনে কাটে আমাদের। রানির চা খাওয়ার বাসন, পরিবেশ, রানির চা তৈরি করার প্রক্রিয়া সবই এত সুকুমার যে আমরা ভেতরে ভেতরে নিজেদের গলিয়ে গলিয়ে নরম করে ফেলাতে থাকি। চায়ের ডেলিকেটত্বর সঙ্গে নিজেদের প্রতিষ্ঠিত করবার চেষ্টা করে যাই। শিল্পী আতর মেখে এসেছে টের পেয়ে তার শরীরের কোনও নিভৃত কোণ থেকে আতরভেজা তুলোর টুকরো সুমিতা টেনে বার করে ফেলে দেয়। মালবিকাদিকে প্রথমে ডেটল সাবান তারপরে লিরিল দিয়ে হাত ধুয়ে আসতে বলে। মালবিকাদির হাত দিয়ে নাকি এখনও মাংসের গন্ধ বেরোচ্ছে। এ-ও সে মনে করিয়ে দেয় যে পান-জন্দের সঙ্গে রানির চা চলে না। একমাত্র কাজল তার ক্রোত্র পারফ্যুম-মাখা শাড়ি পরে নির্বিকার বসে থাকে। সুমিতা তাকে অনেক সাধাসাধি করে—'মা না রঞ্জুদির একখানা পাটভাঙা শাড়ি পরে আয় না।' কাজল বলে সে কোনও পারফ্যুমই মাখেনি। বড্ড গরম তাই একটু ঘেমেছে।

বললে 'সত্যি তোরা একটা মিষ্টি-মিষ্টি গন্ধ পাচ্ছিস ? শুনেছিলাম বটে পশ্বিনী নারীদের শরীরের নির্যাসে পদ্মগন্ধ থাকে। সে ক্ষেত্রে আমাকে সরে যেতে হয়, আমাকে বাদ দিয়েই তোরা রানির চা খা।'

তারই কাছে একমাত্র সুমিতা হেরে যায়। তবে সে বারে বারেই আমাদের দাস মনোভাবের কঠোর সমালোচনা করে।—'রানির চা আবার কী ? দার্জিলিঙের চা। আমাদের ভারতবর্ষের, পশ্চিমবঙ্গের, দার্জিলিঙের চা। ইংল্যান্ডের রানি আমাদেরটা খান।' অথচ 'রানির চা' কথাটাও নিজেই বলেছিল।

শেষ পর্যন্ত আড়াইটে বেজে এক মিনিটে আমরা সেই দুর্ধর্ষ চা পান করি।

দেখতে ন্যাতা-ধোয়া জলের মতো। খুব ডাল হলেও আহামরি কিছু নয়। মালবিকাদি তো কোনও গন্ধই পায় না। তারপর আবার জুইফুলের টেবিল আসে, কেয়াফুলের গেলাস আসে। এবং আমরা আমাদের গর্বেষণার ফলাফল এবং প্রমাণ সব বার করতে ব্যস্ত হয়ে পড়ি।

মালবিকাদির বিল মোট এগারোটা—সাবির, আমিনিয়া, গজব, সুতানুটি জংশন, ওয়ালডর্ফ, ব্রু ফক্স, জ্যাম্বাসি, পিটার কাট, বাসিগঞ্জ খাবা, তাজবেঙ্গলের সোনার বাংলা এবং বাঙালির আদর্শ হোটেল। মোট সাড়ে চার হাজার টাকার বিল সিনেমা-থিয়েটার গানের আসর মিলিয়ে ন' জোড়া টিকিট। মালবিকাদি খুব লজ্জিত গলায় বলে, 'কিছু মনে করিসনি সুমিতা, আমিও যত খেতে পারি, তোর বরটাও তত খেতে পারে, আর চারটে মাস মোটে ছুটি বোচোরি, তুই তোর সাইকোথেরাপি নিয়ে ব্যস্ত, ওকে তো থিয়েটার-সিনেমাগুলো দেখতে হবে।'

—'আমি কি তোমাকে কিছু বলছি? ' সুমিতা বলল।

মালবিকাদি বলল—'তবে ছেলোটা সত্যি ছেলেমানুষ। সুমিতার ধারণার সঙ্গে আমার ইমপ্রেশান একবারে মিলে গেছে 'মজাদার, আমুদে। আচ্ছ সুমিতা রাধেশ্যাম বলে ওর কোনও বন্ধু আছে?'

—'সেই হতভাগ্যর সঙ্গেও তোমার আলাপ করিয়ে দিয়েছে না কি?'

—'না, তা নয়। আসলে ওর হাজাজি চাকরির মূলে ওই রাধেশ্যাম।'

—'হ্যাঁ শুনেছি বটে, রাধেশ্যামের নাম ওর ঠিক আগে ছিল, রাধেশ্যাম না নিতে নাকি ও ম্যারিনে চাপ পায়।'

—'ব্যাপারটা ঠিক তা নয়।' মালবিকাদি বলে, 'ওর মধ্যে একটা রোমান্টিক বিষণ্ণ দিক আছে সেটা সুমিতা লক্ষ করিসনি কেন জানি না। আসলে ও খুব দাগা পেয়েছিল। ওই রাধেশ্যামই ওর প্রথম প্রেমিকার সঙ্গে ভিড়ে যায়। এ কথা ও কাউকেই কোনওদিন বলেনি। সুমিতা তুমিও কখনওই ওকে বলবে না যে আমি বলছি। সুমিতাকে অনেকটা সেই মেয়েটির মতো দেখতে বলেই ও সুমিতার থেকে পালিয়ে বেড়ায়, আবার ছুটেও আসে।'

সুমিতা ওর ব্যাগ থেকে একটা শ্যানেল নফাইন্ডের মোড়ক বার করে দেয়। ওর মুখে কথা নেই।

সেকেন্ড গেল কাজলা। আটটা রেস্টোরাঁ, পাঁচটা নন্দন, রবীন্দ্রসদন। পরীক্ষা করে নিয়ে সুমিতা আর একটা মোড়ক বার করে।

'তোমার কী বলবার আছে বোলা।'

কাজলা বলে 'আছে। কিন্তু শিল্পী যদি ভয় পেয়ে যায়।'

'কেন? কী হয়েছে? শিল্পী আতকে ওঠে—'আর একটা বিয়ে করেছে নাকি? বিগ্যামি? সে পক্ষেরও একটা ছেলে?'

'আরে না না। নিমাই সন্ন্যাস।'

'তার মানে?'

'চন্দন হস্তায় দুদিন করে বেলুড় মঠ-দক্ষিণেশ্বরে যায় জানতিস?'

'না তো!'

'সন্ন্যাস নিতে চাইছে। স্বামীজিরা কিছুতেই রাজি হচ্ছে না বলে আটকে আছে ব্যাপারটা। যেদিন হবেন সেদিনই ও তুলতুল, শিল্পী, বিশ হাজারি চাকরি, দেশভ্রমণ সমস্ত ছেড়ে চলে যাবে।'

শিল্পীর মুখ ফ্যাকাশে হয়ে গেছে, সে বলল—'সত্যি বলছ?'

'মিথো বলে আমার লাভ? নিজেও ভক্ত, বৈরাগ্য এসে গেছে এই সব ভাব-টাব করে ওর পেট থেকে কথা বার করেছে। অত কৃষ্ণমূর্তি পড়ে তখনই তোর বোঝা উচিত ছিল। ফিলসফিকাল বেক্ট'

শিল্পী পুতুলের মতো ওর ব্যাগ থেকে রেস্তোরাঁর বিলগুলো বার করে দিল। চারটে রেস্তোরাঁ, তিনটে দর্পণ, রবীন্দ্রসদন আর কলামন্দির।

ছলছলে চোখে বোজা গলায় বলল—'রঞ্জুদি তোমাদের এত খরচ করিয়ে দিয়েছি বলেই বোধ হয় আমার এমন শাস্তি হল। তবে বিশ্বাস করো এর চেয়ে বেশি আমি নিরুপদাকে রান্না করেই খাইয়েছি। সে তুলনায় তোমার বরের পকেট এখন কিছু ফাঁকা হয়নি।'

'আমি কি তোকে কিছু বলছি? ' আমি নরম গলায় বলি।

সুমিতার দেওয়া পারফ্যুমের শিশিটা যেমন কে তেমন পড়ে থাকে।

'কিন্তু রঞ্জুদি একটা কথা আমি বলতে বাধ্য হচ্ছি' শিল্পী বলল—'নিরুপদা তোমাকে যথেষ্ট ভালবাসে এবং মিস করে। আসলে তুমি ওর থেকে সুপিরিয়র এই একটা ওয়ারি, নুশ্চিন্তা সব সময়ে কাজ করে যাচ্ছে ওর ভেতর, তাই তোমার কাছে নিজেকে ওপন করতে পারে না। আমি এটার আভাস পেয়েছি। সত্যিই বলছি, নিরুপদার ওপর এখন আমার একটা রীতিমতো টান এসে গেছে। আমার দাদা নেই বউদি নেই, সত্যি যদি চন্দন আমাদের ছেড়ে চলে যায় রঞ্জুদি তোমরা আমাদের একটু দেখো।'—বলতে বলতে শিল্পী কঁদে ফেলল।

আবহাওয়াটা ভারী হয়ে গেছে। তারই মধ্যে আমি সবেদন নীলমণি প্রিন্স রেস্টোরাঁর তিনটি বিল বার করি। যেন যাই ঘূঁকি না কেন এগুলো আমাদের স্বীকৃত দায়। বলি—'আমি ভাই কোয়ালিফাই করিনি। সিনেমা কোথায় ওখানে? ওই তো 'বিচিত্রা' যা হচ্ছিল ছোট বউ না বড় বউ না সখা-সখী ও সব আমি দেখতে যাব বলতে পারিনি। আমার পারফ্যুম চাই না।'

'জয় করে তবু ভয় কেন তোর যায় না রে? ' কাজলা খাঁক খাঁক করে উঠল। 'যেখানে ডাল হল নেই, ডাল ছবি নেই সেখানে তাদের মতো রুচিশীল রুচিশীলারা কী-ই বা করতে পারে ও! শালবনে আমবনে তো বেড়িয়েছিস তাতেই হবে। সুমিতা ওকে ওর গিফটটা দিয়ে দে।'

সুমিতা আমার হাতের মধ্যে জোর করে জিনিসটা গুঁজে দিল।

'তা সে যাক', কাজলা বলল, 'সে কী বলে? সেও কি সমিতি হয়ে যাবে?'

‘তোমার বর তো এক রকম সম্যাসীই কাজল। সে কথা তুমি নিজেই জানিস। পার্কের মধ্যে পাকাল হয়ে বাস করবার সহজাত ক্ষমতা নিয়েই উনি জন্মেছেন। শ্রীরামকৃষ্ণ যাকে কুটীচক বলতেন, যাকে তীর্থ যেতে হয় না, ঘরে বসেই তীর্থফল লাভ করেন, উনি তো তাই।’

‘খুব যে তেল মারছিস!’ বলে বটে, কিন্তু কাজলার মুখ জ্বলজ্বল করে।

‘সুমিতা, তোর কী হল?’—মালবিকাদি জিজ্ঞেস করে

‘কিছুই হল না’—রুমাল দিয়ে মুখ মুছে সুমিতা বলল।

‘আমি বললুম—‘তুমি হলুদ টাঙাইল পরে সোনালি পরীটি সেজে যাসনি?’

‘গিয়েছিলাম তো। হলুদ কী করে জানলি?’

‘আমি যে একটু-আধটু লিখি ভাই। তা প্রজেক্ট ফাইল বার করে কোয়েন্সনের দিসনি?’

‘তা-ও দিয়েছিলাম। তোকে কে বলল?’

‘আমার মন। তারপর পার্কসার্কাস কনেস্ট্রের কাছে তোমের রাঁদেড়ু ঠিক হয়নি।’

‘তা-ও হয়েছিল। এটাও কি লিখিস-টিখিস বলেই জানতে পারলি?’

‘বলতে পারিস। তো তারপর?’

‘তারপর বালিগঞ্জ ফাঁড়ির কোয়ালিটিতে এক দিন, গ্র্যাভে এক দিন।’

‘তো সে বিল কোথায়? বললি যে জেরক্স করে দিবি?’

‘করা হয়নি, হারিয়ে গেছে, তোমের বিশ্বাস করবার দরকার নেই।’

‘সিনেমা, থিয়েটার, রবীন্দ্রসদন, অ্যাকাডেমি, শিশির মঞ্চ, নজরুল মঞ্চ, মধুসূদন...’

‘কিছু না, কিছু না। একটা সিটিং শুধু হয় সাহিকোঅ্যানালিসিসের।

তাতেই বুঝে গেলাম।’

‘কী বুঝলি?’

‘পারফেক্টলি নম্যাল, সেনসিবল, সেন জেস্টলম্যান। আমি কোনও নতুন মাত্রা আবিষ্কার করতে পারিনি।’

মালবিকাদি নিপুণ কায়দায় ওর মুখে একটা মাংসের চপ ঠাসে দিতে দিতে বলতে থাকল ‘বলিনি? বলিনি? কাজপাগল, বেরসিক। জানিস তবুও আমার ভয় ছিল যদি কিছু কেলো করে। ফিফটিস পর ছেলেরা একটু ইয়ে হয়ে যায় তসলিমা বলেছে।’

‘তা কী বলে খেতে নিয়ে গেলি?’

‘আরে তুমি তো জানোই তোমার উনি খাইয়ে বাড়ির ছেলে। আমি যেই সাজেস্ট করেছি কোথাও বসে একটু খেতে খেতে আমি কোয়েন্সনেরাটা পড়ে যাব, আর উনি ইয়েস, নো গুলো বলে যাবেন, অমনি রাজি হয়ে গেলেন। এক দিনই মাত্র চেষ্টার অ্যানালিসিস করতে নিয়ে যেতে পেরেছি।’

মহা উৎসাহে মাংসের চপ তুলে নিল মালবিকাদি।

কাজলা বলল—‘একটু মাস্টার্ড দে না রঞ্জু, শিল্পী মাস্টার্ড নিবি না?’ শিল্পী মাথা নাড়ল—‘না।’

কাজল বলল—‘নে না, মাস্টার্ড ছাড়া কি মাংসের কথা জমে? দ্যাখ শিল্পী, কথটা বলে তোকে একটু সাবধান করে দিতে চাইলুম, আর কিছু না। তুমি যে মনে করিস, খালি হরেক রকম সাজগোজ করলে আর শুচ্ছের রান্না করে খাওয়ালেই সবাব মন পাওয়া যায়, এ ধারণাটা তোর ঠিক না। সম্যাস-টম্যাস কিছু না। কিন্তু এর যে আধ্যাত্মিক দিকে প্রবল ঝোঁক, এটা তুমি জানতিস? এ সব কথা ও তোকে বলেওনি, কেন না ও তোকে ইমম্যাচিওর মনে করেছে। সেই ইমপ্রেশনই তুমি ওকে দশ বছর ঘর করার পর দিয়েছিস। তুমি মনে করছিল ওর ডেপ্‌থ নেই, ও মনে করছে তোর ডেপ্‌থ নেই। এখন তুমি জানলি, এই জায়গায় তুমি ওকে কম্প্যানি দে, ঠাট্টামাশা না করে, তো দেখবি তোর নিমাই ঘরেই আছে।’

শিল্পী বলল—‘সত্যি বলছ?’—দু হাতে মুখ ঢাকল বেচারি। আঙুলের ফাঁক দিয়ে চোখের জল গড়িয়ে-গড়িয়ে পড়ছে।

আমরা মহানন্দে মাংসের চপ শেষ করে চা খাই। সুমিতার যেমন বাড়াবাড়ি। অত সাজগোজ, ফাইল-টাইল, ফোর্ড ফাউন্ডেশন, পার্কসার্কাস কনেস্ট্র, সাইকো-অ্যানালিসিস। বাঃ বাঃ। আমরা কেউই এত সব করিনি। তবে যার যার অ্যাপ্রোচ তার তার। তেমন তেমন অ্যাপ্রোচ হলে রিপ্রেচাও হবে।

‘তো মিয়ামটা এবার বার করি?’—শিল্পী মৃদু গলায় বলে। শেফালি দরজার কাছ থেকে বাণী দেয়—‘মুড়ি খেয়ে মুখ সোঁদা করে নাও সব। দাঁড়াও আমি বরফজল, সরতাঁজা সব রেডি করি।’

লাল টকটকে ঘন ঝোলের মধ্যে মাছের বলগুলো ভাসছে। ওপরে কিছু বড় বড় তুলসীপাতা ছড়ানো।

মালবিকাদি বললে—‘কি রে আমাদের পূজো করবি নাকি? নৈবিদ্যি উচ্ছৃগু করেছিস মনে হচ্ছে।’

শিল্পী বলল—‘যা দেবী সর্বভূতেষু কাজলদিল্লপেণ সংস্থিতা’

সুমিতা বলল—‘যা দেবী সর্বভূতেষু মালবিকারূপেণ সংস্থিতা’

কাজল বলল—‘যা দেবী সর্বভূতেষু ঢাকাইরূপেণ সংস্থিতা, সী-ব্রিন ঢাকাইটা আমি সুমিতাকে দিচ্ছি, আমাদের মধ্যে দিয়েই ও বাজি জিতেছে বলে, আর আমার একটা ফোকাটিয়া বালুচরি লাভ হয়েছে বলে...।

শেফালি কখন এক শীখ নিয়ে এসেছে ভগবান জানেন। হাততালি দিয়ে উচ্চৈঃস্বরে বলে ওঠে ‘নমস্তসৌ নমস্তসৌ নমস্তসৌ নমো নমো।’ তারপরে শীখ বাজিয়ে দেয়।

তো মিয়ামের তাই-বাটিতে তাই-চামচ ডোবাই আমরা কোপার গঙ্গাজলে যেন কুশি ডোবাচ্ছি। তারপরেই ওরেবাপুঁ চাঁদি পর্যন্ত জ্বলে যায়।

এইভাবেই হেসে, কঁদে, কেশে, জ্বলে আমাদের আড়ার দ্বিতীয় অধিবেশন শেষ হয়।

পরিশেষ

শিল্পী আর মালবিকাদি চলে গেল সবচেয়ে আগে। তারপর কাজলকে নিতাইয়ের রিকশায় তুলে দিই। সুমিতা টয়লেটে গেছে। একটু পরে লিপস্টিক, রাশার সব মুছে, মুখচোখ থেকে জল বরাতে বরাতে এল। ব্যাগ থেকে ভেসলিন বার করে চোঁটে লাগাল। বলল, 'ওরা সব চলে গেছে? কাজলদিটা শিল্পীকেও খুব একছাত্ত নিল, না?'

'তুইও নিলি কম নয়, আমাদের সবাইকে।'

'আমি আবার কী নিলাম?'

'সত্যি কথা তো বলিসনি।'

'বুঝতে পেরেছিলি? কী করে?'

'বা রে আমার কল্পনার হলুদ শাড়ি, ফাইল, প্রজেক্ট, কোয়েন্সনের সবই মিলে গেলেও বুঝব না? তা ছাড়া তুই তো আমায় সব বলবার জন্যেই সময় নিচ্ছিস।'

'বলব আর কী! মুখটা আমার বীভৎস লাগছে না? চোঁটাটা ঝুলে যায়নি?'

'কোন বীভৎস? আগেকার মানে না এখনকার?'

'আগেকার, আগেকার।'

'মুখটা একটু ফোলা ফোলা লাগছে বটে, চোঁটাটাও তাই, কী ব্যাপার?'

'ব্যাপার আর কী? বিকাশকান্তি ন্য্যানাল।'

'সত্যি? সুমিতা!'

'কাল্পীপদর মা ছিল বলে কোনওমতে বের্চেছি। চেষ্টারে ঘটে। এক সপ্তাহেও দ্যাখ দাগগুলো যায়নি।'

'বলিস কী? এ যে বীভৎস ডাইমেনশন? দাঁড়িয়ে আছিস কী করে?'

'সাইকলজির লোক' মনে রাখিস কিন্তু মুশকিল হল এ কথা কি মালবিকাদিকে বলা যায়?'

'শুভমকেই বা কী বললি?'

'সে তো একটা গাধা। পুরনো পেয়ারের কথা দিদিভাইটিকে বলতে পেরে তার এখন এমন কাথারসিস হয়ে গেছে যে সে আর কিছুই লক্ষ করছে না। সে ভেবেছে সে-ই এমনটা করেছে।'

হাসব না কাদব ভেবে পাই না। বলি—'তা তুই জানতিস ওর ওই বাদল দিনের প্রথম কদম ফুলের কথা?'

'জানব না? খাপার মতো হয়ে গিয়েছিল তো। তাইতেই তো নিলয়দা আমায় বলল, 'সুমিতা, তুমি তো সাইকলজির লোক, দেখো তো কিছু করতে ১২৬

পারো কি না? তোমাকে অনেকটা ওই মেয়েটির মতো দেখতে!'

'তুই এত বড় রিসক নিলি?'

'দ্যাখ রঞ্জুদি, আমি সাইকলজির ছাত্রী। মানুষের মন জানা আর তার ওপরে কন্ট্রোল এনে তাকে সারিয়ে তোলা এর চেয়ে বেশি ইনটারেস্ট আমার কিছুতেই নেই। বিকাশকান্তিরটাতে ভয় খেয়ে গেলাম। তবে সত্যি কথা বলতে কি মালবিকাদি যে আকর্ষণ-বিকর্ষণের তত্ত্ব বলে গেল, সেটা আমার একেবারেই মাথায় আসেনি ভাই।'

'মালবিকাদির তা হলে গুরুমারা বিদ্যে বল।'

'তাই তো দেখছি। খালি নিজের কেসে বেচারি সুবিধে করতে পারল না।'

'চলি রে রঞ্জুদি—চট্টতে পা গলিয়ে সুমিতা 'সাইকলজির লোক' চলে গেল তখন আটা বাজে বাজে।

ঘরটা ইতিমধ্যেই পরিষ্কার-পরিচ্ছন্ন করে দিয়েছে শেফালি। এখন ঢুকলে আর মাছ-মাংস বিভিন্ন রকম পারফ্যুমের গন্ধ পাওয়া যাচ্ছে না। একতলার ঘর হলেও কনর প্রট বলে খুব হাওয়া আসছে জানলা দিয়ে। আর সেই সঙ্গে ঘরময় ছড়িয়ে যাচ্ছে যুথীর গন্ধ। কেয়ার বন্যতাও কি একটু মিশছে তাতে? মালবিকা সান্যালের মুখ উড়ছে যুথীর গন্ধে, কেয়ার সাদায় মুখের রেখাগুলো সাদা হয়ে যাচ্ছে।

দরজার বেলটা বাজল। শেফালিকে বললুম—'দ্যাখ তো, বোধ হয় দাদা এল।'

'দাদা তো কতক্ষণ আগেই এসে গেছে। তোমরা হাল্লা করছিলে বলে বুঝতে পারোনি। সে এখন চান-চান করে পাজামা পাঞ্জাবি পরে তোমার গোলাপ ফুলের সুবাস নিচ্ছে গো।'

'আচ্ছা যা যা, এখন দেখ তো কে এলো।'

একটু পরে যিনি এসে দাঁড়ালেন তিনি অধ্যাপক গঙ্গাপ্রসাদ মিত্র। গেরম্বা পাঞ্জাবি, কাচি ধুতি, কাঁধে শান্তিনিকেতনি ঝোলা।

'আপনি?'

'কাজল, মানে কাজল এখনও...এখানে আছে...নিত'

'সে কী? কাজল এখনও পৌঁছয়নি? এই তো আধঘণ্টা আগে রিকশা করে চলে গেল।'

'না...মানে আমি...কলেজস্ট্রিট...মীটিং...স্ট্রেইট...তাই...'

'আপনি বসুন। চা খাবেন তো?'

'হ্যাঁ...তা...না...যদি...'

গঙ্গাপ্রসাদ একটা সোফায় বসে মুখ নিচু করে অন্যমনস্কভাবে নিজের পাঞ্জাবির কোল দেখতে লাগলেন।

আমি শেফালিকে বললুম—'তার দাদাকে ডেকে আনতে।

'হিনি অধ্যাপক গঙ্গাপ্রসাদ মিত্র, কাজলের স্বামী', আমি পরিচয় করিয়ে দিই,

‘আর ইনি আমার স্বামী নিরুপম...’

‘ও, আচ্ছা’ হাত তুলে নমস্কার করল নিরুপম। কাউন্সিলরের কাছে মানুষ নানা প্রয়োজনে আসে।

গঙ্গাপ্রসাদ ফিকে একটু হাসলেন। প্রতি-নমস্কার করলেন না। ভুলে গেছেন।

আমি দুজনকে বসিয়ে চা আনতে যাই। শেফালিগির্গি বললেন ‘এই গরমে অসময়ে চা দেবে কেন বউদি, বরং তোমার সেই জিরের শরবত করে দাও।’

সেটাই তৈরি করছি, সারাদিনের আড্ডার রুহিতিতে হাত চলছে না, নিরুপম রান্নাঘরে এসে ঢুকল, বলল—‘উনি কোনও কথাই বলছেন না আমার সঙ্গে, বোধ হয় তোমায় কিছু বলতে চান।’ ‘তোমায়’ কথাটির ওপর অস্বাভাবিক জোর দিয়ে নিরুপম সিঁড়ি বেয়ে ওপরে চলে গেল। হাওয়াই চম্পলের আওয়াজটা থ্যাপ্ থ্যাপ্ করে কানে বাজতে লাগল।

আমি শরবত নিয়ে বসার ঘরে ঢুকতেই গঙ্গাপ্রসাদ শশব্যস্তে উঠে দাঁড়ালেন। কাঁধের ঝোলা পড়ে গেল। চশমা খুলে এল, উনি চশমা পরে নিলেন, ঝোলা তুলে নিলেন।

এ কী ? উনি কি আমার হাতের শরবতের গ্লাসটা দেখতে পাচ্ছেন না ? অদ্ভুত তো ! ঝোলা থেকে একটা বই বার করে শরবত-এর ওপর রাখছেন, চোখ কোথায় ওঁর ?

“বাসমতীর উপাখ্যান”...জীবনানন্দ...মানুষ নয়...দেশ ভাগ...একটা জায়গা... সম্পাদনা দেবেশ রায়... প্রতিক্রম... পড়েননি... বার করেছে... পঞ্চম খণ্ড... অনেক পরে...’ কাঁপা কাঁপা ব্যারিটোনে থেমে থেমে এই কথাগুলো উনি বলে যেতে থাকলেন যেন ওঁর বক্তব্য কখনও শেষও হবে না, সংলগ্নও হবে না।